




EX BIBLIOTHECA
DOMINICANORUM
MONTIS POLITIANI
1786.

15.6.129



SCRUTINIUM
DE OPINIONIBUS
IN PRAXI DELIGENDIS.

*Deposita Bibliothecae S. Agnetis
Anno 1720. De dono Melchioris.*

THE UNIVERSITY OF CHICAGO

DEPARTMENT OF CHEMISTRY

RECEIVED

APR 11 1961

SCRUTINIUM DE OPINIONIBUS

IN PRAXI DELIGENDIS,

*In quo solidè, ac unicè statuuntur morum regula,
apparentibus Probabilismi fulcimentis dilucidè
examinatis, ac rejectis.*

DUABUS INTERPOSITIS APPENDICIBUS,

Quarum unâ Joannes de Cardenas, alterâ verò Nicolaus
Peguleti confutantur.

OMNIA JUXTA ILLIBATAM DOCTRINAM
ANGELICI, & QUINTI ECCLESIAE DOCTORIS
D. THOMÆ AQUINATIS

AUCTORE

P.F. DOMINICO MARIA MOLINARI

DE SARZANA,

Ordinis Prædicatorum, Sacræ Theologiæ Professore,
ILLUSTRISSIMI, AC REVERENDISSIMI DD.

AMBROSII SPINULÆ

EPISCOPI LUNEN. SARZANEN. THEOLOGO,

*In ejusque Diœcesi, nec-non & San-Severini
Synodali Examinatore.*



Massæ, Typis Jo. Baptistæ Frediani, & Fratr. Typ. Duc.

SUPERIORUM PERMISSU. MDCCXXV.

THE HISTORY OF THE

REPUBLIC OF THE UNITED STATES OF AMERICA

FROM 1776 TO 1876

BY
JAMES M. SMITH

NEW YORK
PUBLISHED BY
THE NATIONAL HISTORICAL PUBLICATIONS SERVICE

WASHINGTON, D. C.

1976

THE NATIONAL HISTORICAL PUBLICATIONS SERVICE
WASHINGTON, D. C.

STUDIOSO LECTORI

JOANNES BAPTISTA IVANI

Sarzanensis Patritius

FOELICITATEM .

CUM ad manus meas præsens pervenisset Opus, indignum putavi umbris esse condemnandum, quin potius clarissimæ luci donandum, ad Confessoriorum præsertim mentem illustrandam : Idcirco rem toti Litterariæ Reipublicæ perutilem me facturum non dubitavi, si Typis evulgandum curarem . Ut statui, ita nunc perficio; & hoc tantum precor, ut ausui meo parcat Author, estò cognatione mihi affinis . Tu Lector, libenti animo suscipe, quod tibi Veritatis amore, ac sincero corde exhibeo . Faxit Deus ut proficias; proficies autem si citra passionem leges . Vale hic, & in æternum valeas .

Cum Opus, cui Titulus *Scrutinium de opinionibus in praxi deligendis*; Autore P. F. Dominico M. Molinari de Sarzana Ordinis Predicatorum S. Theologiae Professore, Illustriss. ac Reverendiss. DD. Ambrosio Spinula Lunen. Sarzanen. Antistitis Theologo, ejusque in Diœcesi, necnon S. Severini Synodali Examinatore, attentè perlegerim, nihilque in eo Orthodoxæ Fidei dogmatibus, bonisque moribus dissonum, quin imo mira undequaque doctrinæ eruditione refertum, validissimo rationum præsidio munitum, conscientiarum indemnitati apprime consulens, proindeque Confessariis, aliisque S. Theologiae Professoribus plausibile, ac perutile deprehenderim; Illud propterea prælo, si iis, ad quos spectat videbitur, dignissimum censeo Kalendis Junii anno septingentesimo vigesimo quarto supra millesimum, Ego Franciscus Stecca Insignis Collegiatæ S. Petri de Massa Canonicus, & pro S. Inquisitionis Officio librorum Censor &c.

Die 13. Septembris 1724.

Imprimatur Fr. Jo. Franciscus Arrighius.
Augustin. Commiss. S. Officii Massæ, &
Carrariæ &c.

Joseph Guerra Massæ Abbas pro-Illustriss. & Reverendiss: DD. Episcopo.

Scipio Comes de Jandominiciis pro S. C. S.

PRÆFATIO AD LECTOREM.



Uide de me mirans dicturus sis (amice Lector) en prævideo, quod de primo Israelitarum Rege stupentes dicebant non-nulli, Num & Saul inter Prophetas [1. Reg. 10. 11.] Interea dum inter tot alios prodire præsens meus Tractatus, id præferens quod includit, claram quippe illius falsitatis detectionem, qua plena sunt ea morum documenta, qua veram, sanamque Theologiam habebimus excruciare, multòque magis Fidelium, ac Sacerdotum Confessiones. Fidelium excipientium animabus obesse nec desierunt, nec etiam nunc desinunt. Desines autem tu mirari, si perpendes me quantumvis indignum, discipulum tamen esse magni illius Thoma, qui præ abundantia sapientia sua Prophetas facit Successores post se. (ex Eccli. 48. 8.) Quidni & ego tali fratri præsidio, ejus generis Prophetarum laudabilem chorum ingredi ausim, quibus cum insigni laude, Sancti Doctoris Spiritu, ac Sapientia insignitis, hæresibus extinctionem, vitiis censuram, laxarum opinionum Scriptioribus correctionem, Veritati demum triumphum prædicere fuit cœlitus concessum? Quod & eò fortiori aggredior animo, quò me fortius impellunt, & ferè compellunt duo: Unum ut Amicorum votis, ac Superiorum voluntati morem geram, quod Opellam hanc, transactò integro annorum novem supra viginti in Philosophia, ac Theologia tam speculativa, quam morali legenda cursu, a me compositam publica utilitati haud parum profuturam senserint. Alteram

an-

autem, quod ex indefessis in re morali studiis, magnam
 laxarum falsarumque opinionum in perditionem Fidelium,
 ex recentiorum Casuistarum scriptis depromptarum, co-
 piam, nec-non ex assidua Pœnitentiæ Tribunalis praxi,
 funestam in dirigendis animarum conscientiiis Confessa-
 riorum ignorantiam mihi contigerit detexisse. Hos ut
 in ediscenda veritate instruere valeam, Opus morale spe-
 culativum simul, ac practicum, Deo dante, sum editu-
 rus, in quo precipuas, ac fundamentales eas discussurus
 sum Quæstiones, quæ pro Sacerdotibus ad Confessiones
 rectè excipiendas sufficienter instruendis sunt aptiores.
 Verùm præpediente mo tum continuo legendi, concionan-
 di, & Confessiones audiendi officio; tum superadiuncta
 corporali valetudine, studiorum præsertim causa contra-
 ctu, quominus exequi valeam quod decrevi, decretum-
 que meum propositum interveniente morte forsan eva-
 nesceat: Idcirco exiguum hoc Volumen [quod aliàs pars
 una foret illius] separatim præmittendum duxi; quo ex
 ea re, quæ inter ceteras res morales præcipuum (ni fal-
 lor) obtinet locum, collucescat veritas interim illustra-
 tura nedum Candidatos, verùm etiam ipsos [si qui sint
 inter Confessarios aliosve Altaris Ministros] quorum ob-
 scurata menti impressa hæreant pseudo-principia, quibus
 nimis pleni sunt libri Casuistarum quamplurium, & qui
 in dies subiecto prælo in lucem eduntur. Ceterum spes est
 mihi futurum quod est in votis. Siquidem tota illa,
 quam tibi propino, doctrina, ex genuina Theologorum Prin-
 cipis, mei, totiusque Orbis Magistri doctrina est deprom-
 pta: Qui cum sine ullo proflus errore scripserit, ut
 fert Authentica Clem. VIII. (in Brevis ad Neapolit. anno
 1603.) cumque contineant illius Codices Doctrinam ve-
 ridicam, prout declaravit Urb. V. [in Bulla incipiente
 LAN-

Landabilis Deus, anno 1370.) & Veritatem Sententiarum, juxta Inn. VI. Oraculum (in Orat. de laudibus Divi Tb.), hinc, inquam, nullo negotio inferes, hunc quoque Tractatum Veritatem complecti, & consequenter propositiones, Doctrina hic stabilita oppositas, esse falsas. Quoniam autem Veritas est ex sua natura manifestissima sui inter tot opiniones falsas, a moderno Probabilismo, videlicet a ficta quadam Veri apparentia adinventas, certus esto quod postquam pacato animo, rectaque inveniendæ Veritatis intentione Opus hoc perlegeris, ejusdem Veritatis lumine collustratus, doctus, sanusque Moralista, imò & idoneus animarum OEconomus (si hoc mea ad bonorum Largitorem fusa preces merebuntur) efficieris .

Tria tamen sunt, quorum te monitum velim .

Primum est propter non paucos ex Clericorum numero, quos mihi satis constat esse Dialecticæ Facultatis prorsus ignaros, ac proinde vocabulorum majoris, minoris, antecedentis &c. penitus inscios: Hinc quamvis contra inclinationem mihi propriam, inter explicitè probandas meas propositiones, dictarum vocabulorum usu Scholasticas formalitates prætermisi ; sine quibus implicito modo, probationes argumentis prout opus erat inferui, ita ut non-nullum nitore scholastici styli, mihi aliàs inter scribendum, ac disputandum consueti, intulerim detrimentum : Idque ut pro viribus unicuique prodessem, atque ad rerum intelligentiam etiam minus eruditis, non sine proprio damno, viam aperirem .

Secundum : Tametsi jam a me completa secunda ex duabus, quas huic Operi intexui, Appendicibus, vetitum fuerit a S. Indicis Congr. Opus Nicolai Peguleti, [intellige P. D. Gabrielis Gualdi Vicentini Cler. Reg.]

a me

et me impugnatum, nihilo tamen minus eam edere statui, idcirco in gratiam illorum, qui cum debita licentia dictum prænominati Authoris Opus imposterum essent lecturi, sed & insuper, quod bene multas complectatur prænemorata Appendix notitias, ac doctrinas, quibus totum hujus Scrutinii corpus magis magisque elucidatum remanet.

Tertium denique observandum est, quod tum in recensendis nominibus, tum in refellendis multorum Probabilissimarum opinionibus, debitam illis reverentiam, seu existimationem minui nullatenus opto; sed id unum volo, percipiant nempe Christi-fideles, ac discernant verum a falso: Unde verbis utar Eminētissimi Cajetani: [in procem. 1. p. D. Th.) Personis nullo pacto, Opinioni- bus verò, non-nisi ut dissonant, adversari intendo.

Qualis autem, & quanta sit dissonantia quarundam ex opinionibus, quas velut irrefragabiles harum Authorum, horumque Pedissequi apertè decantant; ex paucis, quas tuis subiicio oculis, tu, nondum etiam hoc lecto tractatu, judicare poteris; videlicet, quod Consultus quis de aliqua re, potest respondere secundum opinionem, quam ipse minùs probabilem, imò falsam judicat. Quòd Opinio minùs probabilis est tutior probabiliori: Quòd Potest quis operari secundum opinionem unius gravis. Recentioris contra communem, & contra propriam opinionem, quamvis judicet illam esse falsam ex principiis intrinsecis: Quòd Omnes opiniones probabiles, sunt per se æquè tutæ, ac securæ: Benigniores, etsi aliquando sint minùs probabiles, per accidens sunt semper utiliores, & securiores. Quid igitur (studiose Lector) de his, ac aliis hujusmodi propositionibus tibi videtur? Et tamen hæc omnes,

&

& alia quamplures, a falsis principiis moderna Probat-
bilitatis, in quam scribo, regulantur.

De cetero meas sustine imbecillitates : Etenim sin-
minus in Doctorum Gazophilacium auri argenti-ve mo-
netas subministrare queo, saltem pro parvo meo capite
minuta aris duo libenter, & humiliter subministro. Vi-
ve, vale, & cave ne carpas nisi eam, quam in meis
Scriptis invenies, (quod absit) periodum, Sanctæ Sedis
correctioni, ac censura non submissam.

I N D E X

R E R U M N O T A B I L I U M .

- A**dvocatus in patrocinandis causis quam Opinionem sequi, & quomodo se gerere teneatur. Pag. 274.
- Antiqui DD. quomodo se habuerint in moralibus circa practicam electionem probabilium Opinionum. 173.
- Antiq. DD. regulæ in operando quæ-nam fuerint. 187.
- Auctores graves qui-nam sint nec-ne. 115.
- Authoritatibus multis probatur, non esse licitum minus probabilia in praxi eligere probabilioribus omissis. 6.& 36.
- Cardinales probabilioristicæ Sententiæ fautores. 41.
- Certitudo moralis de licetitate actus, est necessaria ad rectè operandum. 65.
- Certitudo physica vel metaphysica non est necessaria ad licitè operandum. 121.
- Concilium Generale Viennense favet probabilioristicæ Doctrinæ. 227.
- Confessarius non tenetur nec potest absolvere Pœnitentem secundum illius opinionem minus probabilem contra propriam opinionem probabiliorē. 297.
- Confessarius*. An possit dissimulare ut Pœnitens permaneat in opinione minus probabili, aut etiam falsa. 305.
- Conscientia quid sit. 65.
- Conscientia*. Unusquisque debet formare conscientiam ex propria scientia. 98.
- Doctores præcipui, ac numero plures, Probabilioristicam Doctrinam tuentur. 49. & 139.
- Dubium practicum clarè explicatur. 77.
- Dubium*. Distinctio illa de Dubio speculativo, & practico quoad sequelam Opinionis minus probabilis in concursu probabilioris, inanis demonstratur. 63.
- Dubium*. Adducitur, explicatur, & contra Adversarios ad rem nostram propugnatur illa Juris regula: *In dubiis auctoritas est eligenda*. 78.
- Du-

Dubius est, non solum speculativè, sed etiam practicè, qui sequitur Opinionem minus probabilem in probabilioris concursu. 74.

Electuarium in modica quantitate sumptum per modum medicinæ Ecclesiasticum jejunium non frangit. 137.

Episcopi Probabiliorismi Defensores. 47.

Excommunicatio. Dubius an excommunicatio contra se lata, sit valida, tenetur se gerere tanquam Excommunicatum, & ad cautelam absolutionem petere. 250.

Formido logica in probabilitate secundum se ac speculativè sumpta, bene cohæret cum certitudine morali, necessariè requisita ad licitè operandum. 65. & 128.

Formido moralis necessariè evitanda est ad licitè operandum, juxta D. Thomam. 12.

Ignorantia vincibilis & culpabilis dari potest, ac datur in Opinione probabili, concurrente probabiliori. 149.

Imprudencia. Maximæ imprudentiæ argumentum est, magis probabilia, & tuta, minus probabilibus, ac incertis postponere. 109.

Innocentius XI. positivè non approbens propositiones non contentas in suo Decreto condemnativo aliarum sexaginta quinque, dicitur potius eas negativè reprobare. 184.

Intellectus constitutus inter partes contradictionis æqualis probabilitatis, naturaliter manet suspensus, nec ex voluntatis impulsu potest in alterutram flecti. 207.

Intellectus nequit ullatenus opinari de Sententia minus probabili, actualiter concurrente probabiliori. 68.

Joannes de Cardenas in materia Probabilitatis fuscè impugnatur. 135.

Judex. Plura de Judice circa praxim in dubiis tam Juris, quam facti explanantur. 258.

Judicium reflexum, in quo Probabilistæ statuunt fundamentum de licita sequela Opinionis minus probabilis in consensu, tanquam inutile multipliciter rejicitur. 64.

Lex de sequela Opinionis probabilioris, lata est, & sufficienter promulgata. 102.

Medicus. Quomodo se gerere debeat Medicus in ordine ad eligenda pharmaca pro curandis Infirmis. 265.

Mo-

Modus opinandi apud recentiores Probabilistas, quomodo reprobetur ab Alex. Papa VII. 162.

Morum bona regula, mera Probabilitas in conflictu, utcumque sumpta, esse nequit. 169.

Natalis Alexandre defenditur ab incongrua Peguleti reargutione. 190.

Opinio non est virtus. 94.

Opinio benigna quæ-nam verè dicatur, & sit. 123.

Opinio probabilis quomodo dubitationem aut formidinem importet, explicatur. 159.

Opinio. Inter Opiniones æquè probabiles, contradictionè oppositas, illam necessariò eligendam esse in operando quæ favet Legi, amplè demonstratur. 243.

Opinio. Non licet sequi Opinionem probabilem libertati consonam, quando tuta non est, relicta minus probabilis in conflictu, sed tuta, & stante pro Præcepto. 287.

Opinio. Explicatur sensus illius damnatæ propositionis: *Non licet sequi Opinionem vel inter probabiles probabilissimam.* 295.

Opinio. Casus funestus de Philippo Universitatis Parisiensis Cancellario, quoad delectum Opinionis minus probabilis. 1.

Peccatum. A peccato formali non excusatur eligens in praxi Opinionem minus probabilem in probabilioris conflictu. 105. & 107.

Peguleti nonnulla Epitheta iniuriosa contra quosdam Probabilioristas recensentur. 182.

Periculum, etiam tantummodo probabile, peccandi mortaliter, est sub mortali evitandum. 15. & 57.

Probabile, minus probabile, ac probabilius, quid sint explicatur. 2.

Probabile, dicitur dupliciter. 4.

Probabile. Quæ-nam sint, & dicantur Probabilia. 96.

Probabilistarum Sententia in intimis præcordiis vulnus passa est ex condemnatione tertiæ inter 65. propositiones ab Innoc. XI. reprobata. 100.

Probabilistæ nonnulli, Probabilioristæ evaserunt, sed non e contra. 51.

Pre-

Probabilitas . Quomodo intelligatur, non esse licitum respectu unius & ejusdem intellectus sequi Opinionem minus probabilem faventem libertati, concurrente ac relicta opposita probabiliori, stante pro lege. 4.

Probabilitas . Clarissimè, ac fusè probatur Autoritate D. Thomæ, non esse licitum sequi Opinionem minus probabilem modo dicto. 6.

Probabilitas . Vindicantur aliqui Thomistæ a recentiorum Probabilistarum notis, ac præcipuè P. Pauli Segneri Soci. Jesu. 24.

Probabilitas . Per sexdecim ferè Redemptionis Sæculi inaudita fuit modernæ Probabilitatis Doctrina. 1.

Probabilioritas . Ad firmandam Probabilioritatis Doctrinam adducuntur plurimæ Authoritates, præsertim S.R.E. Cardinalium, Religiosorum Ordinum, Episcoporum, Universitatum, ac plurium in specie Thomistarum. 41.

Probabilitas . Inconvenientia non-nulla innuuntur, ex sequela Opinionis minus probabilis in consensu provenientia. 88.

Probabilitatis Quæstio a multis non intelligitur, & quinam isti sint. 141.

Regula illa, *De duobus malis minus est eligendum*, in suo legitimo sensu explicatur. 263.

Regula illa Juris, *In pari delicto, vel causa potior est conditio possidentis*, solum verificatur (proprie loquendo) in materia Justitiæ, & non aliarum Virtutum, adeoque neque in dubiis Juris, & Opinionum. 247. & 256.

Religiosorum Ordines, Probabiliorismi Defensores. 42.

Rex in indicendo bello, imponendis tributis, mutandis monetis &c. quam Opinionem sequi debeat. 167.

Sacramentum . In Sacramentorum administratione quænam Sententia necessariò eligenda sit : Ubi & de Jurisdictione. 279.

Sententias aliquas benignas docuit S. Thomas, sed non in sensu, & ad mentem Probabilistarum. 18.

Subditus in Opinionum dubiis an & quomodo teneatur Superiori obedire. 279.

Thomæ Aquinatis, Sanctissimi Ecclesiæ Doctoris Encomia.

nia non-nulla recensentur .

233.

Thomistæ insigniores, ac ferè omnes cum Angelico suo
Præceptore stant pro sequela Opinionis probabilioris in con-
flictu; eorumque non-nulli adducuntur .

6. & 43.

Thomistarum coherentia circa Probabilioritatis doctrinam ostenditur contra Cardenas .

Tutum, minus tutum, ac tutius, quid significant . 2.

Venialia peccata, secundum mentem Divi Thomæ, cadunt sub annuæ Confessionis Ecclesiastico Præcepto . 193.

Volumina quædam in re morali legenda enumerantur .

324.

Votum. Dubius de emissionem Voti, non tenetur Voto. 253.

SCRU-



SCRUTINIUM

DE OPINIONIBUS IN PRAXI DELIGENDIS:

Quo contra moderna Probabilistarum placita potissimum
examinatur .

N sit licitum sequi Opinionem minus probabilem faventem libertati, concurrente, ac relictâ oppositâ probabiliori, quæ favet Legi .

Enimvero dico : Non esse licitum, respectu unius & ejusdem intellectus, sequi Opinionem minus probabilem, faventem libertati, concurrente, ac relictâ oppositâ probabiliori, stante pro Lege .

Antequàm probetur hoc Assertum, sit

§. I.

Præmittuntur aliqua pro majori Resolutionis, ac ejus probationum intelligentiâ .

SUMMARIUM .

1. **E**xplicatur quid sit Tutum, quid Probabile; minus Tutum, ac minus probabile; probabilius, ac tutius .
2. Quotupliciter aliquid sit, vel dicatur Probabile.
3. Asserti verba, & sensus dilucidantur .

A

1.

I. **P**Ræmitto primò, non esse idem *Tutum*, ac *Probabile*. Nam *Tutum* idem valet, ac *securum*: Et est illud, quod nos tuetur à peccato, seu in quo nullum est periculum lethaliter peccandi, aut faciendi contra legem Dei, saltem formaliter. *Probabile* idem sonat, ac *approbabile*, seu dignum approbatione: Et est illud, quod habet aliquam veritatis apparentiam, seu veri-similitudinem, non autem evidentiam, sicut scientia, aut certitudinem, sicut Fides. Unde sententia probabilis, seu Opinio, habet quidem nonnulla motiva, veritatem suadentia, & intellectum inclinantia, (& secundùm eorum majorem, vel minorem vim, denominatur sententia magis, vel minus probabilis, idest magis, vel minus vera seu conformis veritati,) sed tamen cum formidine alterius oppositæ opinionis, ut colligitur ex communi Doctore 1.p.q.79.a.9. dicente: *Opinio significat actus intellectus, qui fertur in unam partem contradictionis cum formidine alterius*. Ex quò clarissimè patet, non esse idem *Tutum*, ac *Probabile*. In cujus etiam signum plures opiniones circumferuntur, & vagantur ut probabiles, quæ tutæ non sunt: Et plus quàm centum ex ipsis ab Alex. VII. & Inn. XI. damnatæ fuerunt, ad minùs ut scandalosæ, & in praxi perniciosæ, quæ suis Patronis videbantur tutæ; & tales de factò non erant, aliàs proscriptæ non fuissent: Immò nec veræ probabiliter erant, etsi ut verè probabiles a pluribus decantarentur, & tamquam aptissimæ ad hominum actiones dirigendas.

Hinc fit. non esse idem *minùs probabile*, ac *minùs tutum*: Sicut idem non est *probabilius*, ac *tutius*. Plura enim sunt magis tuta, & tamen minus probabilia. Et è contra, plura sunt minus tuta, sed probabiliora: E.G.

E. G. non defunt qui asseverent, post commissam culpam lethalem statim esse Confessionem faciendam ex Divino præcepto sub mortali obligante, dummodò habeatur copia Confessarii. Hæc opinio est indubie tutissima, quia longissimè recedit a periculo peccandi, & legem transgrediendi, etiam solùm materialiter: At non est probabilior suâ oppositâ: Quæ licet sit minùs tuta comparativè ad suam contradictoriam tutiorem; quia tamen est tuta, idest, securè periculum peccandi evitans, etiam in concursu tutioris, (est enim moraliter certa, cum nulla sit assignabilis ratio sufficiens ad aliter sentiendum, nec ullum præceptum obligans sub mortali ad statim Confessionem faciendam,) idcirco potest ab omnibus, absque conscientiæ præjudicio, ad praxim deduci, quin adsit aliquod vinculum ad aliam tutiorem amplectendam adstringens. Non enim quis tenetur ex præcepto tutiorem semper viam eligere, sed sat est, si tutam prosequatur; Aliàs unusquisque deberet necessario Religionem intrare, ac Sæculum relinquere, cum per hoc tutius suæ provideat æternæ salutis; quod tamen non est dicendum. Dantur etiam persæpè quædam sententiæ, quæ probabiliores sunt simul, ac tutiores; Ut est illa, quæ asserit, Circumstantias peccatorum intra eandem speciem valdè notabiliter aggravantes esse necessariò in Confessione manifestandas: [Quæ tamen sententia dicitur tutior, non comparativè, quasi quod ejus opposita tuta sit, sed *adversativè*, ad aliam scilicet partem, quæ tuta non est, ut clarè ostendam in tractatu de Pœnitentia, q. 4. a. 1.) Quapropter *Tutius* & *Probabilius* quandoque, sed non semper in una eademque sententia coadunantur.

II. Præmitto secundò, aliquod esse probabile duplici-

ter, (& loquor de *Probabili* quo ad nos, idest respectu nostri intellectus assentientis, non autem de *Probabili* secundum se, idest, quod habet quidem à parte rei sufficientia argumenta, ut ei possit intellectus prudenter assentiri, sed ea ipsi intellectui non innotescunt, saltem ut ad assensum sufficientia,] nempe *speculativè*, ac *practicè*. Primo modo, quando ex aliquo motivo probabili intellectus fert iudicium de aliquo obiecto secundum se, & abstractè considerato, non spectatis hic, & nunc, juxta regulas Prudentiæ, circumstantiis. Secundo modo, quando hujusmodi circumstantiis, diligenter, ac prudenter inspectis, iudicat, actum aliquem omittendum esse, aut exercendum.

Insuper, *Probabile practicè*, adhuc dupliciter, seu potius ex duplici motivo, ac principio: Primò *intrinsecè*, seu ex ratione; Secundò *extrinsecè*, idest ab auctoritate DD., qui post diligentem veritatis inquisitionem, ac unâ & alterâ parte seriò ponderatâ, judicant aliquem actum esse licitum. Hæc autem probabilitas extrinseca magis a qualitate Doctorum, quam ab ipsorum numero, cæteris paribus, mensuranda est.

III. Præmitto tertio, Assertum signanter procedere *respectu unius & ejusdem intellectus*; ita ut fiat sensus, quod unus & idem intellectus, qui subiectivè, ac formaliter in se præstitit assensum alicui sententiæ, quam putat & cognoscit probabiliorem, non potest opinioni oppositæ, quam ipse iudicat minus probabilem, adherere, non solum in sensu composito, (ut scholasticè loquar,) retinendo scilicet assensum circa probabiliorem, [cum sit impossibile duabus propositionibus contradictoriis simul adherere, quia una earum debet in re esse necessariò vera

vera, & altera necessariò falsa, & aliàs intellectus non potest nisi vero, aut vero-simili assentiri,] sed nec etiam in sensu diviso, videlicet, relinquendo propriam opinionem probabiliorē, & alteri minus probabili adhærendo; Nisi superveniant ipsi motiva, & rationes fortiores, quæ rationabiliter, ac prudenter moveant ipsum intellectum ad relinquendum primum assensum & judicium, & aliud oppositum de novo efformandum, per quod opinio ipsi prius probabilior, transeat in minus probabilem, & opinio ipsi prius minus probabilis, in probabiliorē, eique assensum rationabiliter præstet. Cæterum si loquamur de diversis intellectibus, non est dubium, quòd opinio, quæ uni subiectivè est probabilior, potest eidem apparere minus probabilis, obiectivè, idest penes alium intellectum, qui illam subiectivè & in se ut verè minus probabilem judicat: & è contra. Tunc autem intellectus iste, qui subiectivè adhæret opinioni, quæ re ipsa est minus probabilis, si nullum respectum habeat ad oppositam probabiliorē, sibi ut probabiliorē ignotam, & adsit de ipsa invincibilis ignorantia, potest licitè suam opinionem sequi, quia tunc practicè apud se non apparet ut præcisè minus probabilis, sed ut undequaque moraliter certa, & tuta. Solùm ergo loquimur de uno, eodemque intellectu, ac de Sententia minus probabili in concursu, & cum relatione ad oppositam probabiliorē, & cognitam ut verè probabiliorē. His premissis instituitur.

§. II.

In quo adducuntur Authoritates, præcipuè D. Thomæ, in favorem nostri Asserti.

SUM-

1. **P**Lura & clarissima D. Thomæ testimonia evincunt non esse eligibilem sine culpa opinionem minùs probabilem faventem libertati, in conflictu probabilioris stantis pro lege.

2. Vindicantur nonnulli Thomistæ a Recentiorum Probabilistarum notis, ac præsertim cujusdam Anonymi.

3. Concordant in hac re cum D. Thomæ plures SS. Patres, Summi Pontifices, S.R.E. Cardinales &c.

4. Item non pauci Religiosorum Ordines, Congregationes &c.

5. Item plurimi Infulati.

6. Similiter celebriores totius Europa Universitates, & Accademia.

7. Concluditur, longè majorem probabilitatem extrinsecam habere nostram Sententiam, quam oppositam, nedum spectata qualitate, verùm & numero eorum, qui ipsam tuerentur. Hinc meritò

8. Reprehenduntur aliqui, asserentes, communem esse opinionem illam, qua defenditur, licitum esse partem minùs probabilem eligere, concurrente, ac relicta opposita probabiliori.

I. **P**robatur ergo primò ex S.D. quodlibeto 3.a. 10. ubi sic habet : *In his, qua pertinent ad fidem, & bonos mores nullus excusatur, si sequatur erroneam opinionem alicujus Magistri; in talibus enim ignorantia non excusat &c.* Sed si in concursu opinionis probabilioris liceret sequi opinionem minùs probabilem, ab aliquibus Magistris, & Doctoribus propugnatam, & hæc esset erronea, seu falsa, (sicuti re verà ita est, quod opinio minùs probabilis, in concursu probabilioris, potius est falsa quam vera; quia cognoscitur potius esse contra legem, quam in

in favorem illius, aliàs minus probabilis, idest minus conformis Veritati non esset,] excusaretur a peccato illam sequens: Ergo juxtà D. Thomam non licet sequi opinionem minus probabilem, concurrente, ac relietà oppositâ probabiliori.

Nec valet Adversariorum Responsio, quodd, scilicet, S. D. intelligatur de his quæ sunt *contra manifestum Scriptura Testimonium*, ut ibidem ipse concludit dicens: *Qui ergo assentitur opinioni alicujus Magistri contra manifestum Scriptura testimonium, si ve contra id, quod publicè tenetur secundum Ecclesia Auctoritatem, non potest ab erroris vitio excusari.*

Non inquam valet. Tum quia Conclusio non debet semper ita latè patere, sicut principium, a quo deducitur: Principium autem probationum adductæ Conclusionis, quod est universalius, est istud: *In his quæ pertinent ad FIDEM, & BONOS MORES, nullus excusatur &c.* Tum etiam, quia titulus præfati Articuli & quæstionis est generalis, videlicet: *Utrum Discipuli sequentes diversas opiniones Magistrorum excusentur à peccato erroris.* Quapropter etsi D. Th. in C. adducat exemplum de his, quæ sunt *contra manifestum Scriptura testimonium*, utpotè omnino, & undequaque certa, non tamen excludit, immo supponit alia, sub eisdem principio, ac titulo comprehensa.

Ultra quod, multis aliis in locis, absque restrictione, ac universaliter docet, non sufficere meram probabilitatem ad tutè operandum, vel judicandum, ut videre est in 6. *Ethic. lec. 2.* ubi sic docet: Quia igitur ad electionem concurrat & ratio, & appetitus, si electio debeat esse bona, (quod requiritur ad rationem virtutis

tis moralis,] oportet, quod & ratio sit vera, idest veritati consona, & veri-similior, quantum fieri potest, non probabilis tantum, & appetitus sit rectus.

Dilucidè idem circa materiam particularem [quæ manifestè non est contra Scripturæ testimonium,] definit quodlibeto 8. a. 13. ubi prius assignat quasdam regulas generales ad morales quæstiones determinandas; Ad eum, quæ finem exaninat, An, quando de aliqua re sunt diversæ Doctorum Opiniones, possit quis minùs tutam eligere, relictâ tutiori; & postea exemplificat de pluribus Præbendis, (quam difficultatem specialiter discutit, eamque ex principiis juris naturalis terminat *quodlib. 9. a. 15.*]: An sit licitum sequi opinionem Doctorum affirmantium, plures Præbendas simul recipere, ac retinere fas esse, relictâ illorum opinionem, qui ex opposito negant id licere, Ad cuius Articuli & veritatis perfectam intelligentiam membratim, ac veluti commentariè adducam verba S.D., sicque clariùs ejus mens innotescet. Sic ergo loquitur ad resolvendam hanc quæstionem, quæ non est facti, sed Juris, an, videlicet, sit licitum vel non, an sit contra Legem nec-ne.

Respondeo dicendum; quod duobus modis aliquis ad peccatum obligatur: Uno modo faciendo contra legem, ut cum aliquis fornicatur; Alio modo faciendo contra conscientiam, et si non sit contra Legem, ut si conscientia dicit alicui, quòd levare festucam de terra sit peccatum mortale: Etenim Lex æterna, & recta ratio sunt duæ regulæ humanarum actionum, ut fatentur omnes Theologi. Ex conscientia autem obligatur aliquis ad peccatum, si ve habeat certam fidem, (idest firmam estimationem, seu persuasionem) de contrario ejus, quod agit, si ve etiam habeat opinionem cum ali-

aliqua dubitatione, idest titubatione, formidine, seu infirmitate assensus; nam qui propriè dubitat, non habet *opinionem*. Unde verba S. D. idem sonant, ac si dicatur; siue firmiter, siue non firmiter quis credat esse peccatum illud quod agit. Ex quo valet inferre, illum in operando peccare, in cuius intellectu adest opinio probabilis, negans actum esse licitum, & simul opinio minus probabilis contradictoria, quam ipse sequitur; tunc enim habet opinionem cum aliqua formidine de contrario ejus, quod ipse agit. Verum de hoc clariùs quamprimum juxta nostrum S. Doctorem.

Illud autem, quod agitur contra legem, semper est malum, nec excusatur per hoc quod est secundum conscientiam, [scilicet opinativam.] In quibus verbis duo sunt adnotanda. Primum est, quod *ly malum* idem est, ac peccatum *formale*, non *materiale* tantum, prout innuitur in *ly non excusatur*: Quæ particula non verificantur de peccato materiali. Secundum est, quod Textus D. Thomæ non intelligitur in his eventibus, & materiis, in quibus, & de quibus intellectus operantis habet ignorantiam invincibilem: Tunc enim juxta Doctrinam S. D. pluribus in locis ab ipso adductam, conscientia erronea, idest, quæ nihil omninò suspicatur de errore, seu peccato, excusat, debitis tamen præsuppositis diligentis ad cognoscendam veritatem. Sensus ergo verborum est, *per se*, [ac etiam pnes subiectam materiam,] de duabus opinionibus circa aliquam sententiam; quod scilicet ille formaliter peccat, qui in praxi sequitur unam ex his opinionibus, si contingat eam esse contra legem Dei; nec excusatur per hoc, quod de ipsa habeat conscientiam opinativam & probabilem, alià oppositâ opinio-

ne concurrente .

Et similiter, quod est contra conscientiam est malum, quamvis non sit contra legem . Tunc enim voluntas fertur in obiectum, tamquam in malum, & contrarium legi, seu peccatum formaliter, quia prout sic tibi ab intellectu proponitur, ut docet idem D. Th. 1.2.q.19.a.5. in c. his verbis: *Ex quo aliquid proponitur a ratione ut malum, voluntas, dum in illud fertur, accipit rationem mali...* Si ergo proponatur ut malum a ratione errante, fertur in hoc sub ratione mali; Unde voluntas erit mala, quia vult malum, non quidem id quod est malum per se, sed id quod est malum per accidens, propter apprehensionem rationis: Sicut credere in Christum est per se bonum, & necessarium ad salutem, sed voluntas non fertur in hoc, nisi, secundum quod a ratione proponitur; Unde si a ratione proponatur ut malum, voluntas fertur in hoc ut malum, non quia illud sit malum secundum se; sed quia est malum per accidens ex apprehensione rationis. En ratio fundamentalis, propter quam committitur peccatum agendo contra dictamen conscientie erronee, tametsi non contra Legem. Vid. etiam S. D. quodlibeto 3. a. 27. in c.

Quod autem nec contra conscientiam, nec contra legem est, non potest esse peccatum, constat ex dictis.

Dicendum est ergo, quod quando sunt duae opiniones contrariae de eodem, oportet alteram esse veram, & alteram falsam. Etenim inter partes contradictionis non datur medium: Et omne iudicium intellectus, vel est conforme suo obiecto, & tunc est verum; vel est difforme, & tunc est falsum (quia in conformitate, & convenientia, & difformitate, & disconvenientia iudicii cum obiecto consistit formalis veritas, vel falsitas intellectus,

ut

ut ostenditur in Metaphisica) : Eatenus autem secundum nos aliquod iudicium dicitur probabile, quatenus nobis veritas, vel falsitas non omnino certò apparet, sed per motiva, argumenta, & rationes, quæ ita nos persuadent ad unam partem, ut etiam relinquunt posse rem aliter se habere; tamen si omne iudicium probabile, in re vel verum sit, vel falsum.

Aut ergo ille, qui facit contra opinionem Magistrorum, utpote habendo plures Præbendas, facit contra veram opinionem, & sic cum faciat contra legem Dei, non excusatur a peccato, quamvis non faciat contra conscientiam; Sic enim contra Legem Dei facit. Supponit hic D. Thomas, quod utraque opinio, tam scilicet affirmativa, quam negativa, in ordine ad retinendas plures Præbendas, sit probabilis; nam opinio non est nisi de objecto probabili. Insuper supponit, quod opinio magis tuta, quæ negat esse licitum, sit vera a parte rei, & affirmativa sit falsa, & resolvit, quod sequens opinionem affirmativam non excusetur a peccato, cum faciat contra Legem Dei. Videant quæso Probabilistæ, an secum habeant concordem Doctorem Communem, dum asserunt excusari a peccato sequentem opinionem minus probabilem ac minus tutam in conflictu probabilioris, ac tutioris.

Aut illa opinio non est vera, sed magis contraria, quam ipse sequitur, ita quod verè licet habere plures Præbendas; Et tunc distinguendum est, quia aut talis habet conscientiam de contrario, (in quantum iudicat non esse licitam pluralitatem Præbendarum, contra propriam opinionem, aliàs veram, quam ipse sequitur,) Et sic iterum peccat contra conscientiam faciens, quamvis non contra legem: Aut non habet conscientiam de contrario, (in quantum non iudicat

dicat sibi esse illicitum habere plures Præbendas,] *sed certitudinem*, sive quia prius erat omninò certus de sua affirmativa sententia, antequam inciperet de opposita negativa formidare; sive quia ejus assensus, etsi non omninò certus, est nihilominus determinatus ad illam partem, cum formidine tamen ad alteram, [& sic solvitur quælibet Adversariorum, & præcipuè P. Stephani Spinulæ obiectio contra Textum S.D., qui nomen certitudinis, quandoque latissimo modo sumit. & cum distributione accommoda, illudque attribuit etiam opinioni, Ut videre est in 3. dist. 23. a. 2. q. 3. ad 1. Unde addit, *sed tamen in quandam dubitationem inducitur ex contrarietate opinionum*, (idest nedum si propriè dubitet in neutram partem propendens, verùm etiam si in quandam moralem formidinem, propter auctoritatem Doctorum contrariè sentientium, inducatur,) & sic si manente tali dubitatione, (idest, nisi diligentius veritate inspecta talem dubitationem deponat,) *plures Præbendas habet, periculo se committit, & sic procul-dubiò peccat, utpotè magis amans beneficium temporale, quam propriam salutem.*

Duo hic sunt avertenda ad occcludendas Probabilistarum evasiones. Primum est, formidinem, seu dubium ortum ex contrarietate opinionum, seu auctoritate Doctorum, de quo loquitur S.D., non esse dubium merè speculativum, quod non efficit (ut canunt Adversarii] rectitudinem operationis, sed esse dubium practicum, seu circa electionem operis, hic & nunc faciendam, conscientiam turbans; itaut velit D. Thomas eum peccare, qui etsi ad unam partem faventem libertati determinatus, ac de illa veluti certus, [certitudine nuper explicata) in aliquod tamen dubium, seu formidine

midinem alterius partis stantis pro lege ob contrariam DD. opinionem, inducitur, & adhuc stante tali dubitatione operatur. Oritur autem hujusmodi dubitatio, seu formido in mente operantis per actum reflexum super Magistrorum opinionem aliter sentientium, hoc n. odo: Quomodo potest esse vera mea sententia, quod mihi licet habere plures Præbendas, si oppositum sustinent in favorem legis Divinæ tot Viri docti? Forsan ego decipior; Non enim veri-simile videtur, sapientissimos Doctores hanc veritatem ignorasse. In hoc casu si quaeratur, an peccet Clericus habendo plures Præbendas, permanente tali dubitatione: Respondet D. Th. *procul-dubio peccat, utpotè magis amans beneficium temporale, quam propriam salutem; cuius amittendæ probabilis periculo exponere summa imprudentia est.*

Secundum adnotandum ex Mercoro *Bas. Theol. Mor. q. 2. a. 21.* quod etsi juxta D. Th. ille peccet, qui habet quandam certitudinem de sententia libertati favente, (quam ipse sequitur in praxi) affirmante actum esse licitum, E. G. habere plures Præbendas, nihilominus in aliquam dubitationem, seu formidinem inducitur ex opposita sententia, stante pro lege, ac in suo vigore in praxi permanente tali dubitatione; a fortiori peccabit ille, qui sententiam tantummodo probabilem, [etiamsi probabiliorē,) stante pro sensu amplectitur, dummodo ex opposita Divinæ legi favente, & aliquo modo [etiam minùs] probabili, in aliquam dubitationem inducatur, eademque dubitatione permanente; Ergo multò magis peccabit, juxta D. Th. qui sequitur opinionem minus probabilem, asserentem aliquem actum libertati conformem, esse licitum, in concultu opposi-

tae opinionis probabilioris, & negantis id licere: Adeoque Probabilistae habent ex omni parte sibi contrarium Angelicum Doctorem; cujus dogmata Alex. VII. in Brevis ad Accademiā Lovaniensem *Tutissima, & inconcussa* declaravit; ut legitur in Chron. Magist. Gen. Ord. Praed. pag. 118.

Tandem ait S. D. ad complementum corporis Articuli: *aut ex contrariis opinionibus in nullam dubitationem adducitur; & sic non committit se discrimini, nec peccat.* Igitur tunc solum de mente D. Th. non peccat, qui in concursu opinionum sequitur affirmativam, quae dicit actum esse licitum, quando ex opposita negativa nulla in ipso nascitur, aut remanet dubitatio, seu tormido de falsitate suae opinionis, & de periculo peccandi: Quod utique non evenit in nostro casu; nam opinio minus probabilis in conflictu suae contradictoriae probabilioris faventis legi, numquam potest dici ab omni dubitatione immunis; ac proinde secundum D. Th. non licet sequi &c.

Non minus clarè veritas ista manifestatur ex eodem S. D. in quodlibeto 9. a. 15. in quo difficultatem allatam de pluribus Praebendis nervosè discutiens, ita format quaesitum: *Utrum habere plures Praebendas sine cura Animarum, absque dispensatione, sit peccatum mortale: & respondet, quod omnis quaestio, in qua de peccato mortali queritur, nisi expressè veritas habeatur, periculosè determinatur: Quia error, quo non creditur esse peccatum mortale, quod est peccatum mortale, conscientiam non excusat a toto; licet fortè a tanto.....* Praecipue autem periculosam est, ubi veritas ambigua est; quod in hac quaestione accidit: Cum enim hac quaestio ad Theologos pertineat, in quaestione

sum dependet ex Jure Divino, vel ex jure naturali, & ad Juristas in quantum dependet ex jure positivo, inveniuntur in ea Theologi Theologis, Jurista Juristis contraria sentire.

In quibus verbis ad intentum meum considerandum est

Primò, ly *omnis quaestio*, per quod innuitur, quod principium S. Doctoris est generale.

Secundò, ly *de peccato mortali queritur*, quia non agitur de veniali peccato incurrèdo, sed de mortali.

Tertio, fermonem esse de aliqua quæstione cognitu difficili, habente hinc inde opiniones probabiles Doctorum, quia *inveniuntur in ea Theologi Theologis, & Juristæ Juristis contraria sentire*: & tamen

Quarto, *nisi expresse veritas habeatur* (non dicit
probabiliter, tantum, sed *expresse* ;]

Quintò, *periculosè determinatur, & periculum est, ubi veritas ambigua est; & error, quo non creditur esse peccatum mortale, non excusat a toto.* Ex quo sic argumentor. Ubi agitur de peccato mortali, qui se exponit probabili periculo peccandi, peccat mortaliter, discrimini se committens; quia minoris facit legem Dei, ac Animæ salutem, quam propriæ voluntatis libertatem, ac sensus oblectamentum in vilissimis hujus mundi Creaturis; ut præter D. Thomam variis in locis, communiter sentiunt Theologi: Tunc enim operaturus virtualiter sic dicit: *Sive detur lex prohibens hanc operationem, sive non, volo operari, ut lucrum, vel commodum acquiram.* Quapropter D. Aug. libro contra Donatistas c. 5. sic ait: *efficere id quod incertum est an sit peccatum, certum pec-*

CNN

catur est; Sed qui sequitur opinionem minus probabilem, faventem libertati, concurrente, ac relicta opposita probabiliori, quæ itat pro lege, juxta S. D. *periculose determinatur*, idest probabili periculo peccandi se committit, quia adhæret illi opinioni, quam magis existimat falsam, quam veram, magis contra legem Dei, quam in favorem illius, cum sit minus probabilis eâ, quæ eidem legi favet, & insuper agitur, de *peccato mortali*, ut suppono: Ergo juxta D. Th. mortaliter peccat, qui sequitur opinionem minus probabilem faventem libertati, concurrente, ac relicta probabiliori, quæ favet legi.

Præterea, *Ubi veritas ambigua est*, si quis se determinans ad unam partem contradictionis, in qua *periculum est* legem transgrediendi, re ipsa errare ac legem transgredi contingat, *error non excusat à toto*: Sed in conflictu opinionis minus probabilis cum probabiliori *Veritas ambigua est*, cum inter se contradictoriè pugnent ambæ opiniones: Ergo, si quis se determinans ad unam partem contradictionis, seu ad unam illarum opinionum minus probabilem, quæ affirmat actum esse licitum, & in qua *periculum est* legem transgrediendi, a parte rei errare, & contra præceptum facere contingat, *error non excusat à toto*; ac proinde non evitatur peccatum mortale.

Denique sic arguo ex Mercoro, *ubi sup.* si concurrentibus duabus opinionibus oppositis probabilibus licitum foret, juxta D. Thomam; quamlibet ex illis ad libitum sequi, facile ipse potuisset solvere præfatam quæstionem de pluribus Præbendis, ac dicere, posse unumquemque sequi opinionem, quam maluerit ex illis, dum

dum utraque est probabilis, ac utrinque militant Theologi, & Tutistæ; sicuti absque ulla veritatis investigatione aliqui Probabilistæ ita resolvunt omnes quæstiones morales, ut non unus tantum ex ipsis prodigiosè prius probabilitatis Doctor, quàm veritatis Discipulus evadat. Ergo si Divus Thomas non est usus hoc facili modo determinandi suam quæstionem, sed potius dixit, quòd, *nisi expressè veritas habeatur, periculosè quis determinatur* ad illam partem, in qua est periculum divinæ legis violandæ, inferendum est, de ipsius mente non esse, ex duabus oppositis opinionibus probabilibus circa aliquam quæstionem concurrentibus, posse operantem eligere minùs probabilem sensus patronam, relictâ probabiliori legis tutrice.

Scio per quendam Authorem Anonymum, [hic est P. Paulus Segneri senior Societ. Jesu, ut refert Dominicus Viva ejusdem Societ. in prop. 3. Inn. XI. n. 9.] probabilitatis, ac benignæ [ut ajunt) Sententiæ Advocatum, anno 1694. compositum, ac divulgatum fuisse quoddam Opusculum per modum Epistolæ Italico Idiomate M.S. (cujus nervosam impugnationem lege in Petro Martyre Petrucci, *Lucer. Moral. c. 7. §. 4. Append.*) ubi *num. mibi* 55. adducit ex Jo. de Cardenas *De prob. opin. disp.* 56. c. 8. a. 9. *num.* 474. Divum Thomam plusquam ducentas morales sententias docuisse libertati consentaneas, quarum aliquas, successu temporis, ex intrinseca ratione minus probabiles existimarunt nonnulli, tametsi omnes, aut ferè absolurè dici debeant probabilissimæ, utpotè Angelica ex mente productæ. Hæc Anonymus.

Ast inanis ejusdem observatio! Quod aliqui habuerint

sint ut minus probabiles qualdam D. Thomæ sententias, non est novum, cum etiam nunc in lucem prodeant Volumina de materia morali tractantia, quorum Scriptores non satis percipientes vim rationum S. Doctoris, insipienter putant suis opinionibus robur asferre, per hoc, quod non semel adiciant verba: *Contra D. Thomam*. Verùm quorundam Scriptorum iudicium contra sententias D. Thomæ tot Summorum Pontificum Oraculis celebratas, quid refert? Quò ad rem nostram debuiſſet Anonymus probare [quod nunquam prætaſſet] Angelicum Præceptorem, aliquam sententiam, aut opinionem itantem pro libertate propugnasse, ut sibi viſam minùs probabilem in conflictu alterius contradictoriæ faventis Præcepto, & quod hac neglectâ illam fuerit amplexus. Certè S. Doctor semper voluit, quod in dubiis, & quando adeſt aliqua moralis formido legem transgrediendi, periculose quis se determinat, eligendo partem faventem libertati. Quapropter Communis Doctor, conformiter ad hanc suam Doctrinam, semper protulit sententias sibi veriôres, probabiliores in conflictu, a lege non dissonas, ac tutas. Non sic autem multi Recentiores, non sic; sed, etsi videant aliquam opinionem minùs probabilem esse, ac proinde minùs veram, immo (ut infra videbimus) potius falsam, quam veram in conflictu probabilioris oppositz, adhuc licitè ac tutò eligi posse decernunt:

Et ut clariùs innotescat, quantum Sanctissimus veritatis DOCTOR ab ipsa probabilitate fuerit alienus, fat est recolere non solùm in tot ejus de materia morali Tractatibus, & Voluminibus nullam extare quæſtionem sub tutela Probabilitatis resolutam; verùm etiam per-

perquam rarò hoc nomen *probabile* in ipsis reperiri, videlicet *quodlibeto* 9. a. 15., & ly *probabilius* in 4. *dist.* 32. a. 4. ad. 3. adeoque falsum esse, quod Anonymus ait, *num.* 56. Divum Thomam multoties hoc nomine *probabile* usum fuisse.

Verum quidem est, quod aliis in locis utitur S. Doctor his nominibus *probabiliter*, & *probabile*: At hoc est vel solùm in aliqua quaestione facti, non Juris; sicuti 3. p. q. 70. a. 4. ad 2. fatetur esse *probabile* quod ante institutionem Circumcisionis Parentes aliquas preces Deo funderent pro Parvulis natis ad peccatum Originale delendum; & in 4. *dist.* 45. q. 2. a. 2. q. 1. ad 5. asserit, *probabiliter* extitimi posse, quod anima Trajani, precibus D. Greg. ad hanc vitam fuerit revocata. Vel etiam S. D. talia vocabula sumit extra materiam moralem, aut saltem circa obiectum, quod ad rem nostram non pertinet, seu nil conducit ad fovendam probabilitatem in conflictu: E. G. quando in 4. *dist.* 17. q. 3. a. 3. q. 4. ad 5. docet quod quando Pœnitens *probabiliter* timet aliquod periculum sibi, vel Confessario, potest recurrere ad Superiorem, vel ab eodem licentiam petere alteri confitendi; & 1. p. q. 1. a. 8. ad 2. ait: Theologiam uti auctoritatibus Patrum, & DD. arguendo *probabiliter*. Hæc autem loca D. Thomæ nullum probabilitati, de qua hic est sermo, præstant patrociniū.

Si insurgas cum Authore *nn. præcatis*, eatenus adduci Doctrinam D. Thomæ de tot ejus Sententiis benignis, ut innotescat eos allucinari, qui opiniones benignas, seu minus probabiles dicunt esse laxas: Siquidem his numquam suum patrociniū præstasset Sanctus Doctor. Quapropter opiniones laxæ sunt semper im-

probabilissimæ; Secus verò minus probabiles iu conflictu, cum istæ sic præcisè denominentur, quia non sunt tantæ probabilitatis, quantam habent aliæ opiniones magis probabiles: Cæterum quandoque maximæ probabilitatis esse possunt.

Ad hoc dico, Authorem ipsum, ac reliquos Probabilistas allucinari. Tum quia putant opinionem minus probabilem, sensus patronam, in conflictu probabilioris, quæ favet legis præcepto, adhuc esse valde probabilem, cum verè improbabilis remanet, & probabilius falsa, quam vera, ut infra dilucidè conitabit, adeoque laxa dici debeat, eò quia exponit conscientiam periculo peccandi, ac legem transgrediendi, & concupiscentiam fovens, operantem dirigit in latam perditionis viam. Tum etiam quia exiitimant, *benignum*, ac *minus probabile* esse Synonima; Quod utique falsissimum esse in argumentorum solutionibus demonstrabo. Unde D. Thomas non semel sententias benignas sultinuit, id est quæ suaviter legis adimplectionem insinuant, & exigunt; numquam tamen minus probabiles in conflictu, & quæ legem intringant, ejusque præcepta enervent, sensuumque petulantiam nutriant, sed omnino veriores, ac tutas, omnique legem violandi a periculo semper immunes. Ita ex Apostolicæ Sedis Oraculis pluries edocemur.

Placuit ad rem istam S. D. sententiam abundè discutere, ut nemo veraciter possit ingenuus Thomista, & simul Probabilista nuncupari. Et insuper, ac præcipuè, ut ex Angelicis splendoribus, in tota Ecclesia feliciter irradiantibus, valeant Confessarii, cæteri que studiosi, ad propriè, ac proximorum salutis directionem,
cla-

clarum Veritatis lumen mutuari. Et tandem, ut ex tam certâ, tamque evidenti D. Thomæ sententiâ circa propositam quæstionem, possit quilibet a periculosa quorundam Modernorum opinione revocare gradum, & hoc modo evitare tremendum illud *Va*, quod ex ejus tem S. D. perpensâ Doctrinâ, in præcit. a. 13. quodlibeti 8. exposita omnibus Probabilitatis comminatus est Amadeus Guimenius his verbis: *Hæc si vera sunt, Va operantibus ex opinione probabili!* ap. Vuigandt. tract. 2. exam. 3. n. 12.

Advertendum hic circa illam celeberrimam quæstionem de pluribus Præbendis, quod post multa Doctorum litigia, Guillelmus Parisiensis Episcopus, Vir probus, ac doctus anno 1235. totam Universitatem adunavit, & in ea fuit ut illicita declarata pluralitas Præbendarum, & Beneficiorum, quæ congruam eo tempore Clerici subitentionem quindecim aureorum excederent; adedque reprobanda fuit opinio minus probabilis, & non tuta, quæ in conflictu suæ oppositæ probabilioris, ac tutæ, licitam affirmabat plurium Beneficiorum retentionem.

Huic Decreto omnes illius inclitæ Facultatis Doctores se subscripserunt, [inter quos B. ALBERTUS MAGNUS, & THOMAS CANTIPATRANUS, qui factum referunt, & post eos Dion. Cartusianus, Malvenda, & Spondanus,] duobus exceptis, nempe Arnoldo, ac Philippo Universitatis Cancellario. Hic tamen in agone constitutus, & à Parisiensi Episcopo charitat. vè admonitus, ut plura Beneficia resignaret, & opinionem minus probabilem dimitteret, probabilioremque amplecteretur, dixit, velle se in altera vita experiri vim probabilitatis opinionum, & an liceret sequi minus proba-

babilem super retentionem plurium Beneficiorum . Expertus est, quod in votis habuit, infelix Cancellarius ; paucis enim post mortem suam diebus, in specie tetræ umbræ apparens Episcopo, dixit ei, se in inferno esse damnatum ob tres causas, ex quibus unam fuisse Probabilitatis sequelam de pluralitate Beneficiorum . Videantur Luccioni *ubi sup. pag. mibi* 112. *Vuigandt lo: cit. n. 20. & Pisani Prop. 3. n. 14.*

Caveant Probabilistæ huic se damnabili experimento exponere, sed saniori consilio, & veritatis, ac animarum suarum zelo ducti, ad exemplum plurimorum, qui a Probabilismo ad hanc no. tram tutam, & veram Probabilioritatis Doctrinam sectandam, actuendam, re maturius discussâ, incunctanter se contulerunt, (inter quos Eminentissimi Purpurati Pallavicinus, & Aguirre, ac Reverendissimus P. Præpositus Generalis Societatis Jesu Thyrsus Gonzalez,) propriam retractare opinionem non dedignentur . Ita se gerunt quotidie tot Viri docti, qui profundius controversiâ istâ examinâtâ, ad Probabiliorismum transeunt, & eum semel amplexi numquam deserunt, clarissimis, & inconcussis ipsius argumentis penitus convicti . Lege præfatum Thyrsus *Dissert. 13. c. 2. §. 11. ac introd. sui voluminis n. 35.*

Optimum censeo cunctis Probabilitatis turmatim Sectatoribus mentis oculis obicere consilium Em. Bellarmini, Episcopo Teanensi Nepoti suo datum, in Epistola, seu Opusculo ad ipsum directo, ante primam controversiam his verbis: *Si quis velit in tuto salutem suam collocare, is omnino debet certam veritatem inquirere, & non respicere quid multi hoc tempore dicant, aut faciant. Et si rei certitudo non possit ad liquidum apparere, debet om-*

omnino tutiorem partem sequi, & nulla ratione, nullius imperio, nulla utilitate temporali proposita, ad minus tutam declinare. Agitur enim de summa re, cum de salute aeterna tractatur: Et facillimum est, conscientiam erroneam exemplo aliorum induere, & eo modo, conscientia non remordente, ad eum locum descendere, ubi vermis non moritur, & ignis non extinguitur.

Ad validius roborandum præadductum Decretum Parisiensium Doctorum contra pluralitatem Præbendarum, post annos tres, iterum ab Episcopo adunata Facultate, tribus ibidem existentibus S.R.E. Cardinalibus, determinationem prius factam omnes quotquot illic adfuerunt, voto, voce, ac scripto confirmarunt, ac speciatim ex Fratribus Ord. Prædicatorum Ugo de Sancto Theodorico, & Guericus, Sacre Theologiæ Magistri: Ex Ordine verò Minorum Alexander de Ales, & Johannes de Rupella. *Luccioni ubi ante.*

Dices: Nonnulli Thomistæ Probabilitatem admittunt in sensu a me ex D. Thoma huc-usque impugnato: Cum igitur non sit verisimile, ipsos velle contra suum Sanctum Præceptorem aliquid edocere, dicendum est, non esse, vel saltem posse dubitari de mente D. Thomæ circa præsentem difficultatem.

Respondeo, mentem S. Doctoris evidenter ex dictis contare, nec ullam de ipsa in aliquo posse oriri formidinem, nisi fortè ille sit *nimio sua sententia tuenda desiderio excaecatus*, ait Charlas c. 26. *in fine.* Quantum vero ad Thomistas Probabilitatis defensores, fateor, quosdam ex eorum scriptis apparenter tales videri; Sed verè tales non esse, saltem in sensu, quo Probabilitas a Recentioribus usurpatur.

II. Primus eorum qui Probabilitatem contra Probabilioritatem toverit, adducitur Bartholomæus de Medina in 1. 2. 7. 19. a. 6. At ipse solum ait, *mibi videtur*. Unde non loquitur definitivè, & per modum sententiæ, prout faciunt ferè omnes Probabilistæ, & eorum aliqui vix scholam ingressi, ac statim Doctores effecti. Immo nec universaliter loquitur, ut multi ex Modernis, ad quodlibet probabile calamus inhxitanter extendentes. Et certè si Medina, sicut fuit celeberrimus Doctor, ita fuisset Propheta, [ut ex P. M. Jacobo a S. Dominico advertit Luccioni *dub. pralud. pag. mibi 114.*] ac prævidisset Probabilitatarum catervam, per quam ad sui exemplum, etsi præter intentionem, & ultra ejus terminum, per fas, & nefas innumerabilium opinionum laxitate, hac nostra tempestate, Ecclesia Dei violenter exagitanda foret, suum *mibi videtur* nunquam in lucem edidisset. Ultra quod, ut notat Mercorus, *ubi sup.* Medina, si bene observetur, loquitur hypoteticè, quia docet, sibi videri, licitum esse sequi opinionem minùs probabilem relictà probabiliori, si illa in concursu istius sit probabilis. Quæ conditionalis ab omnibus debet admitti ut vera, eo modo, quo admittitur, si lapis haberet oculos videret. Falsum est autem (ut infra demonstrabo,) opinionem probabilem in conflictu probabilioris verè esse, ac remanere probabilem, neque de hoc ullum habet verbum Medina, [quem etiam novissimè vindicare satagit, & ad rectam intelligentiam reducere præallegatus Reverendissimus P. Thyrsus Gonzalez,] benè verò Probabilistæ id affirmantes, quod Probabilioristæ inconcussis rationibus negant. Sed quidquid sit de Medina, (tametsi ante ipsum jam invaluisset Probabilismus),
ut

ut affirmat Vazquez,)

Ex Thomistis affertur ab Adversariis in suum favorem etiam Dominicus Bannes in 2. 2. q. 10. a. 1. dub. 3. concl. 4. At Mercorus eum explicat admississe usum opinionis minus probabilis, relicta probabiliori, potius per modum *gratis dati*, et ne videretur declinare vim argumenti, quod in ea opinione fundabatur, quam ex propria sententia; præcipue cum ille locus non esset proprius agendi de hac materia.

Etiam Dominicus Soto de *Iustitia, & Jure* lib. 3. q. 6. a. 5. *erga finem* ad 4. solet citari ut Probabilitatis amicus; sed immerito. Nam et si dicat, quod *ibi pariter esse omnino contrarias opiniones, non est apertum scelus; nunc autem, nunc alteram opinionem amplecti*; in primis loquitur de opinionibus æque probabilibus, non de minus probabilibus in concursu Probabilioris. Deinde non negat esse scelus; sed ait non esse *apertum*. Unde subdit: *Vix tamen carere potest scandalum, id est peccato*. Et quid hæc sit ejus mens, patet ex immediatè subsequenibus: *In his autem rebus vigilanter cavendum est, ne vel omnia, vel quicumque alius affectus, caligine intellectui offundat, ut eam opinionem PROBABILIOREM judicat, quam pro sua libidine mallet*. Supponit ergo, quod ea opinio eligenda sit, quam quis probabiliorum judicat. Quamvis enim ibi Soto loquatur explicitè de Judice ac Medico, & de his, quæ aliena Jura respiciunt; hoc idem est, quia argumentum, cui respondet, nihil aliud requirit: Implicitè tamen universatiter loquitur. Tum quia dicit, quod in *speculabilibus Scholarum disputationibus nullum inde constatur periculum, quod quispiam minus probabilis ingenii causa defraudet*; Consequenter videtur

universaliter hoc negare in pract cis. Tum etiam, quia addit, multò magis Theologo netas esse, minùs probabilem opinionem sectari in his quæ sunt Fidei &c. Cum autem pro præsentì difficultate, par ratio sit proportionabiliter pro his, quæ sunt Fidei, ac pro spectantibus ad bonos mores, & ubi agitur de licito, vel illicito, (quæ aliena jura certè non respiciunt,] ut infra dilucidabo contra Cardenas, hinc est &c. Et licèt Peguleti *Traët. prob. c. 18. n. 17. afferat, paritatem inter Medicum, & Theologum esse prorsus vanam*, ex dicendis d. 4. n. 4. constabit, hunc Scriptorem prorsus absque ratione loqui.

Videntur Probabilitati favere Joannes a S. Thoma, & Marcus Serra: Sed eorum vindicias assumit Mercurius p. 3. a. 8. ubi ex ipsorum verbis, ac explicito sensu ostendit, eos solum docere Probabilitatis usum, quando opinio est tuta, & moraliter certa; tunc enim est licitè, ac tutè eligibilis, etiam in concursu alterius tutioris: De hoc autem non disputamus.

Specialiter de Mag. Jo. a S. Thoma Contensonius *lib. 6. differ. 3. c. 2.* sequentia verba profert: *Qui licet minus probabilis fovere videatur, tamen tot cautionibus, & conditionibus sententiam suam sepi, ut iis adhibitis, minus probabilis intra lineam, & limites opinionis tuta, seu probabilioris contineatur.* Eodem modo dicendum est de aliis Ord. Prædicatorum Alumnis apparenter Probabilistis.

Si autem quis ex ipsis verè inveniatur in favorem Probabilissimi, non est indubiè ex præcipuis D. Thomæ Discipulis. Quapropter tam de his, quam de aliis quibuscumque universaliter cum Luccioni *lo. cit. pag. mibi 307. dicam Amicus Plato, sed magis amica Veritas.*

A supra citato Anonymo in eodem Opusc. n. mibi

23. adducitur quædam apud Antiquos, ut ipse ait, usitata Regula, tanquam a B. Alberto Magno accepta, ex Testimonio D. Antonini, Ulrici, B. Umberti, ac Joannis Nider; quodd scilicet, *Frater simplex, vel quilibet homo cum salute potest sequi in consiliis quamcumque opinionem voluerit, dummodo alicujus Magni Doctoris opinionem sequatur.*

Hanc regulam inveni allatam a præfato Nider in quodam ejus Opere, quod habeo præ manibus, & cui titulus, *CONSOLATORIUM TIMORATÆ CONSCIEN- TIÆ.* Verùm eam, ex his quæ docet ipse-met Nider. *ibid.* 3. p. c. 12., & præsertim 11. ubi præadductam refert regulam.

Dico, intelligendam, ac explicandam esse in casu, quo quis bonâ fide suscipiat alicujus Magistri opinionem, ut probabiliorem, ac veriozem, & juxta illam conscientiam suam prudenter efformet ad aliquem actum exercendum, de quo majorem nequeat habere certitudinem quo ad licitum vel illicitum, & alias nullam habeat practicam formidinem de opposito; itaut ejus intellectus meritò possit, ob tantam auctoritatem docentis, inclinari ad assentiendum, quod ita verè sit, ut ipsi a Doctore præponitur. At quomodo potest quis prudenter assentiri, & conscientiam efformare, ex opinione probabili, licitum sibi esse in praxi, quod magis illicitum in praxi esse cognoscit ex opposita opinione, a se cognita ut probabiliori? Est-ne hoc operari cum salute? Fut-ne apud Doctores antiquos usitata hæc imprudenter operandi regula? Absit.

Videamus modo, quomodo loquantur Doctores citati in favorem regulæ nuper allegatæ; & in primis eam

in sensu Anonymi non docuisse B. Albertum Magnum certum est, cum ipse se subscripserit; ut supra vidimus, sententiæ Facultatis Parisiensis, improbantis pluralitatem Beneficiorum, adeoque reiicientis opinionem minus probabilem, faventem libertati, tanquam illicitam in conflictu probabilioris, stantis pro Lege.

Ultra quod Magnus Albertus *to. 19. de homine trac. 1. q. 30. 2. 2. q. 2.* manifestè docet, quòd dubitans aliquid magis esse peccatum, quam non esse, si operatur, *mortaliter peccat propter contemptum*, quia, scilicet, contemnit probabilius periculum transgrediendi legem, per hoc, quod tali periculo se exponit; in sequela opinionis sibi minus probabilis.

Et quamvis idem Albertus ibidem proponens sibi quæsitum in præfata materia, (cui respondet modo dicto) innuat, fuisse regulam *quorundam dicentium*, mortaliter eum peccare, qui dubitat, an aliquid sit peccatum mortale, & tamen facit illud; non inde potest inferre Nicolaus Peguleti ubi *ante c. 8. n. 19.* hoc dictum non fuisse regulam communem Theologorum; sed solum *quorundam*. Siquidem ex Antiquis quidam hoc expresse docebant, ceteri verò certum supponebant, ut quid lumine naturali notum. In cuius signum, nec in B. Alberto, nec in aliis antiquo Doctore inveniri potest, quod tantum vel unus ex illis oppositum sentiret. Imò ipsi met Probabilistæ in ea regula unanimiter conveniunt, etsi conentur eam violenter, sed inaniter, ac frustra interpretari, ne suæ officiat probabilitati.

Joannis Nider Auctoritas certè non est in patrocini-
um; sed contra ipsum Anonymum, Nam etsi ex Bernar-

nar-

nardo Claromontensi dicat ibi p. 3. c. 12. *Ex quo opiniones sunt inter Magnos Doctores, & Ecclesia non det erminavit alteram partem, teneat (quis) quam voluerit; dummodo iudicium in hoc resideat propter dicta eorum saltem, quos reputat peritos: Nihilominus hoc dictum refert uniformiter ad sensum tum propriæ ipsius mentis, tum aliorum DD. quos ibid. & c. preced. adducit, utique pro sententia probabiliori tuenda. Quod clarè patet,*

Primò: Quia in fine cap. 13. ex se ipso sic declarat id, quod veluti pro regula ex Claromonte ante statuerat: *Si pro tali opinione format pro posse bonam conscientiam: quam procul dubio bene formare non potest, qui cognoscit, in sectanda opinione minus probabili, se potius eligere, quod est magis contra, quam pro conscientia, magis illicitum, quam licitum.*

Secundò: Quia cap. 11. post initium, ut explicet id, quod in titulo proposuerat, nempe, quod Doctoribus contraria sapientibus licet bona conscientia unam partem tenere, sic ait: *Notandum in primis; quod cum bona conscientia potest quis tenere unam partem alicujus opinionis, & secundum eam operari, dummodo ex contrarietate talium opinionum non inducatur quis ad dubitandum, sed bonam conscientiam, seu fidem sibi formes de PROBABILIORI PARTE, præcipue in tali casu, quando quis adhibet diligentiam inquirendo, an liceat, nec inveniatur aliquid, quod eum moveat ad hoc, quod sit illicitum &c.* Inde affert aliquos casus ex Dr. Thoma, inter quos illum de Confessione non necessariò faciendâ statim post commissum lethale, etiam habitâ copia Confessarli. Et tamen subdit, *contraria opinionis est Ugo de S. Victore, & S. Bonaventura.* Et post pauca infert: *Ex quibus sequi videtur impræfè, quod non oportet*

oportet semper tutiorem opinionem eligere de necessitate salutis, sed sufficit TUTAM ELIGERE Patet illud ex quodlibeto 3. q. 19. quando aliquis propter contrarietatem Doctorum ADHIBET DILIGENTIAM INQUIRENDO DE VERITATE, nec reperit quod sufficienter eum moveans argumenta contraria, licet talem moveant quadam levia, quæ in 4. dist. 18. in q. litterali docet (S.D.) abiicienda esse, & conscientias in contrarium efformandas. Nec mirum; quia per talem diligentiam videtur homo facere quod in se est. Præterea ibid. pag. 10. Sic habet: Dico cum Altsiodorensi, quod Regula magistralis, videlicet, dubitans de aliquo an sit illicitum, & stante dubio illud agens, peccat, quia discrimini se committit, intelligenda sit de dubio tali, quod est vehemens, & MAGIS, AUT ÆQUE inducit mentem credere, quod est illicitum, sicut quod est licitum. Secus enim est, ubi mens plus inclinatur, & iudicat, quod est licitum, quam illicitum, quamvis non habeat usquequaque certitudinem evidentem, aut fixam, quia nec hoc ipsum requiritur.

Ex quibus ad intentum nostrum manifestatur mens huius Doctoris. Tum quia operans debet sibi formare conscientiam de probabiliore parte: Adeoque, juxta ipsum, non potest quis probabiliorem omittere, ac minus probabilem amplecti. Tum etiam quia docet, quod contrariis existentibus Doctorum opinionibus, sufficit ex illis TUTAM eligere: Et exemplificat de Confessione statim post peccatum non facienda ex Præcepto; quæ sententia procul dubio est tuta. Opinio autem minus probabilis in concursu probabilioris, tuta non est, cum operanti potius appareat contra Legem, quam pro lege. Tum etiam quia loquitur de eo qui adhibet diligentiam inquirendo de Veritate, & facit quod in se est.

Cu

Cujusmodi non est qui sequitur opinionem minus probabilem relicta probabiliori, sibi nota ut tali, quia potius refugit Veritatem, cum eam opinionem amplectatur, quam cognoscit magis elongari a Veritate. Tum denique, quia fatetur, eum peccare mortaliter, quia aliquid operatur cum tali dubitatione de opposito, quæ *MAGIS, AUT ÆQUE* inducit mentem credere, quod est illicitum, sicut quod est licitum: Quod totum in presenti difficultate verificatur.

Tertiò patet, quia Nider pluries ibidem innuit, quod fas est eligere alterutram ex opinionibus, quando habetur certitudo moralis, quæ non semper omnes scrupulos abiicit de opposita; ut præsertim loquitur *cap. 14. non longè à fine*: Atqui operans juxta minus probabilem opinionem non habet de opposita probabiliori scrupulos tantummodo, utique contemnendos, sed talem formidinem, quæ ipsi repræsentat suam propriam opinionem potius falsam, quam veram: Ergo Nider non admittit sequelam opinionis minus probabilis in conflictu oppositæ probabilioris.

Quartò, nam *cap. 25. reg. 10.* sic ait: *Agere incertum, & dimittere certum in materia morali, est peccatum mortale, si tale sit incertum, quod sit mortale. Sed intelligitur, dum tale est vehemens, & probabiliter incertum, æquè sicut oppositum, vel magis, tunc enim illud, quod agitur non carebit mortali culpa.* Sed qui sequitur opinionem minus probabilem, relicta probabiliori, agit id quod est sibi probabilius incertum, ac dimittit oppositum, quod est sibi probabilius certum: Ergo juxta Nider mortali ter peccat.

Quintò patet, quia Nider *præf. c. 11. ad suam expla-*

planandam sententiam adducit testimonium Monaldi in Prologo suæ Summæ sic dicentis: *non generatur aliquod præjudicium erga veritatis sententiam, cum inter diversas opiniones a Magistris, & approbatis DD. scriptis authenticis adnoscatur, illam opinionem quis amplectitur, quæ sibi videtur MAGIS CONSONA RATIONI.* Quæro hic ab Anonymo, opinio minus probabilis est ne magis consona rationi, quam suæ contradictoria probabilior? Audebit quis sui compos hoc affirmare?

Utricum in fonte non vidi ob Codicis defectum; bene verò ab eodem Nider ibidem citatum reperio ex 2. sens. dist. 22. in summa, his verbis: *Si quis de aliqua dubio MAGIS PERITOS consuluerit de quo nullam habet auctoritatem expressam, utrum ita sit, vel non, dummodo FORMET SIBI BONAM CONSCIENTIAM.* ergo etiam si res alicui se habuerit, quam ipse sentit, excusatur. *ECCIT ENIM QUOD POTUIT.* Deus enim nihil IMPOS-SIBILE requirit ab homine. Quibus addit Nider ex propriis: *Nam ibidem equiparet istum casum IGNORANTIE INVINCIBILI, ET OMNINO INVOLUNTARIE, QUIA SCIRE NON. POTEST.* Quid clarius contra Probabilistas? Potest ne formari bona Conscientia [propterea non semel explicui] de minus probabili opinione, tanquam de tuta, in probabilioris conflictu? Qui hanc spernit, illamque fovet, facit ne quod potuit ad inquirendam veritatem? Sic operans dicitur ne habere ignorantiam invincibilem, & omnino involuntariam: quia scire non potest quid verius, quid rationi, ac Divinæ Legi conformius, cum datâ operâ verisimilius, ac rationabilius omittit?

Humberti opera perituræ, ad perveniendum quid

quid ipse hac in re sentiat, nimis laboriosum foret. Nihilominus allegatum video in Exposit. Constit. Ordinis Prædicatorum [cujus fuerat Magister Generalis] a præfato Nider, ubi ante, pag. mihi 80. in hæc verba *Relaxanda est QUANTUM FIERI POTEST austeritas, & agendum est benignè cum hominibus, quia sic melius trahuntur ad salutem, cum sententia mitiores tenentur.* Nota, quantum fieri potest, idest quando sententiæ sunt tutæ, rectæ, rationi, ac legi conformes, sufficientes ad formandam bonam conscientiam juxta regulas prudentiæ, quæ prohibent, laxiores opiniones minus probabiles eligere in concursu probabiliorum, quæ stant pro præcepto. Nec est gratuita hæc explicatio: Siquidem addit Nider immediatè: *ET CONCORDAT Hostiensis, qui dicit, extra de cognat. spirit. in gl. super C. Sed Vir: Quodd ubi sunt diversa opiniones, & diversa jura, semper humanior est præferenda, idest, RATIONABILIOR, immo, & ÆQUIOR.* Hæc ille. En quomodo concordat Humbertus cum Hostiensi de sententia mitiori, ac humaniori præferenda; dummodo scilicet sit *rationabilior, immo, & æquior*; qualis non est minus probabilis in concursu probabilioris, cognitæ ut talis.

De Sancti Antonini mente frustaneum est inquirere (tamen si aliqui ex Probabilistis inaniter ejus patrocinium fingant.) Etenim 1.p.r.3.c.10.§.10. ita docet *Sic agendo contra tale dubium, non peccatur, dum adhæret opinioni alicujus Doctoris, & habet rationes probabiles PRO IPSA MAGIS, quam pro opposita.* Et ibidem paulo ante regulam septimam, necessarium esse affirmat ad aliquid tuto, ac licitè operandum, quod bonam sibi conscientiam formes de eo, quod credit, tanquam de *PROBABILIORI PAR-*

E

TE:

TE: Et præcipue, quando quis adhibet diligentiam, inquirendo an liceat, nec invenit aliquid, quod eum sufficienter moveat [nempè in conflictu partis oppositæ) ad hoc, quod sit illicitum &c. Potest etiam videri Charlas de opin. delec. c. 14. ubi latius adducit, & clariùs explicat præfatas D. Antonini auctoritates. Ex his

Deducitur, falsò adduxisse Anonymum in Probabilitatis subsidium præfatos Auctores. Et certè nullum ex antiquis DD. aut Sanctis PP. poterit ipse, [aut alius quicumque ex Probabilitis Tamburinus, Mendo, Gobat, Maitrius, Cardenas, Potestas, &c.] nisi violenter sibi Patronum adsciscere, quamvis ausus fuerit asserere, hoc a nobis non probari, nec per totam æternitatem probari posse. Probatur utique, & maximè a Thyrso Gonzalez Generali Soc. Jesu, qui *dissert.* 13. §. 1. n. 9. asserit, post longam, & diligentem inquisitionem, se non vidisse aliquem ex SS. PP. aut antiquis DD. benignæ, ut ajunt, sententiæ defensorem. Probatur ex Antonio Cordubensi Ordinis Minorum in suo Quæstionario [primò in lucem edito anno 1571.) l. 2. q. 3. prop. ubi, postquam nostram, & omnium Antiquorum sententiam adduxit, ita subdit; **ET IN HOC OMNES DOCTORES CONVENIUNT**. Probatur a Fagnano, a Charlas, a Gonetto, a Genetto, ab Eminentissimis Aguirre, ac de Laurea &c. Quid plura? Hoc unum sufficiat, quod omnes quotquot scripsère Doctores, per terè sexdecim Redemptionis sæcula, novum Probabilitatis commentum, tantum abest ut propugnarent, ut docuerint, ut in tenebris delitescens in lucem traxerint, quin potius tanquam ab eorum alienum calamo voluerunt quodammodo ignorare, non impugnare, præsertim cum

nec

hec unus tunc ejus defensor inveniretur .

Quocirca non mirum, si Conventus, seu Concilium Illustriſſimi Cleri Gallicani in Palatio San-Germanno anno 1700. adunatum, in quodam opusculo ad S. de opinionum probabilium usu; hæc scripta reliquerit: *Quod ergo in praxi eam nobis liceat sequi sententiam, quam nec ipse ut probabiliorē eligendam judicemus, hoc novum, hoc inauditum, ac postremo demum saculo proditum.*

Ab ipsis Probabilistis sumamus hujus veritatis testimonia. Ex eis unus Franciscus Amicus To. 3. *Curs. Theolo. primum excusso 1640. disp. 15. n. 75. fatetur, omnes ferè Antiquos Theologos negare, licitum esse operari secundum sententiam minus tutam, & simul minus probabilem; semperque ad licitè operandum ex sententia minus tuta, exigere, ut illa sit probabilior.* Ita apud Petrucci c. 7. S. 4. n. 38. Nec putes ex Antiquis paucos fuisse Theologos Morales: Nam Possevinus lib. 3. c. 22. *sue Bibliot. plusquam 60. Casuum Veteres Summis enumerat.* Et Tabièna in proximo sui operis affirmat, *innumeros pene, & diffusos libros in his materiis suo tempore extitisse.*

Anonymus etiam antedictus n. 6. asserit, præsentem Controversiam fuisse filiam sæculi sextidecimi; Etsi alibi, ut sup. vidimus, insinuare prætendat, Probabilitatem semper fuisse apud Antiquos firmam operandi regulam; quamvis major probabilitas in oppositum obstarèt. Sic se gerunt non semel probabilitatis Fautores; quandoque Veterum, quandoque Recentiorum causam se defendere asseverant, secundum quodd eis prodesse putant ad Probabilioristatum argumenta evadenda.

Alter ex ipsis Probabilistis, immo eorum Coriphæus Caramuel idem testatur apud Mercorum p. 3. a. 1.

pag. mihi 478. his verbis: *ECCLESIA CATHOLICA FOELICIOR DEBET DICI*, quod exuberet Sanctissimis, & Doctissimis Viris, qui introduxerunt benignas opiniones, quin damnarentur plurimi, quos sententia probabilitas salvat. Nec inde Ecclesia infelix, quod Doctores opinentur passim, sed & inde fœlicior, quod benignius, & facilius suos possit ad lauream Empiream promoveri. Heu! quid absurdius? Ac si opinio probabilis id ageret, non esse peccatum, & contra rationem, ac divinam legem, quod in se vere peccatum est; seu, quod ipsa efficeret posse quemlibet ex hominibus in operando excusari a divinæ legis transgressione, sine ulla ipsius ignorantia invincibili, immo cum positiva cognitione majoris probabilitatis contra legem operandi. O inauditum in Ecclesia paradoxum! Non miror ad hæc exclamasse insignem illum Carthusianorum Generalem Guidonem, apud Natalem De peccatis C. 4. reg. 13. *O Apostolorum tempora infœlicissima! O Viros illos ignorantia tenebris involutos, & omni miseratione dignissimos, qui ut ad vitam pertingerent, propter verba labiorum Dei tam duras vias custodiebant, & hac nostra compendia nesciebant!* Etenim ut efficaciter argumentatur præcitatus Mercorus ubi ante, *Si nova huius fœlicitati Ecclesia, quam supponit hic Auctor [nempe Caramuel,] esset plaudendum, quod ab opinionibus Fideles ad lauream Empiream promoventur facilius, esset simul condolendum infœlicitati Ecclesie seculorum antecedentium, & illius temporis Fideles appellare miserrimos, quibus hac Janua Cœli foret clausa.*

Ex ore igitur ipsorum Probabilistarum eos iudicamus falsum asserere, quando dicunt Probabilitatis Doctrinam ab Antiquis Doctoribus traditam fuisse; cum
alias

aliàs ex ipsis nonnulli verbis rotundis oppositum fateantur.

Ex quo sic valet arguere. Doctrina morum a Veteribus magis, quam a Recentioribus Authoribus (ceteris paribus) petenda est, præsertim si illi Sanctitate, ac Doctrinâ insignes fuerunt, ut lucidè ostendit Natalis, *ubi infra regula 16.* Et videri potest nostra Praxis pro Confessario in fine hujus Scrutinii *num. 1.* Atqui cuncti Veteres Auctores Doctrinâ, & Sanctitate respectivè insignes, usque ad Sæculum proximè elapsum contra Probabilitatem, in sensu a nobis exposito, militarunt, ut ex ipsismet Adversariis nonnulli fatentur, Ergo &c.

Ex dictis totus evanescit conatus Patris Tyrilli Jesuitæ in fabricandis Auctoribus Probabilitatis ante quingentos circiter ab hinc retro annos, & a fortiori curiosum somnium Caramuelis, qui creavit opinionem probabilem mundo coævam, ut refert Magister Luccioni *dub. prælud. pag. mihi 105., & 106.*

III. Possent in Confirmationem Doctrinæ D. Thomæ, pro nostro Asserto explanatæ, allegari non pauca Testimonia sacre Scripturæ, antiquarum Traditionum, Sanctorum, Augustini, Hieronymi, Anselmi, Chrysostomi, Eucherii, Bernardi &c. nec non Tertulliani, Clementis V. Papæ in Concil. Viennensi, Inn. III. Eugenii III. Clem. III. Adriani VI, ac plurium aliorum Patrum, Doctorum, Summorum Pontificum, Conciliorum, Canonum, eorumque omnium Interpretum: Sed ea videantur respectivè in Gonet. *Dissert. de opinionum probabilitate*, Ludovico Minutolo in *addit. quæst. 1. a. 11.* Mercoreo *Bas. Moral. Theol. par. 2. aa. 22., & 23.* Contem-

fonio Tom. 3. differt. 6. Natali de peccatis c. 4. per plur. regg. Eminentiss. Laens de Aguirre in *Synopsi Concil. Hispan. n. 251. & seqq.* Antonio Charlas de opinionum delectu per plura capp. Reverendiss. Chritophoro a S. Joseph, *Tract. de reg. mor. per tot.* Illustrissimo Francisco Genetto to. 1. *tract. 1. c. 5. & seqq.* aliisque famosioribus Probabiliorismi defensoribus.

Quod si aliquæ adducantur emendatæ, ac a legitimo sensu abortivæ Auctoritates Antiquorum DD. (ut ex D. Augustino facit prædictus Anonymus *ubi ante n. 24.*) intelligendæ sunt de opinione probabili, non habente in conflictu aliam contradictoriam, magis, aut æquè probabilem, per quam respectivè reddatur improbabilis, & potius falsa, quam vera, vel saltem subiecta periculo erroris, seu falsitatis, & peccati. Cum enim ad rectè operandum non sit necessaria certitudo Metaphisica, vel phisica de operis rectitudine, sed sufficiat moralis, quando hæc habetur, idest quando quis convenientem adhibuit diligentiam in inquirenda Veritate, & hæc non-nisi probabiliter ipsi manifestatur absque ulla formidine de opposito, tunc rectè ac prudenter potest operari; quia tunc obiectum probabile est probabilissimum, & moraliter certum. Et in hoc sensu solet admitti *probabile*, ut sufficiens regula licitè ac rectè operandi, & a nemine potest rationabiliter negari. At in questione, quam agimus, res aliter se habet. Nam qui sequitur opinionem minus probabilem, in concursu oppositæ probabilioris, sibi notæ ut talis, tantum abest, ut veritatem inquirere studeat, & secundum eam operari, quin potius ab ea vult elongari, & potius contra eam, quàm secundum eam agere, cum probabilius existimet esse

esse illicitum, quam licitum, id quod agit, magis contra Legem, quam in favorem illius, ut ex dictis constat, & magis ex dicendis innoscet. Quapropter huiusmodi minor probabilitas nequit effere operationis regula.

Ludovicus Abelly *Medul. Theol. p. 2. tract. 2. c. 1. §. ult.* ad probandum, *licitum esse ex duabus opinionibus, relicta probabiliori, sequi minus probabilem*, adducit auctoritatem D. Leonis Papæ ep. 29. ad Rustic. Narbon. sic dicentis. *In iis, quæ vel dubia fuerint, aut obscura, id non verimus sequendum, quod nec præceptis Evangelicis, nec Decretis Sanctorum PP. invenitur adversum.* At miror, hunc virum huiusmodi auctoritati innixum fuisse, cum ita manifestè urgeat contra ipsum. Quis enim ignorat, tum Evangelicos textus, cum Sanctorum PP. testimonia, hoc semper edocere, in dubiis, & ubi agitur de salutis discrimine, id semper eligendum esse, quod tutum est, & in quo nullum adest periculum legis violandæ? Constat autem ex huc usque dictis, & peramplius infra probatum fiet, in sequela opinionis minus probabilis, libertati consentaneæ, relicta probabiliori opposita, probabilius semper adesse prædictum periculum violandæ legis, cum ea pars eligatur, quæ potius contra, quam militet pro lege.

Quid senserint in hac re Alex. VII. & Innoc. XI. Romani Pontifices, patet ex tot Probabilitatum opinionibus, ab ipsis sub Anathemate damnatis. Primus eorum in præfatiuncula sui Decreti, editi 24. Septembris 1665. hæc voluit apponi: *Sanctissimus D. N. audit non sine magno animi sui mœrore, complures opiniones Christianæ discipline relaxativas, & animarum perniciem inferentes, partim antiquas iterum suscitari, partim noviter pro-*
dire,

dire, & summam illam luxuriantium ingeniorum licentiam in dies magis exrescere, per quam in rebus ad conscientiam pertinentibus MODUS OPINANDI irrepsit, alienus omnino ab Evangelica simplicitate, Sanctorumque Patrum doctrina, & quem si pro recta regula Fideles in praxi sequerentur, ingens eruptura esset Christianæ vitæ corruptelæ. Quare ne ullo unquam tempore viam salutis, quam suprema Veritas Deus, cujus verba in æternum permanent, ætænam esse definivit, in animarum perniciem dilatari, semperius perverti contingeret, idem Sanctissimus D.N. ut oves sibi creditas ab ejusmodi spatiosa, lataque, per quam itur ad perditionem, via, pro pastoralis sollicitudine in rectam semitam evocaret &c.

Consimilem animi sui sensum idem Summus Pontifex Patribus Ordinis Prædicatorum, ad Comitia Generalia Romæ celebranda 1656. congregatis, prius exposuerat, ad perennem utique Dominicanæ Religionis, ac Thomisticæ Scholæ gloriam, in hæc verba, omnibus ejusdem Ordinis Theologis, ex ipsius Pontificis voto, deferenda. Tādere Sanctitatem suam novarum opinionum bujus sæculi in materia morali, quibus Disciplina Evangelica resolvitur, ac conscientis cum gravi animarum periculo illuditur: Maximeque velle a Theologis nostris in Ecclesia hoc morbo laborantis remedium, opus parari ex severiori, ac tuta Doctrina D. Thomæ, quæ hac morum licentia, quæ in dies grassatur, quasi cauterio cobiberetur. Ita lego in Epistola P. Vincentii Baron ad Magistrum Generalem Ord. Præd. & apud Vuingandt. tract. 2. exam. 3. n. 13.

Romanis Pontificibus uniformis est quotidiana Praxis Romanæ Rotæ, ac Sacrarum Congregationum in reformandis decisionibus omnino juxta probabiliores sen-

sententias, ut fatentur præallegati Gonet, & Aguirre. Et idem dicimus de Sacre Pœnitentiariæ Tribunalis; ut experienciâ constat.

Eundem esse Stylum Senatus Mediolanensis, Pedemontani, & aliorum, qui in controversiis Juris occurrentibus semper adiudicant in favorem partis probabilioris, testatur Mercorus p. 2. a. 16.

Quò ad S. R. Ecclesiæ Cardinales Probabilissimi hostes, (fautor enim nec unus ex eis invenitur excepto de Lugo) sufficiat audire quid de ipsis dicat Eminentiss. de Aguirre in præratione operis nuper cit. n. 22. his verbis: *Inter tam multos eorundem, qui usque modo sanctitate, aut Doctrina floruerunt insigni, vix (credo) invenietur aliquis, qui aliter senserit, aut docuerit. Immo & ex iis, qui modo superstites sunt, tam intra, quam extra Urbem, præstanti pietate, & eruditione conspicuis, ac toti Orbi Christiano notis, quorum iudicia, ac Sententia mihi frequenter Colloquio, ac variis Congressibus innotescunt, nemo est (quantum capio) qui tam in Theorica, quam in Praxi non censeat sequendam omnino esse sententiam tutiorem, vel saltem longè veriore, ac probabiliorē. Inter hujusmodi Purpuratos Probabilioristas, specialiter enumerantur D. Bonaventura, B. Ugo de S. Theodorico, Cajetanus, Bellarminus, Pallavicinus, [postquam a Probabilismo recessit, ut refert ex Thyrso Gonzalez,] Genettus to. 1. tract. 1. cap. 6. q. 8. Toletus in prima editione Romana, Paleotus, Bona, Sandoval, Laurza, Noris, Sfondratus, Denoff, Janson, Grimaldus, Canius &c. qui vel in lucubrationibus suis editis, aut MSS., vel in Pastoralibus & Encyclicis Epistolis, vel aliter in Probabilissimum arma sumpserunt.*

Idem Cardinalis de Aguirre *ibid.* n. 25. hanc addit. Hic fuisse videtur semper Spiritus Ecclesia tam in Pontificibus Romanis, Cardinalibus, & Episcopis, quot quot Canones Conciliorum considerant, quam in iis, qui pietatis, & Doctrina laude illos usque modo imitati sunt. Unde ante, & post Pontificatum laudati Alexandri VII. mirum est, quod zelo, quod eruditione, & constantia quamplurimi Episcopi praestantissimi nominis, parum vita sancti, partim superstites, Probabilissimam luxuriantem represserint. Quot Concilia ab eo tempore in Gallia contra illum usque modo celebrata sunt, unanimi Patrum Congregationum suffragio, a Marbesio & aliis exscripta? Quot Conventus Episcoporum, Doctorum clarissima Sorbonae, ac Parocorum Parisiensium, Rhotomagensium, aliorumque ad illum exterminandum, & ad proscribendam famosam illam Apologiam Casuistarum conspirarunt &c.

IV. Religiosorum Ordines, & Clericorum Congregationes ab Apostolica Sede approbatae, suis in Constitutionibus, expressè sunt in favorem probabilioris Sententiae. Augustiniani *Constit.* p. 5. c. 8. ut sic Sanctissimo suo Patriarchae, & Ecclesiae Doctori Augustino cohaereant. Eremitani, *Constit.* p. 2. c. 5. r. 7. & 10. Carmelitae, *Constit.* p. 3. c. 10. Clerici Matris Dei *Constit.* p. 1. c. 13. n. 3. ut refert Hyacinthus Pariera Scholast. *Veria.* Lucar 27. 7. pag. mibi 118. Trinitarii, *Constit.* lib. 2. c. 3. Clerici Minores, *Constit.* p. 1. c. 13. PP. Discalceati de monte Carmelo, *Constit.* p. 2. c. 15. n. 7. his vix bis Praefector Censuum Conscientiae breviter Italia, diffolva, & omnes opiniones in aut iorem partem inclinaens semper sequatur. apud Charles c. 18. Item Ordo Theatinorum, ut videtur est apud Gongr. in Dissert. de opin. prob. c. 1. c. 2. c. 3. c. 4. c. 5. c. 6. c. 7. c. 8. c. 9. c. 10. c. 11. c. 12. c. 13. c. 14. c. 15. c. 16. c. 17. c. 18. c. 19. c. 20. c. 21. c. 22. c. 23. c. 24. c. 25. c. 26. c. 27. c. 28. c. 29. c. 30. c. 31. c. 32. c. 33. c. 34. c. 35. c. 36. c. 37. c. 38. c. 39. c. 40. c. 41. c. 42. c. 43. c. 44. c. 45. c. 46. c. 47. c. 48. c. 49. c. 50. c. 51. c. 52. c. 53. c. 54. c. 55. c. 56. c. 57. c. 58. c. 59. c. 60. c. 61. c. 62. c. 63. c. 64. c. 65. c. 66. c. 67. c. 68. c. 69. c. 70. c. 71. c. 72. c. 73. c. 74. c. 75. c. 76. c. 77. c. 78. c. 79. c. 80. c. 81. c. 82. c. 83. c. 84. c. 85. c. 86. c. 87. c. 88. c. 89. c. 90. c. 91. c. 92. c. 93. c. 94. c. 95. c. 96. c. 97. c. 98. c. 99. c. 100. Ordo Praedicatorum (Generalibus in Concilio Romano anno 1656. celebratis, admonit. 14. in fidem sequemur)

lam Quînti Ecclesiæ Doctoris, & sui Angelici Præceptoris, omnibus ejusdem Ordinis Professoribus hæc iniungit: *Caveant ab omni pruritu exoticarum, minusque cum genuina litera S. Thomæ coherentium opinionum, præcipue in moralibus, ubi pressius de salute, ac indemnitate animarum agitur. In his porro studeant omni cautela evitare opiniones laxas, novæ, ac parum tutas, absterneantque a PARADOXIS, AC MONSTRIS recentium placitorum, seu problematum, quæ magis falsitati, ac periculose ostentationi militant, quam Veritati. Quotîrca non mirum, quod Thomisticam sententiam de Probabiliorismo tuendo, præter superius adductos B. Ugonem de S. Theodorico Cajetanum, Natalem, Luccioni, ac Petrucci, tot propugnauerint Prædicatoriæ Familiæ Doctores, D. Antoninus, Thomas Cantipatranus, B. Albertus Magnus, Guerricus, Joannes de Friburgo aliàs Theutonicus, Joannes Nider, Bartholomeus Fumus seu Armilla, Tabiena, Sylvester, Dominicus Soto, Jo. Baptista Gonet, Julius Mercorus, Vincentius Baròn, Dominicus Gravina, Vincentius Contenson, Ludovicus Minutolo, Laurentius Maria Pisani, Jacobus a S. Dominico, Piccinardus, Aravio, Joseph Mayòl, Martinus Vülgand, Petrus Labat, Ludovicus Bancèl, Ildephonius, Mariquez, Marius Diana, Ildephonius a S. Thoma, Passerinus, Joseph Maria de Turre, Ignatius Hyacintus Amàt de Graveson &c.*

Alios prætermitto penè innumerabiles Authores, præsertim ex Ordinibus D. Benedicti Congregationis Sancti Mauri Galliarum, Italix, ac Germaniæ; Minoritarum cum Scoto, & Seraphico Doctore; Præmonstratensium &c. nec non ex Congregationibus Oratorii in Belgio,

& in Gallia; Patrum Missionis &c. Qui omnes Probabilismo frænum imposuere.

Optarem, ut aliqui Probabilistæ Ordinis Minorum Subtilis Doctoris veltigiis inhærent, nec eum, quem in Speculativis sequuntur, deferrent in Moralibus. Scotus enim in 4. dist. 11. q. 6. sic habet: *Cum pars negativa multum sit probabilior, non sine peccato aliquis se exponit tali dubio, idest sequendo affirmativam minus probabilem.* Et licet hic Doctor ibi loquatur in materia Sacramentorum, ratio tamen ejus est universalis, videlicet, quia pars negativa est probabilior.

Præterea, in 3. dist. 25. q. 1. post medium in respons. ad 2. dub. sic ait: *In Moralibus, quando sunt altercationes de aliquo peccato, quando primò est mortale, ut si unus peritus in scientia dicat, quod non licet sic mercari & alius dicat, quod licet, tutius est non procedere sic, vel sic, sed expectare quousque VERITAS pateat aliunde.* Ubi duo animadvertenda sunt. Primum est, quod ly *tutius* non stat comparativè, sed contrariè juxtà consuetum modum loquendi; ita ut sensus sit, quod in tali dubio, tutum est non mercari, non verò tutum est mercari; aliàs superfluum esset documentum Scoti, nec tanto Theologo dignum, cum omnibus etiam ignatis notum sit, esse comparativè tutius non operari, quando in operatione dubitatur de peccato. Et sic evanescit explicatio, quam de prædictis verbis Scoti affert Reiffenstuel Theol. mor. tr. 1. q. 4. n. 54. dicens, quod per ly *tutius* nostra sententia optimè a Scoto consulitur, non vero sub obligationis vinculo concluditur. Auctor iste in Decretalibus se retractavit. Secundum est, quod juxta hunc Doctorem in casu dubitationis, aut moralis formidinis in operando, non sufficit mera probabilitas, sed *veritas*, quan-

quantum fieri potest; inquirenda est, eaque expectanda, vel saltem major verisimilitudo, & interim ab operatione cessandum.

Item in Prologo Comment super libros Sentent. q. 2. idem Scotus, cum sibi obiecit 3., quod multa sunt, de quibus non cognoscitur certitudinaliter ex Sacra Scriptura, utrum sint peccata mortalia, vel non, quorum tamen cognitio est necessaria ad salutem, quia nesciens illud esse peccatum mortale, non sufficienter vitabit illud.

Respondet: Origenes in Homilia de Arca Noè, dicit: Nulla scientia omnia scienda explicavit, sed illa, ex quibus possunt alia sufficienter elici; Unde multa Veritates necessaria non exprimuntur in Scriptura, etsi ibi contineantur virtualiter sicut conclusiones in principiis, (nota, quod principia, ex quibus eruendæ sunt resolutiones Casuum Conscientiæ, in Sacra Scriptura continentur, circa quarum investigationem utilis fuit labor Expositorum, & Doctorum. Et si obiicias, multa in actibus humanis sunt dubia, utrum sint peccata mortalia, etiam suppositis omnibus Doctrinis Doctorum, & Expositorum: Respondeo: Non est dubia via salutis simpliciter, quia a talibus tanquam a periculosis debet homo sibi cavere, & custodire se, ne, dum homo se exponit periculo, incidat in peccatum. Videas Lector, quod juxta Scotum, quando ex principiis Sacræ Script. non satis clarè innotescunt Conclusiones in materia morum, etiam suppositis omnibus Doctrinis Doctorum, & Expositorum,] includuntur-ne etiam Probabilitæ?) abstinendum est ab iis, de quibus dubitatur, utrum sint peccata mortalia, ne scilicet homo dum se exponit periculo, incidat in peccatum. Ut quid ergo iniuste conatur Mastrius in 2. disp. 5. q. 2. Scotum a Probabilioristis eripere?

Præ-

Prædictis omnibus addendi sunt plures à Societate Jesu, conformiter ad monitum Reverendiss. P. Vittelleschi Præpositi Generalis, omnibus Prælati ejusdem Societatis die 4. Januar. 1617. transmissum, his verbis : *Nonnulorum è Societate Sententia, in rebus præsertim ad mores spectantibus, plus nimia libera, non modo periculum est, ne ipsam everfant, sed ne etiam Ecclesia Dei universa insignia afferant detrimenta. Omni itaque studio perficiant, ut qui docent, scribunt-ve, minime hac regula & norma utantur. TUERIQUE POTEST; PROBABILIS EST; AUCTORE NON CARET. Verum ad eas sententias accedant, quæ TUTIORES, quæ graviorum, majorisque nominis Doctorum suffragiis, sunt frequentata, quæ bonis moribus conducunt magis, quæ denique pietatem alere, & prædesse queunt, non vastare, non perdere.*

Eadem est mens totius Societatis, (tametsi nonnulli ex privatis ab ipsa deviaverint,) expressa in duodecima Generali Congregatione, habita anno 1682 Decr. 28. cujus verba sunt : *Quamvis contra novitatem, laxitatemque opinionum, præsertim in rebus moralibus, abundè provisum sit, & Præpositorum Generalium Ordinationibus, & Superiorum Congregationum Decretis, & constitutionibus ipsis quibus jubemur sequi in quavis facultate SECURIOREM, magisque approbatam Doctrinam &c.* Et post pauca commendat P. Generali, ut non tantum transgressores severè puniat, *Sed ipsos etiam Superiores, si quando in cobibenda liberiori illa opinandi licentia, negligentiores fuerint.* Videatur supra relatus Charlas cap. 18.

V. De Infultis, aliisque Ecclesiæ Præsulibus, nostræ sententiæ defensoribus, numerum texere, nedum perquam difficile, sed impossibile. Jam num. 3. hujus §. *erga*

erga finem, adduxi quid scribat Em. de Aguirre. E
solis Galliarum Provinciis extiterunt præ aliis, Archie-
piscopi Rothomagensis, Mechlinientis, Senonensis, &
Bituricensis: Episcopi Bazatensis seu Vafatensis, Elesten-
sis, Lexoviensis, Cadurcensis, Appamiensis, Catalunien-
sis, Dinienfis, Convenensis, Aurelianensis, Bellovacen-
sis, Venciensis, Conteranensis, Gandavenfis, Nivernen-
sis, Andegavensis, Tulensis, Ebreoicensis, & alii; qui
omnes in censuris contra quendam librum, cui titulus,
Apologia Casuistarum, gravibus ac prægnantibus verbis
laxe probabilitatis Doctrinam sunt execrati. Legantur
prælaudati Aguirre, Natalis, Charlas, & Genettus; quo-
rum primus in Synopsi Collectionis Conciliorum His-
paniæ num. 26. refert, quod tempore Urbani VIII. qua-
tuor Galliarum Archiepiscopi, ac duodecim Episcopi
anno 1644. ad eundem Summum Pontificem quendam
Epistolam scripsere, in qua è novis Probabilistarum opi-
nionibus exorta damna, his verbis, inter alia, manite-
stant: *Divinorum Sacramentorum usus, qui sacer omnino,
ac salutaris esse debet, in perniciosum, ac a piis omnibus de-
plorandum abusum sepius convertitur. Depravatis, ac
corruptis modis, blandimenta potius, atque operimenta, quam
salubria remedia comparantur; Ut ex Sententiis, ex libris eo-
rum fideliter excerptis, nemini non apertum, atque exploratum
esse possit. Et postea quid optent, insinuant ita. Ad corrupte-
las morum expurgandas, effrenatamque illam quorumlibet sta-
gitationem, quam nunquam tanta fuit, licentiam, augentibus eam
in diea novis quibusdam Casuum Conscientia Architectis,*

Haud dissimilia expressa dedere alii Episcopi anno
sequenti 1645. in alia Epistole ad Inn. X. transmissa.

Præterea per Illustriss. ac Reverendiss. D. Ludov.

vicum Henricum de Gondrin Senonum Archiepiscopum, Galliarum, & Germaniæ Primatem adunatis anno 1658. ad Synodum 600. vel 700. Abbatibus, Prioribus, Decanis, Parochis, & aliis eruditissimis Viris, tetriora Probabilitatis capita, & confectaria, post maturam ponderationem, communibus suffragiis, & Patrum applausu damnata fuere, nonnullis inflictis censoriæ severitatis notis, ut videre est apud Merbesium *Sum. Christiana p. p. q. 36.* ubi quamplurima eruditionis plena studiosus Veritatis amator inveniet.

VI. Ex celeberrimis totius Europæ Universitatibus & Accademiis nobiscum militant Parisiensis, Lovanienfis, Pictaviensis, ac Bituricensis; quarum præsertim duæ priores, unâ cum omnibus nuperrimè citatis Gallicanis Præsulibus, sequentes propositiones, è prædicta Casuistarum Apologia collectas, confixerunt.

In quæstionibus de bono vel malo, licito vel illicito, Jure divino, vel humano, potest quis sequi opinionem minus probabilem, minusque tutam, relicta probabiliori, & magis certa, etiam sibi nota ut tali. Ita refert Natalis ubi ante reg. 13.

Omnem probabilitatem siue extrinsecam, siue intrinsecam, in conscientia satisfacere putamus, nec exemplis urgebimur: ubique enim eodem omnino modo philosophamur.

Auctoritas unius probi & docti reddit opinionem probabilem.

Hæc positiō sexdecim ad probabilitatem requiruntur; non est probabilis; si sufficiunt sexdecim, sufficiunt quatuor; si sufficiunt quatuor, sufficit unus.

Ex auctoritate unius tantum potest quis opinionem amplecti, licet a principiis intrinsecis falsam, & improbabilem
exi-

existimet.

Omnes opiniones probabiles sunt per se aque tuta, ac secure: Benigniores, etsi aliquando sint minus probabiles, per accidens sunt semper utiles, & securiores.

Homo non est suarum opinionum mancipium, ideoque probabiles quasvis Sententias potest ad libitum mutare apud Natalem ibid. reg. 14.

Ut igitur Authoritatis pondus pro nostra assertione compleamus, innuere sufficiat, Doctores omnes Pietate, Dignitate, ac Doctrinâ excellentiores, solidissimis rationibus innixos, eam tueri.

Adducant quæso Moralis laxitatis Protectores, vel unum ex Sanctis Doctoribus, Pontificibus, Conciliis, Purpuratis &c. nullum utique: Aliquos tantummodo dicam plurimos Scriptores, sed non supremi Ordinis, [sicut neminem prodo, ita neminem offendo]; plurimos, inquam, inanes invicem mutuantes ratiunculas, ac Authorum citationes, ut, sic se se fulciantes, penitus non prolabantur.

Post Theologos recensendi sunt plurimi Juris-Consulti, nec-non Canonistæ, quorum Antesignanus in hac materia extitit Prosper Fagnanus *In cap. Ne innitaris. De Constitutionibus*: Ubi plures ipsorum, & efficacissimas rationes adducit.

Ex quibus omnibus manifestissimè liquet, multo plures numero [nedum singularibus eminentiores prærogativis] esse, qui sanctioris Disciplinæ regulam sectantur in tuenda sententiæ tutæ veritate, [etiam solum ex eo tempore, quo hæc quæstio fuit maturè discussa,] contradictoriâ sensus amicâ, & personatâ probabilitate unanimi voto rejectâ. Quamvis enim hac nostrâ, vel

G

al-

alterâ præcedenti ætate, nonnulli prodierint suadentes investigare, ac addiscere, non quod verum est, sed quod probabile, ac si Christus dixisset, *Ego sum Probabilitas*, non autem *Ego sum Veritas*; Jo. 146. Nihilominus & hi pauci sunt, si tot aliis comparentur, Veritatis, non Probabilitatis Amasius, ac Defensoribus. Legantur a me prælaudati, & quod affirmo, evidenter innotescet.

VII. Concludendum igitur cum Eminentiss. de Lauræa To. 2. in 3. sent. disp. 11. a. 4. n. 299. falsum esse, quod majorem Probabilitatem extrinsecam habeat, seu plures Authores sententia affirmans, licitum esse sequi opinionem minus probabilem in concursu probabilioris, quam contraria; Immo hæc ferè totam habet Ecclesiam, quæ de illa obmurmurat, eamque omnes cordati, & publicè, & privatè insimulant, ut relaxationum originem. Hinc

Deducitur primò, gratis, & absque ullo fundamento affirmasse Clericatum *Erotem. Eccles. c. 2. n. 5.* quòd *communis est opinio, quòd licitum sit in foro interiori sequi opinionem probabilem, omissa probabiliori &c.* Proculdubio nec a longè ipse salutavit quos adduximus Probabilioristas; aliàs ita nec scripsisset, nec sensisset. Nisi velit cum aliquibus Probabilistis, quod ad reddendam aliquam opinionem absolutè communem sufficiant decem Authores, aut etiam octo tantummodo, vel septem; quod utique ridiculum est, ni sermo sit de Doctoribus Classicis, nempe, Divo Thoma, Scoto, & hujusmodi.

Deducitur secundò, falsum scripsisse supradictum Anonymum, asserentem in eodem Opus. n. mibi 47. oppositam sententiam de sequela opinionis minus probabilis, faventis libertati, in conflictu probabilioris stantis

tis

tis. pro lege, esse communem, & omnium Authorum, qui ex professa hanc materiam pertractarunt, si paucos excipias nec merito, nec numero illis comparandos. Non indiget hoc dictum impugnatione: nimis patenter hyperbolice incedens, seipsum mendacii reum condemnat.

Multi loquuntur, sed ignorant quæ dicunt; quia nunquam legerunt, aut viderunt Probabilioritarum volumina, sed aliquos tantum Probabilitas, præsertim ex recentioribus, quos manibusterunt, Tamburinum, Mendo, Gobatum, Bordonum, Maltrium, Bonacinam, Giribaldum, Busenbaum, Amicum, Laymanum, Abelli, Viva, Cardenas, Gavellum, Lohner, & alios consimiles legerunt.

Verum hac in re volo me Probabilistis benevolum præbere. Quocirca, gratis dato, (numquam tamen concessio, utpote contra veritatem,) plures numero dari Scriptores, Probabilismo plaudentes, alios sequentes, tanquam oves, & aves, solidissimis non perpenlis, quinimò nec lectis quandoque suorum Adversariorum rationibus, & motivis: Nihilominus ita eis omnibus, argumentorum vigore præit quilibet Probabiliorita, ut, sæpius verificetur, quod plurimi, qui citra passionem, vel obitinationem legerint aliquod Probabilioriticum volumen, illico victi, ei, quam prius non cognoscebant, se submitunt Doctrinæ, ac Veritati. Testis est Cardinalis Sfortia Pallavicinus, qui post evulgatum, ac a se defensum Probabilismum, palinodiam in MSS. decantavit; & anno ferè ante mortem Nepoti suo Societatis Jesu Religioso, protestatus fuit, se velle omnino publicè retractare, quæ de benigna, ut ajunt, sententiâ prius festatus fuerat, & scripserat documenta, ut refert Thyrsus

Gonzalez Dissert. 13. Testis est Cardinalis de Aguirre, vir ingenii sublimis, ac eruditionis eximix, qui de se ipso fatetur *in præf. ad Concil. Hispan.*; quod in Probabilismo, veluti in pulvino molliter prius quiescebat, ejusque studium erat *in examinando potius, an aliquid esset probabile, quam investigando, an esset verum*. Ut tamen peculiari diligentia deprehendit *ingens periculum salutis in sectando, aut consulendo aliis Probabilismo*, statim expergefactus, Probabiliorista evasit. Testis est prædictus P. Reverendiss. Gonzalez Sociorum Generalis Præpositus, cui non aliter, ac præfatis Eminentiss. accidit, ut videre est in ejus, quem edidit de recto usu opinionis probabilis, tractatu. Testis est Reverendissimus P. F. Christophorus a S. Joseph, Ordinis Carmelitarum Discalceatorum, Procurator Generalis in Curia Romana pro Congregatione Hispaniarum, qui cum prius esset Probabilista, [ut referunt Authores illius Operis, quod inscribitur, *Giornale de' Letterati d'Italia*, anno 1711.] novissimè Probabilioristicum, & egregium volumen evulgavit Romæ, Typis Jo. Francisci Chracas. Testes sunt denique alii non pauci, quotidie, primâ ipsis effulgente probabilioristica luce, Probabilismi tenebras relinquentes, & fidissimè in acquisiti luminis splendore perseverantes. Quis autem è tot Probabilioristis unum tantum inveniet factum Probabilistam?

§. III.

RATIONIBUS PROBATUR NOSTRA SENTENTIA.
SUMMARIUM.

1. **E**xaminatur prima ratio ex qualitate nostri intellectus, qui determinatus ad partem probabilem, non potest

test alteri opposita minus probabili assensum præbere, nisi nova superveniant motiva sufficientia ad utrumque assensum variandum.

2. Excluditur quadam Probabilistarum responsio ad præfatam rationem: Et ostenditur, evitandum esse, sub mortali, periculum, etiam tantummodo probabile, lethali ter peccandi.

3. Secunda ratio adducitur, evincens, quod qui sequitur opinionem minus probabilem in concursu probabilioris, est dubius de licetitate sua operationis.

4. Occluduntur Adversariorum evasiones, præsertim de dubio speculativo, & pratico; Et multipliciter ostenditur falsitas illius Principii: Qui sequitur opinionem probabilem in consilio, sequitur dictamen rectæ rationis: adeoque nullam esse reflexionem, qua sibi blandiuntur, posse tollere dubium practicum ab operante.

5. Tertia ratio in favorem Asserti sumitur ex illa Juris regula. In dubiis tutior via est eligenda. Nec illam enervant plures, & inanes Probabilistarum glosæ. Quocirca ostenditur

6. Primò, quod talis regula exprimit præceptum, & non consilium.

7. Secundò, habere vim, & extendi etiam ultra Casus Summis Pontificibus propositos.

8. Tertiò quod verificatur non solum in dubiis Facti verum etiam Juris.

9. Quartò, tam in foro contentioso, quam in foro Conscientiæ.

10. Quinto, tum in dubiis propriè talibus, cum in dubiis minus rigorosè acceptis, idest etiam si partes contradictionis non inducant aequalem dubietatem.

11. Sextò denique, verificari etiam in dubiis positivis.

12. *Quarta ratio elucidatur ab inconvenientibus, quæ sequuntur ex opposita Sententia.*

I. Prima ratio fundamentalis desumitur ex Doctrina superiùs allata §. 1. n. 3. quam exornat Magister Luccioni *ibi sup. a. 2.* Unus, & idem intellectus, qui subiectivè, ac formaliter in se præstitit assensum alicui sententiæ, quam ipse putat, & cognoscit probabiliorē, non potest, opinioni oppositæ, quam ipse judicat minus probabilem, adhærere, non solum retinendo assensum erga probabiliorē, sed nec etiam ipsum relinquendo, & alteri adhærendo, nisi superveniant ipsi motiva, & rationes fortiores, quæ rationabiliter ipsum moveant ad primum assensum, & judicium relinquendum, & aliud oppositum de novo efformandum, per quod opinio ipsi priùs probabilior transeat in minus probabilem, & minus probabilis in probabiliorē, eique assensum rationabiliter præster: Siquidem in hoc casu, judicium practicum, & ultimum operantis (juxta quod quælibet actio humana determinatur ad bonitatem, vel malitiam respectivè,) ita ex motivis, ac rationibus fortioribus adhæsit opinioni probabiliori, ut nec ex parte ipsius intellectus, nec ex parte voluntatis connexivè ad eundem intellectum, possit minus probabili adhærere, quin agat, vel saltem periculo exponatur agendi contra conscientiam, jam per priorem assensum rationabiliter, immo rationabilius efformatam de opere sibi licito, & honesto: Ergo non licet sequi opinionem minus probabilem concurrente, ac relicta probabiliori. Cogor, ad evitandam pro Rudioribus Syllogisticam formam, seu strictiorem scholarum methodum, minus dilucidè, ac minus
ner.

nervosè procedere .

Manifestatur ergo prima propositio cum sua implicita probatione, & primò ex parte voluntatis. Hæc enim etli in practicis habeat movere intellectum quò ad exercitium, nunquam tamen potest illum ita movere, ut minus vero-simili faciat assentiri, nisi prius ipse intellectus, ex motivo noviter superveniente, rationabiliter imperet mutationem assensus, modo explicato ; Aliòquin posset voluntas intellectum cogere ad assentiendum obiecto incognito, seu quod ipse non verum, vel saltem minus verum, seu vero-simile cognoscit, quod est contra veram Philosophiam, ac naturalem modum procedendi intellectus, & voluntatis: Ergo quando intellectus per iudicium determinatum, & moraliter certum efformavit conscientiam de opinione probabiliori, illique firmiter adhæsit, non potest Voluntas facere, quòd idem intellectus opinioni minus probabili assentiatur .

Ex parte verò intellectus eadem propositio sic probatur . Nam intellectus, sive practicus, sive speculativus, prudenter determinatus ad aliquem assensum circa obiectum cognitum, nequit simul prudenter assentiri alteri opposito obiecto, nisi mutando priorem assensum in dissensum, & è contra: Sed non potest prudenter sic mutare assensum, nisi superveniente aliquo rationabili motivo ipsum inclinante ad assensum, cui prius dissentiebatur, vel è contra: Ergo semel dato, quod intellectus, per iudicium determinatum, assensum præstiterit opinioni probabiliori, cognita ut tali, non potest prudenter ac rationabiliter assentiri opinioni minus probabili, reduplicativè tali: Hæc enim habere nequit ex se motivum rationabilius, nisi de statu minus probabili
tran-

transeat in probabiliorem, & probabilior in minus probabilem, per aliquam novam rationem fundamentalem, vi cuius intellectus possit, modo explicato, rationabiliter assensum mutare, & conscientiam aliter efformare, aliàs operabitur, vel saltem exponetur periculo operandi contra conscientiam jam prudenter efformatam.

II. Dices, Intellectum practicè determinatum ad assensum de probabiliori parte, non cogi eidem dissentiri, ut parti minus probabili assensum præstet, sed posse utrumque assensum admittere, primum quidem signatè, ac veluti speculativè, ipsum pro illo tunc suspendendo, alterum verò exercitè, ac practicè, adeoque sine ulla læsione prioris assensus, circa quem tam intellectus, quam Voluntas possunt suspensivè concurrere: Consequenter, etsi quis speculativè iudicet aliquam opinionem esse probabiliorem, poterit oppositam minus probabilem amplecti, ac sequi, absque ulla conscient.æ læsione.

Sed contra Primò. Nam supposito ultimo, ac firmo iudicio practico intellectus per suum assensum in partem sibi probabiliorem, secundum quam conscientiam formavit de actu sibi licito, & honesto, non est amplius in ejus, aut voluntatis potestate talem assensum suspendere, seu permissivè adhærere minus probabili, absque novo rationabili motivo, quod sit sufficiens ad rationabiliter deponendam, & reformandam conscientiam per mutationem assensus, modo nuper explicato [nisi affirmare velimus, quod intellectus possit practicè tendere in obiectum minus verum, seu quod sibi potius apparet falsum quam verum, & relinquere magis verum, quod est absurdissimum]; Aliàs quæcumque suspensio,
vel

vel permissio esse contra dictamen conscientie, ac proinde non sine periculo peccandi: Cum ergo nemo possit absque peccato exponere se periculo peccandi, hinc est &c.

Quod autem quis citra culpam lethalem nequeat exponere se periculo nedum proximo, verum & solum probabili peccandi mortaliter, jam supra innui §. 2. n. 1. & iterum sic ostendo contra Caramuelem. Nam ex Doctrina D. Thomæ 2.2. q. 43. a. 7. & 8. unusquisque tenetur sub mortali subire aliquod damnum temporale ad impediendum scandalum passivum, quod probabiliter eveniturum timet ex aliorum ignorantia, vel infirmitate, seu passione. Immo quandoque ad evitandum idem scandalum bona spiritualia ad salutem non necessaria, sunt differenda; aliàs præbere quis dicetur occasionem ruinæ, ipsique imputabitur peccatum. E. G. Plautilla die feriali templum aditura, ad audiendum ex mera devotione Sacrum, si prævidet, ob sui pulchritudinem, probabiliter exarsurum ejus concupiscentiâ Sempronium, vel aliquem Adolescentem indeterminatè ex pluribus, qui simul confabulantur, eamque ad templum euntem conspecturi sunt, debet differre, aut etiam totaliter omittere illo die auditionem Missæ, domique morari; alioquin a peccato scandali non excusabitur: Ergo multo magis unusquisque tenetur sub mortali non se exponere probabili periculo lethaliter peccandi; quia Charitatis præceptum strictius obligat ad impediendum peccatum in se, quam in aliis.

Insuper, tenemur vitare probabile periculum inferendi proximo damnum temporale, ut si Medicus cognoscat, pharmacum a se decies exhibitum, seu appli-

H

catum

catum ægrotis, quinque illis nocuisse, nequit illud ulterius præbere, quia dum aliud suppetit pharmacum tuto salutiferum, non potest uti medicamento dubio, ut est communis Doctorum sententia, & nos demonstrabimus infra §. V. n. 14. Ergo à fortiori tenemur evitare probabile periculum inferendi nobis damnum spirituale, committendi, scilicet, peccatum mortale.

Ponamus ergo casum, quod Coriolanus sex vicibus cum Domitia fuerit conversatus, ac ter ex impuro ad illam desiderio pollutus, non poterit ulterius, citra mortalem culpam, cum Domitia versari, si perpensis omnibus circumstantiis, probabiliter credat, seutimeat, vel timere debeat, se iterum casurum, tametsi etiam probabiliter existimet se non peccaturum. Ita dicat Prudentia; quæ si ex duobus malis, quorum unum est inevitabile, minus eligendum edocet, multo magis insinuat, inter partes contradictionis eam eligendam esse, in qua nullum adest periculum mali, seu legem transgrediendi, & peccati mortalis, eâ relictâ, in qua tale periculum invenitur. Et certè imprudens foret, qui, absque necessitate, ac urgentissimâ causâ, vellet per Sylvam transire, in qua probabiliter timeret a latronibus se expoliandum, etiamsi aliquam probabilitatem haberet de opposito, eò quia cum sex vicibus per illam transiret, ter solummodo fuisset expoliatus, ac ter evasisset illæsus. Ita in præsentī. Equidem nonnulli forsā putant, idem esse periculum probabile, ac periculum remotum. Sed notabiliter falluntur. Nam sicuti periculum proximum, seu occasio proxima importat *certitudinem moralem labendi* in peccatum, in quantum quis in ea constitutus non potest, secundum iudicium Viri prudentis, lapsum non

non expectare: Ita periculum remotum secum affert *certitudinem moralem non labendi*, quatenus prudentialiter poteit unusquisque judicare, ac *certò* sibi persuadere, moraliter loquendo, non adfuturum peccatum in tali periculo, seu occasione; ut constat ponderanti utriusque periculi naturam. Periculum autem probabile est veluti medium inter utrumque, & pòtius accedit ad periculum proximum, quam ad remotum, & importat *probabilitatem labendi, & probabilitatem non labendi*, idest, quod quis in eo positus forsàn, aut probabiliter cadet, & forsàn, aut probabiliter non cadet: Sicque tale periculum constituit hominem in dubio, vel saltem in morali formidine de peccato in ipso perpetrando; ac proinde qui illud non evitat, dicitur velle probabiliter peccatum: Nam juxta Doctrinam communis Doctoris, superius dilucidatam, & inferiùs etiam non semel recolendam, ubi agitur de peccato mortali, qui discrimini se committit, & habet moralem formidinem de licetitate sui actus, & operationis, mortaliter peccat. Unde quamvis citra culpam lethalem possit quisque non evitare periculum remotum peccandi, secus verò periculum probabile. Hæc obiter dicta sint.

Contra secundò. Magis & minus probabile, seu opinio probabilior, & opinio minus probabilis subiectivè respectu ejusdem intellectus, non se habent ut tutum & magis tutum, idest tanquam dux differentix accidentales, solum diversæ penes magis, & minus ejusdem speciei, E. G. Magis, & minus album, magis, & minus clarum, itaut pariformiter opinio minus probabilis sit tuta, probabilior verò magis tuta, adeoque possit intellectus, absque mutatione assensus, ac reformatione con-

scientiæ, quamlibet ex his ad libitum amplecti sine ullo peccandi periculo (sicuti de facto ex duabus diversis opinionibus potest sequi eam, quæ tuta est, etiam in conflictu, & relicta altera tutiori]; Sed se habent ut duæ differentię essentielles, ac specificę, inter se oppositę, ac adversę, sicut lucidum, & obscurum, tutum, & non tutum, probabile, & improbabile, vero-simile, & non vero-simile, loquendo semper subiectivè respectu ejusdem intellectus, qui eatenus opinioni magis probabili firmum assensum, & opinioni minus probabili dissensum præbuit, quatenus cognovit, secundum illam esse conscientiam prudenter efformandam de licetitate, & honestate alicujus actus, hic, & nunc eliciendi, non verò secundum istam: Ergo nisi noviter ipsi superveniat aliqua major ratio, desumpta saltem ex aliqua circumstantia personę, loci, temporis, vel hujusmodi, quæ prudenter ipsum moveat ad variandum ultimum dictamen, seu judicium prius factum, ita ut valeat ei rationabiliter assentiri, cui prius dissentiebatur, dissentiri, cui assensum præstitit, adeoque opinio sibi minus probabilis, & non tuta, transeat in probabiliorem, ac tutam, & è contra, seu, ita ut sibi reddatur probabile, quod sibi improbabile videbatur, & è contra, non potest absque conscientię gravamine, opinioni sibi minus probabili practicè adherere, eique assensum præbere, simul retinendo, quamvis tantummodo suspensivè, ac permissivè, assensum erga sibi probabiliorem; Aliòquin daretur simul duplex assensus de duabus contradictoriis, tanquam de simul veris, quod est impossibile.

Et certè, quomodo potest intellectus ultimum judicium suum actionis directivum, jam formatum de par-

te

te probabiliori, suspendere, cum de illa non solum nullatenus dubitet, aut formidet, sed eam insuper indubitabilem, ac moraliter certam supponat, oppositam vero minus probabilem, in alterius conflictu, subiectivè judicet improbabilem sibi, quinimmo falsam, sic quod probabiliori comparata, omnem suam deperdat probabilitatem?

Neque hoc ultimum sit mirum, aut videatur gratis dictum. Siquidem, ut docet D. Th. 1. p. q. 50. a. 1. ad 1. quod mediat inter duo extrema, si uni ex ipsis compareretur, videtur esse alterum; E. G. tepidum frigido comparatum, videtur esse calidum, comparatum verò calido, videtur esse frigidum. Fuscum comparatum ad nigrum, album dicitur; nigrum autem, si compareretur ad album. Quia ergo opinio probabilis veluti mediat inter probabiliorem, seu moraliter certam, & improbabilem, seu falsam, esto huic comparata verè probabilis appareat, & vera; Comparata tamen, seu in conflictu probabilioris, & in ejus concursu [præsertim si notabiliter probabilior sit], improbabilis, & falsa reputatur; adeò ut tota ejus probabilitas amittatur, sicuti adveniente Solis fulgore, Stellarum splendor evanescit. Vid. inf. §. 5. m. 20. & 21.

III. Probatur secundò nostra Sententia. Non est licitum in operando sequi conscientiam dubiam, ut omnes concedunt, non solum quia conscientia dubia non est conscientia recta, secundum quam unusquisque debet operari, sed etiam quia tunc operans exponit se periculo peccandi, adeoque peccat: Sed qui sequitur opinionem minus probabilem in concursu probabilioris, sibi notæ ut talis, est dubius de honestate, & licetitate sui

fui actus, & operis; quia dubium tunc datur, non solum quando utrinque sunt motiva æqualia, (quæ scilicet, formant æquilibrium metaphysicum, vel mathematicum,) verum etiam quando sunt quasi æqualia, (nempe cum quilibet morali,) quia quod parum distat, nihil distare videtur; & ita expresse docent Sylvestre *V. Dubium n. 2.* ac D. Antonin. *1. p. tit. 20. de reg. Juris*, & habetur ex D. Thoma *q. 14. de Ver. a. 1.* ac ex ipso observant Mercorus *p. 2. a. 7.* Charles *cap. 24.* & alii apud ipsum; adeoque operans juxta opinionem minus probabilem, tantò magis erit dubius, quantò pars opposita habet validiora motiva, & cognita ut talia; Ergo non licet sequi opinionem minus probabilem, subiectivè in eodem operante, concurrente oppositâ ut probabiliori.

IV. Respondent Probabilistæ, & inter eos præallegatus Anonymus *num. 35.* Dubium, quod tunc remanet in operante, esse merè speculativum, de objecto scilicet in universali, ac per judicium directum, & in quantum ipse operans, vel nequit ex se solvere argumenta pro parte opposita militantiâ, vel quia non percipit vim solutionis, quæ a Viris doctioribus traditur eisdem argumentis: Non est autem dubium practicum, impediens rectè, ac licitè hic, & nunc operari; quia per judicium reflexum, quod est omnino ultimum, operans fit certus, se posse opinionem minus probabilem amplecti, & juxta illam operari. Quod judicium reflexum fit hoc, vel alio consimili modo: *Qui sequitur sententiam probabilem, sequitur dictamen rectæ rationis*; Quia recta ratio dictat, quod ex eo, quod sententia probabilis est, digna est ut approbetur, tum propter intrinsecas ejus rationes, cum

cum propter extrinsecam Authoritatem gravium DD. qui dicunt eam esse probabilem, & rectam regulam juxta rationem operandi: *Sed qui sequitur opinionem minus probabilem in concursu opposita probabilioris, sequitur sententiam probabilem*; aliàs ipsa non esset aut diceretur minus probabilis, si non esset probabilis, quia comparativum supponit positivum: *Ergo qui sequitur sententiam minus probabilem in concursu probabilioris, sequitur dictamen recte rationis*. Quapropter operans in hoc casu, & hac demonstratione certificatus de licetitate suæ operationis, non dicitur sequi conscientiam dubiam.

In hac Responsione situm est præcipuum, ac ferè unicum Adversariorum fundamentum; quapropter ad eam, tanquam ad arcem defensionis, festinanter recurrunt, quando validissimis Probabilioristarum premuntur argumentis. Quam ob rem oportet eam funditus evertere ad plenum, & notorium Veritatis Triumphum. Et in primis, ut quælibet æquivocatio, seu error circa præsentis difficultatis intelligentiam vitetur:

Recolendum ex dictis, sermonem hic esse de duabus propositionibus contradictoriis, quarum una, favens libertati, affirmet aliquam actionem esse licitam, E.G. pingere in die festo: & hæc sit minus probabilis; Altera verò stans pro Lege, sit negativa, videlicet, non esse licitum pingere in die festo: & hæc sit probabilior: Et ambæ istæ contradictoriæ versentur circa idem omnino obiectum: Aliòquin extra quæstionem disputamus, puta, si una opinio dicat, non esse licitum pingere in die festo, absolute loquendo; Altera vero licitum esse gravi urgente necessitate. Supposito igitur quod Pictor E.G. cognoscat probabilius sibi non esse licitum in die festo

feito suam artem exercere, difficultas est, an possit, hoc non obitante, in praxi sequi oppositam sententiam, quam cognoscit minus probabilem, quodd, scilicet, sibi liceat in die feito suam artem exercere. Affirmant Probabilitæ, mediante aliqua reflexione, prout nuperrimè inuimus in ipsorum responsione; Ad quam penitus profligandam,

Contra eam primò sic arguo ex dictis in prima probatione. Judicium illud reflexum, vel superaddit aliquod rationabile motivum, medio quo possit operans prudenter mutare iudicium directum, & assensum priorem, secundum quem conscientiam jam efformavit in dissensum, & è contra, adeoque opinionem sibi probabiliorē fieri sibi minus probabilem, & è converso; Vel non superadditur tale motivum. Si dicatur primum, ergo operans non agit juxta opinionem sibi minus probabilem, sed juxta illam, quæ ex novo, & gravi motivo sibi facta est probabilior, secundum quam mutat priorem dissensum in assensum, & priorem assensum de opposito in dissensum, cum hæc facta sit sibi minus probabilis, ex rationabili motivo noviter superaddito. Si dicatur secundum, Ergo nunquam potest operans adhærere opinioni sibi adhuc minus probabili, & secundum eam ultimum conscientie dictamen prudenter regulare, cum jam eandem conscientiam ultimò efformaverit ex directo iudicio de opinione probabiliori; Aliàs, ut supra vidimus, intellectus, etiam per tale iudicium reflexum, tenderet in obiectum minus verum, ac minus veri-simile; quod est absurdum. De facto tamen verum est, (& a Probabilitatis negari non potest, si velint nobiscum loqui de opinione minus probabili, in actuali,
ac si,

ac simultaneo conflictu oppositæ probabilioris respectu ejusdem intellectus,) per tale judicium reflexum nihil superaddi, quo rationabiliter variari possit judicium directum conscientiæ formativum; adeoque non posse operantem, absque propriæ conscientiæ gravamine, seu quin ipse sequatur conscientiam dubiam, & ex consequenti quin peccet, opinioni minus probabili adhærere. Quod ut manifestius fiat,

Secundo impugno allatam responſionem, & adductam reflexionem. Ut judicium sit rationabiliter, ac prudenter directivum, & ultimò formativum rectæ conscientiæ, itaut quis secundum illud valeat licitè operari, debet esse (ut omnes fatentur) saltem moraliter omnino certum, adeoque excludens a conscientia omnem dubietatem, [ut §. præcedenti vidimus ex D. Thoma], ac moralem de rectitudine operationis formidinem, nempè, ut nullum timeatur periculum, & error, consideratis rationibus propriis, & circumstantiis, quæ in humanis actibus accidere solent [ad differentiam formidinis logicæ, quæ solum admittit erroris periculum remotum, non repugnans rectitudini operationis in quibuscumque personis timorata conscientiæ] : Aliòquin operans exponeretur periculo peccandi; Et insuper, quia conscientia definitur, *Judicium præconsultatum & certum, immediatè directivum humana operationis*: Judicium autem, seu dictamen rectæ conscientiæ, est dictamen prudentiæ, de cujus ratione est habere moralem certitudinem, excludentem quamcumque moralem formidinem quod opus non sit licitum, & honestum: Sed judicium illud reflexum, *qui sequitur sententiam probabilem, sequitur dictamen rectæ rationis &c.* non est omnino certum mora-

liter, modo explicato, cum negetur ab omnibus Probabilioritis, dignitate, numero, & sapientiâ potioribus, ut ex dictis conitat: Ergo non potest esse rationabiliter, ac prudenter directivum, & ultimò formativum rectæ conscientiæ; ac proinde operans, in vi ejusdem judicii reflexi contra id, quod directè judicat probabilius, semper agit ex conscientia dubia, & per consequens peccat. Ex quo

Confirmo argumentum: Tale judicium reflexum non potest præstare intellectui certitudinem illam, quam in se non habet: Sed in se non habet certitudinem moralem sufficientem, & necessariam ad tollendam ab intellectu dubietatem practicam, quam habet de operatione propter directum judicium, secundum quod conscientiam formavit de opposito, tanquam de probabiliori: Ergo non potest illam intellectui præstare: Ergo adhuc intellectus remanet practicè, & non solum speculativè dubius: Ergo qui tunc operatur juxta sententiam minus probabilem in concursu probabilioris, quantumvis existente prædicto judicio reflexo, exponit se periculo peccandi, & peccat.

Ultra quod, sicuti ex contingenti non-nisi contingens potest sequi; ita ex probabili, & fallibili non-nisi probabile, ac fallibile: Ergo non aliquid moraliter omnino certum, prout requiritur ad licitè operandum. Forsan-ne Probabilistarum Authoritas dabit præfato judicio reflexo eam certitudinem, quam illi denegant D. Aug. D. Thomas, Scorus, D. Antoninus, & mille alii ex PP. ac DD. quotiescumque actio aliqua a lege Divina, vel naturali ratione dissentiat? Qui hoc præsumit audiat prælaudatum Augustinum apud Gonet *Man. ro.*

3. tract. 3. c. 16. pag. mibi 271. Ecce (inquit) dat tibi securitatem Procurator, quid tibi prodest, si Paterfamilias non acceperit? Procurator sum, Servus sum, vis tibi dicam? Vive, quomodo vis, Dominus te non perdet: Securitatem tibi Procurator dedit, nihil valet securitas Procuratoris: Utinam tibi Dominus securitatem daret, & ego te securum facerem. Domini enim securitas valet, etiam si nolim; mea nihil valet, si ille noluerit. Quis autem affirmabit, Deum securitatem promississe operantibus juxta sententiam minus probabilem, in concursu oppositæ probabilioris, suæ sanctissimæ legi faventis; ac moralem certitudinem, excludentem omnem formidinem, præstare huic judicio reflexo: *Qui sequitur sententiam probabilem, sequitur dictamen rectæ rationis?* Congruit igitur hac in re Lactantii monitum attendere: *Ne trahamur auctoritate cujusquam, sed Veritati potius accedamus. Nullus hic temeritati locus est: In æternum stultitiæ pœna subeunda est, si aut persona inanis, aut opinio falsa deceiverit.* ap. eundem Gonet *ibid.*

Contra Tertio sic argumentor ex Mercoro p.2.a.18. Estò præfatum principium, *Qui sequitur sententiam probabilem, sequitur dictamen rectæ rationis*, verificari possit, quando probabilitas importat certitudinem moralem de honestate actus, excludentem non solum dubium formale, verum etiam moralem formidinem de opposito, prout requiritur ad operationem prudentialem, idest conformem rectæ rationi, (cum prudentia sit directiva operationum juxta rectam rationem); non tamen verificari potest, quando deest hujusmodi certitudo moralis, ut jam vidimus, & omnes fateri tenentur: Sed opinio minus probabilis in conflictu oppositæ probabilioris,

morali certitudine caret. Tum quia contra eam magis urgent rationes probabiliores, quod sit falsa, quam propria suadeant motiva, quod sit vera. Tum etiam quia aliàs in eodem intellectu darentur duæ contradictoriæ simul moraliter certæ, ac veræ, nempe, opinio magis, & opinio minus probabilis, quod implicat: Ergo illud Probabilistarum principium non verificatur de opinione minus probabili, in conflictu oppositæ probabilioris; adeoque non remanet probabilis; prout requiritur ad omnem tollendam moralem dubietatem, & formidinem practicam ab intellectu.

Quamvis igitur sententia probabilis ut sic, & simpliciter sumpta, possit esse regula rectæ operationis, quando non existit, nec haberi potest major certitudo de objecto, (ad quam obtinendam diligens præcesserit inquisitio,) quia tunc vim sufficientem habet ad actualiter flectendum intellectum in ejus assensum, saltem opinativum (quod solum, & non aliud probant multa, quæ adducunt Adversarii, & inutiliter coacervat Peguleti per plura sui Operis capita): Hoc tamen non habet in concursu probabilioris, respectu ejusdem intellectus, quia tunc probabilitas est impedita, cum de minus probabili in concursu probabilioris, intellectus nequeat opinari.

Quod utique sic ostendo (præter superius dicta, & alia plura dicenda in Appendice secunda *num.* 32. qui locus omnino videatur):

Primò: Quia in dubiis, & quando partes habent rationes, & motiva actu æqualiter urgentia, nequit intellectus ad unam ex illis se determinare, sed necessarid, & non liberè, remanet dubius. Tum quia non
ma-

magis moventur versus unam, ac versus aliam partem contradictionis, sed naturaliter remanet anceps; sicut statera, propter æqualia pondera in utraque lance posita, non magis in unam, ac in alteram partem inclinat. Tum etiam quia iudicium opinativum, quod format intellectus de æquali probabilitate utriusque partis in hoc situm est, quod utraque sibi non magis appareat vera, quam falsa, cum alterutra ex proprio motivo appareat vera, & ex motivo suæ oppositæ appareat falsa; adeoque cum motiva judicandi sint æqualia, utraque pars æqualiter apparebit falsa, & utraque æqualiter apparebit vera. Constat autem, quod nullus intellectus potest iudicium opinativum formare de aliqua propositione, quæ sibi videtur æqualiter vera, & æqualiter falsa: quia opinari est iudicium efformare de veritate unius partis contradictionis cum formidine alterius. Tum denique, quia sicut Judex non potest ferre sententiam in favorem alterutrius ex partibus, quando jura sunt utrinque æqualia, sed debet partes componere, ni velit iniustitiam committere in eam partem, contra quam iudicium proferret, & conscientiam propriam gravare, ut communiter asserunt DD. & ego manifestabo infra §. V. n. 12. Ita intellectus, qui est Judex, non potest rectum iudicium opinativum ferre de alterutra ex partibus, quando habet æqualia motiva, & quod sit vera, & quod sit falsa: Ergo multò minus potest opinari, seu iudicium opinativum formare de parte debiliori, nempe minus probabili, relictâ probabiliori, eâ scilicet, quæ in conflictu habet fortiora motiva ipsum flectentia ad assensum erga illam, & per consequens ad dissensum erga alteram, utpotè sibi tunc apparentem potius falsam, quam veram.

Se-

Secundò . Intellectus in judicando semper, pro suo posse, tendit in id, quod est, vel sibi apparet verius, & refugit id, quod magis existimat accedere ad falsum quam ad verum; quia ejus obiectum est verum, & aliàs quanto magis aliqua potentia tendit in suum obiectum, a suo opposito abhorret, & elongatur, ut patet inductivè: Sed sententia magis probabilis apparet verior, quam minus probabilis: Ergo intellectus ita tendit in illam, ut refugiat istam, nec possit de ipso ullatenus, etiam opinativè, judicare: Alioquin sequeretur, quod intellectus posset existimare veram illam sententiam, quæ sibi magis apparet falsa, & simul existimare falsam, quæ sibi magis apparet vera; quia in quantum quis unam opinionem existimat veram cum aliqua formidine, (quod est opinari), alteram oppositam existimat falsam eodem modo, cum dux contradictoriæ non possint esse simul veræ, aut simul falsæ.

Neque dicas propositiones, quæ sunt in conflictu respectu ejusdem intellectus, non esse propriè contradictorias, sed aliquà modalitate affectas, puta, *Pingere in die festo mihi probabilius non est licitum, & pingere in die festo mihi minus probabiliter est licitum*; adeoque virtute hujusmodi modalitatum, *probabilius, & minus probabiliter* poterit intellectus sic uni parti tanquam probabiliori assentiri, ut simul valeat alteri, ut minus probabili adherere.

Non, inquam, hoc dicas. Etenim modalitates illæ non sunt id, in quod immediatè ac directe tendit judicium intellectus, sed præsuppositivè se habent, et se tenent ex parte motivi judicandi. Obiectum autem directum judicij est hoc. *Pingere in die festo est illicitum.*

Et

Et hoc iudicium format intellectus ex principiis vero: similioribus, adeoque probabilius veris, et communicantibus tale verum *probabilius* tum prædicto obiecto, tum ipsi intellectui subiectivè: Ergo si semel Intellectus iudicavit, quod *pingere in die festo est illicitum*, etiam ut quid solum probabilius verum, idest non omnino evidenter verum, sed ex motivis tantum vero-similioribus, non poterit de hac opposita & contradictoriâ propositione *pingere in die festo est licitum* aliquod iudicium efformare, tametsi de aliquo ut minus probabiliter vero, seu ex motivis minus veri-similibus, idest minus probabiliter veris; Aliòquin simul tenderet directè, ac immediatè in duas propositiones tam obiectivè, quam subiectivè, ac respectu sui ipsius verè contradictorias; quod est impossibile.

Igitur contradictio formaliter sita est inter *ly est licitum*, & *ly est illicitum*, seu *non est licitum*, & quidem de eodem obiecto, E. G. *Pingere in die festo*. Quod postea esse licitum, vel non licitum probetur ex motivis magis, vel minus probabilibus, constituentibus proinde opinionem magis, vel minus probabilem, hoc non transfert contradictionem formaliter ad ipsas intransitivè opiniones, vel modalitates afficientes easdem opiniones, ita ut penes eas, earumque modos attendenda sit contradictio, sed solum talia motiva, & modalitates extrinsecè, ac merè præsuppositivè considerantur; ut dictum est.

Deinde, ista propositio modalis, *pingere in die festo mihi probabilius non est licitum*, seu *probabilius est, mihi non esse licitum pingere in die festo*, includit istam, *probabile est mihi non esse licitum pingere in die festo*, nam quod

quod est probabilius, a fortiori est probabile: Ergo quotiescumque intellectus meus formavit iudicium, & præstitit assensum huic ultimæ propositioni, *probabile est mihi non esse licitum pingere in die festo*, non potest aliud iudicium per assensum facere de sua contradictoria, *probabile est mihi esse licitum pingere in die festo*: Quia inter partes Contradictionis intellectus remanet dubius, nec potest opinari, ut probavimus; aliàs quodcumque iudicium esset ex conscientia dubia, adeoque non sine peccato: Ergo nec poterit intellectus meus assensum præstare huic modali propositioni, *minus probabile est mihi esse licitum pingere in die festo*; Nam quod est minus probabile, idest probabile in conflictu, adhuc est probabile, secundum Adversarios, esto minus: Ergo si intellectus meus non potest per assensum opinari de ista propositione, *probabile est mihi esse licitum pingere in die festo*, in conflictu suæ oppositæ, *probabile est mihi non esse licitum pingere in die festo*, quia dubium impedit opinari; multò minus poterit assentiri, & opinari de ista propositione modali, *minus probabile est mihi esse licitum pingere in die festo*, in concursu alterius modalis, cui præstitit assensum, nempe, *probabilius est mihi non esse licitum pingere in die festo*; quia tunc magis esset dubius de honestate, & licitate suæ actionis, propter maiorem probabilitatem de ipsius illicitate.

Addo, præfatas propositiones, etiam ut explicitè modales, esse verè, dialecticè, ac propriè contradictorias, & non solum quodam propositiones de dicto, quas includunt. Et ratio est; quia ut dux propositiones modales sint contradictoriæ, debet modus unius affirmari, & modus alterius negari: Hoc autem verificatur in præ-

prædictis propositionibus. Siquidem quando dicitur, *Probabilius est mihi esse illicitum pingere in die festo, et minus probabile est mihi esse licitum in die festo*, idem formaliter sonat ac si dicatur, *Probabile est mihi esse licitum pingere in die festo, et improbabile est mihi esse licitum pingere in die festo*; quia, ut ex dictis constat, & magis etiam infra dilucidabitur, Opinio minus probabilis in conflictu probabilioris oppositæ redditur improbabilis, cum intellectus ita uni ex illis adhzreat, tamquam vero conformi, ut alteram oppositam, tamquam falso consonam, seu vero difformem necessario reiiciat; quia cum intellectus semper tendat in verum, aut vero-simile, & opinio probabilior ipsi saltem verisimilior appareat, non potest non averti a minus probabili oppositâ tanquam a falso-simili, seu potius falsâ, quam verâ, adeoque improbabili. Cum ergo *probabile*, & *improbabile* sint modi propriè, ac dialecticè oppositi contradictoriè, hinc est, quod præfatæ propositiones modales verè sunt contradictoriæ, quæ secundum omnes, non possunt esse simul veræ. Quocirca evanescit responsio, quam ad præcedentem doctrinam, nixus dialecticis regulis, novissimè conatur adducere ex Jo. de Cardenas Nicolaus Peguleti, in suo tract. Probabilitatis cap. 3. n. 53

Ex dictis manifestè inferitur, illud Probabilistarum argumentum, (vel aliud consimile,) in quo constituunt vim iudicii reflexi, videlicet, *Qui sequitur sententiam probabilem, sequitur dictamen rectæ rationis: Sed qui sequitur sententiam minus probabilem in concursu probabilioris, sequitur sententiam probabilem: Ergo qui sequitur sententiam minus probabilem in concursu probabilioris, sequitur dictamen rectæ rationis*, non esse Syllogismum, sed paralogismum,

K

quia

quia includit quatuor formaliter terminos propter variationem suppositionis. Nam in prima propositione sententia probabilis stat, & supponit pro probabilitate, simpliciter, & absolute sumptâ: In secunda verò stat, & supponit pro probabilitate in conflictu majoris probabilitatis, adeoque impeditâ ad moraliter certificandum intellectum, ipsumque flectendum in sui assensum. Unde sicuti committitur fallacia compositionis sic arguendo: Quiescens potest deambulare: Sed Petrus, dum sedet, est quiescens: Ergo Petrus, dum sedet, potest deambulare: Ita in prædicto Probabilistarum argumento; fit enim transitus a sensu diviso ad compositum.

Remanet igitur a primo usque ad ultimum, quod qui sequitur opinionem minus probabilem in concursu probabilioris, est non solum speculative, sed etiam practice dubius de licitate suæ operationis, adeoque se exponit periculo peccandi, & consequenter peccat. Aliòquin si probabilitas in conflictu alterius, & præsertim majoris probabilitatis, esset medium sufficiens ad practice certificandam conscientiam, esset inferendum, neminem unquam posse operari ex Conscientia practice dubia; quia cum dubium formale tunc habeatur, quando utrinque dantur rationes probabiles ad invicem pugnantes, ut vidimus ex D.Th., probabilitas ipsa quamvis ab altera opposita impugnata, conscientiam dubiam operantis redderet certam, adeoque omnis conscientia dubia esset certa, & nemo unquam operaretur ex conscientia dubia; quod est manifestè falsum. Quis enim vellet ex conscientia dubia operari, si stante eadem cognitione, posset ex conscientia certa operari?

Nec

Nec minimum valet ad suadendum, non dari in operante dubium practicum, ex eo, quod etsi propter maiorem probabilitatem oppositam, ipse prævideat, quod se exponit periculo errandi, adeòque materialiter peccandi, dum adhæret minori probabilitati; nihilominus etiam cognoscit se ab errore, ac peccato formali excusandum, si error fortè contingeret, quia ex motivis probabilibus ad partem minus probabilem se determinavit.

Siquidem tum ex D. Thoma, cum ex huc-usque adductis demonstrationibus manifestè liquet, in conflictu opinionum probabilitatem unius, faventem libertati, (& præcipuè si probabilitas sit minor suâ oppositâ,) non esse sufficientem ad moraliter hic & nunc certificandum intellectum de honestate suæ operationis, nec operantem eximere a peccato formali, tam si de facto ipsum errare contingat, quam si errandi periculo se exponat, ad illam partem, in qua periculum adest, se determinando; Quod ulterius sic ostendo. Qui non facit quod in se est ad evitandum errorem, quem prævidet fortè evenurum, & commodè potest evitare, culpabiliter, & formaliter errat, ut ex lumine naturali constat: Sed qui dubitat de licetitate suæ operationis propter opinionum contrarietatem, E. G. an pingere in die festo, sibi sit licitum, non facit quod in se est ad evitandum errorem, quem prævidet probabiliter eventurum, & commodè potest ipsum evitare, (quia suppono abesse urgentissimam necessitatem operandi, E. G. pingendi in die festo); Ergo si ad libitum se determinat ad operandum, scilicet pingendum in die festo, culpabiliter, & formaliter errat; ac proinde operatur cum dubio practico

&ico, quod nunquam est sine formali peccato, utpote contra conscientię rectitudinem.

Et certè, si, ut optimè advertit Mercorus *lo. sup. cit.* formaliter peccat, qui operatur ex ignorantia crassa, quia aliquam suspicionem (& non rigorosum dubium] habet de errore, quem potest evitare, & non evitat, quanto magis formaliter peccabit, qui est dubius propter opinionum contrarietatem, si ad unam partem se determinat, in qua pręvidet periculum errandi, cum magis errorem pręvideat, quam qui operatur ex ignorantia crassa? Ergo dubium illud erit dubium practicum a formali peccato non immune: Ergo formaliter peccat, qui operatur ex opinione minus probabili in conflictu oppositę probabilioris.

Quapropter Tullius *lib. 1. Offic. naturali lumine ductus* sic fuit effatus: *Quocirca bene precipiunt, qui vetant quidquam agere, quod dubites aequum sit an iniquum. Æquitas enim lucet ipsa per se: Dubitatio autem cogitationem significat iniurię.* Quę verba exponens Vincentius Baron *tom. 1. moral. disp. 1. sect. 2.* Sic ait: *Fateor vix me posse hæc verba legere, quin pudore, & dolore afficiar maximo: Quod Theologi eas summas aquisatis leges corrumpunt, quas Ethnici religiosè sanciverunt. Quid enim dolendum magis, aut Theologo indignius, quam ex dubitatione an res aqua sit, aut impia, Ethnicos inferre, esse illicitam, & ipsam etiam dubitationem habere nocendi cogitationem: Ex iis verò capitibus, idest ex probabilitate utriusque partis Theologos deducere, nos a lege exemptos, & licere quid quid libuerit, etiam illa, quę probabilius est honesto adversari? Sed stupendum magis est, qui hanc legem iustitia a Philosophis sancitam in pejus interpretantur, contendere, hanc suam* sen-

sententiam communem esse totius Ecclesie sensum, & addendam Decalogo quasi undecimum praeceptum ejusdem cum aliis decem auctoritatis, & ponderis. Quis credat potuisse Christiano ulli venire in mentem illud incredibile Paradoxum, opinionem probabilem eandem cum tuta, & quamlibet inaequaliter probabilem, seu pro libertate, seu pro lege flet, aequè tutam esse?

Clarius, & compendiosius explicatur ex dictis, praefatum dubium practicum hoc modo. Etsi aliqua opinio speculativè dubia de honestate operationis, possit fieri practicè probabilis, si aliquod superveniat motivum, vel ratio, aut circumstantia, vi cujus tollatur dubietas, si tamen nulla de novo occurrat in praxi circumstantia, quæ totaliter dubium auferat, etiam speculativum, semper dubia in praxi remanebit opinio; quia dubium practicum oritur ex dubio speculativo, & in ipso fundatur, adedque quod est speculativè dubium, est etiam dubium practicè, nullo superveniente rationabili motivo, tollente speculativam dubietatem. E.G. supponamus esse dubium speculativè, an pingere in die festo sit licitum, semper in praxi erit dubium pingere diebus festivis, nisi aliqua de novo adveniat circumstantia, puta, urgentissima, seu extrema necessitas, quæ dubium illud speculativum auferat, & reddat operationem, videlicet pingere in diebus festivis, certò moraliter licitam. Hoc autem non accidit in difficultate opinionum: Quia eligens opinionem minus probabilem in concursu opinionis probabilioris, ita est speculativè dubius de honestate suæ operationis, ut nulla ei in praxi superveniat circumstantia, quæ tale dubium speculativum auferat, quia omnibus practicè perpensis circum-

stan

stantiis, nempe Authoritatibus Doctorum, rationibus alicujus ponderis adhuc cognoscit, suam opinionem esse minus probabilem, & minus verisimiliorem alterâ oppositâ, ac proinde semper eam remanere speculativè dubiam: Ergo etiam in praxi dubitabit, cum nullum in praxi non dubitandi novum motivum habeat vel circumstantiam: Ergo formaliter peccabit, se in praxi ad opinionem minus probabilem determinando, quia practicè dubius operabitur.

Ex quo apertissimè liquet, quod quando contra aliquam opinionem probabilem militat aliqua probabilior de lege, aut præcepto, non est amplius censenda probabilis, nedum practicè, verum nec speculativè; quia judicium speculativum non potest legem declinare, immo debet illi esse conforme, præsertim cum super illud fundetur judicium practicum, novâ non superveniente causâ, variante judicium speculativum, ut jam dictum est.

V. Probatur tertio nostra sententia ex illa regula in utroque Jure, præsertim Canonico, pluries decantatâ, & fundata in lege naturali, omnibus dictante periculum peccandi esse vitandum, ac propriam salutem non esse discrimini exponendam, videlicet; *In dubiis tutior via est eligenda*, de reg. juris in 6. reg. 65. In qua illud verbum *Tutior* non stat comparativè, (ut allucinantur nonnulli,) ita ut supponat positivum partis contradictoriæ, scilicet *Tutum* [siquidem supra ostendimus, esse tantummodo de consilio non de præcepto sequi partem tutiorem comparativè]; Sed stat contrariè, seu adversariè ad aliam scilicet contradictionis partem, de qua certò non constat esse tutam; ita ut Regula sic verificetur: Quod quan-

quando inter duo contradictoria dubitamus, quæ-nam pars sit licita, & quæ-nam illicita, debemus eam eligere, quæ tuta est & omni caret periculo peccandi, eâ relicta, quæ in tali dubio tuta non est. Utimur autem pluries in humanis negotiis consimili phrasi loquendi. Solemus E. G. dicere: *Melius est mori quam peccare*. Quod dictum utique non sic est intelligendum, quasi quod sit bonum mori, & etiam sit bonum peccare, melius autem mori; Sed est sensus, de his duobus malum esse peccare, & bonum mori; juxta illud Danielis 13. VV. 22., & 23. *Angustia sunt mihi undique: Sed melius est mihi absque opere incidere in manus vestras, quam peccare in conspectu Domini*. Et 1. Cor. 7. V. 9. *Melius est nubere, quam uri*.

Sed [subsumo) quando respectu ejusdem intellectus sunt in conflictu duæ oppositæ opiniones, quarum una probabilior, quæ stat pro præcepto, negat actum esse licitum, altera verò minus probabilis, quæ favet libertati, & affirmat actum esse licitum, intellectus est practicè dubius de licetitate actus, ut abundè probavi: Ergo illa pars eligenda est, quæ sola est tuta, eâ relicta, quæ tuta non est. Sed opinio minus probabilis in concursu probabilioris tuta non est, quia contra eam militant fortiores rationes, & motiva probabilioris, quod magis sit contra legem, & peccato exposita, quam propria suadeant argumenta, quod sit legi conformis, & a peccato tuta, ut ostensum est, & magis in argumentorum solutionibus innotescet: Ergo probabilior semper est eligenda.

Non me latent quamplures Adversariorum evasiones, ad vim hujus regulæ, apud Sacros Canones, &
San-

Sanctos Patres, & Doctissimos Viros celeberrimæ declinandam.

VI. Quidam enim respondent, eam exprimere consilium, non præceptum.

Sed contra primò. Nam etsi, ut diximus, eligere partem tutiorem sit merum consilium, quando altera pars est tuta, & per consequens, quando ly *Tutior* sumeretur comparativè; Est tamen præceptum, quando altera tuta non est, sed periculo moraliter certo peccandi exposita, & sumptâ illâ particulâ *tutior* contrariè [sicuti re-vera sumitur in prædicta regula]; quia ita dicat, adedque præcipit lumen naturale: Atqui pars minus probabilis concurrente probabiliore non est tuta: Ergo ex his tutiorem, nempe probabiliorem eligere est de præcepto.

Contra Secundò: Quia verba, quibus ea regula a Sacris Canonibus exprimitur, sunt absoluta, & imperativa, immo ut advertit Natalis *De peccatis tr. 1. c. 4. reg. 17.*) quandoque pœnarum inflictiva contra transgressores: Non enim dicunt Summi Pontifices *melius esse partem tutiorem eligere*, sed *In dubiis tutior via est eligenda*. Præterea in *Decretal. lib. 4. t. 1. de Sponsalibus c. Juvenis*, Eugenius III. sic dicit: *Quia igitur in his, qua dubia sunt, quod CERTIUS existimamus, TENERE DEBEMUS*. Et post pauca subdit: *Propter prædictam dubitationem MANDAMUS &c.* Item lib. 5. tit. 12. de homicidio volunt. vel casuali cap. 12. *Ad audientiam*, ita legitur ex Clem. III. *Quod cum in dubiis semitam DEBEAMUS eligere TUTIOREM &c.* Tandem aliis omissis, eodem. tit. c. 18. *significasti*, ex Inn. III. præfata regula eisdem fermò verbis exponitur; & insuper additur ratio: *Pro eo quod.*

quod in altero [idest in parte tutiori] nullum, in reliquo verò magnum periculum timeatur : Ergo hæc regula, In dubiis tutior pars est eligenda, non est consilii tantum, sed præcepti.

Quocirca non pauci Gallicani Episcopi, ac celeberrimæ Accademix supra recensitæ, sequentem propositionem reprobarunt : *Hæc regula Juris, IN DUBIIS TUTIUS ELIGENDUM perfectionis est, non obligationis, seu consilii, non præcepti.*

VII. Alii dicunt, eam regulam non extendi ultra casus Summis Pontificibus propositos.

Sed contra. Nam Summi Pontifices in dandis præfatis responsionibus, assignarunt eam regulam, ut earum principium universale probativum : Ergo ipsam considerabant tanquam communem regulam prudentiæ, ac rectæ rationis in quibuscumque singularibus dubiis negotiis adhibendam. Quapropter Glossa in d. cap. *Juvenis*, ait : *Sic ergo patet, quod in dubiis SEMPER certius est tenendum.* Et certè regula illa, *In dubiis tutior via : est eligenda*, adducitur a Jure inter suas octoginta & octo regulas ut quid universale ad omnes casus dubios occurrentes resolvendos.

VIII. Alii asserunt, verificari in dubio facti, quod verè est dubium practicum importans periculum legem transgrediendi, E.G. quando dubito, an hoc prædium sit meum, vel alienum, ut licitè possim illud vendere : Non verò habere locum in dubio juris, quale est illud, quod oritur ex contrarietate opinionum probabilium inter DD. circa aliquam propositionem universalem, an E.G. sit licitum pingere in die festo : Et hujusmodi dubium, inquiunt, est merè speculativum, nullum ha-

bens periculum contra legem faciendi, virtute probabilitatis opinionum.

Sed contra primò. Nam ex præallegatis casibus a Summis Pontificibus juxta viam tutiorem resolutis, aliqui saltem sunt manifestè circa dubia juris, non facti, ut legenti patet: Ergo præfata regula etiam in dubiis juris locum habet.

Contra secundò. Quia, ut subtiliter ratiocinatur Mercorus *ubi sup. a. 10.* Sicuti in speculativis, conclusio aliqua potest esse dubia, aut falsa ex dubietate, aut falsitate majoris propositionis, vel minoris, quia conclusio semper sequitur debiliorem, seu deteriorem partem: Ita in moralibus conclusio particularis practica, quæ est dictamen conscientix ex Sillogismo practico deductum, per quod Voluntas dirigitur ad operandum hic & nunc, potest esse dubia, vel ex dubietate majoris propositionis, ortà ex diversitate opinionum, quàm ex dubietate minoris, quæ est dubietas facti (nam in Sillogismo practico, seu practicè concludenti, major propositio debet esse universalis de materia morali, minor verò est particularis de facto particulari]: Ergo si per Adversarios dubium facti, quod est in minori propositione, causat dubium practicum in conclusione, quæ est particulare dictamen conscientix ad hic & nunc operandum, etiam dubium juris in majori propositione universalis, ortum ex contrarietate opinionum, causabit dubium practicum in eadem conclusione: Ergo cum nemo possit operari ex conscientia dubia, sive dubietas ejus oriatur ex dubio facti, sive juris, & opinionum, quia utrunque, utpote ejusdem rationis, importat periculum legem transgrediendi, sequitur quod illa regula, *In dubiis en-*
tior

tior via est eligenda, in dubio tam facti, quam juris locum habeat.

IX. Alii prædictam regulam volunt habere vim in foro contentioso, non in foro conscientiarum.

At perperam. Nam, præter alia, quæ dici possent in Clementina *Exiivi* Tit. *de Verborum significatione*; ubi Clemens V. in Concilio Viennensi, respondens Fratribus Ordinis Minorum, qui Apostolicam Sedem rogaverant, an sub mortalis peccati periculo tenerentur ad observantiam eorum, quæ in Regula S. Francisci modo imperativo exprimuntur, Sic ait: *Nos itaque, qui in sinceris* (nota hanc particulam, quæ contradistinguitur a ly scrupulosis) *horum conscientiarum delectamur, attendentes, quod in his, quæ ANIMÆ SALUTEM respiciant, ad vitandos graves REMORSUS CONSCIENTIÆ, PARS SECURIOR EST TENENDA. Adeoque licet Fratres non ad omnium, quæ sub verbis imperativi modi ponuntur in regula, sicut ad præceptorum, seu præceptis equipollentium observantiam teneantur; Expedit tamen ipsis Fratribus ad observandam puritatem Regula, & rigorem, quod adea, sicut ad equipollentia præceptis, se noverint obligatos, quæ inferius adnotantur.*

X. Minus urgent aliarum dux ad eandem regulam Probabilistarum glossæ: Quarum

Prima est, ipsam verificari in dubiis, quæ utrinque habent rationes, & motiva æqualiter ad dubitandum inducentia. Unde cum huiusmodi dubia perquam rarò contingant, & tunc etiam difficulter cognoscantur, rarò etiam adest necessitas prædictæ regulæ.

Secunda est, eam servandam esse, quando ex partibus contradictionis una stans pro lege, probabilis est,

altera verò libertati consona probabilitatem non attingit: Tunc enim de ista dubitatur, an sit vera; Sicque pars illa præferenda est, quæ tutior est, scilicet quæ legi est conformis.

Non, inquam, urgent. Siquidem prima est contra suos Auctores. Nam si in dubiis habentibus hinc inde motiva æquilibrantia, tutior pars est eligenda, ut evitetur periculum peccandi, a fortiori eadem eligenda erit, quando ex partibus contradictionis una est altera probabilior, quia tunc magis augetur dubium de actus licetitate, quam pars minus probabilis tueretur: Quapropter tunc probabilior, tutiorque omnino est præferenda, ad periculum errandi, ac transgrediendi legem evitandum.

Posterior glossa ad rem non pertinet, & est extrâ difficultatem. Quando enim una ex partibus contradictionis non est secundum se probabilis, in concursu alterius posita nullum producit dubium, cum altera opinio tunc sit omnino certa, saltem moraliter, adeoque nullum admittat dubium, nulla opinione contra se militante. Quocirca in eo casu non est opus uti illâ regulâ, *In dubiis tutior via &c.* Sed facillimè ab omnibus, quantumvis rudibus, cognoscitur quid resolvendum, nempe, abiiciendam esse opinionem illam libertati consentaneam, omni carente motivo veritatis.

XI. Tandem alii eandem regulam subterfugere cupientes, dicunt, eam valere in dubiis merè negativis, in quibus intellectus noster nullum habet argumentum sive ex Auctoritate, sive ex ratione petitum, in favorem alterutrius partis contradictionis; & eapropter in neutram potest assensum præstare, sed manet suspensus:

fus : Non autem habere locum in dubiis positivis , seu opinativis , ortis è probabilibus DD. opinionibus . In his enim docent , unumquemque posse ad libitum quamlibet ex illis opinionibus , patrocinio probabilitatis , amplecti .

Videas quæso , quot , sed frustra , quæzunt diverticula probabilitatis Fautores .

Contra igitur hoc ultimum , Primò : Quia dubium negativè , [quod ab Adversariis vocatur propriè dubium ,) minus propriè dicitur dubium ; cum potius ignorantia dici debeat , quia nulla suppetit ratio , nullumque ex alterutra parte assentiendi fundamentum . Sed quidquid sit de hoc ,

Contra secundò . Quia hujusmodi responsio nonnisi eorum esse potest , qui nunquam legerunt prædictos Canones supra relatos , Cap. *Significasti* , Cap. *Juvenis* , & Cap. *ad Audientiam* . In ipsis etenim evidenter constat , dubia fuisse positiva , & rationes pro utraque parte non defuisse . Immo etsi nuper adducto Cap. *ad Audientiam* , pars tutior esset minus probabilis , ut ibidem videri potest , nihilominus Clemens III. eam eligendam decernit , ed quod *In dubiis semitam debemus eligere tutiorem* . Videatur etiam per extensum casus expressus in præallegato textu Cap. *Juvenis* , & innotescet , fuisse a Pontifice Eugenio decisum in favorem partis tutioris , licèt minus probabilis : Unde multò magis idem præstasset , si pars tutior , probabilior fuisset , ut contingit in præsenti materia , de qua disputamus .

Præterea lib. 3. Decretal. Cap. 3. *Veniens* de Presbytero non baptizato . Inn. III. partem tutiorem eligit in ferenda sententia super dubio , utique tunc positivo , ac dif-

disputationi exposito, an scilicet, essent Sacri Ordines iterum ei conferendi, qui cum baptizatus crederetur, & non erat, Sacerdotio fuerat initiatus (quâ in re nulla modo est difficultas, cum certum sit, non baptizatum non esse capacem Ordinis caractere). *Cumque super Ordinibus*, (inquit Summus Pontifex) *fuisse diutius disputatum* [hic adducit rationes utrinque militantes) *Nos in hoc DUBITABILI casu, quod TUTIUS est sequentes, mandamus, quatenus ipsum per singulos Ordines usque ad Sacerdotium promoveri procures &c.* Ergo illa juris regula in dubiis positivis locum habet .

Contra tertio . Ideò in dubiis negativis tutior via est eligenda, quia aliàs sic dubitans, & nulli rationi adhærens, alterutram ex partibus eligendo, exponeret se periculo peccandi, adeoque peccaret, cum esset paratus aliquid æquè bonum, & malum operari : Sed etiam in dubiis positivis hoc accidit, quia opinans habet utrinque positivam rationem timendi & bonum, & malum, adeoque in operando se exponit periculo peccandi, & consequenter peccat, si partem tutiorem non eligat : Ergo quoque in dubiis positivis prædicta regula servanda est ; & ed magis, quò augetur dubium potius operandi malum quam bonum, ut accidit in sequela opinionis minus probabilis stantis pro libertate, in conflictu probabilioris, faventis præcepto . Num peioris conditionis est in operando, qui peccatum ignorat, seu qui nescit id, quod agit, esse peccatum, quam sit ille, qui novit se probabilius peccare in operando ? Immo negativè dubitans melioris debet esse conditionis, & aliquàlter excusandus a peccato, quia nulli positivæ rationi resistit ; secus autem opinans, seu positivè dubitans

tans . Ille Servus , qui cognoscit voluntatem Domini sui , & non fecit secundum voluntatem ejus , vapulabit multis : Qui autem non cognovit , & fecit digna plagis , vapulabit paucis Luc. 12. V. V. 47. & 48.

Quod si respondeas primò , dubitantem positivè , seu opinantem , semper operari cum animi præparatione ad bonum formaliter , & , si malum fortè sequatur , hoc esse per accidens , & materialiter malum .

Contra sic infurgo . Tum quia etiam negativè dubitans sic est dispositus ad bonum formaliter , ut non eligeret rem dubiam , si constaret ipsi esse contra divinam legem , alioquin alteram potius partem eligeret ; Nemo enim intendens ad malum operatur , ut ex D. Dyonisio Areopagita fert commune proloquium . Proinde si , hoc non obitante , dubitans negativè non excusatur a peccato , seu malo formaliter , pariter nec opinans , seu dubitans positivè . Tum etiam , quia quonam pacto potest concipi , opinantem operari cum animi præparatione ad bonum formaliter , cum liberè , ac voluntariè operetur , & eligat id , quod minus bonum formaliter cognoscit , & potius contra legem , quam pro lege ? Igitur non *materialiter* tantum , sed *formaliter* peccat , non declinans ab eo , quod probabiliter , immo probabilius malum esse cognoscit . Etenim quando voluntas nostra omittit quod certissimè omni caret periculo etiam *materialiter* transgrediendi legem , & amplectitur id , in quo ejusdem legis violandæ , saltem *materialiter* , periculum inest , cum liberè hoc faciat , peccat etiam formaliter : Quia *materialis* transgressio legis , accedente voluntate , necessariò *formalis* evadit , ut optimè advertit Charlas c. 7. Ex quo iterum remanet occlusum aliud ex præ-

ci.

cipuis Probabilitatibus aufugiis.

Si secundò respondeas, dubitantem negativè a peccato non excusari, ratione culpabilis negligentiz, quæ causat veritatis ignorantiam; benè verò excusari opinantem, quia Probabilitate fulcitur.

Contra iterum est. Nam si ignorantia ejus, quod quis scire potest, ac tenetur, non excusat à peccato in operando, propter culpabilem negligentiam ad habendam veritatis cognitionem, & ad evitandum periculum peccandi, quanto minus excusabitur opinans, qui cognitâ veritate sibi obviâ factâ in parte tutiori, ipsam refugit, ad illam partem accurrens, in qua falsitatem potius, quam veritatem agnoscit? Num Probabilitas poterit hoc liberè volitum violandæ legis periculum inculpabile constituere? *Mira profecto natura probabilitatis!* [perbellè ludit nuper laudatus Charlas.] *Siquidem non potest, quamvis sit major, obligare ad vitandum periculum violanda legis Divina, ac naturalis; potest autem quamvis sit minor, a peccato, saltem formali, purgare legis violationem.*

XII. Probaturn quartò nostra Sententia ab inconvenientibus, quæ sequuntur ex opposita. In primis enim excessiva ætatis nostræ apud nonnullos opinandi licentia (tamen ex parte plurimis Summorum Pontificum censuris, in tot proscriptis assertionibus, quasi fræno cohibita,) totam potest successu temporis legem, tum humanam, tum Divinam, & naturalem funditus evertere. Siquidem cum per sæpe de earundem legum præceptis nobis non suppetant evidentes rationes, cuicumque facillimum erit ex utrumque apparentibus motivis, idest rationibus probabilibus, ab illorum observantia se subtra-

trahere . Et certè ex illimitato usu opinandi jam huc venimus , ut ferè nullum sit in moralibus , quinimmodò & naturalibus præceptum , nulla Veritas , quæ Probabilitatis subsidio , luxuriantibus ingeniis , & novis in dies excreſcentibus Probabiliſtarum Voluminibus , non labefactetur .

Audiat *Prosper Fagnanus* in *Cap. Ne innitaris* , Ubi luculenter hoc declarat , dicens : *Nullum est dubium quin omnis regula morum possit everti ex libertate opinandi , non modo in præceptis humanis , sed etiam in Divinis , & naturalibus , dum de ipsis interdum non occurrunt rationes demonstrativæ . Unde his temporibus eò res perducta est , ut nullus fere sit articulus in moralibus , in quo non sit varietas , vel contrarietas opinionum , adeò ut in solo Opere non ita pridem impresso Resolutionum moralium Antonii Diana numerentur in unum collectæ Quæstiones supra ter mille [in Antonio Escobar invenies alias sexcentas & viginti , ut fertur ,) cum opinionibus , & Authoribus pro utraque parte plerumque affirmantibus , aut ambas esse probabiles , aut unam probabilem , & alteram probabiliorē , in quibus ferè omnibus agitur de peccato mortali . Quare hæc Doctrina probabilitatum videtur fovere veluti quandam libertatem conscientia , ac proinde magnoperè indigere dextera Dei , & Beatissimi Romani Pontificis provisione , ne venenum , jam plus nimio dilatatum , ulterius serpat . Quapropter non immeritò Antonius Merenda in suo Tractatu de hac materia novissimè impresso , in præfatione p. 7. rotundis verbis affirmat , usum probabilitatum esse COMMENTUM DIABOLI ad enervandam vim præceptorum . Ap. Gonet. ubi supra . Sicut etiam ibi Crispinus a Borgia sic effatur : In rebus moralibus vix datur Casus , in quo non sint*

duæ opiniones contradictoriæ, & probabiles, & hoc punctum ita ad punctum reduxit Caramuel, ut vix sit aliquod Præceptum Ecclesiasticum, quod eludi non possit, si ejus Doctrina, quam probabilem putat, adhareamus: Nam duas opiniones contradictorias sequi quemlibet posse, probabile esse contendit. Ex quo fit, ut nemo teneri videatur præcepto jejunandi, audiendi sacrum, recitandi horas Canonicas, & alia hujusmodi.

Cum igitur hominis natura in malum semper sit prona ab adolescentia sua, & solis concupiscentiæ stimulis ad omne flagitiorum genus proclivis, si a laxioribus opinionibus in sensus libertatem magis inclinetur, ne dicam suaviter compellatur, quid non timendum? Si tot Casuum Scriptores (qui gravium Doctorum plausu apud multos inopienter circumscribuntur,) in aliorum benignas, ut ajunt, & ut plurimam falsas opiniones, fraudulentæ Probabilitatis ductu inciderunt, adeo ut plures ex ipis opinionibus, quæ prius singulares erant, factæ sint apud eos probabilissimæ, licitissimæ, atque communes: Qua promptitudine populorum turba junctis manibus doctrinas hujusmodi, veluti e Cælo donatas, in deplorabilem suarum animarum perniciem suscipient, & ad praxim deducunt? Addiscunt utique a Regulis Probabilitatis eorumque Magistris nova dogmata, Venerabilibus, Patribus nostris, & Evangelio semper ignota, Politici nonnulli, ea Principibus in praxi consulentes. Ex quibus Unus docuit, in materia Immunitatis Reges non teneri sequi sententias communes, sed Probabiles. Addiscerent quoque Infideles non teneri ad Fidem suscipiendam, si cum probabili cognitione necessitatis Baptismi, probabile quoque putarent se non teneri

neri propriam sectam relinquere: Nisi fulmen e Vaticano culmine lapsum, hujusmodi probabilitatem enecasset: *Ab Infidelitate excusabitur Infidelis non credens ductus opinione probabili.* Inn. XI. in quarta ex propositionibus ab ipso damnatis. Addisceret totus Mundus alia quam plurima contra rationem, legemque naturalem, divinam, & humanam, ni Apostolica Sedes os loquentium falsa sub Anathemate oblitruisset. At vereor, ultra progressuram opinandi libertatem in maximum Ecclesiæ detrimentum, nisi penitus enervetur.

Præterea, hisce temporibus, immoderato Probabilitatis usu, adeo contemptibilis facta est Theologia moralis, ut non paucos videas se venditantes Casuistas, & Theologos, antequam Scholarum fores attigerint: *Volentes esse Legis-Doctores, non intelligentes, neque que loquuntur, neque de quibus affirmant.* (1. Tim. 17.) Jam non quæritur Scientia, quæ rem per causam cognoscat cum reductione ad prima Veritatis principia, & clarâ in oppositum argumentorum solutione. Sat est intra quindecim dies ex Recentioribus Probabilistis aliquem legere, ut unusquisque pusillus Clericus valeat contra D. Thomam, contra Scotum, aliosque insignes Theologos temerè proferre sententiam. Si petas ab eo, quid de aliqua quæstione morali sentiat, an licitum sit hoc, vel illud: Absque cunctatione responsum exhibebit, *licitum esse*. Si causam inquiras; unicam pro quacumque dabit difficultate, *quia est Sententia probabilis, quam sustinet, vel Tamburinus, vel Diana, vel Layman, vel Bonacina cum aliis Scriptoribus ab eis citatis.* En quomodo resolvuntur omnes, etsi difficillimæ, controversiæ; quin sit opus ad rectè operandum, & animæ periculum evitandum, veri-

tatem inquirere juxta monitum Ecclesiastici c. 37. V. 20. *Ante omnia opera verbum verax precedat te, & ante omnem actum consilium stabile.* Imò & Aristotelis 1. *Ethic. cap. 4.* Nullus modo in studio labor, nulla temporis diuturnitas, nulla ingenii applicatio in Theologorum Scholis. Nosse sufficit, an res sit dubia, adeoque hinc inde habeat aliquas rationes probabiles, & probabilitatis Doctores, ut quis possit cum hac dubia notitia, tantummodò de sua dubietate certus, dubius Confessarius, & Parochus audacter effici, ad animas dubiè dirigendas in dubiam æternæ vitæ semitam, & cum manifesto suæ, & aliorum damnationis periculo, ut ex his, quæ huc-usque expressa sunt, evidentissimè contat.

Concludendum igitur, ab Ecclesia eliminandam esse hanc laxæ Probabilitatis Doctrinam, tot inconvenientium, tot malorum scaturiginem; Ac proinde Probabilioristicum Assertum omnino, & ab omnibus indiscriminatim eligendum, videlicet, *Non licere sequi opinionem minus probabilem, faventem libertati, altera concurrente probabiliori stante pro præcepto.* Ita Divinæ paginæ sentiunt: Ita ex antiquis Traditionibus edocent Sancti PP. Ita Romani Pontifices, Concilia, Purpurati, Religiosorum Ordines, Episcoporum Conventus, Accademix, Doctores innumeri, rationes efficacissimæ probant.

§. IV.

DISSOLVUNTUR ARGUMENTA.

S U M M A R I U M.

1. **A**N subsistat illud Probabilistarum Principium: Qui probabiliter agit, prudenter operatur.
2. *Reiicitur illa distinctio* de certò probabili, & proba-

ba-

babiliter probabili, & ostenditur nil Probabilistis favere.

3. *An per censuram contra illam propositionem: Generatim dum probabilitate, sive intrinseca &c. aliquid passa sit Probabilistarum opinio.*

4. *Paritates de Judice in ferenda sententia, de Rege in bello indicendo, de Medico in medendo, an valeant etiam ad universaliter probandam veritatem probabilioristica sententia.*

5. *Evanescent omnes angustiae, ac veluti desperationes, quas fugunt Adversarii ad opinionem probabiliorem eligendam.*

6. *Iterum ostenditur falsitas illius Principii. Qui probabiliter agit &c.*

7. *Qui-nam meritò dicantur, & verè sint Doctores Classici, & Graves.*

8. *An contra Probabilioritatem aliquid urgeat illud Evangelicum dictum. Jùgum meum suave est, & onus meum leve.*

9. *Ostenditur, qua-nam Sententia propriè dici debeant & sint benigna, qua-nam verò laxa.*

10. *Quaedam alia enodantur argumenta contra positum Assertum.*

11. *Reiciuntur etiam Cardenas, & Peguleti.*

I. **P**Ræcipua jam diruta sunt ex dictis Probabilistarum fundamenta. Verum ne lapis eorum supra lapidem remaneat,

Obiicies primò. Qui probabiliter agit. prudenter & securè agit, quia illam sequitur opinionem, quæ a pluribus, gravibus, & Classicis Authoribus sustinetur, & solido innititur fundamento, aliòquin opinio proba-

babilis non esset: Sed qui eligit opinionem minus probabilem libertati faventem, in conflictu suæ oppositæ probabilioris, agit probabiliter, idest secundum opinionem probabilem: Ergo prudenter ac securè agit; Consequenter nulli exponitur periculo peccandi, nec peccat

Hoc argumentum, quod est basis fundamentalis probabilistici Ædificii, ex dictis in §. præcedenti labefactatur. Nihilominus ut penitus evertatur,

Respondetur primò, illud principium, *Qui probabiliter agit, prudenter agit*, si sumatur ad intentum, & prout a Probabilistis accipitur, falsissimum esse.

Primò, quia Prudentia non est opinio, ut docet Aristoteles 6. *Ethic. c. 3.* Et etiam favet ratio. Nam prudentia est virtus: Opinio autem non; quia (ut habetur ex D. Th. 1. 2. q. 57. ad 3.) Virtus intellectualis promptè ducit intellectum in suum obiectum, quod est verum. Cum igitur opinio non minus dirigat intellectum ad verum, quam ad falsum, quia tendit in illud cum formidine, quod possit esse falsum, proinde virtus esse non potest: adeoque nec *probabile* potest esse obiectum prudentiæ. Nam probabile & opinabile idem valent, quia probabile est apparens verum, idest quod judicatur verum, cum aliqua formidine, quod aliter esse possit: Et hoc est opinabile.

Secundò. Præfatum principium vel est omnino certum, ac demonstrabile, vel est solum probabile. Primum dici nequit: Tum quia nullà ratione demonstrativà probatur. Tum etiam, quia negatur a nobiliori, & majori numero Doctorum, ut abundè supra ostendimus. Si dicatur secundum (sicuti re-vera fateri debent

Ad-

Adversarii): Ergo per ipsum non potest intellectus moraliter certificari de rectitudine operationis cum exclusione cujuscumque moralis formidinis de opposito; adeoque nec esse obiectum prudentiæ: Quia hæc, cum sit virtus intellectualis practica, necessariò exigit in suo obiecto certitudinem saltem moralem.

II. Neque dicas, illud principium, *Qui probabiliter agit, prudenter agit*, esse probabile, non utcumque, sed certo probabile, tum ex solidis ejus fundamentis, tum ex tot gravibus Doctoribus, qui illud tuentur, & esse certo probabile asseverant. Unde potest reddere intellectum moraliter certum de honestate actus: Ad differentiam ejus, quod est tantum probabiliter probabile, idest, quod esse probabile, solum est probabile, & a nonnullis ut probabile defenditur, sed ut plurimum ab aliis improbabile judicatur.

Non, inquam, hoc dicas. Etenim certo probabiles limites probabilitatis, sive intrinsecæ, sive extrinsecæ non excedit; adeoque est semper incertum, & dici debet certò incertum; consequenter nequit certitudine morali regulare dictamen Conscientiæ, ut omnis procul abigatur moralis formido de rectitudine operationis, sicut requiritur ad tuto, ac prudenter operandum. Ultra quod, si illud dicitur solum probabiliter probabile, quod ab aliquibus tantum, ut probabile defenditur, sed ut plurimum ab aliis improbabile judicatur; Cum præfatum principium a solis Probabilitatis approbetur ut probabile, a majori vero numero Doctorum, ut vidimus, reprobetur ut falsum, jam certo probabile non erit.

Sed quia præfata distinctio de *certo probabili*, ac de
fo.

solum *probabiliter probabilis* sæpe auditur inter Probabilitas, docentes, quod opinio minus probabilis, sed certo probabilis, est licitè, ac tuto eligibilis, quamvis probabiliori relictà; secus autem opinio, quæ solum est probabiliter probabilis: Idcirco, ut cognoscatur, ad se tuendos a Probabilioristarum Doctrinis, & argumentis, incassum eos laborare ejusmodi distinctionem adhibendo,

Sciendum est ex Aristotele 1. *Top.* quod probabilia sunt illa, *qua videntur Sapientibus, vel omnibus, vel plerisque, vel maximè notis*, idest præcipuis autoritate, ac dignitate in ordine Scibili. Quocirca opinio illa dicitur *certò probabilis*, quæ a multis defenditur Authoribus magni nominis, præsertim qui rem ex professo examinarunt; nec habet contra se aliquod Apostolicum Decretum, definitionem Concilii, aut rationem, quæ eorundem Sapientum opinionem falsitatis redarguat; imo gaudet fundamentis, ac motivis ita magni momenti, ac superexcedentibus fundamenta, & motiva opinionis oppositæ, ut a nullo gravi Doctore possit justè ut improbabilis existimari, & de facto talis non existimetur. Illa vero dicitur opinio *tantum probabiliter probabilis*, quæ solum a paucis inferioris notæ Doctoribus defenditur ut probabilis, ab aliis autem numero, ac merito potioribus, ut improbabilis, & falsa judicatur.

Unde, ut aliqua opinio minus tuta in conflictu sit practicè certo probabilis, nedum requiritur, ut operaturus sciat, eam absolutè, secundum se, ac seorsim sumptam, esse certo probabilem, sed insuper eam talem esse comparativè ad suam oppositam, nempe quod eam post diligentem Veritatis inquisitionem, prudenter judicet

dicet esse moraliter certam & veram, aut saltem longè, & cum manifesto excessu verisimiliorem alterâ. Si enim non obstante ejus probabilitate, quamvis aliquatim majori, sibi persuaderet, talem opinionem minus tutam esse falsam, ejusque Fautores fuisse deceptos, aut ex passione, vel inconsideratione illam ut certo probabilem sustinuisse, non posset in praxi eam eligere. Ratio hujus est: Tum quia aliàs operaretur contra propriam conscientiam, ut constat. Tum etiam quia *probabile* idem sonat, ac *dignum ut approbetur*, ut supra diximus; adeoque *certò probabile* idem erit, ac *certò dignum ut approbetur*, seu quando in talibus circumstantiis est certum, quod intellectus possit illud approbare ut verum, vel saltem longè, ac notabiliter verosimilius. Quomodo autem aliqua opinio prudenter existimari potest certò digna ut approbetur ab eo, qui eam potius judicat, (vel judicare potest ac debet) falsam, quàm veram, vel saltem non magis veram quàm falsam? Quocirca absurdissimè scripsit Verricelli t. 2. q. 5. in hæc verba: *Puto me posse operari secundum opinionem auius gravis Re-*
centioris contra Communem, & contra propriam opinionem,
quamvis judicem illam esse falsam ex principiis intrinsecis.

Igitur licet intellectus, cui aliqua opinio minus tuta, apparet minus verosimilis, quàm opposita, vel saltem non magis verosimilis illa, possit judicare, eam esse probabilem, & etiam certò probabilem apud illos Aucthores, qui eam propugnabant ut veram, aut verosimiliorem propter motiva, quæ putabant valde præponderantia motivis opinionis oppositæ; non tamen potest judicare, [judicio firmo, & non vacillante, seu cum exclusionem cujusque moralis formidinis de malitia opera-

tionis, prout requiritur ad licitè, ac tutè agendum, juxtà non semel supra tradita) ipsam *sibi* esse certò probabilem modo explicato, propter rationes adductas. Cum ergo in operando, & in iis, quæ ad propriam personam pertinent, debeat unusquisque informare [scilicet formare) conscientiam ex propria scientia, & non ex aliena, prout habet communis Doctor 2.2. q. 67. a. 2. ad 4. quatenus homo in agendo sequi non potest aliorum opinionem, nisi hæc per proprium assensum, & judicium prudens a rationis dictamine regulatum, fiat sua, hinc est &c.

Addo, quod ut actio humana sit recta, debet esse conformis Divinæ, ac æternæ Legi, quæ est primaria regula nostrorum actuum, & a qua regulari debet quæcumque regula secundaria, cujusmodi est hominum judicium & opinio: Ergo ut quis rectè, ac licitè operetur, debet judicare, quod hominum opinio, quam vult sequi, sit vera. Quia non aliter, quam per veritatem, ea potest divinæ legi conformari, affirmando, scilicet, ut licitum id, quod lex divina ut licitum admittit. Ergo si juxtà proprium judicium quis putet aliquam opinionem esse falsam, [tametsi aliis, qui eam tuentur, videatur vera,) seu potius falsam quam veram, vel non minus veram quam falsam, non potest talis opinio *sibi* esse recta operandi regula, sed prava & primæ regulæ contraria; adeoque nec *sibi* certò probabilis, idest certò digna, ut *ab ipso* approbetur, tanquam principium directivum suæ operationis. Ut quid ergo Probabilistæ tam inuliliter insudant in hac distinctione *de certo probabili*, ac *de probabiliter probabili*, quæ [ut clarè ostendi] nil juvat ad tuendam sequelam opinionis minus tutæ, ac fa-
ven-

ventis libertati, quando est in conflictu alterius, magis aut æquè probabilis stantis pro præcepto?

Tertiò respondetur principali argumento, quod ab Inn. XI. anno 1679. 2. Martii inter 65, propositiones, tertia in ordine proscripta est ista: *Generatim dum probabilitate, siue intrinseca, siue extrinseca, quantumvis tenui, modo a probabilitatis finibus non exeat, confisi aliquid agimus, semper prudenter agimus*. Igitur falsum est universaliter, prudenter agere, qui probabiliter operatur, ac proinde Adversariorum Sententia, falso, ac ferè damnato innititur fundamento.

III. Insurgit in Probabilistarum tutelam Anonymus ille recentior in suo pluries hic allegato Opusc. *nn. mihi 47. & 48.* dicens: Per Apostolicum hoc decretum nec in pilo fuisse tactam Sententiam benignam. Etenim ibi damnatur quæcumque Probabilitas *quantumvis tenuis*; & adducuntur illæ duæ particulæ *Generatim*, ac *semper*. Sententia verò benigna docet, quod in conflictu opinionum liceat nonnunquam adhaerere minus probabili faventi libertati, relicta probabiliore favente præcepto. Ubi non admittitur probabilitas tenuis, (quæ potius improbabilitas vocanda est, quando, scilicet, a probabilitate majori opposita valde superexceditur, & a probabilitatis gradu deiicitur,) sed tantummodo minus probabilis in comparatione, quæ in se considerata, non semel maxima est. Similiter excluduntur illæ dictiones *Generatim*, & *semper*, in quibus fundatur illius propositionis condemnatio: Nam in pluribus casibus non licet sequi opinionem minus probabilem, E. G. dum Judex debet ferre sententiam &c. Quocirca propositio ab Inn. XI. damnata, prout jacet, haud facile apud ullum Auctorem inveni-

jur : Nec Tamburinus, cui præcipuè adscribitur, apponit illum terminum *Generatim*.

Verùm hæc omnia nil, aut parum profunt Authori. Quia etsi per adductam censuram directè non feriatur Sententia illorum Probabilistarum, qui eam satis limitaverunt, nihilominùs quia ex tali condemnatione præcipuum ejus fundamentum (in quo etiam cautiore Probabilistæ potissimum fundantur] a priori valdè infirmatum est, idcirco in intimis præcordiis vulnus passa est. Damnat ibi Summus Pontifex asserentem, universaliter prudenter agere operantem ex probabilitate, quantumvis tenui. Et certè sermo est de vera probabilitate, quamvis tenui in comparatione validioris; nam additur, *modo a probabilitatis finibus non exeatur*. Si enim non esset, aut censeretur verè probabilis, jam a finibus probabilitatis egrederetur, contra id quod supponitur, aut exprimitur in propositione, quæ non obitante tali vera probabilitate damnatur. Subsumo : Sed hæc propositio deducitur ab illo principio, *Qui probabiliter agit, prudenter agit* : Ergo si consequens est falsum, pariter & antecedens, ex quo sequitur.

Laudanda est quidem Auctoris, & aliorum adducta moderatio videlicèt, improbablem reddi sententiam aliàs probabilem, quando valde superexceditur ab opposita probabiliori, quia tunc a gradu probabilitatis deiicitur : At non sufficit hæc limitatio ad ejus defensionem. Siquidem §. præcedenti evidenter ostendi hoc accidere in quocumquè probabilitatis excessu ad favorem legis, nec posse intellectum in tali conflictu opinari de parte minus probabili; quæ licet signatè speculative, ac in se considerata probabilis sit, non tamen practice,

ac

ac exercitè, seu in conflictu probabilioris oppositæ, quæ verior, seu verisimilior apparet, & secundum quam proinde debet intellectus prudenter assensum omnino præstare.

IV. Nec etiam sat est ad Authoris intentum, quod in quibusdam casibus non sit licitum, seu prudentiale secundum opinionem minus probabilem agere relicta probabiliori, puta, dum a Judice ferenda est sententia, a Medico infirmus curandus, a Rege bellum indicendum, ab Episcopo Beneficium Curatum concedendum &c.

Siquidem peto, quare hujusmodi exceptiones, nisi quia in parte minus probabili imminet periculum lædendi justitiam, ac legem transgrediendi, adeoque contra conscientiam agendi, quod periculum utique non apparet, nec moraliter esse potest in parte probabiliori stante pro lege? Cum ergo hoc idem periculum universaliter adsit in sequela cujuscumque sententiæ minus probabilis libertati faventis, in conflictu probabilioris stantis pro lege, ut superius satis superque probavi, ideo universaliter extendenda est obligatio ad sententiam probabiliolem in conflictu sectandam, quotiescumque ad legis tutelam, & Conscientiæ securitatem necessarium judicatur.

Dices cum eodem Anonymo *ib. nn. 22: 40. & seqq.* ideo in prædictis casibus de Judice &c aliisque consimilibus, opinio probabilior eligenda est, quia extat lex certa naturalis, vel positiva justitiæ, vel charitatis respectivè, obligans ad partem probabiliolem, & vetans aliter operari, ut consideranti patet. Cæterum ubi nam extat lex certa eligendi semper, & in omnibus sententiam probabiliolem? Quando nam sufficienter promulgata

gata, (sicut aliàs requiritur, ut ad sui observantiam obligare valeat, juxtà D. Th. 1. 2. q. 90. a. 4.) cum a tot sæculis inter DD. controvertatur an extet hujusmodi lex? alii negant, alii verò affirmant. Quousque igitur lex est sub lite, non est lex, sed opinio: Si est opinio, ergo unusquisque, quam maluerit, sequatur; nam quantumcunque probabilis sit, non est lex.

Respondetur, a Deo supremo legislatore sufficientissimè promulgatam hominibus legem naturalem, medio rationis lumine naturali dictante quid agendum, quid-ve respuendum: Legem verò positivam, sive divinam, sive humanam per ipsam rationem, naturaliter illustratam, optimè explicare, ubi aliqua difficultas circa ipsius intelligentiam oriatur. Cum ergo naturalis ratio dicteret, & etiam a lege positiva, tum Divina, cum humana, in sacris paginis & Canonibus firmari eadem ratio optimè cognoscat, in agendis, quæ dubietatem, aut formidinem de legis transgressione important, semper eam partem eligendam esse, in qua nullum extat periculum faciendi contra legem, seu præceptum Dei, evidenter sequitur, sufficienter promulgatam esse legem de eligenda semper, & in quolibet individuali casu sententia probabiliori stante pro præcepto, ac de reiicienda in ejus conflictu minus probabili, favente libertati.

Insuper, quod detur lex sufficienter promulgata de sequela opinionis probabilioris in conflictu, juxta sensum præsentis controversiæ, sic ad hominem ostendo contra Adversarios. Nam omnes ac singuli Probabilistæ docent, quod si contingat, opinionem minus probabilem in re esse falsam & contra legem, jam operans juxtà illam,

lam, ipsique innixus, solum materialiter dicitur legem transgredi, quia, scilicet, esto legem re-ipsa obligantem transgrediatur, ejus tamen transgressio ad culpam formalem ipsi non imputatur, cum excusetur [inquiunt] ex ignorantia probabili: Ergo supponunt, quod detur hujusmodi lex, & quidem obligans, adeoque sufficienter promulgata: Ignorantia enim invincibilis, [secundum nos, & secundum veritatem,] vel probabilis [juxta Probabilitas] occultat quidem legis obligationem, sed eam non tollit; ac proinde qui ex ignorantia exculante agit in legem, verè contra legis obligationem adhuc extantem, seu contra ipsam legem obligantem, & consequenter satis promulgatam operatur.

Præterea. Ex quo capite probari potest, præfatam legem non esse sufficienter promulgatam? Forſan-ne quia Deus hoc facere nequivit? hoc dici non potest, quia Deus est Omnipotens. Forſan-ne quia noluit suam legem satis promulgare? Et hoc est absurdum, quia aliàs frustanea esset Divinæ legis institutio. Cum enim finis legis sit, homines obligare ad aliquid faciendum, vel omittendum, nec obligatio ad legem dari queat absque sufficienti ipsius promulgatione, frustra lex a Deo conderetur, si nollet eam sufficienter promulgare. Igitur falsum est, prædictam legem non esse satis ad obligandum promulgatam.

Quod si dicas, ex hoc deduci eam legem non esse sufficienter promulgatam, quod multi Authores probabiliter opinantur, non extare talem legem, obligantem ut supra.

Contra est. Tum quia nulla hominum opinio nequit Deo impingere præadducta absurda, quæ ut probavi

bavi, sequerentur ex Adversariorum Doctrina & præ-
 senti instantia. Tum etiam quia quis-nam hoc speciali
 privilegio donavit E.G. decem Probabilitas, quod eorum
 opinio favens commodo, & sensui, valeat homines a
 Divinæ legis observatione deobligare, & quod viginti,
 aut triginta Probabilistarum opinio, stans pro lege, ne-
 queat ad ejusdem legis adstringere observantiam? Ita-ne
 immutabilis Deus suam despicit legem, ejusdemque le-
 gis defensores, ut quamvis numero ac meritò sint po-
 tiores, & fortioribus roborati rationum viribus, nihi-
 lominus victoriæ palmam paucioribus, ac debilioribus
 adversariis cedere cogantur? Quomodo-nam quis ex
 probabiliori asserto plurium ac insignium DD., & ex
 validioribus motivis agnoscens, potius se a Deo obligari
 ad non ineundum E. G. aliquem Contractum, utpote
 probabilius militantem contra suam legem, eximi pote-
 rit a talis legis observantia, itaut valeat eum contra-
 ctum licitè ac tutò inire, ex paucorum Scriptorum mi-
 noris notæ, ac minus probabili asserto, quod judicat
 potius falsum, quam verum, potius contra, quam pro le-
 ge? Cum ergo hoc sit imperceptibile ac impossibile, ut-
 pote contra naturale rationis lumen, & hoc imperce-
 ptibile, ac impossibile sequeretur posita Probabilistarum
 sententia, & præsentis doctrina, vel potius evasione, in-
 ferendum est, ex probabili opinione dicentium, non
 extare legem sufficienter promulgatam, obligantem ad
 sequelam opinionis probabilioris faventis præcepto, pro-
 bari non posse, quod re-vera non extet hujusmodi Lex,
 & satis ad obligandum promulgata

Quod si, non obstante cognitione de existentia, &
 promulgatione talis legis, adhuc quis eligat, & sponte
 ve-

velit operari secundum opinionem minus probabilem, haud dubio a peccato formali non excusabitur, propter periculum ipsi manifestum contra legem agendi.

Dixi a peccato formali non excusari sic operantem ad iterum enervandam intercalarem Adversariorum distinctionem de peccato formali, & materiali. Tunc enim quis dicitur peccare solum materialiter contra legem, quando ignorantia invincibili, & excusante, legem transgreditur, videlicet, quando remota quacumque passione, & mente sincera, inquirendæ veritatis studio, adhibuit omnem diligentiam, quam circumstantiæ temporis, loci, personæ, & hujusmodi exigebant, & humana fragilitas permittebat. Tunc enim, quia fecit totum, quod in se erat, ad agnoscendum an sibi aliqua operatio licita foret nec-ne, & ductus rationibus, ac auctoritatibus Doctorum, bona fide sibi eam licitam esse judicavit, & suam conscientiam efformavit absque ulla morali formidine de honestate actus, si forte errare ipsum contingat, & contra legem agere, Legis transgressio ipsi non imputatur, adeoque non peccat formaliter, (quia *nemo peccat in eo, quod vitare non potest*, ut cum Aug. omnes affirmant ut quid naturali lumine notum,] sed materialiter tantum: Peccata autem materialia non officiunt bonitati actus, cum etiam viris justis, ac Sanctis sint communia. Hinc

V. Cessant tot angustię, ac desperationes, quas fingit Author [n. 19. & seqq.] in eo, qui ad licitè operandum scire cupiat, quæ-nam ex opinionibus sit tuta, vel probabilior, ut eam eligere, & secundum eam operari valeat. Siquidem facillimè potest unusquisque in rebus ad salutem spectantibus eam diligentiam adhibere, ut legem
 O ferveat,

servet, quam in temporalibus negotiis, humano modo tractandis, non negligeret. Unde sicuti ad eligendam opinionem verè probabilem, absque concursu alterius oppositæ, debet unusquisque inquirere, antequam operetur, an probabilibus innitatur fundamentis, ut omnes conveniunt, sin autem, debet ab operatione desistere, [si hoc tutius sit,) & interim majorem diligentiam adhibere, ne se periculo errandi committat: Cur eadem inquisitio facienda non erit, quando dux occurrunt opiniones oppositæ circa honestatem operationis, ut appareat quænam ex iis tuta sit, & verè probabilis in tali conflictu, & an probabilior nec-ne, ut contra Divinam legem agendi periculum evitetur?

Pro personis rudioribus sat est ad licitè ac tutè operandum, in his, quæ ipsis ignota sunt, ut Parochum, vel Confessarium, aut quemvis alium virum doctum, & pium consulant: Et tunc juxtà illius consilium possunt prudenter conscientiam suam efformare. Quia ex hoc quod ille est vir pius, præsumitur ita verax in dicendo, ut nolit fallere; Et ex hoc quod est vir doctus, præsumitur ita verax in cognoscendo, ut non-nisi difficile possit falli. *Vuigandt. tract. 2. exam. 3. n. 2.*

Verum in casu nostro hæc omnia supersunt. Etenim præsens controversia supponit, in operaturo hic & nunc adesse notitiam veritatis, vel saltem majoris verisimilitudinis de licetitate suæ operationis in sequela opinionis probabilioris stantis pro lege, ac a periculo eadem legem transgrediendi prorsus immunis: Ad quid ergo anxari, ac desperare, si veritas ipsi sponte obvia venit? Ipsam suscipiat, & ad praxim deducat, & nihil aliud exigitur ad licitè ac virtuosè operandum. Hoc pacto, & non ali-

aliter, salutis pericula, & conscientiz remorsus evitantur.

Si quis autem vel nullam adhibeat diligentiam, ut sciat quid agendum hic & nunc, ne lex violetur, vel (quod præcipuum est) existente cognitione, eo quia in conflictu extat altera opinio, cognita ut probabilior, ac eidem legi favorabilior, adhuc velit juxta minus probabilem operari, num præsumi potest in ipso invincibilis ignorantia? Num fecit totum quod in se erat, ne legem violaret? Num excusabitur a legis transgressione, si contra eam de facto agere contingat, qui contra legem potius, quam pro lege se acturum prævidebat? Peccabit-ne solum materialiter, seu quin ipsi Legis transgressio imputetur, an potius formaliter & absque ulla exculatione? Paradoxum monstruosum in Ecclesia Dei è Probabilistica opinione dimanatum est hoc: Cognoscere, aliquam actionem honestam non esse, ac illam velle ut honestam elicere. Optimam sanè regulam justificandi peccatores: Velle quod peccatum eorum peccatum non sit.

Sileo de illis tot sæculis ab Auctore adductis, in quibus asserit sub lite Doctorum fuisse præsentem difficultatem. Siquidem ex dictis §.II. constat, etiam ex ipsis-met Probabilistis, per ferè sed excim Ecclesiz sæcula nunquam in lucem prodiiisse Modernorum Probabilismum. Immo Author ipse sibi contrarius, ut ibidem vidimus *num. 2.* hoc idem fatetur.

Quod autem asserit de Tamburino, videlicèt, eum non apposuisse in præallegata & damnata propositione illum terminum *generatim*: In primis quid ad rem? Ecclesia in proscribendis singularibus propositionibus abstinet ab ullo exprimendo Authore, ex quo decerptæ sint: Unde nec Anonymus, Tamburinum prodere de-

buerat ; cum non pauci possent ignorare, in quo ex Probabilitis ea propositio reperiretur . An ergo Apostolica sedes in ea condemnanda ad Tamburinum tanquam ipsius Authorem respexerit, nec-ne, mea non interest affirmare . Verum quidem est, quod licet in Tamburino non legatur materialiter, ac entitativè illa dictio *Generatim*, invenitur tamen æquivalenter, ut constat l. 1. in Dec. c. 3. §. 3. n. 3. ubi sic ait: *Qui aliquid operatur motus ex opinione probabili, bene operatur, & sine peccato, quia in humanis, ut cum prudentia, quæ est certa regula humanarum actionum, operemur, NON-NISI probabilitas necessariò requiritur. Id quod ita certum est, & ita a Doctoribus comprobatum, ut nostra discussione non indigeat, ETIAM OPINIONE PROBABILIORI RELICTA, ETIAM OMISSA TUTIORE, ETIAM COMMUNI, ETIAM IN ARTICULO MORTIS; quia dum probabilitate, siue intrinseca, siue extrinseca, quantumvis tenui MODO A PROBABILITATIS FINIBUS NON EXEATUR,* [Vide an implicite importetur, ly *generatim*,] *confisi aliquid agimus, SEMPER prudenter agimus.* Hæc dicta sint, ne videatur Ecclesia propositiones fingere, aut aliquem iniuste gravare, sed illud verbum *generatim* ab ipsa appositum fuisse, seu potius expressum in proscripta Thesi, tanquam compendium omnium præcedentium, quæ idem Tamburinus scripserat ita clarè.

VI. Respondetur secundò ad principale argumentum, quod etsi prudenter ac tutò agat, probabiliter agens in sensu diviso, & non concurrente sententia opposita probabiliori, non tamen si hæc de facto concurrat in sensu composito, ut contingit in præsentì controversia . Tunc enim eligens partem minus probabilem, probabi-

biliori reliquâ, valde imprudenter agit, contra illud celeberrimum effatum, sumptum ex Aug. & relatum cap. *Si quis autem*, de Pœnit. q. 3. dist. 7. *Tene certum, dimitte incertum*; Et quia cognoscit ex urgentioribus motivis partis probabilioris, minus probabilem, quam ipse eligit, potius esse falsam, quam veram; actionem suam probabilius esse illicitam, inhonestam, & contra legem, quam licitam, honestam, & pro lege.

Addo ex D. Thoma, (quem adducit Gonet *Man. to. 3. tract. 3. c. 16.*) quod *Ad prudentiam pertinet præferre majus bonum minori bono*: Ergo *desistere a meliori pertinet ad imprudentiam*: Ergo a fortiori ad imprudentiam spectat id eligere, quod in concursu alterius probabilius apparet malum quam bonum: Ergo falsum est, quod in sensu composito, modo explicato, prudenter agat, qui probabiliter operatur.

Et certè imprudens valde existimabitur Viator, qui pecuniis onustus, a tutissimo itinere recedens, velit Sylvam ingredi, in qua probabilius credit adhuc morari latrones. Imprudens qui flumen traicere paratus, pontem sanum, ac solidum declinans, infirmæ naviculæ se committeret, quam brevi naufragium inter gurgites passuram probabilius opinaretur. Imprudens ille mercator, qui contractum iniret iis conditionibus, quas sibi damnosas probabilius, quam utiles existimaret. In his, aliisque similibus humanis actionibus, & negotiis maximæ imprudentiæ, ne dixerim stultitiæ, argueretur, incertæ, & dubia eligens, tutis, ac certis omissis. Cur ergo ubi de offensa Dei, de Animæ salute, ac æternitate agitur, non erit imprudentiæ argumentum, magis probabilia, & tuta, minus probabilibus, ac incertis post-

ponere? *Quam dabit homo commutationem pro anima sua?* (Matt. 16. 26.) Igitur *filiis hujus Saculi prudentiores filiis judicis in generatione sua erunt?* [Luc. 16. 8.]

Neque dicas, opinionem minus probabilem prudenti fundamento inniti, videlicet, optimæ rationi, & Auctoritatibus Doctorum, quæ virum prudentem movere possunt ad ipsius assensum.

Siquidem jam diximus, hoc ad summum probare, illum prudenter agere, qui bonâ fide opinionem probabilem sequitur, quando præsupposita sufficienti diligentia de veritate inquirenda, nulla major certitudo, seu verisimilitudo ipsi apparet, nec aliquam de opposito dubietatem habet. Tunc enim habet moralem certitudinem de bonitate actionis, sufficientem ad prudenter operandum; ad quod utique non est semper necessaria evidentia, seu certitudo mathematica, quam humana imbecillitas non semel assequi non potest: Et alias *Non exigit Deus ab homine plus, quam conditio hominis habet, quia Divina Sapientia disponit omnia suaviter*, ut inquit Cajet. in *Summula V. opinio*. Cæterum quando opinio minus probabilis est in conflictu probabilioris, cognitæ ut talis, incerta, & dubia efficitur, immo probabilius falsa, quam vera: Unde non potest movere virum prudentem ad sui assensum. Opinio verò probabilior vim habet ad intellectum trahendum in sui sequelam; quia etsi mathematicè, aut metaphisicè certa non sit, (per quod evanescit aliud Adversariorum argumentum,) est tamen moraliter omnino certa, adeoque ita sufficiens ad operationem prudenter dirigendam, ut intellectus nequeat aliter opinari.

Hujus prudentiæ illustre præbuit exemplum Henricus

cus

tus IV. Gallorum Rex, quando hzresi Calviniana ejurata, reversus fuit ad Catholicam Fidem. Cum enim ab hzreticæ pravitatis Ministris audisset, eos qui Fidem Catholicam profiterentur, in viam salutis incedere, modo justè, ac rectè viverent: E contra verò Catholicis Doctoribus affirmantibus, Calvinii sectatores in æternum damnari, præferendam eam Religionem prudenter dixit, in qua, e communi Sententia tum Catholicorum, tum Calvinianorum, certa salus promittebatur, illamque sectam relinquendam, quæ a solis hzreticis tuta dicebatur. Fuit omnium plausu ita celebre, ac prudentissimum hujus gloriosissimi Principis visum consilium, ut hzretici penitus confusi, exinde negare experint quod prius affirmabant, nempe, Catholicæ Religionis professores tutò in æternam tendere salutem.

Cum igitur opinio probabilior, quæ favet legi, omnium Doctorum consensu, sit tuta, & a periculo immunis, minus verò probabilis a solis Probabilistis tuta decantetur, ab aliis valde periculosa, & probabilius falsa, quam vera, legi contraria, quam consona judicetur, non-ne imprudenter operabitur, qui, relictâ probabiliori, minus probabilem ita incertam eligere voluerit? Erunt-ne prudentes Probabilistæ hoc docentes? Audiatur quæso Caballutius apud præcitatum Gonettum *Viros*, inquit, *pictate, & prudentia eximios difficilè reperiri in illa Scriptorum caterva, quæ ante annos circiter triginta, ut densissima nubes locustarum sese quaqua-versum effudit, criminosarumque opinionum portenta disseminavit, quibus eorum Authorum quilibet, magnam, & in tuto positam Probabilitatem, vel suo unius suffragio, auctoritateque se conciliare præsumebat: Immò & jactabas sibi genus hu-*
ma-

manum vinculo amplissima beneficentia adstrictum ob sublata peccata mundi; quia qua olim habebantur pro criminibus, sua auctoritatis pondere reddidisset licita, & honesta, viamque illam arctam, & arduam, qua ducit in Cælum, in amplissimam arcem, & planitiem convertisset, qua tunc, & indiscriminatim universi, absque ulla difficultate, in Cælum devenirent, solis exceptis, qui tantum beneficium non agnoscerent, divinasque istas Probabilitates non exoscularentur, quorum dumtaxat est desperata salus, & certissima damnatio.

Prudentes-ne dixeris omnes illos Casuistas, Probabilitatis Doctores, quorum plurimæ ab Apostolica sede confixæ fuerunt opiniones? Et tamen omnes illæ ortum habebant a decantato Probabilistarum principio; *Qui probabiliter operatur, prudenter operatur*. Unam tantum præ aliis recale inter Innocentianas trigessimam hujus ænoris: *Fas est viro honorato occidere invasorem, qui nititur calumniam inferre, si aliter hac ignominia vitari nequit*. Hæc propositio tot habuit propugnatores, ut Diana sua ætate ipsam vocaverit communem. Ita ex eodem Diana par. 3. tract. 4. resol. 9. refert toties a nobis hic allegatus Anonymus num. 30. Et quis unquam è minuscula plebe ausus fuisset insignes illos machinæ probabilisticæ Vertices, tanquam imprudentes vocitare? Absit: adeo quippe invaluerat opinandi licentia. Verum quid de ipsis, eorumque pedissequis sentiant gravissimi Veritatis Doctores, ac Defensores, nuper audisti ex Cabasutio: Insuper disce ex Encyclica Archiepiscopi Rhotomagensis Epistola anno 1697. ad suos subditos transmissa. *Placuit numerofo recentium Casuistarum gregi* [inquit Illustrissimus Præsul] *verendam Scripturæ sacra, &*
San-

Sanctorum Patrum auctoritatem deferere, suas, ut ipsorum privatas adinventiones, vel fabricata recens novorum Doctorum Commenta sequerentur. Evanuerunt illi in suis cogitationibus, (ex Rom. 1. 21.] eoque cæcitatatis devenere, ut ausi sint tueri palam opiniones, non Religioni solum, sed ipsi etiam naturæ contrarias; Nec puduit Christianos homines, perniciosæ hisce opinionibus, tanquam maximè tutis, ope Probabilitatis, pondus, & auctoritatem addere, quas, cum horrore Ethnicorum hominum sapientia respuisset &c. Apud Genettum to. 1. tract. 1. c. 6. q. 3.

Dices, non esse promiscuè judicandum de opinionibus ab Ecclesia proscriptis, ac de aliis nullâ censurâ notatis, ac præsertim de puncto præsentis difficultatis, quam Authores Clastici inoffenso calamo tuentur.

Ad hoc respondeo, tam multas opiniones non ideo esse falsas, quia sunt ab Ecclesia condemnatæ, sed ideo sunt damnatæ, quia erant & sunt falsæ, & contra rectam rationem, ac regulas prudentiæ: Et nihilominus ab iis, qui tanquam viri prudentes, ac docti habebantur, & Authores graves passim dicebantur, erant propugnatæ. Ergo-ne qui tales tunc sequebatur opiniones, quarum major pars juri Divino, ac naturali contraria erat, prudenter agebant, & a Legis observantia, ceteros obligante, dispensabantur, ut impunè possent usuras, furta, simonias, lascivias, & alia hujusmodi facinora inculpabiliter perpetrare, per hoc precisè, quod opinionibus Probabilistarum inhærebant? Si hoc esset, inferri deberet, e Summorum Pontificum condemnati, vis Decretis factum fuisse, ut ea nobis essent gravissima, contra divinam, & humanam legem delicta, quæ prius nec minima peccata Probabilistarum Sædatoribus erant:

P

Quod

Quod sane audire pia aures perhorrescunt.

Ex quo deduco primò plures Recentiorum opiniones, quæ ab aliquibus tanquam probabiles, & prudentiæ conformes venditantur, non evinci non esse improbabiles, falsas, & contra dictamen prudentiæ, quia non sunt, ut aliæ, a Christi Vicariis in exilium expulsi: Præsertim cum ab eodem infecto, ac, ut supra vidimus, ferè damnato probabilistico illo principio dimanent, *Qui probabiliter agit, prudenter agit*. Hujusmodi est Sententia affirmativa de sequela opinionis minus probabilis in probabiliore concursu; Quæ, tametsi cum omnibus suis consensu adhuc per Sanctæ Sedis Oraculum expressè anathematizata non sit, nihilominus jam propè in tot reprobatis propositionibus minis deterretur; immo contra eam nec longè esse damnationis ictum sperandum est. Plura interim dissimulant Pontifices propter alia gravissima Ecclesiæ negotia, quibus ipsi, & sacræ Congregationes distrahantur: Non tamen omnia hoc silentio approbant, ut expressè fatetur Inn. XI. in præloquio sui Decreti contra 65. ab eo confixas opiniones, ubi sic habet: *Non intendens tamen Sanctitas sua per hoc decretum alias propositiones in ipso non expressas, & Sanctitati suæ quomodolibet, & ex quacunque parte exhibitas, vel exhibendas approbare*. Quocirca ex tot moralis Theologiæ Voluminibus in dies a Probabilistis Superiorum permisso divulgatis, (at viris simplicibus valde perniciosiss,] nullum in suarum opinionum approbationem possunt robur emendicare. Hinc Alex. VII. Pont. Max. inter 45. Propositiones hanc vigesimam septimam proscripsit: *Si liber sit alicujus Junioris, & Moderni, debet opinio censeri probabilis, dum non constet rejectam esse a Sede Apostolica tanquam im-*
pro-

probabilem.

Deduco secundò, Probabilistarum Doctrinam, & Assertiones nullum veritatis robur ex hoc acquirere, quod ipsorum Volumina sint a Revisoribus approbata. Officium siquidem Revisoris, aut Censoris librorum non est approbare in ordine ad praxim, & ut veram, doctrinam in eis contentam; Aliòquin Thomista nunquam posset approbare editionem libri alicujus Scotistæ, in quo essent propositiones contra D. Th., cum nullum, ne minimum probabilitatis, nedum veritatis gradum eisdem sua approbatione adiicere vellet: Sed eorum auctoritas ad hoc solum extenditur, ut observent, ac judicent, an juxta Inquisitorum Mandatum, aliquid contra fidem, & morum honestatem in ipsis contineatur; & eapropter voluminum approbatio exprimi solet per propositiones negativas, ut, scilicet, intelligatur, ex approbatione librorum nullam eorum opinionibus addi probabilitatem, aut improbabilitatem, seu veritatem, aut falsitatem. Quod si aliquando propter insufficienciam, aut incuriam Revisorum Codices reprobandi in lucem eduntur, quid inde? Non omnia possunt a Superioribus inconvenientia impediri.

VII. Qui-nam vero sint Doctores classici, & graves, quorum sententia valeat viros prudentes movere omnibus ponderatis circumstantiis, non obscure assignat supradictus Recentior *num. 28.* Nimirum, esse Authores omni exceptione majores, & saltem a quatuor hujusmodi exceptionibus immunes. Prima earum est, quod ipsorum Doctrina, etsi apparenter sit valde vero-similis, falsa tamen evincitur ab aliquo sibi opposito Canone, aut Constitutione. Secunda Sophismatibus uti, non ve-

rò scientificis argumentationibus . Tertia , nova potius , quam rationabilia edocere . Quarta denique , aliorum adducere , ac sine ponderatione recitare opiniones , quod proprium est Collectorum , non Authorum . Hujusmodi exceptiones desumpsit Anonymus è Cardenas , *Cris. Theol. par. 3. to. 1. disp. 57. c. 1. a. 1. & alibi* .

Optimè satis . Sed hæc sunt arma , quæ contra se , suosque Clientulos Probabilistas fabricavit Anonymus . Quippe ipsorum apud Rudes plausibilis opinio a Sacris Canonibus [quos frustra conantur eludere] mendax efficitur . Unum præ aliis superius explicuimus , juxta Pontificum , Patrum , & Doctorum sensum . Deinde Probabilissimi Doctrina in fallacia compositionis , non in aliqua scientifica , & concludente argumentatione fundatur , ut etiam vidimus . Insuper novum esse de probabilitate Commentum , Veteribus reconditum , ipsimet libentissimè gloriantur ex Modernis nonnulli Casuistæ . Tandem eos , velut Oves , & Aves , *quo itur , non quo eundum sit* [Senecæ verbis utor] attendentes , aliorum sequi vestigia , & opiniones cæca mente sectari , sapientibus notum esse non dubito ; hoc unum tantummodo satagentes , ut Resolutiones suas plurium ejusdem farinae Scriptorum citationes subsequi studeant , vel præire . Non igitur Author gravis ullus ex his censendus est , sed pedissequus , sed Compiler .

Ex quibus faciliter innotescere potest , an omnes illi , quos e sua Societate , tanquam Authores Classicos & graves coacervat Cardenas , *ubi ante cap. 3. a. 1. & seqq.* videlicet , Th. Sanchez , Suarez , Vasquez , Valentia , Molina , Lessius , & Azorius , verè sint hujusmodi , & quorum quilibet [ut ipse docet] probabilitatem opinionibus confer-

ferre valeat. Abstineo a proferenda sententia super hoc animosum assertum, ne quis putet, mihi in votis esse, Doctorum mèrita deprimere, [quod absit] non veritatem suadere. Dissimulare tamen nequeo excessum ejusdem Cardenæ, *ib. a. 6. n. 140.* de solo Lessio sic dicentis: *Eere nullam doctrinam moralem veriore, & securiorem esse præ hujus Doctoris sententiis, inter Theologos, qui a trecentis annis scripserunt &c.* Quid tibi de hac autentica, Lector, videtur? Sileo.

Illum dicas Doctorem Classicum, cujus auctoritas in Ecclesia universaliter viget, cujus doctrinam amplecti non est errare, aut errandi periculo se committere, sed viam veritatis eligere. Talis est communis Doctor S. Thomas Aquinas, cujus sententiis, a summis Pontificibus probatis, a Christo Domino confirmatis, tutissimum est inharere. Unde congruenter (etsi valde modeste] scripsit Mag. Gallego de *Cosc. prob. n. 21.* his verbis: *Noster Angelicus Doctor multa scripsit, & docuit contra alios, qui ante ipsum scripserunt, et tamen ejus opiniones statim ac ab ipso tradita sunt, existimatae sunt probabiles, tum propter maximam ejus auctoritatem apud Theologos, tum quia non levibus, sed rationabilibus fundamentis ductus est ad sic opinandum.*

Classicum etiam Doctorem vocabis subtilem Scotum, menti D. Thomæ in hac materia conformem, ut supra ostendi §. 2. n. 4. Unde Scotistæ vocari nequeunt Minoritæ illi, qui tam claram Scoti Sententiam contra probabilissimum non obsequuntur; Inter quos novissimè prodiit Fælix Potestas Panormitanus nonnullorum Probabilistarum Sæctator, qui eo inconsiderationis pervenit, ut (exam. Confessar. *to. 1. par. 1. c. 1. n. 66.*) indu-

bitanter affereret, quod *Sententia, qua concedit eligi posse opinionem minus probabilem, quando agitur de sola honestate actionis, est probabilior, & tutior*: Probabilior, quia magis accedit Veritati, ut consideranti rationes patet, & ut tenent omnes ejus Sēctatores: Tutior, quia minuit innumera pericula peccati formalis; minuit enim tot obligationes, quot sunt opiniones probabiliores in intellectu operantis: tutius autem est vitare periculum peccati formalis, quo Deus certo offenditur, quam alicujus peccati materialis, quo certo Deus non offenditur, cum a culpa mortali excuset ignorantia invincibilis.

Bone Deus! Quot mala in tota Ecclesia ex nimia facilitate libros hūc diebus indiscriminatim imprimendi! Et quis-nam vel pueris ipsis suadere posset, eum contra legem formaliter non acturum, & formaliter non peccaturum, qui voluntariē, apertisque luminibus, contra legem materialiter agendi, seu materialiter peccandi periculo se exponit?

Iterum dico, non leviam hujusmodi scriptores afferre detrimenta, ut probè in quadam epistola scripsit Eruditissimus, ac vitæ austeritate, & Virtutum studio celeberrimus, Reverendiss. D. Armandus Joannes le Bouthillier de Ransè, Abbas, ac Reformator Monasterii Trappensis stricteioris Observantiæ de Cistello, pro ut habetur in ejus vita, ex Gallico Idiomate in Italianum traslata per Abbatem Burlamacchi *lib. 2. cap. 5. pag. mibi 163.* his verbis.

In ciò che riguarda i Casisti, (loquitur de Probabilistis,) non posso dire, che io li creda utili alla Chiesa; essendo così persuaso, come sono presentemente, che le hanno causato gravissimi danni, e che la maggior parte di loro

con

con sottigliezze metafisiche, con discorsi insufficienti, e con invenzioni puramente umane, hanno rese probabili (ideft decantaverunt ut probabiles) quantità di opinioni, contrarie alla purità de costumi e alle verità Evangeliche. Hanno insegnato agl' Uomini delle dissolutezze, che non conoscevano. Hanno trovato il modo di soffocare i lutrati della Coscienza, ed hanno dato espedienti e mezzi di violare senza scrupolo, e senza colpa le leggi più sante della natura, e della Religione.

Io ho risguardato la maggior parte di questi nuovi Scrittori, come Uomini che s' ingerivano in ciò senz' altro carattere, ò senz' altra vocazione, che quella si erano fatta da loro medesimi; che scostandosi dalle strade, e dalle sante Regole, che i PP. e i DD. della Chiesa aveano seguitate, faticavano a fortificare le inclinazioni della natura, e a favorire altrettanto i vizj, quanto quelli avevano mostrato maggior premura a combatterli, e a distruggerli.

Non nego che non ve ne possano essere alcuni di sentimenti più puri e Cristiani; ma dico in generale, che se fossi di professione di dar consiglio, non v'è cosa, che io sconsigliassi di vantaggio, quanto la lettura di questa sorta d' Autori, e la confidenza in coloro, che ne fanno, e ne imparano le massime.

Ne parlo per esperienza; poichè l'impiego, in cui mi trovo, avendomi impegnato a trattare con sì gran numero di persone di ogni condizione, che si sono presentate in questo Monastero per abbracciare lo stato Religioso, ed essendo stato obbligato di penetrare il fondo delle Coscienze loro, e di scoprire tutte le particolarità della lor vita passata, vi ho scoperto dalla parte dei Direttori, e dei Confessori tali ignoranze, inganni, e seduzioni, che mi hanno recato altrettanto orro-

orrore, che compassione &c. Hæc ibi.

Quam verè scribit hic religiosissimus Vir! Quæ sibi evenisse narrat de tot Confessariorum ignorantibus, seductionibus &c. & mihi sæpissimè acciderunt non sine cordis mei amaritudine, cum in excipiendis Sacramentalibus Confessionibus plurimos invenissem ad inferos festinè gradientes, propter ignaviam, ac deceptiones Confessariorum, suarum proditorum animarum. Videat ergo prudens lector, an præfati Casuistæ, e magni ponderis voluminibus Authores graves merito vocari possint, nec-ne.

VIII. Obiicies secundò. Jugum Domini est *suave*, & onus ejus *leve*, ut habetur ex Matt. 11. *V. ult.* & similiter, *mandata ejus gravia non sunt*, ut dicitur 1. Jo. 5. *V. 3.* Sed hoc non esset, si semper teneremur sequi opinionem cognitam ut probabiliorem, quia tunc Jugum Divinæ Legis efficeretur grave, Deique præcepta valde difficilia: Ergo &c.

Confirmatur ex *l. benignius ff. de legibus*, ubi dicitur quod *Opinio benignior, & suavior præferri debet*. Et Juris-peritus a D. Th. cit. in 1. 2. q. 96. a. 6. ait: *Nulla ratio juris, aut æquitatis benignitas patitur, ut quæ salubriter pro salute hominum introducuntur, ea nos duriori interpretatione contra ipsorum commodum perducamus ad Severitatem*. Digest. Vet. l. 1. tit 3. lege 24.

Respondetur ad argumentum primò, jugum Christi esse suave comparativè ad jugum Moysis, de quo dicitur Act. 15. *V. 10.* *Nunc ergo quid tentatis Deum, imponere jugum super cervices Discipulorum, quod neque Patres nostri, neque nos portare potuimus?* idest, *vix potuimus*, ut explicat Eminentiss. Ugo de S. Claro.

Respondetur secundo, jugum Domini esse suave, &

& onus ejus leve, non ex libera voluntate eligendi Probabilistarum placita, eorumque laxas opiniones, Legem Domini perfringentes, sed virtute gratiæ, & charitatis Legem emollientis, ac alleviantis, ut docet D. Th. 1. 2. q. 98. a. 1. ad 3. Dicitur enim Philip. 4. V. 13. *Omnia possum in eo, qui me confortat.* & Rom. 9. V. 16. *Non volentis, neque currentis*, scilicet, velle, & currere in præceptis Dei, (ut ibidem explicat Angelicus Doctor,] *sed misereantis est Dei.* Et ps. 118. V. 32. *Viam mandatorum tuorum cucurri, cum dilatasti cor meum*, idest per gratiam Spiritus Sancti, quâ diffunditur in cordibus nostris charitas, quæ Legem adimplet. Unde Aug. ait : *Non esse grave, quod diligendo fit: Perfecta charitas facit præcepti sarcinam, non solum non opprimentem onere ponderum, verum etiam sublevantem vice pennarum lib.* de perfect. Justitiæ cap. 10. Cæterum jugum legis Domini, sensui, ac naturæ per peccatum corruptæ, semper est grave, (tametsi naturæ sanæ, aut per gratiam sanatæ, eadem lex gravis non sit, quocirca denominatur naturalis, idest naturæ conformis, & secundum ejus inclinationem;) Et ideo respectu illius dicitur, quod *Regnum Cælorum vine patitur*, Matt. 11. V. 12. *Quod angusta porta, & arcta via est, quæ ducit ad vitam*, ibid. Cap. 7. V. 14. Et tamen nobis a Christo Domino iniungitur: *Intrate per angustam portam, quia lata porta, & spatiosa via est, quæ ducit ad perditionem.* Ib. V. 13. Immo contendite intrare &c. Luc. 13. V. 24. Igitur non obstante nostræ sensualitatis repugnantia in evitandis periculis Divinam legem transgrediendi, Regium Prophetam imitari debemus, ac dicere : *Propter verba labiorum tuorum (Domine] ego custodivi vias duras.* Ps. 16. V. 4.

Q

Hinc

Hinc est, novam illam viam, quam Probabilistæ ita facilem, & dilatatam invenerunt, non esse viam Cœli, quam Christus Dominus arctam prædicavit, sed viam, quæ ducit ad perditionem, & de qua verificatur illud Proverb: 6. V. 25. *Est via, quæ videtur homini recta, & novissima ejus ducunt ad mortem.* Vel juxta 70. Interpretes: *Sunt via, quæ videntur esse recta homini, attamen novissima earum spectant in fundum Inferni.* Ubi Spiritus Sanctus innuit eas, vel eam viam, quæ de facto, & a parte rei est mala, sed tamen homini apparet recta, non quidem certò moraliter, [alidquin, ut bene advertit Mercorus *ubi sup. a. 1.* conscientia erronea ex ignorantia invincibili non excusaret, quia duceret ad mortem,) sed solum probabiliter bona, & nihilominus non ad vitam, aut Cœlum ducit, sed ad mortem, & Infernum: Quomodo ergo poterit hæc probabilitatis via, sic solum apparens bona, liberè, & simul tutè eligi, concurrente, ac relictâ viâ tutâ majoris probabilitatis, quæ certò ducit ad vitam?

IX. Ad confirmationem respondetur primò, opinionem benigniorem esse præferendam, quando est tuta, & conformis rectæ rationi; qualis non est opinio minus probabilis libertati consentanea, in concursu probabilioris stantis pro præcepto. Gonet, *Manual. to. 3. tract. 3. c. 18. q. 3.*

Respondetur secundo, eam legem explicari in *l. semper ff. Novitas de reg. juris*; videlicet, habere locum in dubiis facti seu delicti, & in Rei punitione. Tunc enim potius favendum est Reo, quam Actori; quia tutius est reum absolvere, tametsi fortè delinquentem, quam ipsum forte innocentem condemnare. *Vuigandt tract.*

tract. 2. exdm. 3. n. 23.

Respondetur tertio, Opinionem benignam eam dici, quæ favet Religioni, Juramento, Causis piis, Testamento, Sacramento, Matrimonio, Viduis, Orphanis, Peregrinis, Egenis, Pupillis, vel etiam homini privato contra Fiscum. Quapropter, inter duas opiniones, quarum una favet libertati Pœnitentis, E.G. circa aliquem Contractum, altera verò indemnitati pauperis, opinio, quæ huic est favorabilis, est benignior eâ, quæ stat pro avaritia seu libertate Pœnitentis. Sylvester V. opinio S. 2. V. *Quaritur*. Gonet, Mercorus, & Vuigandt, *locis nuperimè citatis, & alii*.

Respondetur quarto ex eodem Mercoro, nonnullos falli arbitantes, Opinionem benignam eam dici, quæ laxa est, & favens libertati, & opinionem rigidam, quæ stat pro præcepto: Quod falsissimum est; quia opinio benigna valde differt a laxa, & non raro, quæ favet præcepto est benigna, ejusque opposita favens libertati est laxa. Pro cujus intelligentia,

Sciendum est, quod opinio dicitur benigna, quæ favet humanæ fragilitati, eique jugum legis ita coaptat, ut ferri possit, non tamen quin jugum aliquo modo collum premat, ut homo Deo Legislatori suo subiiciatur; seu ita humanitati annuit, ut etiam Legis observantiâ concupiscentiam quasi fræno coerceat, aliàs fructus, & finis Legis frustaretur. Opinio verò laxa ea est, quæ jugum legis non alleviat, sed infringit; concupiscentiam fovet, non domat; carnis, non spiritus promovet libertatem. Quod totum videtur innuere S. Thomas 2.2. q. 147. a. 3. ad 3. ubi docet, quod præcepta Legis non sunt contra libertatem populi fidelis, sed magis sunt utilia ad im-

pediendam servitutem peccati, qua repugnat libertati spiritali, de qua dicitur ad Galatas 5. V. 13. Vos enim in libertatem vocati estis, fratres; tantum ne libertatem in occasionem detis carnis. Ex quo,

Infertur, sententiam illam, quæ docet, in concursu opinionum eligi posse minus probabilem faventem libertati, non esse benignam, sed laxam, cum legem, ejusque fructum evacuet, & sensus libertatem nimium foveat: Laxam quoque opinionem Marchant. apud Pasqualigum *Decis. 300. n. 5.* quæ docet, non esse peccatum mortale opera servilia diebus festivis exercere per tres horas. Licet enim videatur benigna, & æquitatem redolere, nihilominus laxitatem enervativam præcepti de Festorum sanctificatione plurimum auget. Et insuper est indiscreta, quia promovet quorundam Dominorum avaritiam, ut famulos, & Ancillas suas festis diebus cogant ad serviliter laborandum. Idem univesaliter dico de tot opinionibus, quæ sæpe sæpius a Probabilitatis tanquam benignæ circumferuntur, & benignæ non sunt, sed contra legem, sed contra virtutem, adeoque concupiscentiam, non salutem æternam patrocinant; ut sunt omnes illæ, quas nonnulli, ut benignas prius venditabant, sed tanquam Christianæ disciplinæ omnino relaxativæ, fuerunt ab Apostolica Sede anathematizatæ. Præferenda quidem, immo non semel consulenda sententia verè benigna, idest tuta, & a Lege non devia: Abstinendum a nimis rigidis, quamvis comparativè tutioribus, quia hæ sunt de consilio, ac spontè, non coactè eligendæ.

Ad id, quod additur de Juris-consulto, dico, intelligendum esse ad intentum Sancti Thomæ in præalleg. art.

art. nimirùm, in lege humana (de qua loquitur auctoritas illa) servandam esse virtutem Epychejæ, quando, scilicet, in casibus particularibus, legis observantia secundùm ejus verba esset damnosa communi utilitati, vel salutì. Tunc enim lex verbaliter servanda non esset: Quia cum ad communem hominum salutem ordinetur, & secundùm quòd ut in pluribus est proficua, statuatur, si occurrant casus, (quos non potuit legislator prævidere, aut ad confusionem evitandam exprimere non debuit) in quibus propter subitaneum periculum, verbalis observatio legis esse nociva multitudini contra finem a legislatore præfixum, rationabilis & justa esset legis dispensatio: Aliòquin, ut optimè notat Porrecta in comment. art. cit. verificaretur ultima juris regula, *Certum est quod is committit in legem, qui legis verba complectens, contra legis nititur voluntatem.* Bonif. VIII. in 6. de reg. juris. Videatur S. D. in præadducto articulo. At in præsentì difficultate res aliter se habet. Quia naturalis ratio, quæ in corde hominum legem dictat de eligendo quod tutum est, ac moraliter certum, relicto non tuto, & incerto, ut sic honeste, prudenter, & absque periculo legem transgrediendi, unusquisque valeat operari, in quocunque particulari eventu etiam ostendi quid eligendum tanquam honestum, quid-vè respuendum ut inhonestum, & in periculo contra legem agendi; præsertim cum modò supponamus in operaturo hic, & nunc, adesse (vel saltem posse faciliter haberi) actualem notitiam de una opinione probabiliori ac tuta, & de alia ipsi oppositâ minus probabili, & non tutâ. Quocircà non ad servitatem, sed ad æquitatem, & honestatem legis hominem

nem perducimus, quando asserimus, in conflictu opinionum probabiliorem legi conformem semper eligendam esse, rejectâ minus probabili, sensus & libertatis amica.

Addo eam non esse benignam, & rationabilem legis interpretationem, quæ, ut *commodum*, idèst libertatem carnis foveat, est ipsius legis, ejusque finis, ac virtutis destructiva: impia est hujusmodi interpretatio, effræni concupiscentiæ, non rationi consentanea.

X. Obiicies tertio. Licitum est cuique, ut omnes fatentur, sequi opinionem, quæ sibi probabilior apparet: sed Probabilistis apparet probabilior sententia, quæ asserit, esse licitum in concursu opinionum, minus probabilem sequi: Ergo illam possunt licitè sequi, etsi nos, qui oppositum judicamus, non possimus secundum illam operari.

Respondetur, quòd absque sufficienti motivo, & veritatis inquisitione, sed ex mero propriæ voluntatis placito, vel passionis impulsu videtur [si tamen videtur] Probabilistis probabilior sua opinio de sequela minus probabilis opinionis. Quomodo namque, debitâ factâ diligentia, omnique remoto impedimento ad invenendam veritatem, potest illis probabilior hac nostra ætate ipsorum opinio apparere, cum videant Apostolicam Sedem eam potius reprobare in tot propositionibus proscriptis, quæ prius, ut probabiles passim a pluribus dicebantur, & ab eorundem Probabilistarum primario, & modò ferè damnato principio deducebantur, oppositamque, ac nostram sententiam validioribus rationibus, Pontificum, Conciliorum, Purpuratorum, ac pene unanimi Prælatorum sensu, majori, ac potiori Do-
do-

etorum numero, præcipuarum Universitatum Decretis, ac tot Sacrorum Ordinum Authoritatibus fulciri? Quod si convenienti omisso veritatis examine, ac studio, & absque sufficienti motivo, ad libitum, quis sibi probabiliorē fingat opinionem suam, & juxta illam cœca mente operetur, a culpa non excusatur, ut ex superius resolutis dilucidè apparet.

Respondetur ulterius, ex Petrucci lucer. moral. c. 7. §. 4. n. 54. Dato & non concesso, quod Probabilistæ arbitrentur, probabiliorē esse suam opinionem de sequela sententiæ minus probabilis in conflictu probabilioris, hoc tamen se habet solum signatè, speculativè, ac remotè, nec eis sufficit ad licitè hic & nunc operandum juxta sententiam, quam cognoscunt minus probabilem. Etenim ad licitam practicè operationem requiritur, ut judicium practicum ipsius directivum proximè, ac immediatè talem operationem respiciat, cum debeat conscientiam efformare de hic & nunc agendo, vel non agendo. Si ergo quis cognoscat, operationem suam probabilius esse illicitam, & contra legem, ac rectam operationem, quia sic a sententia probabiliori convincitur, nullatenus poterit, per judicium ultimum, & immediatum, illam ut probabilius licitam, & rectæ rationi consonam existimare in vi opinionis minus probabilis, cui, a se cognitæ ut tali, vult assentiri, & secundum illam hic, & nunc operari. Igitur sic operans, verè agit juxta opinionem, quam practicè putat minus probabilem, in conflictu oppositæ, cognitæ ut probabilioris; adeoque non tutò, ac licitè operatur.

Obiicies quartò. Ideo per nos non est licitum in agendis amplecti opinionem minus probabilem in proba-

probabilioris concursu, quia tunc intellectus operantis habet formidinem moralem de honestate suæ operationis, propter motiva probabilioris, quæ convincunt, eam operationem esse potius illicitam, quam licitam: Sed hæc ratio est nulla; Nam si in agendo deberet unusquisque absque ulla formidine operari, teneretur semper operari ex motivis scientificis, ac physicè, vel metaphysicè certis, adeoque ex habitu scientiæ, qui evidentiam importat, & omnem formidinem excludit, & nunquam posset operari ex motivis, & habitu opinativo, qui essentialiter importat aliquam formidinem, ut patet ex ejus definitione; & per consequens nemo posset in praxi opinionem etiam probabiliorem amplecti, cum etiam hæc, utpote essentialiter opinio & non scientia, nequeat omnem formidinem excludere: Cum ergo hoc non sit admittendum, dicendum est, quod, non obstante tali formidine, potest quis in praxi opinioni minus probabilis adhærere, relicta opposita probabiliori.

Respondeo, quod etsi quæcumque probabilitas, absolute, & secundum se sumpta, & veluti speculative, ac in actu primo, essentialiter importet quandam formidinem de altera parte contradictionis, potest nihilominus hic & nunc, seu practice & in actu secundo, excludere omnem dubietatem, & formidinem moralem (quid quid sit de formidine logica, de qua supra §. 3. n. 4.) Quia motiva inducentia intellectum ad assentiendum opinioni probabili, ipsi apparent ita gravia, & efficacia, ut hic & nunc, & practice omnem ab eo tollant [experientiâ approbante] formidinem moralem, quæ scilicet, juxta regulas prudentiæ sit potens movere operaturum ad formidandum, seu dubitandum de licitate suæ ope-

operationis . Hanc autem exclusionem moralis formidinis non habet opinio minus probabilis favens libertati, concurrente opposita probabiliori stante pro lege, bene vero ista in conflictu illius, ut in antedictis pluries ostensum est . Et per hoc sufficienter distinguitur Probabile a Scientifico, quia istud excludit omnem formidinem etiam secundum se, ac veluti speculative, cum principia, ex quibus derivatur, & a quibus regulatur scientia, semper sint metaphysicè, aut physicè infallibilia . Vide inf. §. 5. n. 21. *Verf. Insuper dico.*

Obiicies quintò . Ita comparantur opinio magis, & minus probabilis, sicuti aureus nummus Hispanicus, & Italicus, nempe, majoris, & minoris valoris; & etiam sicut vinum magis, & minus generosum . Sed esto nummus Italicus non tanti æstimetur ac Hispanicus, nihilominus etiam in concursu illius habet, ac retinet suum intrinsecum valorem, ac pretium ; Et vinum minus generosum comparatum generosiori adhuc est vinum bonum, & gustabile, esto minus, adeoque popularibus utile, quamvis non dignum, ut in mensa Principum apponatur : Ergo pariter, tametsi opinio minus probabilis tantâ probabilitate non gaudeat, ac opinio probabilior, est tamen verè, & quandoque etiam valde probabilis, licet minus, si probabiliori æquiparetur : Ergo unusquisque tutò poterit eam in praxi amplecti, quamvis in probabilioris conflictu .

Respondeo negando paritates adductas, & alias consimiles, quæ afferri solent . Et disparitas est, quia nummus Hispanicus, & Italicus sunt intra eandem speciem nummi aurei, & solum differunt penes magis, & minus : Et idem dico de vino magis, & minus gene-

roso, & aliis hujusmodi. Non enim nummus Hispanicus opponitur nummo Italico, adeoque nec tollit, aut minuit ejus valorem, etiam ipsi comparatus: Et vinum bonum in concursu melioris adhuc est vinum, & vinum bonum, esto minus, ac alterum in melioris conditionis. At opinio magis, & minus probabilis, subiectivè, ac respectu ejusdem intellectus, opponuntur contradictoriè, & idem valent formaliter *magis, & minus probabile in conflictu*, ac *probabile, & improbabile*, ut supra vidimus §. 3. n. 2. Unde opinio probabilior, & minus probabilis in concursu, non versantur circa bonum, & melius, ita ut operans, tametsi melius faceret probabiliorum eligendo, si tamen minus probabilem sequatur in praxi, adhuc dicatur bene operari, quamvis minus, nunquam verò malè; sed versantur circa licitum, vel illicitum, bonum, vel malum, seu bonitatem, vel malitiam actus, quæ sunt opposita, & impossibilia. Recolantur a me dicta loco nuperrimè citato. Hinc

Opinio verè probabilis, secundum se, & absolute sumpta, non est omnino reprobanda, cum possit esse recta regula morum ei, qui meliorem non habet, & probabiliorum invincibiliter ignorat, ut non semel ostendi; Sicut vinum debile est utile non habenti melius: Est tamen penitus indigna, *ut in conspectu Principis, intellectus videlicet, generosiori solidioris rationis vino inebriati, compareat, nisi ut fœculentum vinum reprobetur. Quis-nam autem ita demens, ac bardus, ut fœculento velit inebriari, dum optimi, ac purissimi copiam habet?* lepidè ait Petrucci Lucer. mor. c. 7. §. 4. append. n. 38.

Obiicies ultimò. Si teneremur in agendis semper amplecti opinionem probabiliorum, sequeretur quod ab-

le-

leganda esset omnino ab actibus humanis Probabilitas, & quod ad rectè, virtuosè, ac licitè operandum semper esset necessaria scientifica cognitio, ac certitudo physica, vel Metaphysica de certitudine operationis: Sed hoc est falsum, utpote fovens opinionem Vendrochii Theologi Salisburgensis, & rigidorum Jansenistarum, qui negabant, probabilitatem, tametsi a majori non oppugnata, posse unquam esse rectam morum regulam, & ignorantiam invincibilem juris naturalis unquam excusare a peccato, & a formali ejusdem legis transgressione, contra id, quod expressè docet D. Th. 1. 2. q. 76. a. 3. & aliis in locis, ac statuit Alex. VIII. anno 1690. die 7. Decembris in condemnatione illius propositionis inter 31. secundæ: *Tametsi detur ignorantia invincibilis juris naturæ, hac in statu naturæ lapsæ operantem ex ipsa non excusat a peccato formali*: Ergo sat est ad rectè operandum probabilitas etiam minor in conflictu, nec semper tenemur majori probabilitati adhærere.

Respondeo negando sequelam, quam promit arguens, sed non probat. Pluries enim supra docui, quod quando quis in moralibus debitam adhibet diligentiam in inquirenda veritate, ut rectè possit operari, eique solum occurrit opinio probabilis, absque concursu alterius probabilioris faventis præcepto, tunc licitè, ac tutò operatur, ut cum D. Thoma *quodl. 8. a. 13. in sed C.* tenent omnes Theologi etiam Probabilioristæ. Et ratio est: Quia Deus a nobis non exigit plusquam nostra conditio patiatur: Cum ergo sit moraliter impossibile semper attingere claram rerum veritatem, ac de ipsis certam omnino notitiam habere, hinc est, quod si quis, post adhibitam diligentiam sufficientem, solam probabilitatem ha-

bet de licetitate suæ actionis, absque conflictu alterius majoris probabilitatis, vel si hæc illuceat in Legis favorem, & eam eligat, bene, ac recte operatur. Et, si forsan contra legem eum operari contingat, erit immunis a peccato formali, Legisque formali transgressione, propter invincibilem ignorantiam, quæ semper excusat a peccato formali, cum non importet voluntarium, quod est de ratione peccati, ut docet Angelicus 1. 2. q. 74. a. 1. & alibi. Pro quaestione autem, quam agitamus, non militat hæc Doctrina, ut constat ex dictis.

Errant igitur, qui nostram Sententiam cum ea, quæ fuit Jansenistarum confundunt, sicut quidam fecerunt in Gallia; quorum tamen volumen ab Universitate Sorbonæ, plurimisque Episcopis damnatum fuit, & etiam ab Alex. VII. 1659. die 26. Aug. non minus ac Apologema Caramuelis pro antiquissima, & universalissima doctrina de probabilitate, a Sacra Indicis Congregatione prohibitum anno 1664. die 15. Januarii.

XI. Joannes de Cardenas, & novissimè quidam Author sub larvato nomine Nicolai Peguleti, (ejus tamen proprium nomen est, P. D. Gabriel Gualdus Vicentinus Cler. Regul. ut referunt Authores, illius celeberrimi Operis Italico Idiomate compositi, cui titulus, *Giornale de' Letterati d'Italia*, to. 1. artic. 14.), integra Volumina edidit in Probabilitatis tutamen, ac ad ruinam, ut putant, probabilioristicæ Doctrinæ. Verum ipsorum studium (sicut & aliorum, qui probabilistico calamo scripserunt) evanescit. Nam ex his quæ hactenus tradidi in hac materia bene perpensis, ferè omnes impugnationes, & argumenta soluta remanent, ac cætera, quæ tradunt, facillimè, usque ad minimum apicem di-

dilui possunt .

Ingenuè fateor , mihi in votis fuisse , Veritatis amore , prædicta Volumina [quorum Authores aliàs humiliter colo] membratim , & articulatim a vertice ad calcem usque impugnare . Sed quia de tempore sic inutiliter consumendo non potuisset me non remordere conscientia , ideirco abstinui . Nihilominus ne omnia , quæ prædicti Scriptores diffusè tradunt , silentio præteream , aliqua hic subnecti , studiose Lector , quæso patiaris .

APPENDIX PRIMA .

REFELLITUR JOANNES DE CARDENAS .

S U M M A R I U M .

1. **Q**uid-nam sentiendum de quibusdam querelis Cardena contra Vincentium Baron , & Jacobum a S. Dominico .
2. Ostenditur nil suffragari Cardena , caterisque Probabilistis , quod D. Thomas , aliique antiqui DD. , ac PP. quandoque defenderint opiniones benignas libertati consentaneas .
3. An subsistat D. Thomæ sententia de sumptione modici Electuarii absque violatione jejunii .
4. Evertuntur aliqua fundamenta Cardena pro firmanda sequela opinionis minus probabilis in probabilioris conflictu .
5. An Probabilista , vel potius Probabiliorista rem Probabilitatis , ejusque controversiam bene intelligant .
6. Quomodo ea omnia , quæ alii Probabiliorista docent , sint vera , & rectè cohæcant , dilucidè ostenditur .
7. An D. Tb. faveat Cardena , vel potius obstat .
8. An , & quando in opinione probabili detur vincibilis igno-

ignorantia.

9. *Explicantur illa Verba D. Tb. ex quodlib. 8. a. 13. deprompta, videlicet, aut ex contrariis opinionibus in nullam dubitationem adducitur.*

10. *Proferitur quoddam argumentum Cardena (quod ipse appellat ineluctabile] ad probandum, quod in questionibus moralibus, ubi neutra pars certa est, sit licitum sequi partem benigniorem, seu faventem libertati.*

11. *Manifestatur optimum esse, ac stabile Probabilioristicum argumentum, ex illa Sacrorum Canonum regula desumptum, nempe, In dubiis tutior pars est eligenda, nec ullatenus à Cardena impugnationibus labefactari.*

12. *Nullum sequi absurdum contra Doctrinam D. Thoma, aut Scoti, ex nostra Sententia, qua sustinemus, in conflictu opinionum aequè probabilium non esse licitum utramlibet eligere ad praxim, clarè ostenditur contra Cardenas.*

13. *De aliquibus Epithetis contra Probabilismum, de quibus conqueritur Cardenas.*

I. **C**ardenas igitur *disp. 15. suæ Theologicæ Crisis* per plura capita Vincentium Baron, & *disp. 56. Jacobum a S. Dominico*, ambos Gallicæ nationis, & Ord. Prædicatorum insignes Theologos, suæ doctrinæ impugnatores aggreditur. De ipsorum prætensis execrationibus, exclamationibus, conviciis, & obinurgationibus conqueritur, præsertim *in præfat. ad Leth. ante disp. 55.* Nolo ego, ipsorum vindicias assumere: Tum ne arguar imprudentiæ, ad hujusmodi anilia calamum extendendo: Tum ne ad infligendas notas [quod absit] contra Cardenam me trahat affectus erga Collegas meos, & ejusdem Cardenæ pungens in scribendo stylus me compellat. Interim humanitati parco.

Duo

Duo tamen tanquam vera, & manifesta scio: Quorum primum est, hunc Authorem illum reatum non parum incurrere, quem suis impugnatoribus lamentabiliter attribuit, dum suas nimis ardentem, imò & mordicus quandoque defendit opiniones. An decipiar nec-ne, Judicem eligo, quemcumque præcitatas duas disputationes expendentem invenero. Alterum est, quod etsi diæteriis, ac verborum asperitatibus nolim unquam præstare suffragium, tam multa tamen sunt detrimenta, quæ a Probabilisticis Assertis, ut plurimum in Ecclesiam derivantur, tam incongrua etiam, & absurda in dies a quibusdam, tanquam inconcussæ veritates, impavidâ, & elata fronte promulgantur, ut acrimoniam foveant, calammum acuant, iram excitent ad excessum. Hæc a me dicta sint, non ad excusandas excusationes in peccatis, sed ut quorundam Scriptorum querelas cohibeam, cum videant, suis assertionibus nonnullorum obiurgationibus præbuisse fomentum. Redeamus ad propria.

II. Afferit primò Cardenas *præcit. disp. 15. c. 6. n. 5. n. 496.* sic: *Qua parte propugnamus, licitum esse in conflictu opinionum probabilium deserere opinionem, qua stat pro lege, & sequi opinionem, qua suffragatur libertati, ne unum quidem Theologorum dabis, qui huic parti suffragium suum non adiiciat, & probat, quia omnes ad unum hujusmodi opiniones sæpe propugnant.*

At frustra insudat Auctor. Siquidem cum ibi loquatur de probabili opinione libertati consentanea, ut præscindit a minùs probabili, (de qua sermonem habet *num. præced. 495.*) & nemo ex Probabilioristis neget, licitum esse illam opinionem eligere, quæ libertati favet, dummodò tamen sit tuta, & moraliter certa, itaut

ita ut nulla oriatur moralis formido de actus licetitate, ac transgressione legis, & solum velint, quod ubi agitur de opinione probabili, in conflictu alterius magis, aut æque probabilis, stantis pro præcepto, hæc, & non illa eligenda sit, sequitur quod Cardenæ resolutio, ejusque probatio debellat *hostem fictum*, & aerem verberat, ut ejus propriissima verba contra Vincentium Baron prolata n. 513. mihi scribendi phrasim administrent.

Quid ergo prodest Probabilistis, quod S. Thomas in concursu opinionum probabilium doceat quandoque opiniones probabiles pro libertate contra legem, quicquid sit an probabiles, an minus probabiles? [ita ibidem ait Carden. n. 410. d. disp. 56.] Id quod controvertitur est, an subiectivè, ac respectu ejusdem intellectus liceat amplecti opinionem minus probabilem faventem libertati, in actuali conflictu alterius stantis pro lege, cognitæ ut probabilioris. Divus autem Thomas, & multi alii DD. ante, & post ipsum, plures opiniones propugnare ex illa parte, quâ hominum libertati favebant; sed eas tuebantur ut sibi probabiles, & veras, adeoque ut immunes a quacunque formali transgressione legis, cum in tali casu opiniones oppositæ, licet stantes pro rigore Legis, ipsis fierent subiectivè improbables, & potius falsæ quam veræ; quicquid sit, an secundum se, & a parte rei essent, vel non essent improbables, aut hæc, vel illæ, respectu alterius intellectus, magis vel minus probabiles; quod extra questionem est. Recolantur quæ sup. docui §. 2. n. 1. & alibi pluries.

III. Non possum tamen dissimulare dolorem, quem mihi infert Cardenas, tangens pupillam oculi mei. *ibi nuper* n. 474. sic ait: in ea questione, an com-

me-

meſtio electuarii violet jejunium, S. Thomas ſecutus eſt partem LAXIOREM, qua ſtat pro libertate. Nam 2. 2. q. 147. a. 6. ad 3. ita ait: Electuaria, etiamſi aliquo modo nutrant, non tamen principaliter aſſumuntur ad nutrimentum, ſed ad digeſtionem ciborum: Unde non ſolvunt jejunium, ſicut nec aliarum medicinarum aſſumptio; niſi forte aliquis in fraudem electuaria in magna quantitate aſſumat per modum cibi. Dicere autem quòd hac opinio eſt pluſquam probabilis, & tranſit ad aliquem gradum certitudinis, ABSURDUM ESSET. Exiſtimo eo quidem tempore fuiſſe probabilem, quia non ita clarè conſtabat de intentione Legislatoris Eccleſiaſtici de iis, quæ præcipue eduntur propter digeſtionem ciborum. Jam verò ea opinio NON EST PROBABILIS, (diceret ſaltem, mihi non eſt probabilis,) niſi electuaria ſint vera medicina, & ad ſanitatem aſſumantur, quia jam clariùs innuit intentio præcipientis.

Ergo-ne, *abſurdum eſt dicere*, quod hæc Sententia communis Doctōris tranſit ad aliquem gradum certitudinis? Ergo-ne modo non eſt probabilis? Immo nedum tempore D. Thomæ fuit probabilis, ipſique viſa fuit probabilior, vera, & certa, ſed & modo pluſquam probabiliffima eſt, moraliter (dicam metaphiſicè) certiffimâ, & veriffima. Eam tuentur cum Angelico ſuo Præceptore omnes Thomiſtæ, & ſubſcribunt ex domeſticis Cardenæ, Buſembaum, Leſſius, Azorius, Sà, Reginaldus, Filiuccius, Eſcobar &c. [Vid. Bonac. de oſtavo Detal. præc. diſp. ult. q. 1. p. 1. n. 7.] Sicut etiam Dlana, Navarrus, Abulenſis, Bonac., Cotonius, Clericatus, & communiter Moraliftæ, & hi omnes adductæ rationi S. Doctōris innixi. Et num per mille, ac fermè trecentos Redem-

prionis ~~Sæculi~~ ante D. Thomam ignota fuit Doctoribus intentio Legislatoris, ab Ecclesiæ primordiis præcipientis jejunium? Num talis intentio *clarius innote* tantummodo postremo Sæculo Probabilitatis nebulis, ac tenebris alias involuto? Num *DIVINÆ VOLUNTATIS INTERPRES* (hoc encomio exornat D. Thomam Clemens VIII. in Bulla ad Neapolitanos) supremi Ecclesiæ capitis mentem interpretari nequivit? Igitur ne Sententia D. Thomæ de sumptione alicujus *modici* electuarii *ad cibi digestionem*, nempe ad modum medicinæ, & ad sanitatem, non ad sensus oblectamentum ordinati, quin adsit Ecclesiastici transgressio jejunii, non erit probabilis, nisi tale modicum electuarium *sit vera medicina*, videlicet pharmacum aliquod ex rhabbarbo, Symplo aureo, aut Sena orientali confectum ad evacuandum ventrem? Recolat Cardenas suam Doctrinam, a me S. 4. n. 7. superius allatam, videlicet, Azorium esse unum ex Classicis Authoribus Societatis ab eo enumeratis, ac [juxta ipsum] tantæ auctoritatis, ut valeat probabilitatem opinionibus conferre. Cum igitur Azorius dictam Sancti Doctoris sententiam sequatur, jam secundum Cardenas eam reddet probabilem, etsi talis prius non fuisset; adeoque, saltem in gratiam Azorii, debet Cardenas de sua contra Divi Thomæ Doctrinam propositione palinodiam cantare.

Dicit Cardenas *d. disp. 56. n. 375.* nunquam se somnare potuisse, quod S. Thomas opiniones libertati consonas docuerit advertenter, ut minus probabiles: Nam constat, Auctores omnes, nedum S. Thomam, in materiis probabilibus semper docere suam sententiam tantquam probabiliorem.

Sed

Sed contra ! Nam si ita est, Cardenas iterum in casum laborat, & *aerem verberat*, cum nos non arguamus eos, qui sequuntur opiniones, quas agnoscunt in conflictu probabiliore, moraliter certas, & excludentes respectu ejusdem intellectus quamcumque moralem formidinem de actus licetitate, tametsi faveant libertati ; bene vero asserentes, licitum esse amplecti inter partes contradictionis eam, quæ minus probabilis agnoscitur, concurrente oppositâ, etiam cognitâ ut probabiliori ; juxta modum pluries explanatum . Falsum est autem, quod Probabilistæ hoc secundum sustinentes, doceant, & sequantur sententiam probabiliozem, ut clarè demonstravi S. 4. n. 10. in solutione tertii argumenti .

IV. Asserit secundò idem Cardenas *precisè disp. 15. n. 425.* quod *si una opinio proponitur intellectui ut probabilior, & altera ut minus probabilis, potest adhuc licitè homo accomodare se in praxi opinioni minus probabili, etsi stet pro libertate contra legem* . Hanc vocat communem Sententiam, n. 497. Et hoc est verum inter Scriptores Probabilistas : falsissimum autem, si fiat sermo de omnibus Authoribus, cum nec trigesima pars eorum dictam protergat probabilitatem, ut apertissimè constat ex toto S. 2. In hoc probabilitatis centrum trahi utique non possunt nec D. Thomas, nec tot alii DD. ex illa, & mysteriosè prolatâ Cardenæ assertionem, quod ii propugnaverint, non semel opiniones libertati consonas, ut nuper vidimus .

Se probasse suum assertum multis rationibus demonstrativis, affirmat Cardenas in d. *præf. ad Lectorem*, sed fallitur : Omnia enim Probabilistarum argumenta, vel sunt

paralogismi, vel nec probabiliter concludunt. Et ne ipse contra me vociferetur, quod gratis hoc dico, & non probo, (ut pluries in *dd. disp.* 15. & 56. animosè profert in suos Adversarios Vincentium Baròn, & Jacobum a S. Dominico,) conferat unusquisque ejusdem probationes cum his, quæ continentur in 3. & 4. ex meis §§. & me statim a tali nota liberabit.

Præcipua ipsius fundamenta ad stabiliendum probabilisticum assertum, sunt.

Primò: Quia etsi homo cognoscat unam ex partibus contradictionis esse probabiliorē alterā, *potest* nihilominus *judicare*, *fortè se decipi censendo eam esse probabiliorē*; adeoque potest alteri minus probabiliter tutè adhærere. Ita n. 425. *disp.* 15. *cit.*

Hæc ratio est contra dictamen rationis, quæ naturaliter docet, id semper sequendum, in quo relucet potius verum, quam falsum, ac ab eo recedendum, in quo potius falsum, quam verum apparet. Si autem in subiectivo conflictu opinionis probabilioris cum minus probabiliter, quis illam omitteret, & hanc eligeret, id sequeretur, quod potius falsum cognoscit, quam verum, & e contra, recederet ab eo, quod sibi videretur verum potius, quam falsum, ut supra multoties ostendi: Igitur irrationabiliter, & per consequens illicitè procederet. Et non-ne stultum stultis ipsis videretur, quod præstitis omnibus diligentibus ad cognoscendam veritatem, vel, & multò magis, hac, in vi naturalis luminis, sponte sese obviam faciente, possit quis voluntariè, ac simul rationabiliter ei terga vertere, sub inani, ac futili prætextu, quod *fortè decipitur* in clariori cognitione ejusdem veritatis?

Secundò probat Cardenas *ibidem* suam conclusio-
nem: quia cum motivum probabilius adhuc incertum sit, non co-
git intellectum ad sui assensum; ideoque potest voluntas im-
perare assensum ad partem minus probabilem, qua cum ha-
beat etiam rationes graves, & firmas, quibus nitatur; dici
non potest assensus temerarius, sed prudens, & viro prudente
dignus.

Verum jam demonstravi §. *preced. nn. 1. & 2.* falsum
esse principium probativum hujus argumenti, & falsum
etiam consequens ab eo deductum.

Ad id, quod additur de assensu prudenti, & in quo
præcipuè fundatur Probabilistarum opinio, abundè res-
ponso dedi supra in solutionibus ad primum argumen-
tum, & præsertim *nn. 1. 2. & 6.* Eapropter corrui to-
tum id, quod amplificat Cardenas *d. disp. 15. n. 497. &*
seqq. in favorem illius decantati argumenti, ab ipso ibi
sic efformati: *Qui operatur prudenter non peccat: Sed qui*
operatur ex opinione probabili (bene intellecta) operatur pru-
denter: ergo qui operatur ex opinione probabili, non peccat.
Et

V. Nota illas particulas, *bene intellecta*, idest [ut sæ-
pius explicat Author *in d. disp. 15.*) quando stant pro
ipsa optima motiva, & rationes, ac solida fundamenta,
quæ reddant eam in praxi verè probabilem. Et *ib. n. 426.*
hæc addit: Scio enim, rem probabilistatæ non ab omnibus
recte intelligi, præcipuè ubi fit reflexio supra probabilitatem.
Hanc reflexionem penitus profligavi supra §. *3. n. 4.*

Quod autem quæstio probabilitatis a multis non
bene intelligatur, verissimum est, nempe ab omnibus
Probabilistis. Etenim totus illorum labor est circa opi-
nionem verè probabilem, secundum se sumptam, quam
etiam

etiam nos fatemur esse non raro optimam regulam operandi, quando, scilicet, major de obiecto certitudo haberi nequit. At controversia est de opinione probabiliori in probabilioris conflictu: Et in hoc sensu iterum atque iterum in antedictis evidenter probavi, opinionem, alias secundum se probabilem, suam deperdere probabilitatem, concurrente probabiliori stante pro Lege, nec posse intellectum de illa amplius opinari; ac proinde illas optimas rationes, ac motiva, & solida fundamenta opinionis probabilis amplius talia non esse, nec illam reddere in praxi licitam, & honestam. Videantur superius exarata in hoc §. n. 6. & §. 3. n. 4. & alibi. Oportet ergo, ut Probabilistæ id, quod controvertitur, probent, quod certe nec præstant suis paralogismis, (in quibus a probabilitate in sensu diviso, ad eandem in sensu composito concludunt,) nec in sæcula præstabunt. Ut quid ergo inaniter asseverant, quod *Adversarii non percipiunt sensum doctrina de opinione minus probabili eligenda?* Card. disp. 56. n. 915.

VI. Afferit tertio idem Cardenas disp. 56. cit. c. 15. d. 1. Authores nostræ Sententiæ inter se non convenire: Unde n. 741. concludit. *Ex quibus constat, quomodo ne unus quidem conveniat cum alio, sed quod unus admittit, alius negat: Et (quod mirabile est) omnes volunt pro sua sententia stare S. Thomam:* Vide quam indubitanter in re tam falsa hic Author loquatur.

Falsâ, inquam. Omnia siquidem ab eo ibi relata ex Probabilioristis quod ad substantiam optimè coherant, & vera sunt, si bene intelligantur.

Primo igitur verum est, quod ibi n. 735. ait P. Comitulus, non esse de præcepto (quicquid sit de consilio) eli-

eligendam partem strictiorem, aut tutiorem; cum sufficiat eligere *tutam*. Ita

Tuta autem non est pars minus probabilis in conflictu probabilioris, in sensu, ac terminis præsentis quæstionis.

Secundò verum est, quod *ib. n. 736.* asserit Antonius a Cella Dei, eam opinionem eligendam esse, quæ *ferè semper est vera* idest, quæ, juxta judicium prudentiale, & moraliter certa, vera, & tuta judicatur; tametsi physicè, aut metaphysicè possit esse falsa. Ita

Non est autem juxta judicium prudentiale, nec vera, moraliter certa, & tuta potest judicari opinio minus probabilis, concurrente probabiliore, in sensu, ac terminis præsentis quæstionis.

Tertiò verum est, quod *ib. n. 737.* docet Fagnanus posse in conflictu opinionum tutò ad praxim reduci opinionem faventem libertati, si, hinc inde discussis rationibus, in ea quiescat intellectus, itaut vi motivorum ejusdem expellat omnem formidinem (scilicet moralem) Si autem non expellat formidinem, tutiorem (videlicet adversativè ad aliam, quæ tuta non est) sequendam esse, sicut in dubio practico. Quod si una videatur minus probabilis, non potest deduci ad praxim: Et, si ambæ sint æque probabiles, eodem modo pars pro Lege contra libertatem eligenda est; quia tantum sequenda est ea, quæ intellectui proponitur ut vera, & moraliter certa. Ita

Certum est autem non expellere omnem moralem formidinem, nec intellectui proponi ut veram, & moraliter certam, opinionem minus probabilem, concurrente probabiliore, in sensu, ac terminis præsentis quæstio-

stio-

tionis . Et idem dico de opinione favente libertati , æqualis ponderis in probabilitate cum alia stante pro præcepto , ut ex dictis evidenter innotescit , & seq. §. n. 1. & seqq. demonstrabo .

Quarto verum est , quod *ib. n. 738.* affirmat Julius Mercuri , nimirum , semper eligendam esse partem probabiliorem stantem pro Lege . In duobus tamen casibus eligi posse minus probabilem in favorem libertatis . Primo , *si nomine partis minus probabilis intelligatur pars tuta , & nomine probabilioris pars tutior* : Sed tunc *ly minus probabilis* , & *ly probabilior* improprie sumuntur pro *ly tuta* & *ly tutior* . Secundo , *quando minus probabilis ex motivo intrinseco , per motum extrinsecum creditur certa moraliter* . Et tunc est , quando probabilitas extrinseca superat intrinsecam probabilitatem , adeoque probabiliorem reddit opinionem in conflictu . Ita

Tuta autem non est , nec moraliter certa opinio minus probabilis in probabilioris conflictu , in sensu , ac terminis præsentis quæstionis .

Quinto verum est , quod *ib. n. 739.* dicit Baron , admittens ad praxim opiniones , *quæ nulla adversantium ratione colliduntur* , quæ , scilicet , etsi non habeant omnimodam certitudinem metaphysicam , sunt tamen in conflictu probabilissimæ , ac moraliter certæ , omnemque formidinem excludunt , cum *nulla* oppositarum opinionum *ratione colliduntur* . In conflictu autem reliquarum opinionum semper sequendam esse partem pro Lege contra libertatem , *etiamsi pars , quæ stat pro libertate , probabilior sit* , idest , quando etiam stante tali probabilioritate , tuta non est , quatenus ex ratione , ac motivis opinionis oppositæ stantis pro lege , patitur collisionem , & mo-

moralem formidinem admittit de sua licitate, ut §. seq. n. 20. apertè probatum dabo. Ita

Nequit autem dici, quod opinio minus probabilis libertatem fovens nullà concurrentis opinionis oppositæ probabilioris, præcepto faventis, *ratione collidatur*, aut omnem moralem formidinem excludat, in sensu, ac terminis præsentis quæstionis.

Señdò, verum est, quod *ib. n. 740.* ait Gonettus (ex ipso Cardenas,) quod quando una opinio est probabilior alterâ, etiamsi probabilior stet pro libertate contra Legem, posse hanc eligi ad praxim, dummodo omnem moralem formidinem excludat. Quando autem probabilior stat pro Lege contra Libertatem, illam debere eligi ad praxim. Quando autem opiniones sunt æquè probabiles, semper standum esse pro strictiori, & tutiori [idest pro tuta, adversativè ad aliam in tali casu non tutam] contra libertatem. Similiter verum est id, quod addit, nimirum, posse hominem sequi opinionem probabilem, si factâ sufficienti diligentia, tunc alia probabilior non apparet: Tunc enim opinio probabilis non est in conflictu, sed sumitur secundum se; Unde nec potest dici magis, vel minus probabilis. Ex quo sequitur, quod si quis in hoc casu, & factâ prædictâ diligentia ad inveniendam veritatem, operetur ex opinione probabili falsa, & legi Dei contraria, quam invincibiliter putat esse veram, & legi Dei conformem, a peccato excusari: Ita: & hæc omnia jam supra clarissimè demonstrata sunt, & seq. §. majori perfundentur luce.

Nihil autem ex his [ut constat] convenire potest opinioni minus probabili concurrente probabiliorè, in sensu, ac terminis præsentis quæstionis.

Septimò tandem verum est, quod *ib. n. 741.* firmat Jacobus a S. Dom. admittens (ex verbis ipsius Cardenæ) opinionem, quam vocat *quietam, qua scilicet non colliditur rationibus adversæ partis: In reliquis autem semper tenendam esse partem strictiorem* [nota hanc dictionem, quæ videtur libertati aliquantulum odiosa, & quæ ferè nunquam utuntur, aut supradicti, aut alii DD. Probabilioristæ, & in præsentî Scrutinio ex me nunquam eam invenies, cum sit incongrua, & veritatis hujus doctrinæ non expressiva, & tamen sæpe adducitur a Cardenas in referendis nostrorum Sententiis) *pro lege contra libertatem, etiamsi opinio, quæ stat pro libertate, sit probabilior opposita*; videlicet, quando non est tuta, & quietæ, (idest quietans intellectum, & conscientiam,) sed adhuc *colliditur rationibus adversæ partis* stantis pro Lege, & admittit moralem formidinem de actus honestate. *Addit tamen aliquas limitationes, in quibus potest admitti probabilitas, quando hæc pervenit ad certitudinem moralem.* Ita: Et vide *inf. n. 10. V. prima quidem*, de Vincentio Baron.

Non est autem *quieta*, nec pervenit *ad certitudinem moralem*, sed *colliditur rationibus adversæ partis*, opinio minus probabilis, concurrente probabiliori, in sensu, ac terminis præsentis quæstionis.

Quod omnia, hic à Cardenas ex præfatis Probabilioristis recensita, vera sint, ac pro ipsius itet D. Thomas, apertissimè constat ex adductis probationibus in præcedentibus, & subsequenti §§. Quod verò omnia simul cohzreant, satis innotescit ex hoc, quod ea simul in hoc Tractatu, absque ulla exceptione sustinemus. Et etiam pro his omnibus, & singulis, eorumque Patronis stare

stare D. Thomam, est luce meridiana clarius, si ejus rectè perpendantur authoritates, a nobis per totum Tractatum, sed præsertim §. 2. adductæ, & explicatæ.

Cur igitur contra præfatos DD. invehit Cardenas dicens, quod *ne unus quidem conveniat cum alio, sed quod unus admittit, alius negat*? Num justam promeretur querelam, si quis contra ipsum ex ejus verbis inferret, probabilioristicam non intellexisse doctrinam? Quod eorum Authorum singuli non omnia exprimant, quæ alii explicite tradunt, non ob id dici potest, quod *unus admittat, quod alius negat*. Aliðquin idem posset hæreticus contra Sacros quatuor Evangelistas blasphemare, cum unus ex eis aliquid narret, quod alius reticet.

Adversarii quidem in plurimas dividuntur probabilitatis sectas, quia nullum habent, nec habere possunt Probabilismi veracem, fidum, ac justum legis-latorem. Unde Mercorus *Bas. Theol. mor. par. 2. a. 27.* quindecim dicendi, ac docendi modos in Probabilitatis opem ex libris Probabilistarum enumerat.

VII. Afferit quartò Cardenas pluries *in utraq. cit. disp.* Authoritatem D. Thomæ *quodl. 8. a. 13. a me sup. §. 2. n. 1.* adductam, & explicatam, non favere Probabilioristis. Dicit enim, præcit. verba S. Doctoris, *Illud autem, quod agitur CONTRA LEGEM, semper est malum, nec excusatur per hoc, quod est secundum conscientiam*, intelligi de eo, quod est contra legem *claram, & manifestam, & cujus non potest haberi error nisi culpabilis, & vincibilis*. Ita scribit *d. disp. 15. n. 450.* Et post pauca explicans, quare conscientia tunc dicatur culpabilis, *quia, inquit, potest, & tenetur scire, attendendo diligenter ad principia intrinseca*. Et *ib. n. 458.* repetit, D. Thomam

intelligendum esse de casu, quo ea opinio (scilicet de non possidendis duabus Præbendis) a principiis intrinsecis sit clara, & manifesta, itaut possidens possit, & teneatur scire veritatem. Similiter d. disp. 15. n. 499. idem affirmat, quod, scilicet, S. D. in præfato textu de conscientia vincibiliter errante intelligendus est, & de ea Lege tam nota biminibus, ut si ad eam attenderetur, & adhiberetur sufficiens diligentia ad ejus cognitionem, clarè cognosceretur.

In primis Cardenas valde abutitur terminis, cum illud non dicatur, nec sit subiectivè respectu ejusdem intellectus *clarum, & manifestum*, quod ab ipso ignoratur, esto ignorantia vincibili, quatenus, scilicet, quis nescit, & ignorat veritatem, quam *potest, & tenetur scire*, adeoque vincibiliter ignorat, & per consequens peccat. Unde veritas sic vincibiliter ignorata, nullo modo dicitur, aut est actualiter clara, & manifesta, non minus ac respectu illius, qui eam invincibiliter ignorat: Quidquid sit, an in primo casu homo peccat, quia id ignorat, quod tenetur, & potest scire; Secùs verò in secundo, propter oppositam rationem. Illud autem dicitur, & est nobis actu clarum, & manifestum, quod a nobis clarè, ac manifestè cognoscitur. Verum ne in questione de nomine sistamus,

Gratis admissio, & non concessio, posse dici clarum, & manifestum id, quod modo dicto vincibiliter ignoratur, nescio quid, vel minimum, in fui, & Probabilistarum favorem, vel adversus Probabilioristas ex hac glossa valeat Cardenas emendicare. Certe nihil omnino. Docet S. D. semper esse peccatum, quod in sequela alicujus opinionis agitur contra legem, *nec excusatur per hoc, quod est secundum conscientiam*, scilicet opi-
na-

nativam, aliâ opposita concurrente opinione; ut *num. nuper cit.* explicui. Quid ergo sibi favorable potest ex hoc inferre Cardenas?

VIII. Respondet, *In Opinione probabili esse non posse ignorantiam culpabilem, eo quod (attende ad istam causalem Cardenæ) ut discretè affirmat S. D. eo art. 15. (scilicet quodl. 8.) non vertitur culpa ignorantia eorum, qua quis non tenetur, aut non potest scire: Proinde cum sola ignorantia, & error culpabilis non absolvat a culpa, inde fit, quod in sequela opinionis minus probabilis, concurrente opposita probabiliori, nulla culpa intercedat. Ira, & non aliter potest, ac debet deduci consequentia; alioquin hæc responsio Cardenæ ubi ante n. 483. ad rem nostram non pertineret.*

Sed contra: Nam quando dicitur, *in opinione probabili esse non posse ignorantiam vincibilem*, vel est sermo de opinione probabili secundum se sumptâ, vel de ipsa, ut in conflictu alterius. Si primo modo, certum est, sufficere aliquando ad licitè operandum solam probabilitatem de obiecto, quando, scilicet, omnibus præstitis diligentis, major de ipso certitudo haberi nequit; juxta superius non semel resoluta: Et consequenter operans in vi talis probabilitatis dicitur veritatem invincibiliter ignorare, si fortè contra eam agere ipsum contingat, quia non potuit eam scire. At in hoc sensu responsio Cardenæ *debellat hostem fictum, & aerem verberat*, cum de hoc nulla sit dubitatio, nec præsens instituitur dubitatio. Si secundo modo sit sermo de probabilitate, videlicet in conflictu alterius, prout requirit questio, quam agitamus, tunc falsa est illa propositio, nempe, *in opinione probabili esse non posse ignorantiam culpabi-*

bilem, nec leviter fulcitur ex illa causali ab Adversario adductâ ex D. Th., cum potius per eam omnino contematur: Quod sic ostendo.

Nemo peccat in eo, quod invincibiliter ignorat, quia *ignorantia eorum, qua quis non tenetur, aut non potest scire*, excusat. Ergo, è contra, tunc aliquis peccat, quando ex ignorantia vincibili agit contra legem, quia tunc error conscientia procedit *ex ignorantia ejus, quod quis scire tenetur, & potest* (ait S. D. *lo prox. cit.*): Sed qui in contradictorio concursu duarum opinionum probabilitium circa aliquam rationem moralem eligit affirmativam libertati consonam, reiicit verò alteram negativam faventem legi, & æqualis, aut etiam majoris probabilitatis, nedum non operatur *ex ignorantia ejus, quod non tenetur, aut non potest scire*, quinimo apertis luminibus, ac voluntariè id agit in praxi, quod *SCIT, ET COGNOSCAT* potius esse contra, quam pro lege, potius falsum, quam verum [ut patet, & pluries in antedictis innotuit), tametſi non omnino physicè, aut metaphysicè certum id cognoscat, propter motiva opinionis oppositæ: Ergo peccat, si legem eum transgredi contingat, *nec excusatur per hoc, quod agit secundum Conscientiam* opinativam, quod, scilicet, in vi opinionis affirmativæ sit ei licitum agere, quod agit, cum videat, & *COGNOSCAT* suam Conscientiam efformandam esse conformiter ad alteram opinionem probabiliorem, aut æque probabilem, sed tutam, imo juxtâ illam jam eandem conscientiam efformasse, quia probabiliorem, & veram potius, quam falsam judicavit: Ergo in opinione probabili potest esse ignorantia culpabilis.

Urgeo præterea. Secundum Cardenas tunc dicitur

tur quis agere contra legem *claram*, & *manifestam*, adeoque formaliter peccare, quando operatur ex vincibili ignorantia eorum, scilicet, quæ potest, & tenetur scire: Ergo multo magis operabitur contra legem, sibi *claram*, & *manifestam*, & per consequens peccabit, qui non ignoranter, sed advertenter id operatur, quod cognoscit potius esse contra, quam pro lege, licet non omnimodam de hoc certitudinem habeat, vel claritatem, propter opinionum conflictum: Modo sumus in casu: Ergo &c.

Dices cum eodem *d. disp. 15. n. 540. & seqq.* quod, etsi eligens opinionem probabilem libertati faventem, in concursu alterius, æqualis, vel majoris probabilitatis, & stantis pro lege, posset scire veritatem, & eiicere, seu vincere ignorantiam, quam habet de opinione opposita, ad id tamen non tenetur; quia potest prudenter deponere dubium, quod habet de illa, ex ratione, ac motivo rationabili, & urgenti, sibi præstito ab opinione probabili, quam sequitur: Est autem certissimum excusari hominem a peccato, tam per defectum obligationis, quam per defectum possibilitatis physicæ. Igitur semper est verum, in opinione verè probabili esse non posse vincibilem ignorantiam.

Sed contra. Nam instantia a me nuper efformata implicitè probat etiam, operantem ex opinione probabili consonâ libertati, in conflictu alterius, teneri vincere ignorantiam, quam habet, cum videat, se alias eligere id, quod est potius contra, quam pro lege, vel saltem id, quod tutum non est, & in quo est periculum legem transgrediendi [si opinio, quam sequitur, est æquè probabilis, ac altera): Ergo si negligit, aut non vult

vult talem ignorantiam vincere, ea ignorantia est ipsi peccatum, cum sit de his quæ *potest, ac debet scire*.

Ultra quod, sic operantem non posse in tali conflictu prudenter deponere dubium practicum, quod habet de actus licetitate, ex solis motivis exhibitis a probabilitate opinionis, quam eligit, nec esse immunem a periculo legem transgrediendi, pluries, & solidè probavi, præsertim §§. 2. & 3.

Itaque velint, nolint, & Cardenas, & quotquot sunt è probabilistico cœtu, D. Thomas nullatenus eis suffragatur, sed viriliter obstat. Quapropter cum Illustriss. ac Reverendiss. D. Antonius Godeau Episcopus Vincienfis, in quodam suo Edicto, seu Mandato adversus Apologiam Casuistarum; per extensum retulisset doctrinam S. Thomæ ex quodl. 8. a. 13. sic ait: *Hæc verba ita clara sunt, atque perspicua, & ita demonstrant opinionem falsam, licet probabilis judicetur, non excusare a peccato, nec licere facere, quod per se licitum est, quando dubitatur an sit licitum, ut satis mirari non possimus cæcitatem eorum, qui hunc locum afferunt ad doctrinam probabilitatis stabiliendam.*

Sileat ergo Cardenas, ac deleat ex n. 481. d. disp. 15. hæc verba: *Ex iis, quæ ex S. Thomæ proposuimus, non obscure nostra Sententia colligitur.* Deleat etiam quod scripsit n. 942. disp. 65. nimirum: *Constat, quomodo Adversarii perperam intellexerint, eum textum S. Thomæ ex quodl. 8. a. 13. Constat siquidem ex commentaria explicatione, quam tradidi §. 2. n. 1. Probabilioritas optimè S. Doctoris verba intelligere, ac sensum.*

IX. Insurgit Cardenas disp. 58. n. 749. sic: *S. Thomas ibidem (hoc est quodl. a. 13. nuperrimè adduc.) affirmat posse*

posse contingere, quod intellectus constitutus inter adversas opiniones Magistrorum, ex contrarietate opinionum habeat dubitationem de honestate habendi plures prabendis; & posse contingere, quod ex tali contrarietate in nullam dubitationem incidat: Et in primo Casu committere se discrimini; in secundo verò nullum esse periculum peccati, etiamsi executioni mandet opinionem, qua stat pro libertate, nempe habendi plures prabendis. Tum sic: Adversarii docent, in conflictu opinionum semper esse dubitationem, ratione cujus tenetur homo operari partem tutiorem contra libertatem: Et S. Thomas docet, posse contingere, quod hæc contrarietas opinionum non pariat dubitationem, & quod tunc possit homo sequi partem, qua stat pro libertate: Ergo Adversarii contradicunt S. Thomæ. Et num. seq. addit: Sane donec Sedes Romana non me docuerit oppositum, nunquam credam, S. Thomæ aliam esse mentem.

Nihilominus absque ulla Apostolicæ Sedis Oraculi necessitate faciliter respondeo, tunc verificari dictum S. Thomæ, videlicet, aut ex contrariis opinionibus in nullam dubitationem adducitur, & sic non committit se discrimini, nec peccat, quando una ex iis opinionibus ita levia habet motiva comparativè ad suam oppositam, ut subiectivè, ac respectu ejusdem intellectus, nequeat in sui assensum ipsum movere; adeoque ita a Probabilitate cadit, ut omnino habeatur tanquam improbabilis, & falsa (quidquid sit respectu alterius intellectus). Tunc enim non dicitur concurrere, & esse in conflictu formaliter, & exercitè, cum ipsi vires deficient ad præliandum, sed tantum materialiter, & veluti signatè: Nam succumbente hoste cessat conflictus, & pugna. Hoc autem non evenit in casu præsentis controversiæ; ut ex

V

di-

dictis huc-usque abunde remanet probatum . *Credat igitur Cardenas S. Thoma aliam esse mentem .*

X. Afferit quintò Cardenas ubi nuper n. 742. se ad probandum , in quæstionibus moralibus , ubi neutra pars certa est , posse nos sequi partem benigniorem , eam scilicet , quæ stat pro libertate relicta tutiori , proposuisse disp. 15. c. 4. a. 1. n. 430. argumentum , quod vocat *ineluctabile* , & subdit : *Admiror vehementer , quod , cum Jacobus a S. Dominico tam acriter adversetur meæ Sententiæ , non aggrediasur responsionem ad argumentum ADEO ROBUSTUM .* Et num. seq. addit : *In hoc loco citato reperies responsiones duas , quæ huic argumento possent exhiberi : Ubi ostendi eas opiniones esse FRIVOLAS , & INANES .*

Audiamus argumentum *ineluctabile* , & adeo robustum .

Inter D. Augustinum , & D. Hieronymum exorta fuerunt aliquæ controversiæ de moribus , *defendente altero partem tutiorem pro lege contra libertatem , stante altero pro libertate contra legem .* Et ex Episcopis , ac viris sanctissimis illius ævi alii sequebantur Hieronymum , alii verò stabant pro opinione Augustini : Ergo ex disputationibus intercedentibus inter Augustinum , & Hieronymum , infertur manifestè , non teneri nos semper sequi opinionem strictiorem , quæ stat contra libertatem .

En *eluctabile* , *debilissimum* , ac nullius roboris argumentum .

Audiamus Probabilioristicas responsiones , quas iste Author vocat *frivolas* , & *inanes* .

Dices primò , in iis casibus Sanctos Patres secutos esse partem benigniorem , quæ sibi proponebatur ut probabilior , & rationi conformior . Ita n. 434. d. disp. 15.

Di-

Dices secundo, quando S. Hieronymus defendebat opinionem contra S. Aug. (aut è converso] Sanctum Doctorem omnino expulisse formidinem circa illam opinionem . Ita n. 744. disp. 65.

Quam solidas, plenas, & veras, tametsi faciles responsiones, quæ constant ex dictis: Et prima est ad mentem ipsius Arguentis, qui asserit Authores omnes in materiis probabilibus semper docere suam sententiam, tanquam probabiliorem, ut vidimus n. 3. præsentis Appendicis.

Accedant Cardenz impugnationes, & sunt hujusmodi.

Prima responsio non est ad rem: Nam juxta Sententiam Baron, quam modò impugnamus, etiamsi pars benignior, siue minus tuta sit probabilior, nullo modo licet eam sequi. Ita n. 435. disp. 15.

Secunda responsio non valet, quia id est dicere, S. Hieronymum propugnasse suam opinionem tamquam certam, & judicasse oppositam Sententiam S. Augustini nullo modo probabilem: Hoc autem non potest dici de Hieronymo, qui sciebat, oppositam Sententiam propugnari ab Augustino, cujus sapientiam, ingenium, & doctrinam magnoperè suspiciebat Hieronymus. Ita cit. disp. 65. n. 744. Idem fusius exprimit d. disp. 15. n. 437. Verùm

Futiles sunt hujusmodi impugnationes.

Prima quidem: Nam optimè ad rem Vincentius Baron, ac alii Probabilioristæ docent, opinionem stantem pro libertate, tametsi oppositâ probabiliorem, non esse in praxi eligendam, nisi sit, aut prudenter judicetur tuta, & omnem excludat moralem formidinem de actus honestate; Ut in hac Appendice num. 6. jam dixi,

etiam remissivè . Quocirca idem Baron , allegatus a Cardenas *d. disp. 15. n. 28.* docet , in conflictu opinionum *non esse recedendum ab opinione pro lege* (quam vocat ibidem *UNICE TUTAM* ,) *màximè si præscribat media ad salutem necessaria , nisi adversa opinio pro libertate infinitis partibus ita vincat , ut vix tenuissima probabilitas illi reliqua sit ;* quando , scilicet , opinio stans pro lege , nullum habet pro se , in conflictu alterius , motivum sufficiens , ac potens movere in sui assensum intellectum operantis , nec ullam in eo moralem formidinem de actus licetitate generare : Ruit ergo prima Cardenz impugnatio .

Secunda etiam : Etenim libenter concedo , *S. Hieronymum propugnasse suam opinionem tanquam moraliter certam , & judicasse oppositam sententiam S. Augustini nullo modo in conflictu , ac subiectivè probabilem .* Et idem dico è converso . Imo ita , & non aliter , debet unusquisque judicare , ut tutè , ac licitè valeat operari , quando datur opinionum conflictus : Aliòquin non haberet certitudinem moralem de suæ operationis honestate , ad licite operandum requisitam ; quia haberet adhuc de ipsa moralem formidinem , propter motiva , adhuc , & actu sibi satis probabilia opinionis oppositæ , stantis pro lege ; quæ proinde sola esset tuta , cum tantummodo in ejus sequela abesset periculum legem perrumpendi , non autem in electione , ac praxi alterius , faventis libertati . Cum ergo contra moralem certitudinem , seu *contra motiva evidentia , etiam moraliter nulla detur probabilitas ,* [ut loquitur , & sæpe concedit idem Cardenas , & præsertim *cit. disp. 15. n. 412.*) nempe , sufficiens ad movendum intellectum in sui assensum , hinc est &c. Videantur

tur quæ docui S. 2. præsertim nn. 1. & 2.

Nec hujusmodi judicium de morali certitudine propriæ opinionis, adeoque de improbabilitate suæ contradictoriæ præjudicat doctrinæ, ingenio, aliisque prerogativis eorum, qui oppositam tuentur opinionem. Nam etsi veritas una, & individua sit, non tamen omnibus eodem modo manifestatur: Et inde fit, quod unus intellectus putat se veritatem in aliquo obiecto invenisse, quam alter existimat in opposito infallibiliter se habere; Quod totum provenit ex debilitate, limitatione, ac imperfectione humani intellectus. Cum quo tamen stat, quod unusquisque debet ei opinioni assensum præbere, ac secundum illam conscientiam suam efformare, quæ debitâ præstitâ diligentia, sibi, non aliis, vera videtur; aliðquin contra proprium judicium, & conscientiam operaretur.

Certè, tametsi ego sim minimus inter Scriptores, nec dignus corrigiam solvere calceamentorum Patris Cardenas, aliorumque insignium virorum, quorum opiniones reiicio, & impugno; Nihilominus meas sententias, ac specialiter istam de Probabilioritate, ita certas, ac infallibilibus argumentis respective probatas existimo, ut oppositas censeam improbables, & falsas. Et eapropter nunquam in meis Assertis, ac resolutionibus utor his terminis, *probabilius est, probabilius dicendum*, & hujusmodi; cum improbabilis mihi sit in conflictu, quæcumque alia opinio meis assertionibus adversatur. Paratus sum tamen id, quod docui, retractare, & aliorum sententiis adhzrere, statim ac mihi effulserit nova veritatis lux, quam unice inquirō. Tunc mihi valde decorum erit (imo, & ad salutem necessarium] excelsos illos

illos imitari litteraturæ Heroas, videlicet, Eminentissimos de Aguirre, ac Pallavicinum, & Reverendiss. P. Thyrsus Gonzalez Societatis Jesu Præpositum Generalem, & alios non paucos, qui probabilioritæ veritatis fulgore illustrati, quem prius colebant, Probabilismo apage dixerunt.

XI. Afferit textus Cardenas *præc. disp. 15. n. 413. & seqq.* Argumentum in favorem nostræ sententiæ desumptum ex illa in sacris canonibus decantatâ regulâ, *In dubiis tutior pars est eligenda*, ex utroque pede claudicare.

Primò, (inquiens,) *nam opinio probabilis non est dubium, nec dubitatio, immo cum assensu probabili incompatibilis est dubitatio: Ergo totus ille apparatus textuum Canonorum non est ad rem. Quare contra suos Autores reflecto argumentum. In dubiis tutior pars amplectenda est: Sed cum quis habet assensum probabilem, nec est, nec potest esse in dubio: Ergo cum quis habet assensum probabilem, non est ei tutior pars amplectenda.*

Secundo claudicat argumentum. Nam quando pro utraque parte contradictionis sunt opiniones verè probabiles, neutra est formaliter tutior; nulla enim est magis tuta formaliter, quam ea, quæ nullum affert periculum peccandi: Sed qualibet opinio verè probabilis nullum affert periculum peccandi: Nulla ergo opinio verè probabilis est formaliter magis, vel minus tuta. Ex quo putat, facilè solvi argumentum illud, quo a nostris Probabilioristis firmatur per se proximum periculum peccati, annexum opinioni æquè, aut minus probabili, quæ favet libertati contra legem, negat enim hujusmodi periculum adesse. Sed

Argumentum neutro pede claudicare, ac recto gressu

fu incedere notissimum est . Et

Primò : Nam opinionem ex se verè probabilem, stantem pro libertate , positam in conflictu alterius, æqualis, vel majoris probabilitatis faventis præcepto , secum afferre periculum formaliter peccandi, satis, superque in hoc tractatu a me validissime probatur : Unde quantum ad hanc partem nil superest impugnandum .

Secundò : Quia etsi opinio probabilis, in se, ac intransitivè, non sit dubium, nec dubitatio, eam tamen indispensabiliter importat, & secum affert; ut patet ex definitione opinionis, quæ est *Assensus intellectus ad unam partem contradictionis CUM FORMIDINE alterius* .

Nec ullatenus obstat, distinguere cum Cardenas, *disp. 6. cap. 5. n. 71.* inter formidinem, & dubitationem, ac dicere, quod in opinione probabili, *stante assensu conclusionis datur formido*, hæc tamen formido *non vertitur in dubitationem*, sed solum *deficiente assensu* .

Siquidem etsi formido non sit idem, ac dubium, seu dubitatio, si dubium stricto modo sumatur, & prout importat æquilibrium metaphysicum, aut mathematicum, tum ex parte motivorum, tum ex parte intellectus, si tamen accipiatur minus strictè, & ut importat trepidationem assensus, ac excludit firmam adhesionem intellectus obiecto intelligibili, (sicut re-vera sumitur, ac sumi debet in præsentī controversia,) tunc idem est dubium, ac formido moralis, & ubi hæc invenitur, datur & illud . Imo quò ad præsens attinet, eligens in opinionum conflictu minus probabilem, relictà probabiliiori juxta sensum hujus quæstionis, cum videat contra suam opinionem fortiora urgere motiva, a se cognita ut talia, magis dicitur, & est dubius faciendi contra
le-

legem, quam ille qui ex duabus opinionibus æqualis probabilitatis eam amplectitur, quæ suæ favet libertati. Recolantur a me superius dicta §. 2. n. 1. §. 3. n. 3. & §. 5. n. 20. Quod si Cardenas velit non dari quandoque formidinem moralem in intellectu, una cum assensu probabili, extra conflictum actuale, & exercitum opinionum, modo pluries explicato, & hic paulò ante num. 8. iterum adducto, ejus responsio ad rem non pertinet.

Nec ulterius obstat, si Cardenas dicat *ib. nn. 51. 71. & 134.* cum motivo, seu inter motiva, & rationes probabiles dari quidem dubitationem, seu dubium, non verò cum assensu probabili, quia cum isto est semper impossibilis dubitatio.

Nam assensus intellectus debet necessariò commensurari cum motivis assentiendi ex parte obiecti, a quibus sumit formaliter suam specificationem: Et eapropter assensus intellectus dicitur, & est scientificus, quando motivum assentiendi scientificum est. Si ergo cum motivo probabili bene componitur, & datur dubitatio, ut concedit Adversarius, pariter eadem dubitatio compossibilis erit, ac dabitur cum probabili assensu.

Totus ergo ille apparatus sextuum Canonorum de præfata regula, quæ Probabilissimum enervat, & enecat, est ad rem, nec potest probabilioristicum argumentum ex ea formatum in suos Autores retorqueri.

XII. Asserit septimò Cardenas *d. disp. 65. cap. 16. d. 5. per totum*, ex nostra Sententia (quam reservamus tuendam §. seq. n. 1.) de eligenda opinione probabili, stante pro pro lege, in conflictu alterius æquè probabilis faventis libertati, resultare *ingens absurdum* [ut ait n. 869.)
hoc

hoc argumento exprellum: Si in conflictu opinionum aequè probabiliū non esset licitum utramlibet eligere ad praxim, sequeretur, quod quoties est conflictus opinionum S. Thoma, & Scoti, non possent Scotista gubernare conscientiam suam ex opinione S. Thoma; Sed neque ex opinione Scoti, quia remanerent in puro dubio practico. Cum apud Scotistas sit Scotus auctoritate par S. Thoma, & ambo Doctores habeant opiniones oppositas, & saepe non attendatur ad motiva intrinseca, necesse est, quod apud Scotistas illa opiniones sint ad summum aequè probabiles: Sed hoc est ingens absurdum, & fit evidens iniuria Doctrinae S. Thoma, & exposculabunt Scotista de iniuria illata Scoto: Ergo in conflictu opinionum aequè probabiliū, licitum est alterutram amplecti ad praxim; & falsum est, quod ex aequè probabilibus resultet dubium practicum.

Tametsi hoc argumentum directè non sit contra praesentem difficultatem, sed contra eam, quæ §. seq. confect. 1. adducetur, hic tamen volui ad solutionem illud vocare, ut a Cardenas me totaliter nunc expedirem.

Supposito igitur, quod Scotista existimet, Scorum æqualis esse auctoritatis cum D. Tho. (quid quid sit de veritate hujus suppositi,) nec attendat pro illo nunc ad motiva intrinseca, (ad quæ tamen advertere debet magis, quam ad extrinseca, ut sic dicatur omnino invincibiliter ignorans veritatem, si contra eam fortè agere contingat,) vel ea sibi æqualiter appareant probabilia:

Respondeo faciliter, quod pugnantibus inter se opinionibus D. Thomæ, & Scoti, debet Scotista, post adhibitam diligentiam ad cognoscendam veritatem, illam opinionem amplecti, & ad praxim deducere, quæ favet legi, altera libertati consona rejecta, sive a D. Th.

sive a Scoto propugnata. Ratio est: Quia tunc adhæret illi opinioni, quæ respectu sui intellectus sola tuta est, & in qua nullum datur periculum legem transgrediendi. Neque in hoc ulla fit iniuria doctrinæ D. Thomæ, aut Scoti; quia unusquisque tenetur in operando sequi dictamen propriæ conscientiæ, & intellectus assensum, juxta prudentiæ regulas efformatum. Evanescit ergo *ingens absurdum* in mente arguentis exortum.

XIII. Tandem Cardenas ubi nuper nn. 569. & 571. questus effundit propter quædam *invida* (ut ait) *epitheta* contra Probabilistarum sententiam a Jacobo de S. Dom. (sicut & ab aliis, qui prius scripserunt) adinventâ, dum ille sic effatur: *Tota doctrina de probabilitate remissa nihil est, nisi ars cavillandi, vel potius fucata peccandi licentia, simplicitati Christianæ prorsus inimica, & toti humano generi perniciosa; dum eam appellat morbum, abyssum, malum probabilitatis, vagam, laxativam conscientiam, artem claudicandi in utramque partem &c.*

Verum quiescat Author, & parcat Jacobo: quia forsitan is loqui arbitrabatur ad mentem Summi Pontificis Alex. VII. qui in præfatiuncula sui decreti condemnativi octo, & viginti propositionum, editi anno 1665. hoc de modernæ probabilitatis doctrina oraculum protulit: *Modus opinandi irrepsit, non loquitur Papa de opinionibus improbabilibus falsis, & ab ipso damnatis, sed de MODO OPINANDI, nempe de regulis, de fundamentis, ac principiis probabilitatem fulcientibus; alienus omnino ab Evangelica simplicitate, Sanctorumque Patrum doctrina, & quem si pro recta regula fideles in praxi sequerentur, INGENS eruptura esset CHRISTIANÆ VITÆ CORRUPTELA &c.* Excusandus igitur Jacobus: Sicut etiam

etiam me fore excusandum spero, quod huic §. præsentem contra Cardenæ Crisim addiderim, & sequentem, contra Peguleti de probabilitate Tractatum, ampliorem sim superadditurus Appendicem. Sit ergo

APPENDIX SECUNDA.
REFELLITUR NICOLAUS PEGULETI.
SUMMARIUM.

1. **A**signatur finis, quem sibi præfixit Peguletus in scribendo.
2. Discutitur, in quo sensu loquatur Peguletus de probabilitate.
3. Frustra ipsum laborasse ostenditur.
4. Adducuntur præcipua Peguleti motiva, & rationes, quibus probare nititur, probabilitatem esse rectam regulam morum.
5. Respondetur primo argumento, & ostenditur, opinionem probabilem merito approbari. Cap. cum Marthæ.
6. Respondetur secundo, ac tertio argumento; & clarificatur, quomodo antiqui DD. secuti fuerint non-numquam in moralibus opiniones probabiles.
7. An sit inconueniens, quod aliquis Doctor suam opinionem, ut moraliter certam existimans, oppositam opinionem iudicet ut certò moraliter falsam; etsi a sapientissimis DD. propugnatam.
8. Etiam de obscuris haberi potest certitudo moralis.
9. Quanam Regula seruanda sit, quando in obscuris non relucet aliquod motivum, inducens ad certitudinem moralem.
10. Quomodo Peguletus interpretatur Authoritatem

D. Thoma ex quodl. 9. a. 15. videlicet: Præcipue autem periculosum est, ubi veritas ambigua est.

11. Sed reiicitur ejus interpretatio.

12. Non excusantur a lethali culpa Doctores, qui opiniones sibi minus probabiles alios docent.

13. Respondetur quarto argumento; & declaratur quamnam regula servanda in materiis ad Fidem spectantibus, quando de ipsis dantur opposita Doctorum opiniones.

14. Satisfit quinto argumento; & ostenditur probabilitatem deservire ad praxim, licitam quidem, si juxta nostra principia, illicitam verò, si conformiter ad Probabilistarum sensum.

15. Quid dicendum de querelis Peguleti propter iniurias contra probabilitatem: ibi remissivè.

16. Peguletus modestiam in aliis cupit; sed ipse modestiam non servat.

17. Ex Decreto Innoc. XI. reprobantis 65. propositiones, non inferitur, alias propositiones in eo non contentas, & quæ adhuc inter Catholicos controvertuntur, habere alias rationes graves.

18. Imo ex eo potius deducitur, multas propositiones in eo non contentas, negativè condemnari.

19. Proponitur a Peguleto solidum Probabilistarum argumentum, in hoc fundatum, quod ex moderna probabilitate plura enascantur absurda; cui se respondere dicit, ipsum evidenter in Adversarios retorquendo.

20. Non omnia falsa sunt, quæ Peguletus ut falsa ex Antiquis adducit.

21. Et insuper, multò plura sunt falsissima asserta in Recentiorum voluminibus comprehensa.

22. Ostenditur apertissimè, nullam esse responsionem

Pe.

Peguleti ad argumentum n. 19. propositum.

23. *E principiis antiquorum non-nisi vera derivantur assertiones: Secus autem a Probabilistarum principiis.*

24. *Qui-nam sint inexcusabiles in eorum falsis Assertis Prisci Authores, vel moderni Probabilista.*

25. *Iterum innuitur remissivè, teneri Doctores eas sententias tueri, quas putant veras, aut saltem vero-similiores, siue libertati faveant, siue Legi. Proinde*

26. *Defenditur Natalis Alexandre a Peguleti redargutione.*

27. *An subsistat dictum Vincentii Baron, quod, scilicet Opinioniones benigna Divi Tb. sint moraliter certa.*

28. *Clarè manifestatur non-nullas D. Thomæ sententias a Peguleto allatas, cum sensum non habere, quem ipse putat, nec prorsus sua probabilitati favere.*

29. *Peguletus malè confundit opiniones benignas cum laxis.*

30. *Diffusè ostenditur, ex Authoritatibus Angelici Doctoris, & aliorum Antiquorum non posse Peguletum inferre, quod voluntas ad libitum valeat flectere intellectum ad assentiendum simul opinioni minus probabili, concurrente probabiliiori. Quapropter explicatur verus sensus plurimum Sententiarum D. Thomæ.*

31. *Probatur, quod intellectus a probabiliiori parte determinatus nequeat de minus probabili opinari.*

32. *Probatur. etiam, quod intellectus, constitutus inter partes contradictionis æqualis probabilitatis, naturaliter, & necessariò remaneat suspensus.*

33. *Alter explanatur Doctoris Angelici Textus, quo non bene utitur Peguletus ad probandum, quod voluntas possit physicè flectere intellectum ad assentiendum in sensu compo-*

to parti minus probabili .

34. Parvipenditur nota *Scrupulositatis*, quæ Peguletus nonnullos infecit *Antiquos* .

35. Ab exceptionibus Peguleti defenduntur aliqui *prisci Authores Probabiliorista* .

36. Specialiter contra Jo. Majorem, ejusque solidam doctrinam, nimis inconsideratè insurgit Peguletus .

37. Sylvestri, & Cajetani Probabilioristica testimonia detruncata respectivè, aut non ea, quæ sunt efficaciora, citat Peguletus . Unde,

38. Infertur, an multa fides adhibenda sit tot *Antiquorum* autoritatibus, quas truncatim allegat hic *Scriptor* .

39. Remissivè ostenditur, non posse Peguletum declinare *Autoritates Sacra Scriptura, Sanctorum PP., Sacrorum Canonum, & summorum Pontificum* .

40. Sustinetur præcipuè *Autoritas* quadam *D. Augustini* cum illatione *Natalis Alexandre*, & occluditur evasio Peguleti .

41. Eas *morum regulas a SS. PP., & Canonibus datas*, videlicet, tene certum, & dimitte incertum, & in dubiis tutior pars est eligenda, nostram fovere *Sententiam* declaratur, simul reiiciendo *interpretationes Peguleti* .

42. Quod *SS. PP. nobis concinant*, *Adversarii autem obstant*, dilucide comprobatur *Alexandri VII. Decretum* .

43. *Concilium Viennense sub Clem. V. Probabiliorista* favet .

44. *Enervantur Peguleti responsiones, & sustinetur argumentum Cleri Gallicani, e prædicti Viennensis Concilii doctrina optimè, ac robustissimè formatum* .

45. Instatur Peguletus, ut suam opinionem, rationibus de-

desistutam in posterum retractet.

46. Nil contra Concilium Cleri Gallicani probat Pegu-
letus, vel quod Probabilistarum principia Antiquis arrise-
rint, vel quod non sint initium, & caput damnatarum pro-
positionum.

47. Assignatur maximum discrimen inter novam do-
ctrinam Probabilistarum, & Novitates, quæ Angelico Do-
ctori ascribuntur.

48. Novitatibus D. Thomæ tota cum Summis Ponti-
ficibus plaudit Ecclesia.

49. Quam decipiantur Scriptores, ita faciliter rei-
cientes D. Thomæ sententias, ipsumque tanquam unum ex
aliis Authoribus existimantes, & allegantes.

50. Novitates autem Probabilistarum, eorumque regu-
las, & opinandi modum reprobat Apostolica Sedes.

51. Peguletum in suo probabilitatis tractatu nullatenus
probasse Doctores antiquos fuisse Probabilistas ad normam
Recentiorum, ex dictis infertur manifestè.

52. Sicut etiam ipsum gratis dixisse, nos non intel-
ligere Probabilitatis doctrinam, nostramque Sententiam nul-
lo jure, aut rationis fulcimento gaudere.

53. An potiori jure Probabilioristis nil aliud in sui
favorem desiderandum remaneat, præter definitionem Eccle-
siæ.

I. **P**æcipuus Peguleti scopus in scribendo is fuit,
quem præferebat voluminis ejus frontispiciam his
verbis: *Tractatus probabilitatis ex principiis Antiquorum
compositus*, & quem in Epistola ad Lectorem expressè
declarat nempe, Probabilistarum placitam Antiquis pla-
cuisse.

uisse, & quod Probabilioristarum rigida opinio priscis Auctoribus non arriserit. Difficilem planè provinciam assumpsit Peguletus; & licet non levem, me iudice, in plurimis evolvendis Antiquorum libris subierit laborem, in casum tamen laboravit, ut infra faciliter innotescet.

Ab æquivoco Asserto sui Operis exordium sumit Peguletus cap. 1. n. 1. dicens: *Omnes Doctores, qui Probabiliorista, vel Securiſta nominantur,* (laudabiliter sic nominantur, utpote qui tutò ac pro conscientię securitate, non pro libertate procedunt, ac militant,) *in hoc concordant, Probabilitatem non esse bonam regulam morum.* Nam,

II. Vel loquitur de probabilitate secundum se, absolute sumptâ, & prout præscindit ab altera in oppositum concurrente, saltem respectu ejusdem intellectus, vel de ipsa, prout subiectivè in suæ contradictoriæ conflictu.

Si primo modo, falso Probabilioristas accusat, cum ipsi communiter doceant, probabilitatem, sic sumptam, esse bonam operandi regulam, [non quidem ut præcisè probabilitas est, quia sic non potest esse bona regula morum, ut optimè fatentur Probabilioristæ. Sed quatenus importat certitudinem moralem, ut infra explicabo *num. 6. & seqq. & S. V. n. 20.*] quando, scilicet, ex ignorantia invincibili major de obiecto certitudo haberi nequit, ut pluries in antedictis ostendi. Et certè omnia ferè Adversariorum, & etiam Peguleti argumenta nil aliud convincunt: Et manifestè cognoscitur eos rem probabilitatis non intelligere, nempe, in quo situm sit difficultatis pondus, cum ita insudent in eo, de quo non disput-

putatur . Unde videtur posse verificari de præfenti controverfia, quod *Eccl. 6.V.23.* habetur : *Sapientia Doctrina* (videlicet sensus hujus quæstionis) *non est multis manifesta* (quia ab omnibus Probabilistis ignoratur] : *Quibus autem cognita est*, (nempe Probabilioristis] *permanet usque ad conspectum Dei* . Nam qui semel hanc doctrinam edoctus fuerit, etiam ex his, qui e Probabilismo ad Probabiliorismum in dies transeunt, eam usque ad mortem inclusivè tuentur .

Si verò secundo modo hic Author loquatur, (sicuti re-vera loquitur, etsi pro nunc præscindat ab hoc, quod conflictus sit de majori, vel minori, aut æquali probabilitate,) libenter cum omnibus Probabilioristis fateor *MERAM probabilitatem non esse bonam regulam morum* JUXTA resolutiones supra elucidatas, & §. seq. statuentes, quando, scilicet, est de opinione subiectivè minus, aut æque probabili, & favente libertati. Et in hoc sensu Peguletus in præfata propositione verum dicit, & simul falsum supponit, oppositum sentiendo .

III. Hinc fit eundem Peguletum oleum, & operam perdere in tuenda hac bona morum regula, præcipuè *Capp. 20.21., & 22.* cum omnia quæ ibi congerit, vel priorem sensum sapiant, vel si aliquem conflictum importent, non-nisi certè respectu diversæ intellectus ; de qua re nulla habetur discrepantia, nec ulla instituitur concertatio inter DD. Et licet idem Scriptor conetur ostendere vim suæ probabilitatis in conflictu etiam subiectivè, ac respectu ejusdem intellectus, nunquam tamen id probat, præcipuè ad intentum suum, nempe, ad inferendum in aliis sui voluminis capitibus, invaluisse, apud Antiquos praxim de opinione favente libertati minus,

aut æque probabili, & cognita ut tali. Et ne videar ipsi iniuriam irrogare, audiamus quid roboris afferant ejus argumenta iis relictis, quæ nullius aut parvi momenti sunt, vel jam a me superius diluta fuerunt; sicut est illud, quod adducit *n. 6. d. cap. 21.* videlicet, famosam Authoritatem Aug. *ep. 19. c. 1.* relata *C. Ego solis 9. dist.* & a pluribus Probabilistis in triumphalis gloriæ specimen deportatam, nimirum, quod S. Doctor ideo aliquos Authores legebat, in quantum id, quod sentiebant, *probabili ratione persuadere potuerant*. Siquidem ad hoc responsionem dedi *sup. §. 2. n. 3.* quem locum consule.

IV. Primò itaque dicit in eodem *cap. 20. n. 13.* opinionem probabiliorē approbari *cap. cum Martha* de celebr. Miss., & Clement. *de Sum. Trinit.* Cum ergo opinio probabilior sit in linea, & specie probabilitatis, sequitur quod probabilitas sit recta regula morum.

Secundò proponit *n. 18.* hanc argumentationem, quam putat esse demonstrationem, videlicet: *Omnes DD. qui scripta ediderunt, tum qui Sanctitate floruerunt, tum qui solum doctrina claruerunt, secuti sunt opiniones probabiles in moralibus, & quæ poterant aliter se habere, quia quilibet habuit opiniones oppositas aliis: Ergo vel doctrina probabilis est certa regula morum, vel omnes DD. erraverunt: Hoc secundum sine ingenti temeritate nequit dici: Ergo primum est asserendum.*

Tertiò, ad probandum, quod probabilitas, etiam formaliter sumpta, (quando, scilicet, intellectus cognoscit aliquam opinionem ut probabilem, & quod potest aliter se habere,) sit bona regula morum, adducit *d. c. 21. n. 2.* Quod D. Thomas non-nulla docuit, quæ solum erant

erant probabilia, & ab ipso ut probabilia cognoscebantur: E.G. in 4. dist. 17. q. 3. a. 1 q. 4. dicit opinionem asserentium, Peccatorem non teneri statim ad Confessionem, *videri probabilem*. Sic etiam expresse asserit, opinionem dicentium, junctum in Matrimonio non posse vovere castitatem independenter a comparte, *esse probabilior*: Cum ergo de ratione opinionis sit, quod id, quod est opinatum, existimetur possibile aliter se habere juxta eundem S. D. 2. 2. q. 1. a. 5. ad 4. sequitur, quod si D. Thomas tradidit aliquas opiniones intra metas probabilitatis, existimavit eas posse aliter se habere, adeoque ut reduplicativè probabiles. Alia D. Th. testimonia affert Peguleti *cap. 13. & 14.* ad idem probandum: Sicut etiam *cap. 22.* plures Antiquorum opiniones cum illis particulis, *probabile, probabiliter &c.* a quibus adducendis abstineo brevitatís gratiâ.

Quartò sic arguit *num. 16. d. cap. 21.* In materia fidei, dum DD. sentiunt contraria, licitum est, ante determinationem Ecclesiæ, tenere unam partem, vel alteram, (idest opinari, ut *ib.* explicat *n. 21.*) sine periculo peccati, vel fidei, ut constat communiter apud Theologos, & patet in Abbate Joachim, qui tenebat contrarium ad id, quod Magister Sententiarum dixerat in 1. dist. 1. pro quo Magistro Ecclesia determinavit de *Sum. Trinit. C. Damnamus*; nec tamen dictus Joachim incidit in hæresim, aut perfidiam propter hoc, quia dicta sua omnia subiecit correctioni Ecclesiæ: Ergo a simili licet in moralibus unam, vel alteram opinionem sustinere, antequam Ecclesia quidquam de illis determinaverit; non enim plus nocet homini errare in articulo fidei, qui non est declaratus ab Ecclesia, quod

sit de necessitate credendus, quam nocere posset actus moralis contra aliquod agibile perpetratus: Ergo probabilitas, etiam in conflictu, est bona regula morum. Et hoc argumentum ait Peguleti desumi ex Gersone, ac Nider, & adduci a D. Antonino locis ibi citatis.

Quinto denique sic argumentatur num. 27. Alexander VII. & Inn. XI. damnant tanquam scandalosas, ut minimum, quasdam propositiones, quæ dicebantur probabiles. Talis est quadragesima Alexandri: *Est probabilis opinio, quæ dicit, esse tantum veniale osculum habitum ob delectationem sensibilem, & carnalem*. Talis est sexta Innocentii: *Probabile est, ne singulis quidem rigorose quin-quenniis per se obligare præceptum Charitatis erga Deum*. Ergo quod opinio sit probabilis, inservit ad praxim; Si enim non inserviret, cur illas damnaret ut scandalosas?

V. Ad primum respondeo, quod opinio probabilior meritò approbatur d. can. *Cum Martia*; quia quando opinio in conflictu alterius est probabilior, est tuta, & habet certitudinem moralem, & non meram probabilitatem, utcumque sumptam, ut sæpe a me dictum est; adeoque, licet absolute, ac speculative aliter esse possit, [ac proinde opinionis limites non excedat, nec ad gradum scientiæ transferatur, ut ostendi §. 4. n. 10. ad 4. arg.] secus tamen moraliter, & practicè, cum omnem de actus honestate moralem formidinem excludat. Vide quæ inf. dicam §. 5. n. 20. per totum. Hinc

VI. Ad secundum dico, plurimos antiquos DD. secutos non-numquam fuisse in moralibus opiniones probabiles, & quæ speculative, ac absolute loquendo, non autem moraliter, practicè, poterant aliter se habere,

ut

ut superrime dictum est. Siquidem eas cognoscebant, & docebant ut sibi moraliter certas, sive in, sive absque actuali, & contradictorio aliarum conflictu: Nam deficiente conflictu, nulla in ipsis oriebatur, nec oriri poterat in praxi dubitatio, ut constat, cum nulla esset in oppositum opinio pugnans. Stante autem conflictu, quando hic erat de opinione sibi probabiliori, stante pro lege, hanc sequebantur: Si de minus probabili, illam reiiciebant: Si vero de æqualiter probabili, quando, post adhibitās diligentias ad inveniendam veritatem, & habendam de illa certitudinem saltem moralem, æquilibrium, ac dubium superare non poterant, eam eligebant, quam legi consonam, ac proinde tutam esse cognoscebant, alterā repudiata, in qua periculum erat legem violandi; Sicque licet in hoc casu non haberent certitudinem speculativam de obiecto, practice tamen certo sciebant se licite, ac virtuose operari. Ita, & non aliter, ab omnibus, in dubiis opinionum, quo ad praxim, tenendum est: alioquin non excusantur a peccato, cum se exponant periculo legem transgrediendi, ut ex dictis apertè constat, & magis §. 5. nn. 1. & 2. manifestabitur. En faciliter solutam *demonstrationem* Peguleti.

Quod si dicas, adhuc intentum argumenti subsistere, quod, scilicet, *Probabilitas ut talis fuerit per antiquos DD. regula morum*, (sic ait *d. cap. 22. n. 76.*) nec ex mea responsione ullatenus ejus probationem labefactari.

Respondeo primò, ex mea solutione totaliter evanescere intentum argumenti, ejusque probationem. Nam Doctores antiqui non utebantur, tanquam regulā morum, probabilitate ut mere tali, (in quo sita est vis præsentis, ac aliorum argumentorum,) sed quatenus defi-

cien-

ciente omnimoda certitudine metaphysica, aut physica, motivum probabile operandi, ad gradum certitudinis moralis subiectivè augebatur, seu illam in se continebat: Et per consequens, huiusmodi certitudo, & non probabilitas utcumque, erat, & est regula morum, & operationum.

Et ut evidenter constet, probilitatem ut sic, & in genere, non esse rectam morum regulam, sic arguo. Quod convenit alicui secundum se, & secundum sua prædicata essentialia, convenit ipsi, in quocumque statu ponatur, & in quacumque sui specie consideretur: ut docent omnes Metaphysici, & patet in Animali, quod quia in suo conceptu essentiali, & generico importat esse principium sentiendi, idcirco idem etiam retinet in speciebus Animalis, E.G. in homine, leone &c.: Sed cuiuscumque probabilitati tali, ac specificè sumptæ, convenire non potest esse bonam regulam morum: Tum quia In.XI. damnavit hanc propositionem, *Generatim dum probabilitate, siue intrinseca, siue extrinseca, quantumvis tenui, modo a probabilitatis finibus non exeat, confisi aliquid agimus, semper prudenter agimus*: Tum etiam quia, ut solide probavi supra, & præsertim §. 2. & 3. non est licitum in praxi eligere opinionem minus probabilem in conflictu, ac relictâ probabiliiori stante pro lege: Ergo probabilitati ut sic, & secundum se considerata, nequit convenire, esse rectam regulam morum, ac per consequens tota ruit probabilistica machina, quam Peguletus tanquam irrefragabilem operandi normam elevavit.

Respondeo secundo, gratis dato, & non concessio, intentum argumenti salvari (quod contra nos non urget, ut vidimus) non tamen salvatur intentio arguentis,

tis, quæ ad hoc tendit, ut præjacto isto fundamento de probabilitate ut sic tanquam bonâ regula morum, facillimè statuere possit, etiam probabilitatem talem, & in conflictu, nempe minorem, aut æqualem, esse rectam morum regulam, cum hæc specifica probabilitas intra lineam probabilitatis in genere contineatur: Quæ probabilitates cum in sensu multoties explicato toto cœlo distent, ab una nequit ad aliam, nisi peralogisticè, illatio duci.

Ad tertium eodem modo respondendum est, nimirum, Communem Doctorem non semel sustinuisse aliquas opiniones, quas noverat, aliter esse potuisse, metaphysicè loquendo, non tamen moraliter, & juxta regulas prudentiæ, propter moralem certitudinem, quam de ipsis habebat, & cum exclusione cujuscumque moralis formidinis de opposito. Et sic præfata certitudo, & non sola probabilitas, erat Divo Th. recta regula sententias suas propugnandi.

VII. Nec valet prima instantia Peguleti *ib. n. 4.* quod D. Thomas sciebat, Doctores sapientissimos sibi opponi; V. G. in illa quaestione, quod præceptum jejunii incipiat in fine tertii septennii, noverat irrefragabilem Alensem illam parum probabilem reputasse. Unde impossibile est, quod D. Thomas suam opinionem crediderit esse in linea certitudinis: Sic enim judicasset, Alensem certò errasse; quod non est dicendum.

Siquidem [ut contra Cardenas docui in præcedenti Append. n. 10. *erga finem*] nullum est inconveniens, quod sicut D. Thomas suam opinionem moraliter certam existimabat, ita certò moraliter falsam opinionem Alensis reputaret. Imò aliter non poterat, nec potest quis alius in simili casu judicare, quando, scilicet, agi-
tu

tur de contradictorio duarum opinionum assensu, ut ex dictis manifestè liquet.

VIII. Nec etiam valet secunda instantia ejusdem *ibid.* n. 7. quod, scilicet, *impossibile est, quod in materia obscura quis possit invenire motiva inducentia ad certitudinem*. Nam in rerum natura datur Opinio, & hæc excludit certitudinem, & non-nisi in materia obscura dari potest, quia in materia clara, & quæ non potest aliter se habere, datur scientia: Ergo in hac materia non debet quis judicare illam opinionem certam, quia aliter fingeret ex libito voluntatis.

Non, inquam, valet. Nam etiam in obscuris unus intellectus præ alio pertingere potest ex vi proprii luminis ad obiecti certitudinem, non quidem metaphysicam, (supposito quod adhuc salvetur opinionis essentia, & non fiat transitus ad scientiam,) sed moralem; quam non esse impossibilem cum opinionis quidditate innui in responsione ad primum, & ibi remissivè probavi.

Ultra quod, ne arguens putet, quod saltem quando in obscuris non relucet aliquod motivum inducens ad moralem certitudinem, quæcumque probabilitas sufficiat ad rectam regulam morum:

IX. Dico, tunc servandam esse in praxi regulam ab antiquis DD. traditam, & de qua nuper dixi in responsione ad secundum, videlicet eam opinionem in conflictu eligendam esse, in qua nullum est periculum peccati, ac legem transgrediendi. Quod docuit S. Doctor quodl. 9. a. 15. dicens: *Omnis questio, in qua de peccato mortali queritur, nisi expressè [idest saltem certò moraliter] veritas habeatur, periculosè determinatur*

Pra-

Præcipue autem periculum est, ubi veritas ambigua est.

X. Hanc ita perspicuam D. Thomæ authoritatem chimericâ interpretatione nititur evadere Peguletus ubi anse n. 6. his verbis: *Quando autem D. Thomas dicit, quod præcipue periculosum est, quando veritas ambigua est, non significat, quod præcipue sit periculosum in ambiguis determinare quæstiones, nisi veritas expressè, idest certò habeatur; quia sic Sancti, ad invicem contrarii in his quæstionibus, peccassent mortaliter* (Considera frivolum hanc probationem, seu sequelam; quasi quod Sancti oppositas opiniones sustinerent ad modum probabilisticæ Recentiorum doctrinæ, eligendo, scilicet, *ex libito voluntatis* quamlibet ex illis, nullâ habitâ ratione, imo relicta illâ parte, quæ ipsis videretur tuta, & immunis a Legis transgressione; quod si fecissent, utique mortaliter peccassent, propter dictam rationem S. Doctoris.) *Significat ergo, quod maximum periculum accidit errandi, idest non dicendi veritatem in quæstionibus ambiguis. An verò error in hisce casibus sit excusabilis, an verò non, hic non dicit aliquid; unde hoc est quarendum ex alijs textibus S. Doctoris, & credo patere ex textu cit. quodl. 8., & CERTUM, puto quod sit excusabilis.*

XI. Si Peguletus corticem textus D. Thomæ nunquam vidisset, non sic aberrare potuisset in ejus explicatione, ac erravit in præsentî. Et quis etiam clausis oculis non videt, verba D. Thomæ significare, ac ostendere periculum errandi, idest peccandi, non præcisè in dicenda veritate, sed præsertim in practicè eligenda, ac se determinando ad eam opinionem, quæ non vacat periculo peccati? Ibi quærit Angelicus Præceptor, utrum *HABERE* plures præbendas sine cura animarum, absque dispensa-

Z

tio-

tione, *SIT PECCATUM MORTALE*. Et ad resolvendum quæsitum, utitur illo universali principio, quod *omnis questio, in qua de peccato mortali queritur, nisi expresse veritas habeatur, periculosè determinatur*. Et postea idem principium applicat ad propositam quæstionem, subdens: *Præcipue autem periculum est, ubi veritas ambigua est; quod in hac questione accidit, in qua inveniuntur Theologi Theologis, & Juriste Juristis contraria sentire*. Cum ergo & quæsitum, & ipsius resolutio, & doctrina corporis articuli non sint de periculo non dicendi veritatem, sed de periculo peccandi, cui se exponit, qui se determinat ad partem affirmativam faventem libertati, nimirum plures præbendas possidendo, non obitante, quod materia quæsitæ non sit de re clara, sed obscura, & *ambigua*, propter oppositas Magistrorum opiniones, idcirco non-nisi ex voluntatis arbitrio sensum textus Angelici restringit Peguletus ad periculum non dicendi veritatem.

Hæc a me dicta intelligantur tantummodo ad manifestandum, doctrinam Divi Thomæ præcipue respicere praxim, & in ordine ad illam apertè indicare periculum peccandi; ut etiam supra ostendi §. 2. n. 1. in commentaria explicatione *d. art. 15. quodl. 8. ejusdem S. Doctoris*.

Ceterum non intendo per hoc, nec possum excusare a lethali culpa Doctorem illum, qui, probabilitati utcumque fidens, congruam omittit diligentiam in disquisitione veritatis, vel opinionem a se cognitam ut minus, aut etiam ut æquè probabilem, sed legi Dei non consonam, amplectitur. Peccat enim mortaliter illam docendo, præsertim ubi agitur de rebus ad fidem,

vel bonos mores pertinentibus; *nec ullam excusationem habebis de peccato suo* [ait Petrucci *Luc. mor. c. 7. §. 4. Append. n. 8. in fine*]; Cum in re gravi contra proprium Doctoris officium operetur, non pandendo veritatem, sed periculosam probabilitatem aliis, ut rectam morum regulam, authenticando, & exhibendo, ac opiniones tuendo, a periculo legem transgrediendi non immunes. Et valde miror, quod Peguletus asserat, *certum* putare, ex præadducto art. 13. S. Thomæ *patere*, quod quando *maximum periculum accidit errandi, idest non dicendi veritatem in questionibus ambiguis, error sit excusabilis*. In primis etenim ibi S. Doctor nec verbum habet de huiusmodi periculo non dicendi veritatem. Deinde ex ratione ab eodem S. Doctore adductâ in præallegato art. optimè infertur tanquam *CERTUM*, eum Authorem graviter peccare, qui defendit, ac docet opinionem militantem de facto contra legem; nec excusari per hoc, quod secundum ejus conscientiam opinativam, in praxi licita ipsi videatur: Sicut in operando, illud, quod agitur contra legem, semper est malum, nec excusatur per hoc, quod est secundum conscientiam, [itidem opinativam,] ait S. Doctor.

Si replices cum Peguleto *d. c. 21. n. 11.* quod in materiis obscuris, & quæ a DD. controvertuntur, non tenemur scire veritatem.

Ad hoc respondeo, quod etsi non teneamur scire veritatem, quando ejus notitia nobis est moraliter impossibilis, nihilominus tenemur tam in docendo, quam in agendo, diligentiam adhibere ad eam inveniendam; & multo magis tenemur eam sequi, quando in opinione probabiliori se nobis verisimilius manifestat. Cujus tamen

men oppositum faciunt Probabilistæ, eligentes, ac tuentes partem, quam agnoscunt minus verisimilem, idest minus probabilem, & potius falsam, quam veram; qui proinde a peccato non excusantur.

XIII. Ad quartum dico, quod etiam inter varias, & oppositas Doctorum opiniones ad materiam fidei spectantes, debet unusquisque ante determinationem Ecclesiæ illam sequi, quam iudicat verisimiliorem, & magis conformem Doctrinis SS. Patrum, & Ecclesiæ; nec potest, citra culpam, illi opinioni adhærere, quæ sibi minus probabilis apparet, propter easdem rationes, quæ militat in moralibus.

Si autem detur casus (aliàs fere impossibilis,) quod quis omnino æquales in probabilitate undequaque cognoscat opiniones Doctorum oppositas in eisdem materiis fidei, tunc debet assensum suspendere, nec se ad alterutram partem determinare, sed solum internè credere de re controversa, quod coram Deo credendum est; nisi immineat aliquis actus externus, necessariò ad praxim deducendus, & ad illam sibi omnino dubiam quæstionem pertinens; quia tunc exclusâ conscientia erroneâ ex motivis prudentialibus, quod nemo debet esse perplexus, & ad impossibile non tenetur, poterit pro tunc illi opinioni practicè adhærere, de qua actus exterior exercendus est. Quod si forsitan ipsum in hoc errare contingat, error censendus erit excusabilis. Cum enim ex una parte veritatem invincibiliter ignoret, & sit dispositus ad eam amplectendam si cognosceret, ut suppono, & ex altera quolibet ex dictis opinionibus possit re-vera esse contra fidem, & ipsam veritatem, ut patet, proinde nulla securitas in agendo, vel credendo,

re-

reducet potius in una, quam in altera parte contradictionis; ac per consequens licitum erit, modo dicto, utramlibet eligere in praxi. Hoc autem non valet in moralibus. In his etenim unam ex opinionibus contradictoriè oppositis semper stare pro lege, & alteram pro libertate operantis, omnibus innotescit; adeoque in casu rarissimo æqualis probabilitatis subiectivè, potest, ac debet quicumque vult operari, partem illam eligere, quæ favet legi, cum ipsa sola sit tuta, & absque periculo peccandi, alterâ relictâ, in cujus electione se di-
scrimini manifestè committeret.

XIV. Ad quintum respondeo, Probabilitatem defer-
vire ad praxim, vel bonam, & licitam, si juxta nostra principia sit, & applicetur ad illam; vel malam, & illicitam, si conformiter ad Probabilistarum placita. Et quia hoc secundo modo præfatæ dux propositiones in obiectione allatæ, ac multæ aliæ consimiles probabilitate gloriabantur, & tamen quacumque probabilitate erant indignæ, licet primariis Probabilistarum principiis, & auctoritate fulcirentur, idcirco contra eas Pontifices Summi anathema protulere. Remanet modo, ut iidem Christi Vicarii, post plurimos nimis erumpentes probabilisticæ arboris detruncatos ramos, radicem perimant, Probabilistarum principia damnationis fulmine feriendo; quod utinam ad plurimorum salutem fiat.

XV. Ad tuendam suam gloriosam Probabilitatem (sic eam appellat c. 23. n. 3. & c. 12. n. 53.) a Probabilioristarum iniuriis, [ut ait] probris, execrationibus &c. evaginato ense accurrit Peguletus cap. 1. per totum. Verum de hac re sufficienter dixi in præced. Append. nn. 1. 13. & aliis, cum in simili esset sermo de Cardenas, a quo Pegu-

guletus plura desumpsit, & cujus in suo Opere fidus est Sectaror.

Duo tamen specialiter in eo cap. consideranda sunt.

XVI. Primum est, quod hic Author modestiam cupit in aliis, & modestiam ipse non servat. Siquidem d. c. 1. n. 13. sic ait: *Hæc dicta sūt ad compescendam multorum Probabilioristarum AUDACIAM*, Et cap. 10. n. 1. de Fagnano Gonetto, Baron, & Jacobo a S. Dominico ita effatur: *Nihil mirum esset, quod hi DD. tali argumento [forti, & robusto, inferius adducendo] inniterentur; nam scribunt in probabilitatem tanto ardore, & acri disputatione, ut possumus suspicari, quod calor disputationis ita ipsis cerebrum calefecerit, ut mens non potuerit haurire species claras ad discernendam imbecillitatem argumentationis.* Et cap. 18. n. 60. de eisdem DD. ait: *Fateor ingenuè, me non sine nausea eorum libros evolvere.* Similiter c. 49. n. 35. loquens de Merenda, Fagnano, Baron, & Gonet, hæc habet: *Quos salva reverentia aliàs ipsis debita, [balsamum vulnerei præparat,] NULLIUS, aut parva autoritatis esse, quisque videbit legendo ipsorum Opera, quæ sūt scripta tanto ardore, ut statim evidentissimè pateas, illos NON scripsisse ZELO VERITATIS, sed ex CALORE PASSIONIS VEHEMENTISSIMÆ.* Quid de hujusmodi sensibus judicabit vir prudens? At quid refert, etiamsi ex calore passionis vehementissima, & non zelo veritatis contra gloriosam probabilitatem prætati Authores sua Opera condidissent, (quod nefas est asserere,) num per hoc evidentes ipsorum rationes obnubilantur, aut robusta fundamenta languent? Respondeat igitur, si potest, Peguletus illorum argumentis, & calorem passionis sua probabilitatis Zelo mode-

deretur .

Secundum est, quod postquam Peguletus *d. cap. 1. n. 12.* adduxit illa verba Decreti Innocentiani, damnatorii 65. propositionum, videlicet, ut omnes caveant ab omni censura, & nota, nec non a quibuscumque conviciis contra eas propositiones, quæ adhuc inter Catholicos hinc inde controversantur, donec a S. Sede &c. hæc addit: Significant ergo illa verba implicite, quod illa propositiones alias habeant rationes graves, & dignas, ut adhuc propter illas Catholici DD. inter se controversant, & varie opinentur. Si enim levibus rationibus moverentur ad hæc controversias, jam illa pars contradictionis, qua rationes leves haberet, esset temeraria (caveat Peguletus ab his ultimis particulis, quia per eas implicite, licet inadvertenter, tanquam temerariam notat sententiam de sequela opinionis minus probabilis in conflictu probabilioris, cum ita leves rationes habeat); & sic evidenter digna temeritatis nota, & censura: Ergo Pontifex absque fundamento prohiberet, ne taliter notarentur. Patet ergo per Pontificem nos posse varie opinari, usque dum certi non sumus in illa materia.

Quod ante Summi Pontificis definitionem possint Doctores de aliqua controversia varie opinari, quin apud Sanctissimum Inquisitionis Tribunal deferantur, ibique puniantur, omnibus perspicuum est. Verum non ob id inferri potest, quod etiam licite possint semper varie opinari, etiam si non omnino certi sint de Veritate in illa materia. Hoc ultimum mensurandum est ex uniuscujusque conscientie dictamine, ac invincibili ignorantia. Et quia in questione, an sit licitum amplecti opinionem minus probabilem in conflictu, conscientia dicat

Est in parte affirmativa probabilius adesse periculum legem violandi, quam eam servandi, & eapropter non datur de ipsa invincibilis ignorantia, proinde non potest quis licitè variè opinari, sultinendo contra propriam conscientiam partem affirmativam, & multò minus illam deducere ad praxim.

Hinc patet, illud Pontificium mandatum non censurandi eas *propositiones*, quæ adhuc inter Catholicos *controvertuntur*, nullo modo significare, quod illa *propositiones* aliàs habeant *rationes graves*, cum Papa circa eas merè negativè se habeat: Et eo magis, quia finis talis præcepti non est in gratiam, & favorem illarum, sed præcisè ut ab iniurijs contentionibus Doctores, seu Scholastici, aut alii quicumque imposterum se abstineant, & ut paci, & charitati consulatur, ut ibidem exprimitur.

Præterea, si cit. verba Inn. XI. innuerent, quod propositiones ab eo adhuc non proscriptæ aliàs haberent *rationes graves*, sequeretur quod tot propositiones ab Alex. VIII. postea damnatæ, & ab aliquibus prius defensæ, tempore Innocentii habuissent rationes graves: Quod est falsissimum, cum ideo damnationis ictum passæ fuerint, quia nullà potiebantur ratione.

XVIII. Addo, ex præfatiuncula ejusdem Decreti (quam Peguletus forsan non consideravit) potius deduci, quod Summus Pontifex multas propositiones in eo non contentas negativè condemnet, ex hoc quod illas positivè non approbare se explicet his verbis: *Non intendens tamen Sanctitas sua per hoc Decretum alias propositiones in ipso non expressas, & Sanctitati suæ quomodolibet, & ex quacumque parte exhibitas, vel exhibendas ulatenus approbare*. Unde sicuti Deus ante prævisionem de-

demeritorum dicitur negativè aliquem reprobare per hoc quod positivè ipsum non eligit ad gloriam, ita in presenti &c.

XIX. Proponit Peguletus c. 10. n. 1. quorundam Probabilioristarum argumentum, de quo nuper dixi num. 16. & sic illud efformat: *Doctrina, ex qua sequuntur plurima absurda, est abiicienda*, ut constat lumine naturali: *Sed probabilitas est doctrina, ex qua plurima absurda oriuntur*, ut patet in tot falsis propositionibus, quas ut probabiles docent Probabilista: *Ergo probabilitas est abiicienda*.

Deinde num. 3. dicit, se huic argumento respondere ad hominem, contra ipsos retorquendo argumentum EVIDENTER, ita ut non possint aliquid respondere. En ergo ipsius argumentum: *Doctrina, ex qua sequuntur plurima absurda, est abiicienda, ut docent Adversarii: Sed ex doctrina Antiquorum* [quos Probabilioristæ volunt, & merito, esse contra modernam probabilitatem] *sequuntur plurima absurda: Ergo doctrina Antiquorum est abiicienda*. Putat se probare secundam propositionem adducendo eodem c. 10. nec non 11. 12. 42. &c. plures Antiquorum errores, & respectivè laxitates, ac propositiones falsas. Postea d. cap. 42. n. 3. sic addit: *Si bene perpendatur argumentum, est adeo clarum, & evidens, ut meo iudicio, Probabiliorista convincantur omnino, & COECL erunt iudicandi, si eodem impofterum utentur contra probabilitatem*. Tandem n. 48. in fine eis. c. 10. ita concludit: *Ex his patet, manifestè me probasse minorem argumenti, quod ad hominem formabam contra Adversarios, & erat, quod ex doctrina Antiquorum sequebantur absurda. Probari autem illam eo modo quo faciunt Adversarii. Sicut enim ut hoc probent de probabilitate, afferunt errores, quos Probabilista docuerunt, ita*

hoc feci afferendo errores, quos tradidit famosissimus Glossator, Doctor adeo antiquus, & infra idem præstabo, errores aliorum Antiquorum referendo.

Tempus est, ut *cæcum* me judicet Peguletus: Sed fortasse ab hujusmodi iniuria illæsus evadam.

XX. In primis contendere nolo, an omnia illa absurda, quæ Scriptor iste tanto labore collegit ab Antiquorum libris, verè in ipsis, saltem quò ad sensum, quem detruncata verba præferunt, inveniuntur, an non; Hora mihi non superest illos evolvendi: Demus ita esse, licet universaliter ita non sit, quia non omnes propositiones ibi enumeratæ sunt falsæ.

XXI. Verum tamen est, quod si Peguletus septuaginta, aut octoginta circiter laxas, vel falsas, aut etiam erroneas respectivè propositiones a DD. antiquis, qui tot sæculorum cursu floruerunt, deprompsit, ego inveniam apud Recentiores Probabilistas, proxime elapso sæculo enatos, supra termille falsissimas propositiones, quarum plurimæ Legi naturali, ac Divinæ manifestissimè opponuntur. Apud me habeo quendam paucorum foliorum libellulum, cui titulus: *Scrutinio spirituale* (charitatis impulsu Authoris nomen reticeo); in quo cum plusquam 60. valde laxa, & falsa Asserta, inter quæ non unum tantum ex condemnatis repererim, & hæc omnia è Probabilistarum doctrina exorta, tædio tandem affectus, & reluctantæ stomacho nolui amplius in legendo procedere. At deplorare non destiti detrimentum tot Virorum, ac Mulierum, ad quorum manus pervenerit hujusmodi opella vernaculâ linguâ composita, & jam octo vicibus luci data, cum potius in tenebris delitescere debuisset. Quid ergo dicendum erit de tot moder-

norum Casuistarum voluminibus, quibus hisce diebus exuberant Bibliotecæ tum publicæ, cum privatæ?

XXII. Deinde quæro a Peguleto, quæ-nam sit illa Antiquorum Doctrina, ex qua sequuntur plurima absurda.

Respondet, esse tot falsas, laxas, & erroneas propositiones a se recensitas.

Sed contra. Nam hujusmodi propositiones sunt *intransitivè* ipsa-met absurda ab Antiquorum doctrina, ut prætenditur, dimanata. Ego peto, mihi assignari doctrinam illam, *ex qua*, tanquam ex radice, ortum duxere prædicta absurda, & propositiones.

Quod si Probabilitatem pro prima radice assignet, jam superius ostendi, meram probabilitatem, ut talem, nunquam fuisse apud Antiquos DD. bonam regulam morum, bene verò certitudinem moralem, etsi quandoque ex naturali conditione intellectus iidem fallerentur in apprehendenda, vel indicando de hujusmodi certitudine, aut veritate, vel majori verisimilitudine. Et hinc, tanquam ex radice, oriebantur in Doctoribus Catholicis antiquis aliqui errores, aut propositiones falsæ; Sicut etiam eadem ex causa in Probabilioristis quoque possent enasci. Cæterum apud priscos Authores usitatæ, ac precipuè operandi regulæ erant illæ dux, a Sacris Canonibus, Pontificibus, & PP. approbatæ, videlicet: *Tene certum, dimitte incertum, & in dubiis tutior pars est eligenda*; quibus edocemur, id in praxi vitandum, in quo adest, seu relucet periculum peccandi, & legem perrumpendi.

E contra ego assigno doctrinam, *ex qua*, tanquam ex radice *plurima absurda transitivè oriuntur*, & est moder

dernus *modus opinandi* (de quo contra Cardenas ex Alex. VII. dixi *prac. Append. n. 13.*), nempe, probabilistica principia, & generales, ac fundamentales Probabilitatum assertiones [in meo Tractatu usque ad pulvere m redactæ), a quibus ferè omnes propositiones a Summis Pontificibus postea condemnatæ dimanarunt, & alix innumeræ, & absque termino, deinceps faciliter orientur. Hæc est illa doctrina, ex qua Fagnanus ait, *innumeras propositiones falsas, velut ab equo Trojano egredi*: De qua Gonettus adducit *monstra probabilitatum*: De qua Jacobus a S. Dominico probavit, *Probabilitatem relaxare conscientias plurimis laxis opinionibus*: De qua Baron asserit, *per probabilitatem scelera omnia evadere licita*: De qua Concilium Nationale Galliarum affirmat, *probabilitatem esse initium damnatarum propositionum*. Ita Pegul. *cap. 10. n. 1.*

Videat ergo Peguleti, quod non probat suam propositionem *eo modo, quo faciunt Adversarii*, cum hi suam non probent solùm afferendo errores, quos Probabilista docuerunt, sed etiam innuendo, & adducendo probabilisticam radicem, *EX QUA plurima absurda oriuntur*: Et ideo argumentum Peguleti non solum non est clarum, & evidens, ut ejus vi Probabiliorista convincantur omnino, sed est paralogismus, & nihil ad propositum concludens. Poterunt ergo imposterum Probabiliorista suo uti argumento contra probabilitatem absque ulla cæcitatæ nota; non verò Probabilista ad se tuendos uti inani Peguleti argumentatione.

XXIII. Ex his infero, quod si radix sana est, pariter & rami: Radix autem, a qua doctrinæ ramos expandebant Antiqui, [videlicet, universales regulæ in operando nuper adductæ, ac alix consimiles,) sanissima erat,
et si

et si errarent quandoque in dignoscendo, an aliqui ex ramis ex illa radice nascerentur, adeoque id non semel affirmarent, quod negandum esset, & è contra; hinc est, ramos doctrinæ Antiquorum, (nempe propositiones, & Asserta,) consequenter & eorum fructus, ut plurimum sanos fuisse. Quia verò ex opposito radix, a qua probabilistici rami oriuntur, (hoc est Probabilistarum principia,) falsitatis veneno infecta est, ea propter omnes rami ex illa enascentes, (innumeræ scilicet propositiones,) consequenter, & fructus, eodem pariter infecti erunt veneno.

XXIV. Infero ulterius, priscos Authores excusabiles fuisse, si debitis adhibitis diligentis ad inquirendam, & docendam veritatem, aliqua protulere absurda. Si quidem putabant id solum proferre, quod ipsis videbatur probabilius, tutum, & moraliter certum, adeoque licitum, estò fallerentur in judicando de tali probabilioritate, aut certitudine morali. Ceterum Probabilistæ videntur inexcusabiles; quia docent ut in praxi licitum id, quod cognoscunt, & fatentur minus probabile in conflictu, ac proinde probabilius falsum, quam verum.

XXV. Adducit præterea Peguletus *cap. 13. 14. & 15.* quasdam sententias benignas, defensas a D. Th., ut sic ejus autoritate *gloriosorem* reddat suam *gloriosam* probabilitatem. Verum de hoc puncto satis dixi contra Cardenas *Append. 1. n. 2.* etiam remissivè. Tenentur Doctores sententias illas tueri, quæ adhibito studio, sibi videntur tutæ, ac veræ, aut saltem vero-similiores in concursu, sive sint benignæ, & libertati faventes, sive non.

Et miror valde, quod Peguletus jam oblitus sit de
sua

sua propria doctrina c. 12. n. 54. adducta, nempe, quod non severitas, aut benignitas, sed veritas, & merita obiectorum movere debent viros doctos, & sapientes. Ita, & non aliter, se gerit D. Thomas, ejusque sequaces Probabilistæ ipsum imitantur.

XXVI. Quocirca redarguendus non est a Peguleto c. 12. n. 53. P. Mag. Natalis, quod in præfat. suæ Theol. moral. professus fuerit se sequuturum Divos Thomam, Raymundum, & Antoninum, & postea non in omnibus sententiis benignis sequatur D. Antoninum. Expressio namque in ea præf. adducta, intelligenda est salvo semper conscientiæ dictamine [excipio doctrinam Angelici Præceptoris, quæ juxta Pontificia oracula habet VERITATEM SENTENTIARUM, ac proinde ipsius sequela non turbat, sed format conscientias]. Cum ergo aliquando, sed rarò, Natalis existimet minus probabile, quod D. Antoninus ut probabilius docet, non potest in tali casu ejus opinionem citra culpam amplecti. Utinam sic procederent Probabilistæ.

XXVII. Hinc ruunt instantiæ Peguleti cap. 20. nn. 21. & 22. contra Baron dicentem, opiniones benignas D. Thomæ, per rationes inventas a S. Doctore, evehi ad statum certitudinis. Instat enim contra hoc dictum, (quod ipse Peguletus vocat *omnino irrationabile*). Tum quia saltem in materia Conceptionis B. Virg. Mariæ sententia D. Thomæ non pertingit ad certitudinem, cum non ab omnibus acceptetur. Tum etiam, quia ex illo sequitur, cæteros DD. etiam Sanctos, refragantes Angelico fuisse cæcos, dum in materia certa non viderint veritatem.

Ruunt, inquam. Ad hoc enim ut aliqua sententia

tia

tia dicatur certa moraliter, imò, etiam physicè, ac metaphysicè, non est necesse, ut ab omnibus acceptetur, nisi a Sede Apostolica determinetur. Diversitas namque intellectuum in attingentia obiectorum hoc facit, ut unus ibi veritatem (quæ est una) non agnoscat, ubi re-vera est, sed eam alibi putet se invenisse. Neque infertur ex hoc fuisse cæcos D. Bonaventuram, Scotum, & alios insignes DD. antiquos, in quibusdam refragantes Angelico; Id etenim sequebantur, quod sibi ipsis certum, saltem moraliter, aut verisimilius videbatur, quid quid in re aliter esset. Sicuti oculus non dicitur cæcus, per hoc, quod videat in undis remum ut fractum, qui verè fractus non est, cum ipsum videat, sicuti per species refractas ei repræsentatur. Ad id autem, quod dicitur de Conceptione Beatissimæ V. M. ni *annulus Piscatoris* labia mea obsignasset, optimè responderem. Igitur non est omnino irrationabile Baronicum dictum. Sed insuper.

XXVIII. Advertendum primò, quod non omnes Sententiæ D. Th. quas *locis cist.* enumerat Peguletus, sunt ejus, quam ipse putat, intelligentiæ: Quas inter illa est de circumstantiis valde notabiliter aggravantibus; non enim S. D. negat eas esse in confessione manifestandas, ut clarè ostendam de Pœnitentia.

Similiter *prad. c. 13. n. 18.* adducit Sententiam Communis Doctoris in 4. dist. 17. q. 3. a. 4. q. 1. seu in *suppl. q. 9. a. 1.* quod *Confessio, secundum quod est pars Sacramenti, etiam potest esse in eo, qui non est contritus: Et quamvis tunc non percipiat absolutionis fructum, tamen recedente fictione percipere incipiet. Unde non tenetur iterare Confessionem.* At quomodo hæc verba intelligantur ibidem

ex.

explicabo.

Præterea *ibid.* ait, quod S. Doctor *quæstione. 2. ad 4.* seu *in suppl. lo. cit. a. 2. ad 4.* suo iudicio sustinet, quod habens peccata reservata, & non reservata, teneatur omnia dicere Sacerdoti, qui ipsum absolvet, & de illis, de quibus non potest absolvere, ad Superiorem remittet.

Verum etsi tempore D. Thomæ, & etiam post ipsum apud plures DD. plausibilis fuerit hæc opinio, & forsan actu recepta; Nihilominus S. Doctor non affirmat Sacerdotem non habentem facultatem super reservatis; posse absolvere a non reservatis, (ut supponit Peguletus illis verbis, nempe, *qui ipsum absolvet*, quæ in D. Th. *art. cit.* non inveniuntur,) sed solum, quod *tenetur Pœnitens ei omnia confiteri, ut quantitatem totius culpa cognoscat, & de illis, de quibus non potest absolvere, ad Superiorem remittat*, ut, scilicet, Pœnitens ab eo facultatem recipiat ad hoc, ut ab inferiori Confessario de omnibus simul unicâ absolutione absolvatur. Vel intelligit D. Th. quod Pœnitens habens reservata, & sine copia Confessarii habentis facultatem super illis, si necessitate urgente debeat confiteri, tenetur manifestare Confessario inferiori nedum non reservata, sed etiam reservata, ut sic indirectè ab ipsis absolvatur, tametsi cum onere, ac intentione se præsentandi, tempore opportuno, Superiori pro directâ reservatorum absolutione, sicut a me declarabitur in Tractatu speculativo, & practico de Pœnitentia.

Uterius *ib. n. 13.* hæc habet: Divus Th. *dist. 17. q. 3. a. 1. q. 3. ad 3.* dicit, quod ex præcepto Ecclesiæ tenetur, qui non habet mortalia, confiteri peccata venialia; subdit postea, quod secundum quosdam, nec tenetur confiteri venialia.

venialia, & sufficit pro impletione praecepti, quod se praesentes Sacerdoti, & dicat se non habere peccata mortalia. Ars. 3. ejusdem quæst. quæstionum. 5. ad 4. loquens de eo, qui habet solum venialia tempore adimplendi praecepti Confessionis ait: Talis debet solum venialia confiteri, ut quidam dicunt, vel etiam profiteri se a peccato mortali immunem, & Sacerdos in foro conscientiae ei credere tenetur. Observa Lector; in primo Textu secundum propriam mentem D. Thomas asserit, adesse obligationem confitendi venialia, & secundum quosdam sufficere solam praesentationem Sacerdoti, & Confessionem de immunitate a mortali. In secundo verò Textu loquitur vice-versa, quod scilicet, secundum quosdam, debet hic confiteri venialia: & postea absolute, & sic secundam propriam mentem, dicit sufficere solam professionem de immunitate a peccato mortali. Et postea n. 14. subdit: Si D. Thomas hic non sequitur utramque partem, ut aequaliter probabilem, non video quomodo clarius potuisset se explicare. Idem argumentum tangit c. 34. n. 1.

Quænam sit mens Angelici Præceptoris circa præsentem materiam de præcepto Ecclesiastico annuæ Confessionis, a me dilucidabitur in de Pœnitentia. Ex qua mea doctrina facillimè destruetur laboriosum studium Peguleti ad reddendum Sanctum Doctorem tanquam unum ex suis Probabilistis, vel ut eorum Patronum. Interim sufficiat, quod D. Thomas non sequitur utramque partem ut sibi aequaliter probabilem; quia in corpore Articuli primo loco citati, ubi quætionem resolvit, (quem Textum silentio dissimulavit Peguletus,) nullam mentionem facit de opinione negativa, tametsi in resp. ad 3. eam ut aliqualem probabilem adducat, sed secundum quosdam: Et quotiescumque utramque opinionem

tangit, semper anteponeit affirmativam, [ut videre est in locis a Peguleto allatis,) quam in dicto corpore unice tangit, probat, & sequitur. De mente igitur D. Thomæ est sola pars affirmativa, de qua eatenus ad 4. *quæstiunc. 5.* ait, *ut quidam dicunt*, quatenus sua propria opinio non erat ab omnibus propugnata. Nec loquitur vice-versa, & quasi secundum propriam mentem, per hoc quod ibidem mentionem faciens de altera opinione non addit *ly ut quidam dicunt*. Nam cum has particulas eidem opinioni applicuisset in responsione ad tertium *quæstiunc. 3.* necesse non erat eas repetere: imò juxta politio rem scribendi stylum, superflua, ac inutilis fuissent, cum easdem immediatè ante apposuisset. Divus ergo Thomas opinionem affirmativam secutus est, vel ut sibi probabilior em, vel saltem ut unice suam, adeoque unice eligibilem, ut constabit ex dicendis S. 5. h. 20.

Tandem n. 15. *ejusdem cap.* refert doctrinam S. Thomæ *quæstiunc. 4. præalleg. q. si ve ex suppl. q. 6. n. 5.* videlicet, esse probabilem eorum opinionem, qui asserunt, peccatorem non teneri statim ad confitendum, & opinionem contrariam vocat NIMIS DURAM. Hic accipe regulam benignam ex D. Tb. Si datur aliqua opinio benigna, quæ tibi videatur probabilis, & contraria nimis dura, sequere opinionem benignam. Hæc porro regula est una ex illis, quas statuunt Probabilistæ nostri. Hæc Peguletus.

Vide quomodo ex singulari D. Thomæ modestia in scribendo motivum sumat hic Scriptor ad inaniter Probabilificandum S. Doctorem. Sensus Angelici est iste: Quod opinio negans necessitatem Confessionis immediatè post culpam lethalem, est sibi probabilis, & opposita

est nimis dura, idest tibi non probabilis, utpote absque sufficienti fundamento ad excessum in rigore. Unde ex hoc loco S. Thomæ formanda est regula hoc modo: Quotiescumque ex duabus contradictoriis opinionibus una tibi est in conflictu alterius valde probabilis, [etsi tibi non sit omni modo, ac metaphysicè certa,] & opposita est nimis dura, nempe tibi in eodem conflictu improbabilis, [quid quid sit de ipsa secundum se,] aut saltem parum probabilis, ac proinde prima est tibi longe probabilior secundà, sequere primam, licet faveat libertati; quia probabilioritas valde notabilis, in concursu suæ oppositæ stantis pro lege, reddit eam moraliter certam, ac sufficienter tutam. Ita lucidè ostendam infra præadducto n. 20. S. 5. Non sic autem docent Probabilistæ; sed eorum regula est hujusmodi: Ex duabus opinionibus, quarum una tibi videtur in concursu probabilior alterâ, potes licitè sequi minus probabilem, licet faveat libertati. Quæ regula toto cælo distat a regula S. Thomæ.

Ex recensitis, quæ Peguletus *præf. c. 13.* minus consonè adducit ex S. Doctore, inferre quis potest, ac debet, quid sentiendum de aliis pluribus tum ex eodem D. Thoma ib. & alibi, cum ex aliis Probabilioristis ab ipso inaniter allegatis per totum suum Tractatum. Si quidem ea omnia vel violenter ad intentum suum adaptat, vel nil contra nos pugnant; Sicque oleum, & operam perdit.

XXIX. Advertendum est secundò, quod hic Probabilistarum Antiquista *eodem c. 13. nn. 1. 2.* confundit opiniones laxas cum benignis, & putat nos easdem præmiscuè his nominibus usurpare: Ex quo contra nos exi-

stimat posse ad hominem arguere. Verum quàm notabiliter fallatur, cognosces recolendo superius a me dilucidata §. IV. n. 9. *Ver. resp. quarto*, ubi apertissimè ostendi maximam differentiam inter opinionem benignam, & laxam.

XXX. Unum ex præcipuis, quæ Peguletus conatur ostendere in pluribus sui Operis capp. est, quod voluntas possit ad libitum flectere intellectum ad assentiendum simul opinioni minus probabili, concurrente probabiliori. Ad quod probandum affert,

Primò c. 3. n. 25. c. 4. nn. 4. & 15. & c. 5. n. 30. doctrinam Angelici Magistri ex 2. 2. q. 1. a. 4. ubi docet, quod quando obiectum non movet sufficienter, tunc intellectus *per electionem quandam voluntariè declinat* in unam partem magis, quam in aliam; Et si quidem sit cum formidine, ille assensus erit *opinio*, si autem sit cum certitudine absque tali formidine, erit *Fides*. Et eodem n. 3. d. c. 5. addit, quod *Voluntas est Regina in regno Anima* (cum politico tamen, non despotico, ac tyrannico imperio]; Unde alia potentia sunt ejus subdita, & illas movet; Hinc scribit D. Thomas ubi sup., quod intellectus *possibilis non movetur nisi a duobus, scilicet a proprio obiecto quod est forma intelligibilis, scilicet quod quid est, ut dicitur 3. de Anima, tex. 26.* Et a voluntate, quæ movet omnes alias vires; ut dicit Anselmus in lib. de similitudinibus c. 2. Et post pauca subdit Peguletus: Ecce expressè, quando intellectus non movetur sufficienter ab obiecto proprio, ut accidit in omni materia obscura, tum naturali, & sic in opinione; tum supernaturali, & sic in fide, voluntas adiuvat intellectum, ut exeat in actuale exercitium. Sed

Ref.

Respondeo, jam a me fatis declaratum fuisse S. 3.
n. 1. quomodo voluntas habeat movere intellectum ;
 quapropter nil remanet superaddendum ad evacuandum
 (quoad hanc partem) argumentum Peguleti. Quomo-
 do autem S. Doctor intelligatur in adducta, & consimi-
 libus autoritatibus, constabit infra, ubi plenè, ac faci-
 liter hoc argumentum solutum remanebit.

Secundò, ut specialiter probet, voluntatem posse
 physicè (quicquid sit, pro nunc, an moraliter, seu li-
 citè] flectere intellectum, etiam in sensu composito
 ad partem æquè vel minus probabilem, & quod hoc
 fuerit in praxi apud D. Thomam, allegat nonnullos Te-
 xtus S. Doctoris. Et primò *cap. 5. n. 21. & seqq.* id quod
 Angelicus habet *q. 4. de pot. a. 2. in cap* circa illam Scri-
 pturalem difficultatem, an scilicet opera sex dierum facta
 fuerint eodem tempore, itaut dierum enumeratio solum
 importet plura intellectualia instantia, juxta opinionem
 D. Aug., vel potius fuerint plures creationis dies, distin-
 ctè correspondentes rebus creatis, ut putant alii SS. PP.
 Postquam Divus Thomas utramque opinionem adduxit,
 sic effatur: *Harum igitur expositionum prima, scilicet Au-*
gustini, est subtilior, magis ab irrisione Infidelium Scriptu-
ram defendens: Secunda verò, scilicet aliorum Sanctorum
est planior, & magis verbis littera quantum ad superficiem
consona. Quia tamen neutra earum a veritate Fidei discordat,
& utrumque sensum circumstantia littera patitur, ideo, ut neu-
tri harum expositionum præjudicetur, utramque opinionem su-
stinentes, utriusque rationibus respondendum est.

Ex quibus verbis putat Peguleti se posse sic argue-
 re: *Cum cap. præcedenti probaverimus, motiva opinionum*
probabilium non cogere, & ideo ad ipsorum assensum requi-
ri-

ri imperium voluntatis; & cum in questione de creatione Mundi prædicta nihil fuerit certum, sed solum opinabile, cum Sancti inter se dissentirent, sequitur evidenter, D. Thomam per voluntatem flexisse suum intellectum ad sustinendam utramque opinionem.

Hinc n. 25. duo sibi notabilia infert, dicens:

Nota primò, quod juxta D. Thomam quamvis aliqua opinio sit planior, & magis verbis Scriptura, quantum ad superficiem consona, est sequenda quidem, **NON TAMEN SOLUM**, sed aliam possumus sequi, si sit subtilior: Sic etiam si aliqua opinio sit subtilior, & magis defendens ab irrifione Infidelium Fidei doctrinas, est sequenda, **NON TAMEN NECESSARIO EST SOLUM IPSA TRADENDA**, sed possumus, & **DEBEMUS ETIAM ALIAM**, si hac sit magis consona, quoad superficiem Scriptura. Quod si Probabilioristæ oppositum dicerent, no credas illis, sed exemplum **CLARUM** D. Thomæ imitare.

Nota secundo illa verba S. Thomæ, ideo ut neutri earum explanationum præjudicetur, utramque sustinentes. In his verbis Sanctus Doctor credebat præjudicari uni opinionum ex allatis, si utramque non sustinuisset. Adversarii assignent rationem hujus credulitatis, & postea negent si possint, utramque opinionem in moralibus debere sustineri a nobis, si Sancti inter se differant in moralibus. Quia autem suppono, nedum opinionibus Sanctorum, sed etiam aliis DD. esse præstandam reverentiam, & nemini esse præjudicandum tit. de nov. oper. nunc. Ergo si alii Doctores insignes variant inter se in Opinionibus, siue speculativis, siue moralibus, nullum damnare debemus. Et melius faciemus, si voluntas, volens omnes Magistros insignes honorare, stectas intellectum ad sustinendas diversas illorum opinionum.

niones. *Beate, quod ut debitum præstandum est Sanctis; voluntariè ob amorem præstabimus aliis Doctoribus, utique famosis.*

Verùm, D. Thomæ Authoritatem nil Peguleti opinionem fovere certissimum est. Et in primis,

Non respondeo ejus argumento, sicut, ipse putat d. c. 5. n. 24. non possit aliter responderi, recurrendo, scilicet, ad hoc, quod Textus relatus, & alii consimiles sint in materia speculativa, non verò morali. Siquidem in neutra concedendum est, posse intellectum jam determinatum ad assensum circa opinionem probabiliorē, ad libitum flecti a voluntate in assensum minus probabilis, nisi supervenientibus novis rationibus, ac motivis: &c. ut explicat §. 3. n. 1. Sicut etiam in dubiis non posse intellectum, ex vi suæ naturalis conditionis, in alterutram ex partibus contradictionis inclinare, quamvis adhibito quocumque voluntatis impulsu, sed debere necessariò suspendere assensum, ut *ibi* dom. 4. probavi: Quæ omnia iterum, & magis clarescent inferius nn. 31. 32. ac 33.

Respondeo igitur, argumentum Peguleti (sicut & alia plurima consimilia, quæ ex Authoritatibus tum Angelici, tum aliorum DD. sæpius ipse coarctat); falso laborate supposito; nempe, quod Sanctus Doctor subjective, ac respectu sui proprii intellectus *simul* positivè adhæreat utrique opinioni, magis, & minus, vel etiam æquè probabili. Hoc enim est falsissimum, nec unquam reperitur in D. Thoma, nec totum Peguleti studium, ejusque superfluum in tot transcribendis citationibus conatus, aliter, vel tantum leviter potest suadere.

Adducit porrò nonnumquam Angelicus Præceptor
tan-

tanquam Communis Doctor, opiniones oppositas circa aliquam quæstionem, & ostendit ambas esse secundum se, ac singulatim probabiles, & ex ipsis unam postea eligit de sua mente, cui adhæret, non quidem ex mero impulsu voluntatis, *qua vult potius sequi hanc præ illa*, (ut signanter loquitur arguens d. c. §. n. 26. *erga finem*,] sed ex præponderantibus motivis naturaliter flectentibus intellectum suum ad illi assentiendum: In quo casu ejus intellectus non adhæret simul, ac subiectivè alteri opinioni minus ponderanti, adeoque respectu sui ipsius, impotenti ad extorquendum assensum.

Insuper, quandoque videtur ostendere S. Doctor duas oppositas opiniones esse in conflictu æqualiter probabiles; sed tunc ipse non se explicat, cui ex illis positivum assensum præbeat, cum tamen præbere, de tanto Doctore cœlitus illuminato, credendum sit. Hoc evenit in præsentī quæstione de operibus sex dierum; de qua, ob reverentiam quam specialiter semper præstat D. Augustino, cujus est fidelissimus sectator, utramque oppositam opinionem probat, [cum neutra a veritate fidei discordet,) & utriusque argumentis respondet, quin alterutram vel ambas, ex propria mente, vel aliter, se eligere ostendat. Et sic, ut unicuique præbeat motiva cognoscendi quænam ex dictis opinionibus magis arri-deat, *utramque sustinendo*, (non quidem positivo, ac subiectivo assensu eligendo ex mero voluntatis impulsu, sed modo explicato,) *utrinque rationibus respondet*; quasi legentibus dicat: Audistis pro & contra, quid de utraque opinione dici valeat. Ex his ergo eligite, illique assensum præbete, quæ vero-similior vobis apparet; In neutra siquidem est periculum contra Fidem errandi.

Fal-

Falsò igitur ait argumentum, quod ex allato Textu evidenter sequitur, D. Thomam per voluntatem flexisse suum intellectum ad sustinendam utramque opinionem.

Eodem modo intelligendi sunt D. Raymundus, Scotus, Richardus, aliique, post relatas inter se pugnantibus opiniones de aliqua re, utentes hac, vel simili scribendi phrasi, *elige quam volueris*; vel, *qui vult tenere opinionem primam, potest respondere argumentis contrariis &c. qui vult tenere secundam opinionem, potest respondere oppositis rationibus &c.* (ex quibus verbis tantum roboris pro suo commento exhaustisse putat Peguletus *cap. 4. §. 6. pluries*), idest, non ex solo voluntatis arbitrio, sed ex majori, vel minori vi, quâ motiva, & rationes unius præ alia intellectum inclinant ad assensum, ipsique reddunt unam opinionem alterâ probabiliorem. Si enim quis uniformiter respondeat argumentis utriusque partis, & simul utriusque rationibus probativis moveatur, semper erit dubius, & necessariò remanebit suspensus, sicut antequam utriusque argumentis responderet.

Ad id quod additur ab arguente, videlicet, ipsum probasse *cap. 4. motiva opinionum probabilium non urgere, & ideo ad ipsorum assensum requiri imperium voluntatis*:

Respondeo, Peguletum asserere quidem *d. c. 4. n. 2.* quod Mastrius, Cardenas, Bordonus, & alii Probabilistæ dicunt, *voluntatem in materia probabili posse flectere intellectum in partem etiam minus probabilem*; quam doctrinam, subdit, debere esse communem Probabilistis: At hoc dictum nullatenus probat ad suum intentum, etsi totis conetur viribus illud probare.

Præterea argumentum, quod discutit *ib. nn. 13. & 14.* nec non *c. 6. n. 44.* desumit ex D. Thoma *1. 2. q.*

17. a. 6. in c. sic dicente: *Sunt autem quadam apprehensa, quæ non adeo convincunt intellectum, quin possit assensire, vel dissentire, vel saltem assensum, vel dissensum suspendere propter aliquam causam; Et in talibus, assensus ipse, vel dissensus in potestate nostra est, & sub imperio cadit.* Addit autem d. n. 13. Peguletus: *Ecce expressè, dantur quadam apprehensa, quibus assensire, vel dissentire non habetur precisè a natura, sed etiam a nostra potestate, idest voluntate: Ergo in hoc casu determinatio ad hunc, vel ad illum actum specificum dependet a nostra voluntate. Non semper tamen in talibus est in nostra potestate assensire, vel dissentire, sed solum suspendere assensum, & hoc denotans illa verba, vel saltem assensum, vel dissensum suspendere. Porro in hoc casu ad voluntatem spectabis determinatio actus quò ad exercitium.*

Sed si arguens bene observasset verba D. Thomæ, in iis apertè invenisset responsionem ad suum argumentum, (sicut etiam ad illud superius allatum ex Textu S. Doctoris 2. 2. q. 1. a. 4.) Dicit enim ibi Angelicus Præceptor, quod circa objecta, quæ non naturaliter, & non necessariò movent ad assensum, potest intellectus assensire, vel dissentire &c. ex imperio voluntatis, sed *propter aliquam causam*: quid clarius? Quasi dicat: In opinionibus, assensus, vel dissensus *in potestate nostra est*, non quomodocumque, & ex solo voluntatis arbitrio, sed *propter aliquam causam*, tanquam medium de novo adveniens, ac disponens intellectum magis pro una, quam altera parte, itaut assentiens, vel dissentiens ex voluntatis impulsu, possit, ac debeat assignare illam causam, seu motivum, ratione cuius potius assentiat, quam dissentiat.

Quod

Quod expreſſius docet D. Thomas q. 14. de Verit. a. 1. in c. his verbis : Intellectus quandoque determinatur per voluntatem, qua eligit aſſentire uni parti determinatæ, & præciſè PROPTER ALIQUID, quod eſt ſufficiens ad movendum voluntatem, non autem ad movendum intellectum, utpotè quod videtur bonum, vel conveniens huic parti aſſentire. En cauſam, ratione cujus intellectus tendit in unam partem potius, quàm in aliam : Utique non eſt merum voluntatis arbitrium, ſed ALIQUOD, quod videtur bonum, vel conveniens, ideſt magis expediens huic parti potius aſſentire. Immediatè autem addit D. Thomas : Et iſta eſt diſpoſitio credentis, ut cum aliquis credit dictis alterius hominis, quia videtur decens, vel utile. Et ſic etiam movemur ad credendum dictis, in quantum nobis repromittitur, ſi crediderimus, præmium æterna vite. Sicque evaneſcunt plura, quæ congerit Peguletus d. c. 4.

Huc ipſum evoco, cunctosque Probabiliſtas, & ſic eos interrogo : In opinione minus probabili, concurrente probabiliori, favente præcepto, invenitur-ne aut fingi poteſt hoc aliquid bonum, & conveniens, ratione cujus valeat quis illi potius aſſentire, quam alteri ? Quis non negabit ? Ergo ſecundum D. Thomam nemo poteſt ex impulſu voluntatis tendere in opinionem minus probabilem, concurrente ac relictà probabiliori, cum nec ipſam poſſit voluntas eligere, quia, videlicet, in ea non effulget illud ſpeciale bonum, & conveniens præ alia.

Definat ergo mirari Peguletus ib. n. 16. quod Doctores, præcipuè Thomiſta, dum ex D. Thoma definiunt aſſenſum opinativum, dicentes, quod ſit acceptio unius partis cum formidine alterius, omiſerint illam particulam voluntariè, quam D. Thomas appoſuit in illo Textu

2. 2. q. 1. a. 4. supra laudato . Siquidem Thomistæ datâ operâ omiserunt id, quod non erat necessarium apponere; ad quid enim, & in quo sensu usus fuerit S. Doctor prædictâ particula, [quam alibi non addit, rigoroſè definiens opinionem,) nuperrimè jam explicui; & utique non ad fovendum Peguleticum assumptum, ut ostensum est . Superflue itaque defatigatur dicens, quod *impoſterum neceſſe erit ſummo ſtudio ſcrutari, cur Angelicus Præceptor huiusmodi particulam (voluntariè) poſuerit in definitione aſſenſus opinativi .*

Ex his omnibus facillimè ruunt illa duo Notabilia Peguleti superius allegata poſt initium præſentis num. 30. Et quidem

Corruit primùm; quia fundatur in falſo ſuppoſito, ut oſtendi in reſponſione ad argumentum de operibus ſex dierum; Et capropter quando in conflictu duarum opinionum uni adhæremus, non *debemus etiam aliam ſubiectivè amplecti*, cum nec poſſimus, ut fuſè ſuis locis demonſtrativè probavi . Credendum eſt igitur Probabilioristis hoc docentibus [tametſi oppoſitum dictis Peguleti]; nam *exemplum D. Thomæ*, tantum ſibi ipſis *clarum, imitantur* .

Corruit etiam ſecundum propter eandem rationem de falſo ſuppoſito .

Verum quidem eſt id, quod ob ſpecialem reverentiam erga D. Auguſtinum præſtitit S. Thomas, (de quo ob ejus venerationem erga Sacros DD. Eminentiffimus Cajetanus 2. 2. q. 148. a. 4. *in fine comment.* affirmavit quod *intellectum omnium quodammodo ſortitus eſt*,) in re a *veritate fidei nil diſcordante*, poſſe & nos, ſi volumus, non ſemel imitari, quotieſcumque vel intellectus noſter, du-
bius

buis de aliqua veritate, neutri ex partibus de obiecto inter SS. DD. controverso, & a veritate Fidei, vel bonis moribus nullatenus discordante, per positivum assensum adhæret; vel saltem quando volumus sententiam nostram circa rem, de qua hinc inde iidem sentiunt, proferre. Cæterum quo nexu adstringimur hoc facere respectu tot Scriptorum, qui suis moralibus assertionibus documenta Christianis moribus exitiosa, & non raro contra legem humanam, Divinam, & naturalem apertissimè pugnantia, ut in praxi licita firmant, turmatim propugnant, usque ad sydera encomiis extollunt? Num ad evitandum eorum doctrinæ apud Christi-fideles præjudicium, [Fidelibus ipsis tam salutiferum,] debemus violentare, & contra naturæ leges *flectere intellectum ad sustinendas diversas illorum opiniones*, quas idem intellectus noster assensu suo iudicat indignas? Igitur hi, qui nos præcesserunt cordati Doctores, ne tot Probabilistis præjudicium inferrent, reprobando quas hi sua ætate ut valde probabiles, & ut veras defendebant nondum a Sede Apostolica proscriptas opiniones, tenebantur eas sustinere, docere, ac venerari. Sicque oportebat eos affirmare, quod *Vir equestris ad duellum provocatus, potest illud acceptare, ne timiditatis notam incurrat*; quod *Licet interficere falsum accusatorem, falsos testes, ac etiam Judicem, a quo iniqua certò imminet sententia, si alia via non potest innocens damnum evitare*; quod *Non est obligandus concubinaris ad eiiciendam concubinam, si hac nimis utilis esset ad oblectamentum Concubinaris, vulgò regalo, dum deficiente illo nimis egrè ageres vitam &c.* quod *fas est viro honorato occidere invasorem, qui nititur calumniam inferre, si aliter hac ignominia vitari nequit &c.*

&c.

& alias multas absurdissimas theses, quas earum Patro-
ni, (qui tunc apud ignaros vocitabantur classici, & gra-
ves, ac proinde sufficientes ad probabilizandas opinio-
nes,] plurium pedissequorum comitante caterva, ita
defendebant, ut vix illis, qui eas ut falsas, & imposterum
condemnandas qualificassent. Et tamen hoc absurdum
è præsentì apertissimè deducitur Pegulerico documen-
to.

Equidem nec debemus, nec possumus, ante Sum-
mi Pontificis iudicium, eas propositiones, quæ adhuc
inter Catholicos controvertuntur, damnare, aut aliquâ
notâ censurare: bene tamen fas est, falsam dicere eam
opinionem, quæ alteri opposita, ac præsertim probabi-
liori, quam veram iudicamus, contradictoriè opponitur.
Siquidem intellectus noster a probabiliori parte taliter
determinatur, ut neutiquam positivo assensu in minùs
probabilem flecti valeat.

XXXI. Quod ut hic iterum dilucidetur, (præter jam
dicta, præcipuè §. 3. n. 1.) sic arguo. Opinari de ali-
qua propositione, est existimare illam esse veram cum
sola formidine, cum hoc sit essenziale opinioni, ut con-
stat ex ejus definitione: Ergo inter partes contradic-
tionis opinari de probabiliori est illam existimare veram
cum formidine quod possit esse falsa; & ejus opposita
possit esse vera; & è contra, opinari de minus proba-
bili est illam existimare veram cum formidine quod pos-
sit esse falsa, ejusque contradictoria probabilior possit
esse vera. Cum ergo pars probabilior magis appareat
vera, quam minus probabilis, evidenter sequitur, quod
si intellectus assentiens alicui opinioni ut probabiliori,
posset etiam simul flecti ad subiectivum assensum erga

minus probabilem, posset existimare falsam eam opinionem, quæ sibi magis apparet vera, & existimare veram, quæ sibi magis apparet falsa: quo nihil absurdius, & contra naturale rationis lumen audiri potest.

XXXII. Quod itidem intellectus, constitutus inter partes contradictionis æqualis probabilitatis, naturaliter, adeoque necessariò remaneat anceps, & suspensus, & consequenter nec ex voluntatis impulsu flecti possit in alterutram, ultra rationes allatas S. 3. *nuperrimè cit.* n. 4. sic breviter.

Suadetur, & probatur ex D. Th. q. 14. de Ver. a. 1. inc. ubi ait: *Quandoque intellectus noster non inclinatur magis ad unum, quam ad aliud, vel propter defectum morventium, sicut in illis problematibus, de quibus rationes non habemus, vel propter apparentem aequalitatem eorum, quæ morvent ad utramque partem, & ista est dubitantis dispositio, qui fluctuat inter duas partes contradictionis; nam quantum intellectus trahitur ad assensum erga unam partem ex motivis illius, tantum, & æquè distrahitur ab ejusdem assensu ex motivis partis oppositæ, ac proinde in neutram potest tendere, ac positivè inclinare, cum partes contradictionis æqualiter probabiles mutuò se impediant ad trahendum intellectum in actualem assensum, sed ipsum relinquant non liberè dubium, [non opinantem, quia opinari est uni parti contradictionis adhærere cum sola formidine,] & consequenter impotentem ad liberè se determinandum, stante tali dispositione morventium.*

Unde Aristotiles 3. *met. cap. 1.* comparans intellectum dubium ob contrarietatem opinionum, & rationum homini vinculis mancipato, ait: *Impossibile enim utris-*

utrisque procedere ad quod est ante. Ubi Communis Doctor hxc addit: Dubitatio autem de aliqua re hoc modo se habet ad mentem, sicut vinculum corporale ad corpus, & eundem affectum demonstrat. In quantum enim aliquis dubitat, in tantum patitur aliquid simile his, qui sunt strictè ligati. Sicut enim ille, qui habet pedes ligatos, non potest in anteriora procedere secundum viam corporalem, ita ille, qui dubitat, quasi habens mentem ligatam, non potest ad anteriora procedere secundum viam speculationis: Sicut ergo qui est corporaliter strictè ligatus, non est liber, ut ex sola voluntate a vinculis se eximat, & in anteriora procedat secundum viam corporalem; Ita mens dubia, quæ, juxta D. Thomam, & Philosophum, est a dubio opinionum ob rationes oppositas strictè ligata, non est libera, ut ex mero voluntatis arbitrio se eximat a vinculo dubietatis, & in via speculationis ad anteriora procedat, scilicet ad opinionem, quia opinari est quoddam speculari.

Adde ex Aristotile lo. proximè cit. quod posterior investigatio priorum est solutio dubitatorum: Ergo non purum arbitrium, sed veritatis investigatio potest intellectum solvere a vinculis dubietatis, ipsumque ad opinandum determinare.

Si dicas cum P. Spinula, voluntatem posse liberè eligere alterutram ex duobus sibi propositis obiectis æqualis bonitatis: Ergo pariter poterit intellectus alterutram ex opinionibus amplecti æqualis probabilitatis; quia sicut voluntas tendit in bonum, ita intellectus in verum.

Respondetur negando assumptum cum communiori Thomistarum sententia: Quia electio semper est de
eo

eo, quod aliquo modo videtur melius, ut colligitur tum ex Arist. 3. de anima tex. 58. tum ex D. Th. 1. 2. q. 13. a. 6. ad 3. ubi ad hujusmodi difficultatem tactam in argumento, respondet his verbis: *Ad tertium dicendum, quod nihil prohibet, (scilicet voluntatem ad neutrum moveri ex duobus bonis æqualibus,) si aliqua duo æqualia proponantur secundum unam considerationem, quin circa alterum consideretur aliqua conditio, per quam EMINEAT, & MAGIS flectatur voluntas in ipsum, quam in aliud.* Sicque paritas viget pro nobis, ut patet intuenti.

Ultra quod, gratis admissio assumpto, negatur illatum. Et disparitas est, quia eatenus voluntas potest ex duobus æqualibus bonis alterutrum eligere, quia sunt obiecta merè disparata, nullam inter se contradictionem habentia in ratione bonitatis. Et hoc modo concedo, quod etiam intellectus ex duabus opinionibus disparatis æqualis probabilitatis possit, quam maluerit, amplecti. Cæterum difficultas in præsentī est de duabus opinionibus æquè probabilibus contradictoriè pugnantibus, & quarum unā existente verā, altera necessariò debet esse falsa, & è converso; Et eapropter neutram eligere valet, sed debet necessariò remanere suspensus.

Solet hoc a nostris explicari exemplo stateræ, in cujus utraque lance si æqualia pondera ponantur, in neutram partem inclinatur; quia in quantum unum pondus trahit ad se stateram, in tantum alterum sibi æquale, illam non minus ad se trahit. Unde debet necessariò remanere suspensa, tametsi singula pondera actu gravent: Imò ex eo quod verè gravant, sed æqualiter, non possunt suum sortiri effectum, inclinandi, scilicet, ad se stateram, quem aliàs obtinerent, si scorsim in ea

ponerentur. Ita in casu nostro. Motiva æqualiter probabilia, seu quæ reddunt æqualiter probabiles duas opiniones contradictoriè oppositas, de facto singillatim gravant, adeoque trahunt ad se intellectum, ipsumque flectunt ad assensum, etiam in mutuo concursu: Et tamen neutrum eorum obtinere potest effectum, nempe ad se actu ipsum inclinandi, quia mutuo se impediunt, & se habent, ac si nullius essent virtutis, quatenus dum ab uno ex motivis intellectus trahitur, impeditur ab altero opposito, æqualiter etiam trahente. Quocirca dux contradictoriæ opiniones æquè probabiles, licet in conflictu non deperdant suam probabilitatem, sed urgeant intellectum ad assensum; Nihilominus quia æqualiter urgent, & æqualiter exercent propriam probabilitatem, idcirco ambæ suo privantur effectū, quem alioquin seorsim positz haberent, & relinquunt intellectum suspensum, ac impotentem ad eliciendum erga alterutrum opinativum assensum.

Ad hæc Peguletus cap. 6. n. 43. suâ solitâ motus urbanitate, ait: *Mirum quantum Adversarii sibi complacent de hoc argumento. Et nn. seqq. affirmat, se facillimè eidem respondere. Tum ex doctrina Doctoris Angelici superiùs enucleatâ, de obiectis necessariò movētibz intellectum, & de his, in quæ per electionem quandam voluntariè declinat: Unde subdit Adversarius: Hinc dicimus, intellectum in motu naturali assimilari libræ, quæ naturaliter movetur; in motu verò, qui est in nostra potestate, non assimilari libræ, quæ non habet motum dependentem a nostra potestate. Tum etiam, quia posito minimo pondere in una ex lancibus, statim movetur absque alio admiculo; posito autem infinito obiecto in intellectu, obscurè ta-*

men, (nempe solum probabiliter cognito,] si tamen non accedat voluntas, intellectus nullum actum elicit &c.

Verum quod nostri Authores sibi complacent de convincenti paritate, non video. Attamen ad Dei gloriam complacendum est, tanquam de manifestativo veritatis.

Nec Peguleri adductæ responsiones [jam contra P. Spinulam funditus evacuatæ a Mercoro *Bas. Theol. mor. par. 2. a. 3.*] ullatenus paritatem labefactant.

Non prima: Quia ut vidimus, voluntas non habet vim flectendi intellectum in unam contradictionis partem, nisi propter aliquam causam, idest nisi adsit motivum sufficiens. Quod etiam docuit Philosophus 2. de anima text. 154. & 157. dicens: *Opinari autem non in nobis est; necesse est enim verum vel falsum dicere.* Quapropter sicut si pars stateræ, alteri parti æquilibrata, digito impelleretur deorsum, sibi relicta, iterum, & statim ad suum æquilibrium rediret; Ita si intellectus positus inter æqualia motiva, per impossibile a sola voluntate uni parti applicaretur, remoto impulsu, sine ulla mora ad suspensionem assensus rediret, quia a motivo alterius partis semper urgeretur, ne tenderet in illam, in qua voluntas veluti violenter moveret.

Nec secunda: Quia est intellectus gaudeat libertate exercitii circa objecta non necessario moventia; cum adhuc possit suspendere assensum erga illa; ni tamen ex parte voluntatis adsit aliqua causa, scilicet speciale motivum, saltem ab extrinseco ipsius objecti petatum, ratione cuius sit bonum, & conveniens uni parti potius assentire quam alteri, nunquam poterit intellectus flecti ad assensum, cum nequeat contemnere in altera parte vim oppositi motivi æquæ ipsi flectentis; quod suffi-

cit, ut motiva opposita mutuò se impediunt. Nulla ergo, quò ad præiens argumentum, est disparitas inter statueram, & intellectum.

XXXIII. Alter S. Doctoris Textus, quem sibi favere inaniter existimat Peguletus ad probandum, quod voluntas possit physicè flectere intellectum ad assentiendum in sensu composito parti minus probabili, est ex *suppl. q. 34. a. 5. ad 3.* ubi tangens illam quæstionem, an tactus physicus materiæ requiratur essentialiter in susceptione Ordinis Sacri, estò innuat partem negativam non carere fundamento, ipse tamen amplectitur affirmativam, tanquam ex propria mente. Unde *cap. 3. n. 71.* subdit hic Scriptor: *In hoc Textu clarè sustinet* (D. Thomas) *unam opinionem, & aliam amplectitur, & docet TANQUAM PROPRIAM.* (nota). Hinc secunda ab ipso judicatur probabilior: Primam tamen etiam judicat probabilem, quia illam sustinet; minus tamen probabilem censet, quia docet oppositam *TANQUAM DE SUA MENTE.* (Nota.) & *cap. 5. n. 39.* iterum sermonem habens de eadem quæstione, addit: Divus ergo Thomas sustinet dictum, quod ad Sacram Ordinationem non requiratur tactus physicus, postea docet oppositum. Certè sustinet primam opinionem, & illam utique sustinet ut minus probabilem, cum doceat oppositum statim post quatuor lineas. Tum quia ipse Gonettus Probabiliorista expressè dicit, quod D. Thomas tenet primam opinionem ut minus probabilem; Secundam, ut probabiliorē Ergo voluntas D. Thomæ flectebat suum intellectum ad assensum opinionis, quam cognoscebat esse minus probabilem. Idem quo ad sensum repetit *c. 6. n. 57.*

Sed Textus D. Thomæ explicandus, & intelligendus est sicut alter desumptus ex *q. 4. de pot. n. 2. in c. de quo*

quo supra num. 30. *Vers. Secundò ut explicet*. Et sic eadem est applicanda responsio de falso supposito. Imò non possum non obstupescere, quod Peguletus non videat responsionem, quam ipse-met innuit, dum asserit, Divum Thomam amplecti opinionem affirmativam de tactu physico materiæ in collatione Ordinis *tanquam propriam, & tanquam de sua mente*; negativam verò judicat minus probabilem. Si enim primam amplectitur *tanquam propriam, & tanquam de sua mente*; Ergo secundam sustinet, seu adducit, solùm tanquam alienam, ac de mente aliorum, non verò suà: Ergo non utrique simul subiectivè, ac per positivum assensum adhæret, ut supponit argumentum. Insuper, si negativam approbat ut minus probabilem, in concursu alterius de sua mente ut sibi probabilioris; ergo illam in conflictu existimat sibi improbabilem, ut apertè inferri debet, juxta ea quæ pluribus in locis supra docui: Ergo D. Thomas non amplectitur positivè, ac respectu sui intellectus, utramque opinionem ex puro voluntatis impulsu, prout arguens deducere vellet. Igitur non amplius scribat c. 6. n. 60. hæc verba: *Instruant me Adversarii, quo Doctor Angelicus sustinet dictum asserentium, tactum physicum non esse necessarium ad Sacram Ordinationem; & tamen doceat etiam oppositum*. Ego enim ipsum humiliter docui de suo falso supposito, & quid deinceps sentire debeat de Sancti Thomæ, aliorumque Doctorum Textibus, in quibus exscribendis tam vanè defatigatus est.

XXXIV. Cap. 18. n. 24. loquens de duobus antiquis Probabilioristis, nempe de Guillelmo, Altisiodorensi, & Parisiensi, dicit, quòd prior *fuit valde scrupulosus, sed paulominus quam suus coætaneus*, videlicet alter Guillelmus

mus Arvernus Episcopus Parisiensis . Et *ib. n. 49.* de Guidone de Monte Rocherio ait: *Hic Doctor est valde scrupulosus* . Similiter *cap. 12. n. 54. in fine* hęc habet: *Hinc obiter deduco, quod cum aliqui erraverint in multis opinionibus rigidis, non sint magna auctoritatis in reliquis rigidis propositionibus; licet namque suspicari, eas sustinuisse, non ob motiva, & rationes, sed ob scrupulositatem, & rigiditatem, qua nihil deservunt ad veritatem opinionis* . At hęc puerilia sunt, nec responsione digna . Me potius movent ad risum, & ad recolendum cujusdam Presbyteri dictum, quod, scilicet, ideo Doctores celeberrimę Universitatis Parisiensis sunt Probabilioristę, quia sunt scrupulosi . O magnum, ac toto Orbe diffusum ignorantię malum!

XXXV. *Eodem cap. 18. per plures nn.* adducit non-nullos alios Probabilioristas antiquos, videlicet Henricum Gandavensem, Joannem Majorem, Corradum, Summenhart, Adrianum, Cajetanum, Armillam, Sylvestrum, Monaldum, Tabienam, Pelbartum, Angelum, Hostiensem, Panormitanum, D. Antoninum, D. Bernardinum, Baptistam de Salis, Gabrielem Biel, Rosellam, Joannem Altenstaig, & alios; Sed eis respectivę opponit aliquas exceptiones, nempe, quod *in re tam ampla, pauca scribere, quod non tam luculenter ut faciunt moderni Probabilista; quodd rescripserunt ex aliis. Unde Historici sunt, non Doctores; Unde proprię sunt aves alios sequentes &c.*

Verum ut quid multa scribere circa materiam, quę tempore prædictorum DD. nullum habebat Adversarium? Communis erat sensus & Patrum, & aliorum Doctorem de parte probabiliori eligenda in dubiis opinionum, ad evitandum periculum mortaliter peccandi .

Qua-

Quapropter omnes uno ore loquebantur, uno calamo scribebant, ac tanquam axiomata infallibilia, has, vel consimiles propositiones exprimebant, videlicet, quod *Qui se exponit periculo peccandi, eligendo scilicet eam partem, quæ sibi minus consona videtur, peccat*; quod *Ad rectè operandum debet unusquisque formare sibi bonam conscientiam de eo, quod credit, tanquam de probabiliori parte*; quod *In dubiis tutior pars est eligenda, & hujusmodi*. In his principiis è sacris litteris deductis, a Sanctis PP. unanimiter approbatis, omnes Antiqui conveniebant. Et hoc non erat ad modum avium aliam sequi. Siquidem hoc dictum verificatur, quando tantummodo inspicitur *quò itur, non quò eundum est*, ut dicebat Seneca. Prisci Authores ibant quò eundum erat, quia id solùm sequebantur, quod *tutum*, & bene fundatum erat, relicto *non tuto*, nempe, opinione minùs probabili in conflictu: Recentiores autem Casuistæ tendunt *quò itur*, quia vix apparuerunt levissimæ ratiunculæ nullius roboris ad authenticandum Probabilissimum in parte minus consona, & cognita ut potius falsa, quam verà, potius contra, quam pro lege, utpotè in conflictu alterius probabilioris contradictoriè oppositæ, ac stantis pro ipsa lege, cum statim sine ulla ponderatione, imò quin legerent Probabilioristarum solidissima fundamenta, & ineluctabilia argumenta, catervatim, ac præcipitanter, *ut oves, & aves* secuti sunt priores. In cujus signum, si postea, Deo inspirante, quis eorum volumina nostrorum DD. viderit, ac aliquantulum ad ipsorum rationes citra passionem adverterit, incunctanter gradum flectit, ac se devoveat Probabiliorismo.

XXXVI. Postquam Peguletus *num. 11. d. cap. 18. re-*
tu-

esse falsam, seu potius falsam, quam veram, vel non minus veram, quam falsam, non potest talis opinio *sibi* esse recta regula operandi? Igitur non est *evidens delirium* asserere, quod ad tutam operationem necessaria sit moralis certitudo.

Quod si ex hac infallibili doctrina forsitam inferret Peguletus, Ergo qui sequitur opinionem D.Thomæ, ut moraliter certam, debet existimare ut falsam opinionem oppositam, a Scoto, Alensi &c. propugnatam, quod non videtur dicendum.

Responsum dedi *sup. n. 7.* & ibi remissivè contra Cardenas, concedendo illatum, non ut incongruum, sed ut necessarium in opinionum concursu operanti: Quæ loca recolantur.

XXXVII. Specialiter ex Probabiliorista Sylvestro affert Peguletus *ib. n. 18. & seq.* quoddam testimonium non multùm ipsum convincens, desumptum ex illius Summa Morali V. *Opinio 1.* Sed non vidit clarissima verba ejusdem V. *Dubium q. 2.* sic dicentis: *Si tamen probabilitas hinc inde esset aqualis, tutior eligenda est NECESSARIO, quando ex electione alterius immineret periculum peccati mortalis; quia tunc verum est illud Ecclesiastici 3. Amans periculum peribit in illo.*

Non dissimiliter circa Cajetanum procedit *d. cap. n. 16.* Nam de ipso dicit, quod *paucissima scripsit, & satis confuse* in hac materia; de qua paucas lineas ex integro textu detruncatas, adducit absque ulla citatione loci ejusdem Eminentissimi Authoris, ne forsan a legentibus videatur. Si posuisset ex ipsius Summula V. *Opinio 2.* quæ sequuntur, non ita scripsisset. *Opinione uti* (ait ibi Cajet.) *ut regula morum interiorum, & exteriorum est quandoque*

XXXVIII. Ex dictis inferri potest, an multa fides adhibenda sit tot Authoritatibus Antiquorum, quas truncatim allegat hic Scriptor. Unum sufficiat, quod etiam Doctores illos manifestè militantes contra Probabilissimum, nempe, Alex. de Ales, D. Bonaventuram, D. Raimundum, Durandum, D. Antoninum, Scotum, Gersonem, aliosque plurimos nititur [capp. 18. & 22.] a numero Probabilioristarum subtrahere, ex hoc quod aliquando utantur his dictionibus *probabile*, *probabiliter*, & hujusmodi; vel quia secuti sunt quandoque sententias benignas, vel ex alio consimili levissimo, & inani motivo ex supra rejectis. Idem præstat proportionabiliter in favorem opinionis æquè probabilis libertati faventis in cap. 27. & seq. nec non pro minus probabili capp. 33. 34. & 35. Satis puto omnia ista evanescere, si recolantur a me pluries dicta.

XXXIX. Ulteriùs procedit Peguletus, dum capp. 24. & 48. studet Sacrarum Scripturarum, Sanctorum PP., Canonum, & Summorum Pontificum Authoritates taliter interpretari, ut ipsæ nihil nobis favere videantur. Et cap. 19. n. 20. ait: Nos frustra Patres antiquos in nostrum favorem afferre.

Nolo in ejus glossis reiiciendis immorari, ne ultra mensuram crescat præfens Appendix. Adeat Lector Doctores Probabilioristas a me laudatos §. 2. n. 3. in princ. a quibus non minus evidentia, quam copiosa referuntur prædictorum testimonia.

XL. Præterire tamen nequeo id, quod habet d. cap. 48. nn. 28. & 29. ubi, ut respondeat P. Natali Alexand. alleganti Textum Divi Augustini lib. 1. de Bapt. c. 3. dicentis, quod si *dubium haberet*, non illic [nempe apud

Donatistas] rectè accipi, quod in Catholica rectè accipi certum haberet, **GRAVITER PECCARET**, in rebus ad salutem animæ pertinentibus, vel eo solo, quod **CERTIS INCERTA** præponeret. Post quæ, & alia quædam subdit Natalis: Cum itaque minus probabilis opinio, qua libertati, & cupiditati favet contra legem, in concursu probabilioris, qua legi favet contra libertatem, & cupiditatem, **INCERTA** sit, & oppositi formidine quatiatur, ne fortè sit illicitum, quod ipsa licere docet, **GRAVITER PECCAT** qui minus probabilem probabiliori præponit, & secundum illam agit, quia in rebus ad salutem animæ pertinentibus **CERTIS INCERTA PRÆPONIT**. Ut, inquam, Peguletus respondeat, ita scribit.

Fateor hunc textum esse præcipuum ex plurimis, quibus Probabilioristæ nituntur oppugnare Probabilitatem, & prima facie videtur clarè pro ipsis decidere, ut bona fide credidit Vendrochius, & mihi olim apparebat, [& utinam semper ipsi apparuisset,) sed rem altius scrutanti obvia, & clara responsio occurrit. Audiamus modo claram responsionem rem altius scrutantis. Igitur quaro a P. Alexandr., an si quis probabilius iudicet, rectè accipi Baptismum apud Hæreticos, hic peccaret accipiendo ab Hæreticis, an non? Si primum, quid mirum si dicamus nos, in hoc casu, peccaturum sequendo opinionem minus probabilem? (Quando-nam quæso mirum fuit, peccaturum eum, qui sequitur opinionem sibi minus probabilem in conflictu, semel admissio, quod peccet sequens probabiliorē circa idem obiectum?) Nos dicimus, in iis valere minorem probabilitatem, in quibus probabilioritas ratione sui licet. Hoc opus, hic labor est: Dicit, sed non probat, nec ullibi probabit, nec Probabilistarum ullus in sæcula proba-

babit. Insuper considera ineptam probationem suæ consequentix hoc pacto: *In quibus probabilioritas ratione sui licet, valet etiam minor probabilitas: Ergo si quis peccat sequend opinionem probabiliorē, peccat etiam, qui sequitur minus probabilem.* Debat prius adducere secundum membrum sui dilemmatis, & tunc ipsi applicare hanc probationem, in falso alias principio fundatam. Quapropter hic posuit probationem, priusquam poneret propositionem probandam.] *Et in quibus non licet probabilioritas, nec valet minor probabilitas.* (Ita prius probandum erat primum dilemmatis membrum, etsi nihil similiter valeat hæc probatio.) *Secundum nequit dici, quia ex D. Thoma* (scilicet quodl. 3. a. 10. in c.) *tenere opinionem contra id, quod publicè tenet Ecclesia, non potest ab erroris vitio excusari. Cum ergo Ecclesia semper prohibuerit, & damnaverit receptionem Baptismi ab Hæreticis, erroneum est tenere oppositum: Ergo in materia de receptione Baptismi ab Hæreticis, qui incerta, & sic & probabiliora, & minus probabilia certis prapont, [vide quomodo fingat supponere, quod omnia probabiliora sint incerta, volens distinguere inter certitudinem moralem, & metaphysicam, de quibus iterum atque iterum superius dixi, & similiter dicam in §. S.) peccat mortaliter, nec potest ab erroris vitio excusari, quia in re clara tenetur scire veritatem; Unde ipsa incertitudo peccatum est. In re verò obscura, incertitudo non est peccatum, quia impossibile est haberi scientiam; (En quomodo denuo putat non dari aliam certitudinem ad rectè operandum, nisi metaphysicam, & spectantem ad scientiam; [& sic in re obscura, Probabilioritas, & minor Probabilitas salvant. Vx Peguleto, si fidens minori probabilitati contra legem, etsi non sibi omnino ac metaphysicè claram, & certam; sed solum moraliter, con-*

tra eandem legem operatus est . Non salvabit eum procul-dubio minor Probabilitas , cognita ut talis in concursu : Nam *sermo* (nempe lex Divina , non Probabilitas ,] *quem locutus sum , ille judicabit eum in novissimo die* , inquit Redemptor noster Jo. 12. 48 Non ergo salvat minor Probabilitas , quæ potius militat contra , quam pro lege judicante , ac salvante , vel damnante .

Placuit per extensum verba Peguleti referre intermixtis aliquibus observationibus , ut manifestius appareat futilitas ejus responsionis , ac robur impugnationis , quam sic præsto .

In primis Peguletus non respondet clarissimæ Authoritati D. Augustini , ut patet intuenti ; Solùm insudat [sed vanè] ut reiiciat doctrinam deductionis , seu consequentix , quam ex illa optimè infert Natalis in ly *Cum itaque &c.* Divus enim Augustinus affirmat , eum qui *certum haberet* Sacramentum Baptismi in Ecclesia Catholica rectè accipi , & tamen Baptisma susciperet apud Donatistas , non obstante , quod *dubium haberet non illic rectè accipi , graviter peccaturum ; eo solo* , [ita dictum probat ,) *quod in rebus ad salutem anima pertinentibus , certis incerta præponeret* : Quod idem est ac dicere , eum graviter peccaturum , qui *probabilius existimans* licitum non esse accipere Baptisma de manibus Hæreticorum , minus verò *probabiliter* esse licitum , ac proinde *dubitans* , idest habens moralem tordinem , *non rectè accipi* Baptismum apud Donatistas , adhuc tamen ab ipsis tale reciperet Sacramentum . Ex quo assumpto , ejusque probatione , clarè infert Natalis veritatem nostræ Doctrinæ , videlicet , numquam esse licitum eligere in praxi opinionem minus probabilem stantem pro libertate , concurrente op-

posita probabiliori, indemnitati legis favente, quando agitur de peccato mortali, nempe, *in rebus ad salutem animæ pertinentibus*, quia tunc certis incerta præponuntur. Contra Natalem arma sumit Peguletus, nec de S. Augustino amplius loquitur. Quapropter ejus assertionem videtur relinquere intactam, ac per consequens implicitè fatetur, Sanctum Doctorem stare pro nobis. Cur ergo *cap. 49. n. 36.* tam animosè dicit, *Nullum San-ctum Patrem esse pro nostra Sententia*, & hoc ab ipso fuisse apertè demonstratum?

Sed ut verum fatear, Peguletus videtur sua responsione confutare velle, & Natalem, & Divum Augustinum. Considera hæc ejus verba: *In materia de receptione Baptismi ab Hæreticis, qui incerta, & sic & probabiliora, & minus probabilia certis præponit, peccat mortaliter, nec potest ab erroris visio excusari*: ac si apertius dicat: Per vos o Augustine, ac Natalis, *Qui certis incerta præponit graviter peccat*: Ergo per vos, nedum peccat mortaliter, qui *in materia de receptione baptismi minus probabilia* sequitur, verum etiam, qui *probabiliora*, idest partem magis probabilem, cum tam probabiliora, quam minus probabilia sint *incerta*: (Hic iterum vide allucinationem Peguleti, non distinguentis inter certitudinem moralem, & metaphysicam:] Vel si non peccat quis probabiliora sequendo, nec peccabit minus probabilia eligendo. En quomodo hic discursus tam militat contra D. Augustinum, quam adversus Natalem, ac proinde supponit arguens ambos esse conformes in eadem Sententia. Non igitur dicat, D. Augustinum non favere Probabilioristis.

Deinde hypotesis Peguleti, cum sit opposita casui
seu

Primam variis conatur declinare subterfugiis, (pluribus sui Operis capp. ut videre est in ejus Indice rerum *lit. D. Verbo In dubiis*,] a me tamen totaliter oclusis §.3. n. 6. & seqq.

De secunda verò, quæ ex Augustino habetur *c. si quis autem, dist. 7. de pœnit.* asserit *cap. 48. n. 29.* se plenè illi satisfecisse *cap. 3. n. 85.* At hic porrò nil satisfacit: Nam dicit, verba illa D. Augustini esse intelligenda in determinata materia de remissione peccatorum, quia S. Doctor loquebatur ibi de eo, qui se reducit in fine vita ad faciendam pœnitentiam peccatorum. Et post pauca subdit: *Igitur patet, quod hic agitur de mediis ad salutem necessariis; in tali autem materia procul-dubio certitudo est tenenda, & opiniones relinquenda.*

Verum hæc Peguletica responsio suum oppugnat Authorem. Sumus enim in casu, quod quando agitur de peccato mortali vitando, *agitur de medio ad salutem necessario.* Ergo illud dictum Augustini, & Juris Pontificii universaliter tenet; ac proinde tuta, & moraliter certa tenenda sunt in opinionum conflictu, eligendo probabilior, quæ favet legi, ac sola tuta est, & moraliter certa dignoscitur, *dimittenda verò incerta* per exclusionem opinionis minus probabilis libertati consonæ, quæ in concursu tuta non est, nec aliquo modo certa, aut immunis a periculo lethaliter peccandi, sed omnino incerta, dubia, & potius falsa quam vera, ut ex supradictis liquet.

Præterea: Esto D. Aug. *lo. cit.* materiz determinatæ applicaverit præfatum dictum, eo tamen usus fuit ut principio universali, ac probativo; per consequens non est coarctandum ad limites tantum conclusionis probatæ.

tx, sed ad alias materias ampliandum, & eapropter universaliter accipiendum. Quod ne gratis dictum videatur, ponderanda sunt verba S. Doctoris, qui postquam dixerat, *agens pœnitentiam cum sanus est, & postea bene vivens, securus hinc exit: Agens pœnitentiam ad ultimum, & reconciliatus sit securus, hinc exit, ego non sum securus.* Et postea sibi obiiciens, *sed unde scis, ne forte Deus dimittat tibi.* (Videlicet differendo pœnitentiam ad finem vitæ) respondet: *Verum dicis: illud scio, (quod scilicet agens pœnitentiam cum sanus est, postea bene vivens, securus hinc exit) hoc nescio: Nam ideo, do tibi pœnitentiam in fine vitæ quia nescio; nam si scirem omnino certo nihil tibi prodesse, non tibi darem.* Inde post pauca subdit: *Ergo tene certum, dimitte incertum.* Quasi ad probandum non esse differendam pœnitentiam ad finem vitæ, dicat: Certum est tenendum, ac incertum dimittendum; Sed certum est quod agens pœnitentiam, cum sanus est, & postea bene vivens securus hinc exit; incertum verò, an securus exeat quem ad ultimum vitæ pœnitet, ac Deo reconciliatur: Ergo &c.

XLII. Probabilioristicam doctrinam esse ad mentem Sanctorum Patrum habetur ex Alex. VII. in præfatione primi Decreti condemnativi 28. propositionum; cum ibi Summus Pontifex dicat, *MODUS OPINANDI IRREPSET*, [nempe, doctrina, regulæ, ac principia Probabilistarum noviter adinventæ,] *ALIENUS OMNINO A SANCTORUM PP. DOCTRINA*: Ergo, è contra, (debet evidenter inferri,) probabilioristicæ regulæ, ac documenta, contradictoriè opposita modo opinandi Probabilistarum, sunt ad mentem Sanctorum Patrum. Non ergo Peguletus dicat, *nullum Sanctum Patrem stare pro*
no-

nobis.

XLIII. Præterea, malè scribit idem Peguletus, *cap. 49. nn. 42. & 43.* videlicèt, nullum antiquum Concilium, præsertim Generale, favere nostræ Sententiæ; quamvis hoc concedat de Concilio Nationali totius Cleri Gallicani, anno 1700. in Palatio San-Germano Parisiis celebrato.

At apertè favet Concilium Viennense, in quo Clemens V. de duabus opinionibus circa quandam materiam, positivè hinc inde controversam, hæc ait: *Opinionem secundam, tanquam probabiliorem, & dictis Sanctorum, ac Doctorum Theologia magis consonam, & concordem, SACRO APPROBANTE CONCILIO, duximus eligendam.* Clementina *Fides*, de Sum. Trin. & fide Cathol. §. *fin.*

XLIV. Ut Peguletus vim declinet hujus Authoritatis, quam ex d. Concilio Gallicano adducit *cap. 33. n. 2.* ita *n. 3. seq.* respondet. *Non existimo firmum argumentum illud: Concilium Viennense secutum est in materia sacra speculativa opinionem probabiliorem. Ergo & nos debemus uti opinione probabiliori, maxime quò ad mores.* Nam lata est disparitas inter Concilium OEcumenicum, & Nos. Concilium OEcumenicum est infallibile, nec potest errare in doctrina: Ergo si docet aliquid, debet docere verum. E contra, nos aliquando possumus errare absque peccato..... Ergo si nos licitè errare possumus aliquando, quando errare licebit, licebit etiam sequi regulam, qua possit esse falsa. Tum quia in nobis datur ignorantia invincibilis juris natura, & operantes ex ipsa excusantur a peccato, ex *propof. 2. damnata ab Alex. Octavo.* E contra in Concilio non datur ignorantia invincibilis juris, nec ipsum operatur ex tali ignorantia. Ergo regula Concilii debet esse certa, & infallibilis, non

sic regula hominum privatorum . Præterea, in materia factorum cum Ecclesia possit errare, potest tunc sequi regulam non-namquam, quæ sæpe fallat, & fallatur, ut clarè dicitur in C. a nobis 2. de sent. excom. Ergo etiam in materiis, in quibus licitè errare nos possumus, licitè sequemur regulam, qua fallat, & fallatur; & sic opinionem minùs probabilem . Tum quia ut Ecclesia licitè recipiat Sanctos DD. ad legendum opera eorum, & ad expositionem Sacra Scriptura, sufficit juxta Turrecremata in C. Sancta 15. dist. 9. 3. fin. quod talia Opuscula habeant probabilitatem veritatis . Si isti expositores habent solum probabilitatem veritatis, utique ista expositiones possunt esse falsa; adhuc tamen si in praxi utamur illis expositionibus fallibilibus, nemo nos jure damnare poterit . Hoc modo existimat Peguletus evacuasse argumentum Illustrissimi Cleri Gallicani, fundatum in autoritate prælaudata Concilii Vienneſis .

Pluries equidem notavi, Peguletum in suo construendo Probabilitatis Tractatu nimis festinanter scripsisse : Si enim maturiori consilio omnia expendisset, multa silentio dicasset, & arctius edidisset volumen . Cum primum ejus Opus in Gallias devenerit, nescio quid de ipso, ac præsertim de hac tam levi responsione animo ferent illius Regni Sapientissimi Præfules, ac Doctores . Condonet Author [cujus meritum aliàs veneror] hanc qualemcumque pro tuenda Veritate, & animarum salute promovenda, in coarguendo libertatem .

Quis unquam ex imperitioribus sic quæso argueret : *Concilium OEcumenicum est infallibile, nec potest errare in doctrina, adeoque si docet aliquid, debet docere verum* : Er-

go quia *nos possumus aliquando inculpabiliter errare*, quando, videlicet debitis præstitis diligentis ad inquirendam veritatem, & secundum illam operandum, vero-similiorem attingere non valemus, *licebit nobis*, quando agitur de peccato mortali, ac Lege perrumpenda, *sequi regulam*, non solum *quæ possit esse falsa*, verum & quam dignoscimus minus vero-similiorem, & potius falsam quam veram, alterâ voluntariè relictâ contradictoriè oppositâ, a nobis cognitâ ut vero-similiori, & potius verâ, quam falsâ? Quia Concilium OEcumenicum est infallibile, nec potest errare, tam cautè procedit, ut non nisi *opinionem PROBABILIOREM, & dictis Sanctorum, ac Doctorum Theologia MAGIS consonam, & concordem* ducat eligendam: Ergo nobis licebit, quia possumus errare, ac falli, tam incautè procedere, ut minus probabilia, in materia morum, & ex quibus *Fidelium salus pendet*, advertenter eligamus, probabilioribus, & dictis Sanctorum magis consonis, & concordibus, absque ulla necessitate relictis? Egregium sanè arguendi modum! Et tamen sumus in casu, juxta controversiam quam in præfenti agitamus; ut constat ex supra repetitis. Sic igitur formanda est argumentatio: *Concilium OEcumenicum non potest errare*, & nihilominus inter oppositas Doctorum opiniones, circa materiam sacram speculativam *probabiliorem ducit eligendam*, ita ei Spiritu-Sancto dictante, ne idem Concilium erret, aut possit errare: Ergo a fortiori nos, quia *possumus errare*, tenemur, ad evitandum errorem, & peccatum mortale, & ne legem perrumpamus, in praxi probabiliorē sequi, relictis minus probabilibus, in quibus cognoscimus probabilius nos posse errare, ac peccare potius, quam legem serva-

tu-

Eodem modo discurrendum est de aliis consimilibus paulò ante a Peguleto adductis, ad prosternendum, ut putat, *firmum argumentum* Concilii Gallicani, videlicet: *In Concilio non datur ignorantia invincibilis juris, nec ipsum ex tali ignorantia operatur*, in nobis autem potest dari quandoque [eo modo quo dari potest, de quo non disputamus) *ignorantia invincibilis juris natura, & operantes ex ipsa excusantur a peccato: Ergo regula Concilii debet esse certa, & infallibilis, non sic regula hominum privatorum*, ita ut hi ad libitum valeant è duabus regulis ad morum praxim spectantibus, eam inculpabiliter eligere, quam probabilius cognoscunt contra, quam pro legis observantiâ militare, alterâ relictâ, quam vident potius, & probabilius eos a peccato, ac legis transgressione reddere immunes? Erit-ne in hujusmodi eventu hæc operandi praxis ignorantia invincibili fulcitâ? Præterea: *In materia factorum cum Ecclesia possit errare, potest tunc sequi regulam nonnunquam, qua fallat, & fallatur*: Ergo & nos in materiis nobis metaphysicè incertis, de quibus tamen habemus moralem certitudinem in probabiliori de ipsis opinione, possumus inculpabiliter sequi regulam, quam probabilius cognoscimus posse fallere, ac falli, nempe, *opinionem minus probabilem*, aliâ regulâ voluntariè relictâ, de qua nobis certò moraliter constat, non posse moraliter fallere, aut falli, opinione, scilicet, in conflictu probabiliori? Tandem: Ut licitè recipiantur legendæ scripturales Doctorum Expositiones, sufficit ut habeant probabilitatem veritatis, & consequenter non implicat quod possit eis secundum se subesse falsum; non enim semper veritas ipsa in se po-

potest ab omnibus, & in omnibus attingi: Ergo si darentur dux inter se oppositæ doctrinæ, ac expositiones, *nemo nos jure damnare posset*, si eam in praxi, ex mero voluntatis arbitrio, eligeremus quæ nobis magis apparet falsa, quam vera, alterâ rejectâ, cognitâ ut veritati magis conformi, quam falsitati? Quis unquam inter Scholasticos Novitios his uteretur argumentis? Et tamen ita in re argumentantur cum Peguleto, qui sustinent ut licitam, sequelam opinionis, cognitæ ut minus probabilis, & faventis libertati, concurrente, ac relictâ contradictoriè oppositâ, cognitâ ut probabiliori, ac stante pro Lege.

XLV. Consideret ergo Peguletus suarum rationum, ac responsionum infirmitatem: Et cum ipse *cap. 3. n. 1.8* promiserit, se non amplius propriam opinionem, quam ibi agitatur, propugnaturum, quando quis *inveniet rationem claram, qua videat, rationum fundamenta, quibus fulcitur sua Sententia, esse solum apparenter solida*, enixè ipsum obsecro, ut pollicitis addat fidem; ac eapropter curet, si adhuc vivit, ut novum imprimat de probabilitate Tractatum, nostram impofterum tuendo Sententiam, suamque retractando, cum jam fulgeant tot *rationes clara, quibus videt rationum fundamenta, quibus fulcitur sua, nec esse apparenter solida, sed valde infirma, debilia, & ruinosa*.

XLVI. Nullo modo posse concordare, ait Peguletus *d.c. 33. n. 4.* cum Illustrissimo Clero Gallicano, dicente, Probabilitatem esse *inventum postremi hujus Seculi, & initium, & caput propositionum damnatarum* ab eodem. Rationem suæ discordantiæ assignat; quia, scilicet, plures ex illis propositionibus a S. Sede, ac a prædicto Cle-

Clero damnata, ab Antiquis tradita fuerunt. Quocirca Alex. VII. in suo Decreto reprobante octo, ac viginti propositiones, asserit, *partim antiquatas iterum suscitari*. Ex quo evidenter sequitur, [subdit Peguletus,) *vel quod Probabilitas sit antiqua, vel non sit initium, & caput damnatarum propositionum; quod utrumque est contra Illustrissimum Clerum.*

At neutrum infertur ex Asserto Cleri Gallicani. Non enim dicit prætatum Nationale Concilium, quod *Probabilitas* secundum se sit inventum hujus sæculi, quia etiam Antiqui non-nulla ut tantum probabilia docuerant; sed quod *nova* sit, & *inaudita* sententia, asserens esse licitum sequi opinionem minus probabilem in conflictu, juxta terminos, & statum præsentis controversiæ: Et hoc est verissimum, ut fusiùs ostendi *nn.* præcedentibus hujus Appendicis. Quapropter etsi quidam ex præfatis Doctoribus protulerint aliquas falsas assertiones inter proscriptas ab Alex. VII. eas tamen docuerunt ut sibi probabiliores, licet erraverint in tuendo falso pro vero, non quidem ex falsitate principii operationum directivi, sed ex naturali imperfectione intellectus, non valentis quandoque attingere veritatem, ubi verè invenitur. Cæterum Probabilistæ multas propugnarunt falsas propositiones, ortas ut plurimum ex illo falso principio, quod in conflictu opinionum licitum sit eam amplecti, quæ subiectivè apparet minus probabilis, adeoque non tuta, voluntariè omissa probabiliori, ac tuta. A quo principio ni gradum retrahant Probabilistæ in alia plura faciliter incident Asserta moralia, per Sedem Apostolicam excommunicationis mucrone postea ferienda.

Non

Non ergo moderna probabilitas est antiqua, sed nova, inaudita, & postremo Saculo prodita.

XLVII. Dices cum Peguleto cap. 39. n. 10. & seqq. quod si Probabilitas esset reiicienda ex hoc quod nova est, sequeretur maximum absurdum, quod scilicet Doctrina S. Thomæ reiicienda foret, cum ipse *sententias novas in Theologicis* protulerit. Legatur enim D. Antoninus 3. p. Hist. tit. 18. c. 10. ante §. 1. & §. 2. nec non tit. 23. c. 7. §. 5. & 10. & manifestè constabit, quod *Sanctus Thomas* [sic ait Peguletus n. 15. d. c. 39.] *NOVOS* confecit articulos, *NOVUM* excogitavit modum determinandi, *NOVAS* in determinandis questionibus invenit rationes, ita ut Deus ad *NOVA* dogmata *NOVI* luminis radiis ipsum illustraverit, ut ipse limpidè tot *NOVITATES* proferret. Hoc reservatum erat Angelico Doctori, ut sua sententiarum *NOVITATE* patefaceret in Ecclesia *NOVOS* articulos, *NOVAS* Sententias, *NOVAS* veritates Sacra Scriptura, & *ALIIS OMNIBUS ANTIQUIORIBUS DOCTORIBUS OCCULTATUM*. Observa Lector, quos, & quantas *NOVITATES* invenerit S. Thomas pro sua Doctrina; de qua cum nequeat dici reiiciendam esse, neque hoc poterit affirmari de *nova probabilitate*.

Respondeo, *novitates* omnes D. Th. esse conformes antiquis principiis, ac Doctrinæ sacrarum Scripturarum, Sanctorum PP., & Ecclesiæ Doctorum; præcipuè D. Augustini, ita ut ejus Anima migrasse in Thomam videatur; (ut juxta Pythagoræ somnium, ex communi doctissimorum Virorum adagio, loquitur Syxtus Senensis lib. 4. Bibliot. V. Thomas Aquin.) Et quem Angelicus Præceptor in omnibus secutus fuit, pressis semper vestigiis, ut ait Antoninus Masloulie, Præf. ad To. 1. de Div. Mot. Et cujus ve-

stigia sequens, Ecclesiam Doctrinis, & scientiis quamplurimis adornavit, prout expressè fatetur Urbanus V. Pont. Max. in Bulla incip. Laudabilis Deus, anno 1370. edita, & Tolosatibus directâ; In qua etiam habet sequentia verba: Volumus insuper, & tenore presentium vobis INIUNGIMUS, ut dicti B. Thomæ Doctrinam, tanquam VERIDICAM, & CATHOLICAM sectemini, eamque studeatis totis viribus ampliare.

XLVIII. Hac de causa Alex. VII. rescribens Universitati Lovaniensi, quæ sibi in speciales Magistros elegerat SS. Augustinum, ac Thomam, commendans eorum Zelum, sic fuit effatus: *Præclarissimorum Ecclesiæ Doctorem Augustini, & Thomæ Aquinatis INCONCUSSA, TUTISSIMAQUE DOGMATA sequi semper, ac impensè venerari se velle asseverent; quorum profectò Sanctorum Virorum penes Catholicos ingensia, & omnem laudem supergressa nomina, novi præconii commendatione planè non egent.*

Clemens etiam VIII. ad Neapolitanos anno 1603. scribens, sic ait: *Piè prudenterque cogitatis de novo Civitatis Patrono adsciscendo civi. vestro DIVINÆ VOLUNTATIS INTERPRETE, Vita sanctitate, & miraculis claro, D. Thomæ Aquinate; cujus Doctrinæ tantum fuit tributum, ut Christianæ eruditionis suæ Divinum etiam illud habeat testimonium: BENE SCRIPSISTI DE METHOMA. Hoc est NOVUM, nemini concessum, ac ter Thomæ Angelico a Christo donatum, videlicet Parisiis, Neapoli, ac Urbeveteri, ut, præter alios Scriptores refert in ejus vita Petrus Ribadeneira Societatis Jesu. Præterea idem Summus Pontifex in aliis litteris incip. Sicut Angeli, eodem anno datis, ait: Hic siquidem honor virtutibus ejus cum ADMIRABILI doctrina coniunctis, opti-*
mo

mo jure debetur, & Doctrina quidem testis est ingens librorum numerus, quos ille brevissimo tempore, **IN OMNI FERRE** disciplinarum genere **SINGULARI ORDINE**, [en aliam ex novitiis D. Thomæ,] ac **MIRA** perspicuitate, **SINE ULLO PRORSUS ERRORE** (o quam **NOVUM!**) conscripsit: In quibus conscribendis interdum Sanctos Apostolos Petrum, & Paulum colloquentes, locosque illi quosdam, Dei jussu enarrantes habuit; & quos deinde conscriptos, expressa Christi Domini voce **COMPROBATOS** audivit. Et ad Pro-Regem Neapolitanum Ita scribit: Nos ipsi Angelico huic Doctore, & nostro, & **TOTIUS ECCLESIAE NOMINE PLURIMUM DEBEMUS**.

Unde non mirum, tametsi **NOVUM**, quod Innoc. VI. in quadam de laudibus Divi Thomæ Oratione, incipiente, *Ecce plusquam Salomon hic*, sequens de Sancto Thoma protulerit Elogium. Hujus Doctoris doctrina (excepta Canonica) habet **PRÆ CÆTERIS** (vide maximam **NOVITATEM**, similem alteri a D. Antonino superius laudatæ, scilicet, **ALIIS OMNIBUS ANTIQUIORIBUS DOCTORIBUS OCCULTATUM**), proprietatem verborum, modum dicendorum, **VERITATEM SENTENTIARUM**, itans nunquam qui eam tenuit, inveniat a **VERITATIS** tramite deviasse, & qui eam impugnaverit, **SEMPER FUERIT DE VERITATE SUSPECTUS**. Videatur Lambertus de Monte, in libris de anima in principio, impressis Coloniz 1494. ubi fatetur, ea verba ex suo Authographo exscripsisse. Videatur etiam Breviarium Ord. Præd. in Oct. S. Thomæ.

Non mirum etiam, etsi **NOVUM**, quod Eminen-
tissimus Baronius in Notis ad Rom. Martyrol. die 7. Martii, ita de D. Thoma scripserit: *Vix quisquam enarrare*

sufficeret, quot Vir Sanctissimus, atque Doctissimus, Theologorum praconiis celebretur, quantumque illius **ILLIBATAE DOCTRINÆ** a Sanctis Patribus in Sacrosancto OEcumenico Concilio Tridentino fuerit acclamatum.

NOVUM est, quod Sancti Thomæ scripta sint **CERTISSIMA CHRISTIANÆ REGULA DOCTRINÆ**. Ita S. Pius V. in Bulla incip. *Mirabilis Deus*, anno 1567. & idem Pontifex ait, quod Doctrina S. Thomæ est *caeteris verior, clarior, utilior*. Ap. Paolac. Fer. 5. post 4. Dom. *Quadr.*

NOVUM est, & a sæculis inauditum, a Summo Pontifice Jo. XXII. de Sancto Thoma prolaturum: **QUOT ARTICULOS COMPOSUIT, TOT MIRACULA FECIT** Ap. Gerson *to. 1. tract. 39*. Item ejusdem Pontificis in Bulla Canoniz. Avenione datâ 18. Julii 1323. de Divi Thomæ Doctrina encomium, videlicet, quod fuerit **CLARA, FAMOSA, ET NON ABSQUE SPECIALI DEI INFUSIONE**.

NOVUM, quod Alex. Papa VIII. Divum Thomam nominaverit **DEXTRUM ECCLESIAE BRACHIUM**.

NOVUM, quod Doctrina S. Thomæ sit **SINGULARIS**, ex qua Universalis Ecclesia uberrimos fructus spiritualis abundantia colligit, cujus odore recreatur, & nutritur. Clemens VI. in Bulla edita Avenione 5. Febr. 1343.

NOVUM est, quod D. Thomas sit *splendidissimus Catholica Fidei Athleta, cujus Scriptorum Clypeo militans Ecclesia hæreticorum tela feliciter elidit*, Ita Paulus V. in Brevi ad Neapolitanos anno 1605.

NOVUM est, a Sacro Concilio Tridentino, nedum semel aut iterum, sed pluries Sancti Doctoris articulos transcriptos, & in Canones ab omnibus Fidelibus creden-

dendos fuisse redactos, & coordinatos, prout ferunt plures Scriptores, ac præsertim Didacus Alvarez Archiepiscopus Tranensis, & Salpensis, nec non Jo. de la Cruz, *Direct. Consc. in præf.*

NOVUM, quod de S. Thoma canit Ecclesia : *PLUSQUAM DOCTORES CÆTERI purgans dogma Gentilium*. In ejus Officio ap. Brev. Ord. Przd..

NOVUM, quod Seraphicus Franciscus cuidam Religioso sui Ordinis, nomine Eleutherio, perdifficili Sacræ Theologiæ quæstione quadam agitato, apparens una cum Angelico Præceptore, ait : *Crede huic*, (Sanctum Doctorem digito indicans,] *quia ejus doctrina non deficiet in æternum*. Ita ex Bernardo Episcopo Lodovensi refert Paulus Frigerius Cong. Orat. in *vita S. Th. l. i. c. 3.*

NOVUM tandem a Beatissima Virgine Maria Divo Thomæ factum de Cælo testimonium : *ESTO SECURUS DE VITA, & DOCTRINATA, quia sunt vera, & placent Filiis meo*. Paolac. *fer. 6. post 4. Dom. Quadr.* & Julius III. Pont. Max, ut refertur in Elogiis D. Thomæ post Paneg. P. Hilarii Cavo Cler. Reg.

Ecce quot NOVITATES circa D. Thomæ doctrinam, & quomodo de ipsa loquantur Summi Ecclesiæ Hierarchæ, eique tota plaudeat Ecclesia.

XLIX. Quid ad hæc dicent, qui tam libero animo manifestas D. Thomæ Sententias reiiciunt, ac si contra Lessium, Gobatum, Bonacinam, Mastrium, Laymanum, Sanchez, Azorium, vel alium quemlibet insurgerent Probabilistam?

Deinceps ergo quando Scriptores extrinsecâ Doctorum Probabilitate suas munire voluerint opiniones, abstineant a citando Angelico Præceptore pro contra-

ria

ria opinione; quia *S. Thomas pro centum millibus est*, ut dixit Orator Hispaniarum Regis in solemnī Concione, quam de D. Thoma haberi voluit coram Venerabilibus Patribus Sacrosanctum Concilium Tridentinum. Quocirca eo ipso, quod aliquis Author contra se militare fatetur D. Thomam, jam propriam deiicit opinionem, cum nec triginta, nec sexaginta, nec centum, aut plures DD. in ejus favorem allegati, pugnare valeant contra unum D. Thomam, *centum millibus* meritò æquiparatum. Et certè quando Communis Doctor aliquam sententiam expcelsè tuetur, adhærentes habet cunctos Ordinis Prædicatorum Doctores, & Magistros; quorum quis poterit numerum texere? Quid ergo roboris habebunt, in istorum conflictu, centum, vel plures ex alienis? Ultra quod, extra Familiam Prædicatorum quot Sacri Ordines, Congregationes, Universitates, Accademix, Collegia, Doctores, qui D. Thomam, ut suum Magistrum venerantur, obsequuntur, & sequuntur? Igitur hi omnes allegantur, quandocumque unus citatur D. Thomas, Unde congruenter Cardinalis Toletus Soc. Jesu cum Antonio Poslevino ejusdem Societatis *par. 2. Biblior. lib. 13. c. 4.* ait: *Pace aliorum Doctorum dixerim, unus D. Thomas instar est omnium; tantam enim suis scriptis Philosophia, ac Theologia lucem attulit unus, quantam ceteri omnes possint Explanatores afferre.*

Hæc omnia novit perfidus illè Bucerus, cum dixerit: *Tolle Thomam, & dissipabo Ecclesiam.* Et alius quidam Catholicæ Fidei hostis sic ait: *Tollantur de medio Scripta S. Thoma, cum Omnibus aliis DD. subire certamen non recusabo.* Ita ex præalleg. Alvarez habetur in Elogiis D. Thomæ ubi ante.

L. Quid autem de Nova, & Inaudita Probabilistarum doctrina sentiat Apostolica Sedes, jam, Lector, superius ex Alex. VII. non semel audisti, & iterum audi. *Modus opinandi irrepfit Alienus Omnino ab Evangelica simplicitate, Sanctorumque Patrum Doctrina, & quem si pro recta regula Fideles in praxi sequerentur, ingens eruptura esset Christiana vita Corruptela.* Observa, quomodo Papa loquitur uniformiter cum Clero Gallicano, quod; scilicet, Probabilistarum *modus opinandi* (utique contradistinctus ab opinionibus, & propositionibus per Pontificem damnatis, ut clarè constat ex Decreto condemnativo,) non sic antiquus, sed *novus*, quia *irrepfit* passim, & ad morem Serpentis: Et quod sit *initium, & caput damnatarum propositionum*: Tum quia est *alienus omnino* a Sanctorum Patrum doctrina: Tum etiam, quia si eum *pro recta regula fideles in praxi sequerentur, ingens eruptura esset Christiana vita corruptela.* Quid vis audire clarius?

Cum igitur juxta judicium Sedis Apostolicæ Novitates D. Thomæ sint oppositæ omnino Novitatibus Probabilistarum, ut vidimus, hinc est, illas in praxi eligendas esse pro recta regula morum, istas verò reiiciendas.

Ex dictis in hac Appendice clarissimè

LI. Inferitur primò, Nicolaum Peguleti Scopum suo in Opere sibi præfixum nullatenus attigisse, videlicet, probabilistarum *placitum antiquis placuisse*, & quod ipsi fuerint Probabilistæ secundum formam Recentiorum, & in ordine ad difficultates, quas contra eos agitant Probabilioristæ. Sic satis superque demonstravi; quod utique Lector prudens, nec partium favore [sed
ve-

clesia, quam & speramus.

Hæc de Appendice sufficiant. At

Noveris, Lector, quod hac a me vix absolutâ, *Tra-
ctatus Probabilitatis ex principiis Antiquorum compositus,
Authore Nicolao Peguleti*, fuit a Sacra Indicis Congrega-
tione prohibitus die 15. Januarii, currentis anni 1724.

S. V.

ADDUCUNTUR CONSECTARIA.

S U M M A R I U M.

1. **A**N sit licitum in praxi sequi opinionem probabilem
stantem pro libertate, concurrente, ac relicta oppo-
sita aequè probabili favente legis precepto.

2. Quomodo sit intelligenda, & quando-nam vim ha-
beat illa juris regula: In pari causa potior est conditio
possidentis.

3. In dubio Juris de aliqua excommunicatione debet
quis se gerere tamquam excommunicatum, & ad cautelam
absolutionem petere.

4. Utrum quis teneatur ad impletionem Voti, quando
est dubius, an ipsum emisit.

5. An illa regula In pari causa potior est conditio
possidentis, quandoque locum habeat extra materiam justi-
tia.

6. In qualibet causa debet Judex maximam diligentiam
adhibere ad inveniendam veritatem, præsertim in concursu
diversarum opinionum.

7. In dubio tam juris, quam facti nequit Judex fer-
re Sententiam juxta opinionem minus probabilem.

8. Quomodo, ubi agitur de causa criminali, se gerere

H h

de.

debeat Judex in ferenda Sententia contra Reum, si adsit dubium facti.

9. Regula a Judice observanda in casu, quo Reus per falsos testes juridicè convincatur, quem ipse Judex ex privata scientia novit innocentem.

10. Si vigeat, & perseveret dubium juris in causis tum criminalibus, cum civilibus, debet Judex ad supremum Tribunal recurrere.

11. Stante dubio juris in causis criminalibus, qua moram non patiuntur, potest Judex sententiam proferre juxta opinionem, qua hic, & nunc sibi videtur aqrior, ac Legi conformior.

12. Inter opiniones aequalis probabilitatis spectantes ad aliquam causam civilem, post adhibita omnia remedia ad litem extricandam, potest, ac debet Judex parrer componere.

13. Explicatur verus sensus illius regula: De duobus malis minus est eligendum.

14. Quam opinionem Medicus teneatur eligere in mendedis infirmis; ubi plura ad ipsum pertinentia.

15. Pugnantis inter se opinionibus, qua-nam ex illis eligenda sit a Rege in Bello indicendo, praecipue ad successionem Regni, in impositione Tributorum, in mutatione monetae &c. omnia singillatim examinantur.

16. Qua-nam ab Advocato eligenda opinio in patrocinandis causis.

17. An, & quando in dubiis opinionum Subditus teneatur Superiori obedire.

18. In Sacramentorum administratione qua opinio eligenda sit, explanatur.

19. Et quid si habeatur sola probabilitas de Jurisdictione?

20. Sta-

20. *Statuitur, & probatur, non esse licitum sequi opinionem etiam probabiliorē libertati consonam, quando tuta non est, in conflictu minus probabilis, sed tuta, ac stantis pro lege.*

21. *Explicatur, in quo sensu proscrip̃ta sit illa propositio: Non licet sequi opinionem, vel inter probabiles probabilissimam.*

22. *An Confessarius teneatur, vel possit absolvere Pœnitentem juxta illius opinionem minus probabilem.*

23. *Quid verò si Pœnitens opinionem aequè probabilem sequatur, in qua est periculum violandæ Legis, & oppositam opinioni, quam sustinet Confessarius?*

24. *Innuitur, non peccare Confessarium, si non absolvat Pœnitentem juxta illius opinionem, quam ipse Confessarius improbabilem agnoscit; imò peccare si absolvat.*

25. *Utrum in aliquo casu possit Confessarius dissimulare, ac permittere, ut Pœnitens perseveret in sua opinione minus probabili, aut etiam falsa.*

I. **C**ollige ex dictis primò, in conflictu opinionum æquè probabilium licitum non esse eam amplecti, quæ favet libertati, seu in qua est periculum violandæ Legis, alterà oppositâ relictâ, quæ tali periculo vacat, & stat pro Lege. Ita sentiunt ferè omnes, qui sustinent eligendam esse Sententiam probabiliorē in concursu minus probabilis, juxta sensum jam discussum; ac ita, & non aliter, omnes sentire debent, ut quamprimùm innòtescet. Quapropter totum Authoritatis, & rationum pondus, adductum pro sequela sententiæ probabilioris, æqualiter urget pro æquè probabili. Specialiter videantur ex Thomistis Gonet, Mercorus, Na-

probabilis stantis pro Lege . Imò in via , & verbis D. Thomæ hoc ita verum est , ut in omnibus suis Authoritatibus , & rationibus allegatis , semper loquatur de duabus Sententiis æquè probabilibus , nec unquam se restringat ad Sententiam probabiliorem stantem pro Lege .

Hoc etiam probant penè omnia , quæ §. 3. ad nostrum principale Assertum , nempe de eligenda probabiliori sententia , propugnandum adduximus , & præcipuè secunda , & tertia ex rationibus ibidem elucidatis .

Unum præ omnibus hac in re potissimum est , quod in actuali , & contradictorio concursu duarum opinionum æquè probabilium , adhærens parti , in qua probabiliter est periculum legem violandi , etsi minus peccet , quam si certus foret legem se violare , quia non peccat ex tanta malitia , ratione probabilitatis , quam habet legem in sua operatione non violandi , peccat nihilominus , probabiliter existimans ex opinione contradictoriè oppositâ legem esse violandam . Etenim qui in sua operatione liberè volitâ , cognoscit se posse peccare , & malè operari , verè ita est dispositus , ut eam operationem velit etiam si malam , & contra legem . Nec aliquid ei prodest illa velleitas , aut dispositio habitualis , quam habet , quod scilicet non operaretur , si certò sciret se contra legem acturum : Nam si esset voluntas efficax , absoluta , & simpliciter talis non agendi contra legem , certè ab operatione desisteret , nec se probabili periculo agendi contra legem exponeret , cum non minus quisque teneatur ad malum non perpetrandum , ac ad ejus periculum evitandum .

Ad.

Adde, quod ut homo tutò ac licitè operetur, debet ab aliquo motivo prudenti intrinseco, vel extrinseco respectivè moveri, ac determinari: Sed stante æqualitate duarum opinionum in probabilitate, nullum adest prudens motivum intrinsecum sufficiens ad prudenter determinandum, nempe aliqua ratio præponderans in una ex illis opinionibus, alioquin æque probabilis non esset, sed probabilior; nec etiam adest motivum ex Authoritate desumptum, sufficiens ad sic prudenter determinandum, cum supponamus, etiam ex hac parte, omnibus deliberatis, opiniones adhuc remanere æque probabiles: Ergo ab aliquo alio motivo extrinseco debet homo prudenter determinari: Sed hoc, aliud esse nequit, quam securitas, quæ reperitur in opinione stante pro Lege, & non in sua contradictoria favente libertati: Ergo ad licitè, ac tutò in tali opinionum concursu operandum, ea opinio semper eligenda est, & secundum ipsam operandum, quæ favet legi, scilicèt, quæ tutior est, & in qua nullum periculum, vel dubium, aut moralis formido contra legem agendi reperitur; aliàs operatio erit illicita: *Qui enim aliquid committit, vel omittit, in quo dubitat esse mortale peccatum, peccat mortaliter, discrimini se committens*, ut docet communis Doctor in 4. dist. 21. q. 2. a. 3. ad 3.

II. Respondebis, inter opiniones æque probabiles motivum determinandi operantem ad unam ex illis potius quam ad aliam, esse possessionem propriæ libertatis, juxta illam regulam, *In pari delicto, vel causa potior est conditio possidentis*. De reg. juris in 6. reg. 65. sicut ergo qui est in possessione alicujus rei, puta domus, vel prædii, etiamsi dubitare incipiat an res sua sit

fit vel aliena, adhuc potest debitis præstitis diligentis sibi eam licite retinere, in vi possessionis, quam habet; ita qui est in possessione suæ libertatis de aliquo agendo vel non, etiam si dubitet, an actus sit licitus, aut non, propter oppositas, & probabiles Doctorum opiniones, adhuc potest licite agere, vel non agere secundum quod sibi placuerit, seu eligere illam opinionem, quæ sibi fuerit favorabilior, quia *potior est conditio possidentis*, Et præsertim cum a tot annis Probabilistarum sententia sit in possessione apud tot Viros doctos.

Sed præfata regula juris nil prodest Adversariis. Si quidem propriè non valet nisi in materia iustitiæ, nec non in judicio forensi, in quo de bonis fortunæ, & criminibus agitur: non autem est firma regula in materiis aliarum virtutum, & circa opinionum delectum in moralibus, ut inter plurimos alios, expresse docent ex Thomistis Gonet, Ildephonsus, Mercorus, Uvigandt, &c. & ratio est: Tum quia de facto quotiescunque in jure invenitur usus hujus regulæ, semper est circa materiam iustitiæ, et non aliarum virtutum, ut pluribus locis ex lege citatis, observat præallegatus Mercorus p. 2. 2. 29. Tum etiam, quia eatenus in materiâ iustitiæ ac rerum temporalium potior est conditio possidentis, si dubium occurrat circa earum dominium, quatenus, existentibus hinc inde rationibus, & motivis æqualis ponderis, possessio tollit dubium, quia regulariter facit præsumptionem, quod possessor sit verus Dominus, cum, ut plurimum, nemo rem aliquam possideat, cujus non habeat verum dominium, nec eam alienet, quin etiam ejus possessione se privet. Caterùm in materiis aliarum virtutum, & ubi agitur de bonitate,

quacumque Lege,] potiore reddat alicujus conditionem, debet esse certa: Certa autem esse non potest, nisi certò constet non extare Legem: Si ergo in tali casu particulari dubio non est certum, Legem non extare, & aliunde certò constat adesse Legem universalem tum naturalem, cum Divinam, obligantem hominem ad nihil agendum, in quo probabiliter adsit periculum Legis violandæ, necessariò infertur, in dubiis, in quibus hujusmodi periculum invenitur, non posse prætersam libertatis possessionem fundare contra Legem veri domini præsumptionem; sed tunc recurrendum esse, tanquam ad principium operationis directivum, ad illam regulam a nobis §. 3. explicatam, quæ continet naturale, ac divinum præceptum, pro quo sine dubio stat possessio, *In dubiis tutior pars est eligenda*; ni sufficienti adhibitâ diligentia, possit certò veritas cognosci, vel saltem pro qua parte certò stet præsumptio veritatis.

Ad illud, quod additur, nempe Probabilistarum sententiam a tot annis esse in possessione apud tot Viros doctos; Dico antiquiorem esse possessionem divinæ, ac naturalis Legis, quæ vetat Probabilistarum placita. Præterea, apud aliquos Recentiores tantummodo plausibile fuisse Probabilitatis commentum; sed per mille sexcentos circiter annos oppositum fuisse a DD., Sacris Canonibus, & Summis Pontificibus communiter semper receptum, & scriptis exaratum. Unde si a possessionis præcellentia sumenda est veritas doctrinæ, contra Probabilistas militat, & retorqueri potest hæc ipsorum instantia, seu evasio. Ultra quòd, illa sola possessio est legitima, quæ semper quieta, & pacifica fuit: Probabilismus autem suis ab incunabulis oppugnatores habuit,

& successu temporis a tot sapientissimis, ac Sanctissimis, Viris, Præsulibus, Synodis &c. proscriptus fuit. Quapropter ejus, quæ utcumque asseritur, possessio nullum potest justum titulum stabilire.

Nec alicubi quorundam Prælatorum tolerantia [si qua fortè invenitur] ullum Probabilismo præbet suffragium. Siquidem hoc ipso quod tolerantia est, Legi adversatur, ejusque transgressio est; adeoque non potest esse approbativa ejus, quod toleratur. Præsertim cum adversus Legem Divinam, & naturalem nulla dari possit approbatio, nulla possessio, nullâ ex hominum libertate, aut temeritate præscriptio: Proinde, si Probabilismi abusus Legi naturali, ac Divinæ adversatur, (ut supra vidimus ex ratione prudentiæ, quæ dicat nihil agendum, in quo adsit periculum violandi Legem,) manifestè innotescit, ejus tolerantiam, etiamsi sit cum scientia, non esse, nec posse dici approbativam.

III. Si dicas primo, quod in dubio juris de aliqua excommunicatione, E.G. an excommunicatio lata sit valida, seu liget, non tenetur quis se gerere tanquam excommunicatum, sed potest benigniorem opinionem amplecti; & non-nisi, quia unusquisque possidet suam libertatem communicandi in spiritualibus cum cæteris Fidelibus; & *in pari delicto, vel causa potior est conditio possidentis*: Consequenter illa regula vim habet etiam extra materiam iustitiæ, nempe in opinionum conflictu.

Negatur assumptum cum Mercoro *par. 3. a. 16. Viſgandt Tribun. Confessar. tract. 2. exam. 1. n. 15.* & aliis pluribus; quidquid in oppositum asserant Probabilitæ, quos sequitur Bonacina *to. 2. de pec. disp. 2. q. 4. punc. 7. n. 15.* Etenim qui prædicto modo dubitat de excommu-

nicatione, debet non quidem credere se excommunicatum esse, sed tanquam excommunicatum se gerere, ac ad cautelam absolutionem petere. Ratio patet ex dictis. Et insuper, quia in tali dubio eligens opinionem faventem libertati, exponeret se periculo incurrendi magnum damnum spirituale, videlicet segregationem a communicatione bonorum spiritualium Ecclesie, & si a parte rei vera esset opposita opinio affirmans delictum habere annexam censuram, de facto esset perpetuò privatus dictâ communicatione: Ergo &c. Unde sicuti circa Sacramentorum administrationem, in dubio, non solum facti, sed etiam Juris, & opinionum, tutior pars omnino eligenda est, quæ favet ipsorum validitati, & in qua nullum est periculum defraudandi Fideles magno bono spirituali, effectu scilicet Sacramentorum, & oppositum agere esset & contra Religionem, propter injuriam, quæ fieret Sacramento; & contra charitatem, in quantum Fideles exponerentur periculo carendi Sacramentorum fructu; & contra justitiam, quia unusquisque jus habet, ut sibi administrentur Sacramenta omni meliori modo, quo possit eorum effectus participare: Ita in dubio juris, seu opinionum de validitate, seu existentia excommunicationis, tutior pars in ejus favorem eligenda est, propter eandem rationem, evitandi, scilicet, periculum perpetuò carendi communicatione bonorum Spiritualium Ecclesie.

Adde, quod si in dicto eventu aliqua ratio valeret dubitanti, vi cujus posset dubium deponere, ac efformare judicium practicum moraliter certum, se non esse excommunicatum, non alia certè, quam præsumptio de mente Legislatoris, qui noluerit aliquem ex-

communicatione ligari, quotiescumque æqualiter dubitat, an delicto a se commisso sit, vel non sit annexa excommunicatio: Quemadmodum ex Legislatoris præsumptione in ferenda censura communiter docent Auctores, patrantem aliquod crimen, cui annexa est excommunicatio, eâ non ligari, si invincibiliter ignoret ipsam latam esse. At cum dicta præsumptio sit omnino incerta, immo inverisimilis, quia potius, ac rationabilius præsumi potest, quod Legislatoris mens fuerit, in dubiis opinionum circa aliquos casus individuales, quos in ferenda censura prævidere non potuit, ad ipsum recurrendum esse pro Legis interpretatione, ac interim nil contra ipsam Legem, & in favorem propriæ libertatis a persona delinquente agendum esse, idcirco nulla ratio subsistit pro tuenda Aduersariorum opinione.

Nec ab ipsis adducta urget vel leviter. Tum quia, ut bene notat Mercorus, si aliquid probaret, evinceret quoque, in dubio facti eligendam non esse partem tutiorem: quod tamen est contra communem Doctorum assensum, & Ecclesiæ praxim, quæ in ejusmodi dubiis solet ad cautelam reos a censuris absolvere. Tum etiam, quia ea, quæ asseritur, libertatis possessio communicandi cum cæteris Fidelibus, non facit præsumptionem, quod non advenerit censura illam libertatem ligans, nec impedit in foro conscientiæ, quin dubitans sit verè privatus participatione bonorum Spiritualium Ecclesiæ, si a parte rei excommunicatio sit valida. Sicuti possessio sanitatis in eo, qui dubitat, an cibum venenosum sumpserit, non facit præsumptionem, quod non adfuerit venenum sanitatem inficiens, nec impedit, quin talis cibis, si verè sit venenosus, mortem afferat ipsi du-

dubitanti . Unde sicuti in hoc casu imprudenter ageret, qui antidotum non sumeret : ita in illo , qui non peteret absolutionem .

Juxta hic resoluta sumenda est regula conscientiam efformandi , quando adfunt opinionum dubia , an lata sit Lex , sive aliqua censura . Siquidem in his , aliisque similibus eligenda est opinio , quæ pro lege militat . Tum propter rationes nuperrimè assignatas . Tum etiam propter ea , quæ specialiter in primo Confectario nn. 1. 2. &c. dicta sunt .

Quando autem opinionum dubia essent de censura solum referenda , an scilicet aliquis esset excommunicandus , suspendendus &c. semper benignior opinio eligenda est , & in favorem Rei judicandum , conformiter ad ea , quæ infra n. 8. de Judice dicentur .

IV. Si dicas secundo : In dubio quod quis aliquod votum emisit , non tenetur voto , ut communius docent Theologi : & certè non-nisi , quia possessio stat pro libertate dubitantis , qui hoc ipso quod non est certus se talem legem particularem voti sibi imposuisse , adhuc est in possessione suæ libertatis , nec ejus dominio debet censeferi privatus : Non est igitur verum , præfatam regulam *In dubiis potior est conditio possidentis* , solum habere locum in materia iustitiæ , ac proinde non est , cur non possit verificari in dubiis juris , & opinionum .

Ad hoc aliqui ex nostris negant assumptum , & docent , dubitantem de Voti emissionem teneri ad ejus observantiam ; inter quos Uviganus , *tract. 2. exam. 1. n. 13.* nec non *tract. 10. ex. 3. n. 32.* & Natalis de Decal. c. 3. a. 12. reg. 16. Ubi adducit in sui favorem textum D. Th. in 4. dist. 38. q. 1. a. 2. *questiun. 1. ad 6.* sic dicentis : *Si autem*

autem dubitat, quomodo se in votendo habuerit, debet tutiorem viam eligere, ne se discrimini committat.

Verum hæc Authoritas non est ad rem nostram: Quia S. Doctor loquitur de eo, qui est certus de Voto, & solum dubitat de modo, & circumstantia ipsius; ut clarissimè innotescit, nedum ex illis particulis, *quomodo se in votendo habuerit*, quæ voti emissionem supponunt; verum etiam, & præcipuè ex antecedentibus in eadem responsione his verbis efformata: *Ad textum dicendum, quod obligatio voti ex propria voluntate causatur; unde si in VOVENDO prius cogitavit de Religionem intrando, & postea elegit talem religionem, vel talem locum, obligatur simpliciter ad Religionem: Unde si non potest in illa, quam elegit recipi, debet aliam quarere. Si autem primò, & principaliter cogitavit de tali religione, vel tali loco, in voto suo intelligitur hæc conditio, si illi volunt eum recipere, aliàs esset indiscretum votum: Unde, conditione non extante, non obligatur. Si autem dubitet quomodo se in VOVENDO habuerit, idest an intrandi Religionem in communi, vel aliquam in particulari, debet tutiorem viam eligere, aliam inquirendo Religionem, quæ ipsum recipere velit, si ab una, quam primò adierat, reiiciatur, ne se discrimini committat transgrediendi, scilicet, votum factum de Religione.*

Dicendum est ergo, eum, qui dubitat, an emiseric aliquod votum, non teneri ad ejus observantiam. Ita ferè communiter Theologi morales, inter quos Martinez de Prado, *ap. Franc. a Matre Dei to. 4. Theol. mor. tract. 17. c. 1. n. 143.* unus & forsàn primus in Hispaniis Probabiliorismi defensor contra Caramuelem, ut fateatur Eminentiss. de Aguirre in *præf. Concilii Hispan. n. 31.* Mer-

corus, præ omnibus Thomistis acerrimus contra Probabilismum *Bas. Theol. mor. par. 2. a. 29. pag. mibi 465.* ubi asserit, quod ita Doctores communiter dicunt. Mayol, nihil probabilista, *par. 1. super Decal. de 2. prac. q. 2. a. 1. §. 2. & alii.* Verum non ob id non tenetur voto dubitans de ipsius emissione, quod possessio stet pro libertate dubitantis (ut optimè advertit Mercorus, & in quo penè omnes hujus sententiæ Authores falluntur]. Si quidem hæc ratio non probat, cum libertatis possessio nullum indicium, aut præsumptionem faciat, sic dubitantem non vovisse; alias præfata regula ad omnium utique virtutum materias, & universaliter posset in dubiis tam juris, quam facti, faciliter, sed gratis adaptari, quod tamen non est admittendum: Sed aliunde sumenda est ratio, cur dubitans de voti emissione, non teneatur ad ipsum implendum; ex eo, videlicet, quod in tali casu, dubitans præsumitur non vovisse. Cum enim votum sit quid grave, & homines cum aliqua applicatione soleant vovere, imo & reiteratâ consideratione vota ratificare, non ita facilè solent è memoria labi; adeoque si quis non recordetur se votum emisisse, præsumitur non vovisse; & talis præsumptio tollit dubium, ac relinquit eum, qui dubitabat, a voti observantia totaliter immunem, cum practicè ablato dubio, nil ei officiat illa regula, *In dubiis tutior via est eligenda.*

Roboratur hoc: Quia certus de voto E. G. jejunandi qualibet sexta feria, & in casu transgressionis erogandi pauperibus certam pecunie summam, & dubius an primâ sextâ feriâ septembris votum impleverit omnes Doctores asserunt, sic dubitantem teneri illam pecuniam pauperibus elargiri. Optimè. Sed si a pluribus

bus eorum rationem petas, respondent, hoc ideo esse, quia possessio stat pro voto, & in dubiis potior est conditio possidentis. At hæc ratio certe videtur impertinens. Quia si dubitans animadverteret, se voto semper satisfacisse, ac tali prima sexta feria Septembris nullum habuisse impedimentum non jejunandi, non teneretur solvere pecuniam in casu trasgressionis voti sibi taxatam; quia deberet præsumi voto satisfacisse, quantumvis de ipsius adimplentione positivè non recordaretur: Et tamen in tali eventu possessio staret pro voto, ut constat. Igitur in dubiis extra materiam iustitiæ, ac rerum temporalium, quæ possidentur, vera operandi regula est, ut nuper diximus, inquirere pro qua parte stet præsumptio veritatis.

V. Noster Petrucci in sua Lucerna morali c. 7. §. 3. n. 72. putat cum aliquibus DD. prædictam regulam, *In dubiis potior est conditio possidentis*, habere locum etiam extra materiam iustitiæ, licet non ita proprie, & in rigoroso sensu: Cum in materiis quoque aliarum virtutum detur quodammodo jus, possessio, ac titulus iustæ possessionis, quamvis non ita stricte; adeòque ubi clarius nequeat veritas apparere, illud quasi jus, & quasi possessionem esse non motivum sufficiens inclinandi iudicium in eam partem, pro qua stat talis possessio.

At estò concedamus dari non-numquam in materiis aliarum virtutum extra iustitiam quandam quasi possessionem, dico tamen, eam non esse firmam operandi regulam in dubiis, & præcipuè si sint dubia juris, & opinionum: Et ratio est: Quia ea possessio in illis materiis regulariter non facit præsumptionem veritatis in favorem illius partis, pro qua stat possessio, bene verò in
ma-

materia iustitiz, ut paulò ante ostendi. Et certè oppositum non videtur suadere exemplum, adductum ab eodem Petrucci de consuetudine contra Legem positivam humanam [etenim contra legem naturalem, aut divinam nulla, & nunquam dari potest rationabilis consuetudo, ut habet communis Doctor lo. mox allegando ad 1.); de qua si dubium oriatur an ab initio fuerit legitime introducta, potest unusquisque licitè ipsam sequi [tametsi melius esset legem implere]; quia ut ait D. Th. 1. 2. q. 97. a. in c. *Consuetudo & habet vim Legis, & Legem abolet, & est Legum interpretatrix*. Sed non ideo formaliter, & principaliter, quia consuetudo sit quodammodo in possessione, nam hoc se habet ut quid consecutivum: Sed quia cum Lex humana a voluntate hominis Legislatoris rationi consentaneà dependeat, & voluntas ejus tam verbo, quam facto manifestari possit, si Legislator, seu Princeps supremus ad quem pertinet leges condere, aut mutare, cognoscit, contra Legem aliquam actus a populo multiplicari, & potens eos impedire non impedit, præsimitur tacitè & in facto tales actus, adeoque & consuetudinem per eos introductam approbare; ac proinde talis præsumptio, quod Princeps nolit ad legem obligare, est fundamentum judicandi, posse quemcumque eam consuetudinem sequi tanquam legitimam, & approbatam. Ex qua præsumptione posita consequitur, illam quasi possessionem ejusdem consuetudinis favere populo ipsam possidenti. Videri potest Anglicus Doctor art. nuperrimè allegato. Sed

Difficultas esse potest in casu quo talis præsumptio haberi nequeat, & specialiter de Judice, habente in aliqua causa ex utraque parte jura, & rationes æqualis pro-

babilitatis, itaut maneat in æquilibrio. Circa quod

Duo tanquam omnino certa suppono.

VI. Primum est: Judicem semper, & in quacumque causa, sive civili, sive criminali, teneri maximam diligentiam adhibere ad inveniendam veritatem, præsertim in concursu diversarum opinionum, ut possit ad Legis tenorem, seu juxta allegata, & approbata judicare, ac sententiam ferre: Hoc enim exigit ejus officium, & ad hoc a Principe constituitur.

VII. Secundum est: In dubio sive juris, sive facti non posse Judicem ferre sententiam juxta opinionem minus probabilem relicta probabiliori. Siquidem oppositum fuit reprobatur ab Inn. XI. in secunda ex propositionibus ab eo proscriptis, videlicet: *Probabiliter existimo Judicem posse judicare juxta opinionem etiam minus probabilem*. Et certè judicium justum, inter alia, hoc unum exigit, ut *proferatur secundum rectam rationem prudentia*, ut ait communis Doctor 2.2. q. 60. a. 2. inc. alias erit *illicitum, & vitiosum*. Non potest autem esse secundum rectam rationem prudentiæ, si Judex sententiam ferat contra eum, cui favere cognoscit solidiores rationes, & urgentiora motiva. Circa quod recolantur superius dicta §. 3.

Præterea, tale judicium non esset *ex inclinatione jurisistia* [prout requiritur ad rectum judicium, juxta S.D. ibidem]; quia procederet vel ex odio contra unam ex partibus, vel ex inordinato affectu ad aliam, vel ex proprio ipsius Judicis commodo, & utilitate, vel ex libito, seu libero ejusdem arbitrio; quæ omnia sunt iniusta, ut patet: Ac proinde cum illud judicium non emanaret a motivo rationis, quia hæc fortior, & efficacior est

let

set pro illa parte, contra quam daretur Sententia, esset irrationabile, ac illicitum. Quando enim de aliqua re nequit haberi omnimoda certitudo, semper adhzrendum est motivis probabilioribus, quia tunc probabilitas succedit loco certitudinis physicz, aut metaphysicz, cui proximiũ accedit. Sed

VIII. Advertendum, quod ubi agitur de causa criminali, & præcipuè de causa sanguinis, non potest Judex in dubio facti contra Reum sententiam ferre ex probationibus nedum merè probabilibus, sed nec etiam probabilioribus [ut communiter asserunt DD.]; Si tamen ex adverso, & in favorem Rei adsint rationes etiam probabiles oppositum suadentes: Quia *unusquisque præsumitur bonus, nisi evidenter probetur malus*, secundum Juristarum Proloquium. Unde ad Reum condemnandum sunt necessariæ probationes luce meridiana clariores. Ita Leges loquuntur. Eapropter si Judex dubitet, an Reus sufficienter ad normam juris convictus sit, quamvis probabilius existimet ipsum esse convictum, si tamen ex parte Rei exceptiones in defensionibus adductæ, suã non carent probabilitate, debet pœnam moderari, [attento probationum vigore, ac criminis qualitate,] ac reo, quantum prudentialiter potest, semper favere. Neque in hoc casu diceretur Judex sententiam ferre juxta opinionem minus probabilem, sed juxta certas Legum sanctiones.

IX. Quomodo autem Judex se gerere debeat in casu, quo aliquis ut reus per falsos testes juridicè convinceretur, quem ipse Judex ex privata notitia sciret innocentem, docet D. Th. 2. 2. q. 64. a. 6. ad 3. his verbis: *Dicendum, quod Judex si scit aliquem innocentem esse, qui*
K k 2
fal-

sis testibus convincitur, debet diligentius examinare resset, ut inveniat occasionem liberandi innoxium, sicut Daniel fecit. Si autem hoc non potest, debet eum Superiori relinquere judicandum (quia tunc potest se ut testem veritatis apud illum præsentrare). Si autem hoc non potest, non peccat secundum allegata Sententiam ferens: Quia ipse non occidit innocentem, sed illi, qui eum asserunt nocentem. Alia plura ad Judicem spectantia videantur apud eundem S.D. ib. q. 67. ac ejus Interpretes Thomistas, & in eorum libris de Justitia, & jure. His præhabitis,

Ad difficultatem, quæ rarissimè accidere potest, cum ferè semper adsint ex alterutra potiores rationes, testes numero plures, aliaque motiva in sui favorem inclinantia, saltem ex benigniori Legis interpretatione, de qua locuti sumus *S. præc. n. 9.*

X. Dico primò: Si dubium est juris in causis tum criminalibus, tum civilibus, & post diligentem peritorum consultationem, adhuc dubium perseverat, debet Judex ad Supremum Tribunal recurrere, ab eoque Legis interpretationem, & sensum petere, ac expectare, & juxta illius consilium, tutò potest, ac debet sententiam ferre. Ita praxis docet, & ita faciendum innuit D. Th. 1. 2. q. 96. a. 6. in c. Ratio etiam suadet: Quia apud Supremum Judicem residet Autoritas Leges interpretandi; & alias in suo Tribunali præsumitur majoris juris notitia, & intelligentia, tum propter Juris-peritos doctiores, tum propter majorem, & universalium causarum frequentiam, & varietatem; adeoque Judex inferior potest prudentialiter existimare, a Senatu non-nisi consilium rectæ rationi consentaneum emanandum, & consequenter tutò posse illi suum judicium inferenda

da sententia conformare.

At in hoc eventu Senatus-consulti, & Judices Supremi debent dubium explicare, ac Legem interpretari juxta opinionem probabiliorem, & communiùs a sapientibus receptam; alioquin contra rectæ rationis dictamen, ac iniuste judicabunt; (nisi Princeps in causa criminali veller in favorem Rei, absque præjudicio publico, & satisfacta parte, Legem dispensare,) & ad restitutionem damnorum, præcipuè in civilibus, tenebuntur. Hoc remanet probatum ex dictis, & specialiter notat ex plurium Doctorum sententiâ Magister Luccioni *q. 1. 4. 3.*

XI. Dico secundò: In dubiis juris, quæ moram non patiuntur, in causis criminalibus, potest, ac debet quilibet Iudex [sufficienti adhibita diligentia, & petito Juris-consultorum sensu, quantum fieri potest, & permittunt circumstantiæ temporis, loci, ac personarum] sententiam proferre juxta opinionem, quæ sibi hic, & nunc videtur convenientior, & quam ex coniecturis æquiorẽ cognoscit, & juri communi conformiorem. Ita ex pluribus Juristis Mercorus *ubi sup. a. 17.* Ratio est: Quia sic, & non aliter agendum postulat ratio prudentiæ.

XII. Dico tertio: In dubiis facti spectantis ad aliquam causam civilem, (in qua nulla supponatur possessio, quæ semper faver possessori, juxta regulam juris,) ac stantibus hinc inde opinionibus æqualis probabilitatis, E. G. quæ-nam ex partibus litigantibus proximiorẽ gradum consanguinitatis habeat ad hæreditatem obtinendam, post assignatas debitas dilationes, aliaque omnia adhibita remedia ad litem magis extricandam, potest, ac debet Iudex partes componere, remque de qua

qua lis est, inter eos dividere, si divisibilis sit; sin autem, uni eam adiudicare, vel jacta sorte, vel per electionem ex condicto inter partes ab alterutra faciendam, cum conditione, quod alteri solvere teneatur æquivalens pro rei medietate. Ita respectivè docent Silvester, *V. Judex* 1. q. 7. Luccioni *ubi ante*. Armilla, Tabiena, & Bannez, quos adducit & sequitur Mercorus nuperrime cit. aa. 3. & 18. ubi asserit, quod hoc videtur esse in usu apud Judicantes. Pisani *Gedeon glad. prop.* 2. n. 6. & Petrucci *Lucer. mor. c. 7. post Append. §. 1. n. 37*. Ratio est: quia Judex sic faciendo, nulli partium iniuriam infert, & sententiam pronunciat juxta æquitatem, quæ in hoc casu exposcit, ut res dividatur juxta merita partium, & causæ.

Tres tamen ad hanc compositionem requiruntur conditiones; quarum

Prima est, quod si in favorem unius ex partibus stent motiva aliququaliter, (sed non notabiliter) præponderantia [in quo casu adhuc potest decerni compositio] divisio fiat, servata proportionem, ac juxta illum, tamen si parvum, excessum. Ratio est ac præcedens.

Secunda est, quod, cæteris paribus, debet Judex aliquantulum inclinare in favorem Rei potius quam Actoris. Et constat ex dictis; quia semper favendum est Reo, quantum æquitas permittit.

Tertia est, quod compositio fiat salvis semper juribus utriusque partis, & insuper cum protestatione, quod si futuris temporibus pro illa parte, quæ rem alteri adjudicatam non possidet, effulgeret ratio veri dominii, possessio nil suffragetur parti possidenti, nisi in casu præscriptionis. Stantibus his conditionibus, & prefer-

tim

tim hæc ultima, *De duobus malis, minus est eligendum.*

Evanescit ratio quorundam oppositum sentientium, quia videlicet, de duobus malis minus est eligendum: Sed minus malum est, quod Judex se exponat periculo defraudandi verum dominium in toto, rem uni partium applicando, quam certo defraudare verum dominium in medietate per compositionem partium: Ergo Judex in recensito dubio non potest partes componere, sed debet uni eorum rem totam adjudicare.

Evanescit, inquam: Quia falsum esse majus malum rem inter partes dividere salvis utriusque juribus. Nam quivis litigantium, stante litis obscuritate, mallet medietatem rei certò habere salvis juribus, quam exponere se periculo totum amittendi: Eò præcipuè, cum altera medietate certò non defraudatur, per hoc quod ejus jura salvantur, sed veluti provisionaliter sententia compositionis proferatur, quoadusque veri domini rationes evidenter innotescant. Et eapropter Judex compositionem indicens, prudenter agit, quia omnino vitat periculum errandi in toto: Et

XIII. Notandum, illam regulam, *De duobus malis minus est eligendum*, intelligi.

Primò, in casu urgentis necessitatis, non ex voluntatis arbitrio; idest quando imminet duo mala, nec utrisque potest occurrì, sed alterutrum est inevitabile. Nam si desit necessitas operandi, desistendum est ab operatione, donec moralis certitudo de actus honestate haberi possit.

Secundò intelligenda est ea regula de malis pœnz, ac damni, non autem de malis culpæ manentibus in statu culpæ. Quia, cum quodlibet peccatum, quantum-

vis

vis comparativè minus, sit contra rectam rationem, ac Deum offendant, & ineligibile etiam ob aliquem finem bonum, cum non sint facienda mala, (idest peccata tam gravia, quam levia,) *ut eveniant bona*, sive temporalia, sive spiritualia. Quando igitur imminet duo, quæ in se spectata mala sunt, & unum eorum omnino est faciendum, debet eligi illud, quod secundum se utique foret minus malum, sed stante inevitabili necessitate, malum amplius non est, sed bonum, ejusque electio, quæ præcisa tali necessitate, illicita esset, licita evadit. Et hoc modo intelligitur id quod habetur in Decretis Dist. 13. Can. *Duo mala ex Concil. Tolet. 8.* his verbis: *Duo mala licet omnino sint præcavenda, tamen si periculi necessitas unum ex his perpetrare compulerit, id debemus resolvere, quod minori nexu noscitur obligare.* Unde ib. Can. seq. ex D. Greg. sic dicitur: *Si omnino nullus sine peccato evadendi aditus patet, minora semper eligantur; quia & qui murorum undique ambitu ne fugiat clauditur, ibi se in fugam præcipitat, ubi brevior murus invenitur.*

Sit clarum exemplum de Sacerdote, qui die festo teneatur Sacrum celebrare ad evitandum scandalum, & habeat conscientiam peccati mortalis absque copia Confessarii. Si non celebret, peccat, quia populum scandalizat. Si celebret, peccat, accedens absque prævia Confessione. In hoc dubio eligat minus malum, nempe celebrare non præmissâ Confessione, elicitio tamen actu veræ contritionis, saltem existimatæ; quia majus malum esset alteri grave scandalum præbere, quam sine actuali confessione celebrare [suppositâ contritione, alias non]: Et illud, quod secundum se fuisset minus malum, jam malum non est, cum in tali eventu non obliget præ-

præceptum de præmittenda Confessione, sed tantum teneatur postea Sacerdos quamprimum confiteri, prout decernit Concil. Trid. *sess. 13. cap. 7.*

XIV. Quæres primò, quid-nam dicendum de Medico circa electionem opinionum in curandis ægrotis.

Antequam respondeatur, suppono tanquam omnino certum, Medicum teneri diligentiam adhibere in sui muneris exercitio, & etiam aliorum peritorum consilium inquirere, si opus fuerit, ad salutem ægroti procurandam: Alias si notabiliter in hoc deficiat, a lethali culpa non excusabitur, & peccabit nedum contra charitatem, verum etiam contra iustitiam, & cum onere restitutionis, & damna refarciendi infirmo, vel hæredibus. Ratio est ac de Iudice; quia ita exigit suum officium, & ad hoc sive a privatis personis, sive a tota Communitate mercede conducitur. Hoc supposito,

Respondetur ad Quæsitum primò, Medicum non posse medicinam infirmo præbere, quam probabilius putat ejus vitæ, aut saluti obfuturam, relicta tutiori, idest quæ certò speratur profutura, etiamsi gratis infirmum curandum suscipiat: Aliòquin, si aliquod damnum sequatur, ad restitutionem obstrictus erit. Ita ferè omnes, quos legerim, Doctores. Et ratio est: Quia Medicus adhærens opinioni minus probabili; relicta probabiliori, ac tuta in exhibendis pharmacis, non solum imprudenter, sed iniuste agit, & in ægrotum gravem iniuriam committit: Ergo &c. Insuper, si Medicus infirmaretur, vellet utique ut sibi adhiberentur illa remedia, quæ probabilius causarent sanitatem, quam ea, quæ probabilius possent obesse, licet probabiliter profutura existimarentur: Ergo cum naturale principium sit, *Quod tibi non*

vis, alteri ne feceris, hinc est &c.

Addo ex nostro Petrucci *ubi ante n. 51.* nec licitum esse Medico applicare remedia, quæ probabilius existimat præjudicium, quam utilitatem infirmo allatura, etiamsi nullum aliud remedium haberi possit: Quia non licet vitam, aut salutem infirmi periculo exponere; sed in tali casu, Dei providentiæ, ac naturæ totum relinquendum.

Respondetur secundò: Si medicamentum est dubium, idest æquè probabiliter noxium, ac salutiferum, non potest a Medico probari super infirmum, alio relicto medicamento non dubio. Ratio est: Quia tenetur Medicus, quantum est ex se, ac fieri potest, salutem infirmi procurare: Hoc autem non faceret, si, pharmaco non dubio relicto, dubium vellet in experimentum adhibere; quinimmo infirmi salutem, ac vitam periculo exponeret: Igitur in tali experimento contra charitatem, & justitiam gravissimè peccaret.

Respondetur tertio: Si Medicus æqualiter dubitat, an medicina sit pro, vel obfutura, & salus infirmi omnino sit moraliter desperata, potest illam adhibere, alio tamen non extante certiori remedio. Ita communius, & præ aliis Doctoribus Petrucci *lo. sup. alleg. n. 52.* & *Vuigandi tract. 2. exam. 3. n. 27.* Ratio est: Quia tunc Medicus operatur potius in utilitatem infirmi, quam in ejus damnum, exhibens medicamentum, quod forsitan, seu probabiliter potest illi prodesse. Et cum ex alia parte salus ægroti humano modo sit omnino desperata, nec ullum adsit medicamentum certius, prudenter a Medico præfertur certæ morti, dubia, & probabilis spes salutis. Quocirca si tale medicamentum fortè vel auge-

ret

ret dolorem, vel mortem aliquantulum acceleraret, hoc esset per accidens respectu Medici; ipse enim per se intenderet sanationem, estò dubiam, infirmi quamprimum morituri.

Respondetur quartò: Medicum in curatione Infirmi posse remedium aliquod probare, de quo dubitat, an sit profuturum, sed est certus non posse nocumentum inferre. Ratio est: Quia tunc utiliter agit causam infirmi, quamvis per medium solùm probabiliter proficuum. Quod tamen intelligitur salvâ illius, & suorum indemnitate, scilicet expensis, & hujusmodi: Alias expectandus est ipsorum consensus; nisi forsan parvitas materiæ pro nihilo habeatur, præcipuè in ordine ad publicam utilitatem, & bonum commune, quod speratur ex tali experimento.

Quæ hic de Medico resoluta sunt, de Chirurgo quoque sunt proportionabiliter dicenda.

XV. Quæres secundò, quam opinionem sequi teneatur Rex in bello indicendo, præcipuè ad successionem Regni, in impositione Tributorum, aliorumque gravaminum, in mutatione monetæ &c.

Ex dictis apertissimè constat, non posse Regem in his omnibus, aliisque consimilibus ductum sequi opinionis minus probabilis in probabiliore concursu, imo nec inter oppositas opiniones æquè probabiles illi adhærere, quæ suæ cupiditati favet, & lægi Dei, ac hominum præjudicat indemnitati. Nihilominus, ut pauca de his singillatim dicamus, ad hoc præcisè ut cognoscatur, quomodo sit in eis efformanda conscientia,

Quò ad primum respondetur: Ad bellum justè indicendum requiri, quod Princeps, post maturam discul-

sionem suorum jurium, etiam per Theologos, ac Jurisperitos probos, & sapientes faciendam, ea cognoscat ut valde probabiliora, & certa, saltem moraliter: Et insuper, quod ea repræsentet Principi, contra quem deberet bellare, ut scilicet, aliis mediis facilioribus, ac tutioribus jus suum possit acquirere, vel defendere, causam amicabiliter tractando, antequam extremum, & periculosissimum belli medium experiatur.

Ratio primæ partis est. Tum quia si Princeps sola ratione minus aut æquè probabili ductus bellum excitet, exponit se periculo iniuste bellandi, ac lædendi jus alterius in re gravissima, cum magis, aut æquè probabile sit, seu dubium, quod alter sit verus dominus rei, pro qua bellum indicitur: adeoque gravissimè peccabit, eritque obnoxius restitutioni omnium damnorum inde provenientium. Tum etiam, quia nemo ad tuendum, vel acquirendum jus proprium incertum, & dubium, potest, citra culpam, lædere jus proximi certum: Læderentur autem inevitabiliter tot Innocentes, legitimè, ac certo jure bona sua possidentes, si bellum fieret ad acquirendum, vel tuendum jus solum probabile, ac incertum.

Nec tunc prædicta damna dicerentur per accidentis sequi, & non esse per se intenta: Hoc enim esset verum, si Princeps uteretur jure suo omnino certo, & securo, non autem si dubio, & incerto.

Ratio secundæ partis est: Quia unusquisque tenetur omni æquiori modo, ac salvis, quantum fieri potest, aliorum juribus, sibi providere, suæque defendere, vel acquirere. Quocirca Rex mortaliter delinqueret, si, non tentatis aliis mediis facilioribus, arma contra pro-

gnum sumeret, ac tot Innocentium afflictiones, & necesse, urbium, & domorum direptiones, incendia, devastationes, totque alia quamplurima, & horribilia mala in populis causeret.

Si verò jura, & rationes Principis prætensoris non adeo probabilius appareant, debet causa per compositionem, aut aliter definiri, perpensis ex utraque parte motivis a Judicibus arbitris, seu compromissariis concorditer eligendis. De quo videndus est *Victoria De jure belli* n. 28. Sic enim unusquisque proprium jus tuetur, & evitantur armorum strepitus, ac Provinciarum exterminia.

Dices: Potest dari bellum justum ex utraque parte: Sed non-nisi ex vi, & usu probabilitatis: Ergo ex motivo probabili potest quis licite bellare.

Respondetur, bellum non posse utrinque justum esse, præcisè in vi, & ex usu probabilitatum, sed ex judicio moraliter certo, quod uterque Rex facit, nempe, quod ex parte sua stet justitia causæ, pro qua fit bellum, ex altera verò non, sed potius iniustitia. Verum tamen est, quod in re unus eorum decipitur, quia veritas una est.

Hæc omnia intelliguntur de bello offensivo. Nam ad defensionem sufficiunt motiva, & rationes æquè probabiles, cognitæ ut tales: Quia tunc valet illa regula: *In pari causa potior est conditio possidentis*. Requiritur tamen, quod Rex, qui impetitur, sit paratus causam absque armis examinare, ac eam Judicibus ex utraque parte eligendis decidendam committere: Hoc enim modo damna per bellum consecuta, non ipsi erunt imputanda, sed Aggressor, qui,
con-

contra iustitiz regulas, vult Possidentem suo prætensio jure violenter expoliare.

Idem pariformiter, ac eisdem rationibus nuper traditis, dicendum est in ordine ad successionem Regni, præcipuè cum Regnum non sit propter Regem, sed è contra Rex propter Regnum; adeòque ex sola probabilitate etiam æquali, etiam majori, non est licitum omisso tractatu conveniendi, aut compromittendi, regnum armis aggredi, & occupare, ad personalem potestatem dominativam extendendam. Ita huc-usque dicta respectivè resolvunt inter Thomistas Victoria, Ildephonsus, Baptista, & Jo. a S. Thoma quos allegat, & sequitur Mercorus, *Bas. Theol. par. 3. a. 18.* Item Bannes, 2. 2. q. 40. a. 1. *dub. 5.* ubi satis abundè hanc materiam discutit. Petrucci *Lucer. mor. c. 7. §. 1.* Vuigandt *Tract. 2. exam. 3. n. 33.* & alii.

Ad secundum de impositione tributorum, aliorumque onerum; respondetur, solam opinionem, aut causam probabilem non sufficere ad nova gravamina Subditis imponenda; sed requiri certam, evidentem, & magnam Principis necessitatem; licet non extremam.

Prima pars jam liquet. Siquidem in dubiis melior est conditio Subditorum res suas possidentium, quam Principis Tributum imponentis: Cum ergo Princeps despoticum, & absolutum dominium non habeat in bona Subditorum, sed solum attentis magnis necessitatibus boni communis, cui aliter subvenire nequeat, quam cum Subditorum gravamine, non potest eos justè suis substantiis, ex merè probabili motivo, & ad libitum, spoliare. Et hinc

Remanet probata secunda pars. Eò præcipuè, cum
in

in casu magnæ necessitatis Reipublicæ, & non aliter, teneantur Subditi, juxta proprias vires, & ad mensuram ejusdem necessitatis, eaque permanente, & non ultra, Principi subvenire; Qui proinde si habeat ex propriis sufficientes redditus ad occurrendum publicis necessitatibus, nequit populos gravare. Unde debet curam adhibere, ut bona sua conserventur, & per Ministros fideles administrantur, vel amissa recuperentur. Quod si hujusmodi præstitis diligentis, Reipublicæ necessitas adhuc requirat Populi tributum, potest illud imponere, moderatè tamen, & præcisè ad mensuram necessitatis; Curando insuper, ut exactio pecuniarum in eos usus, ob quos est imposita, fideliter convertatur, & ne pauperes opprimantur, vel graventur. Ita ex Cajet. & Sylves. VV. *Vestigal. & Gabella* Soto, Lodesma, & aliis, quos adducit, & sequitur Jo. de la Cruz, *Director. de 7. prac. q. 7. a. 1. dub. 1.* Item Joanne a S. Thoma, Petrucci, & Vuigandt *ubi ante*.

Tertia pars responsionis videtur manifesta. Tum quia magna Reipublicæ necessitas, extremæ necessitati alicujus personæ particularis æquiparatur a D. Th. 2. 2. q. 32. a. 6. Tum etiam, quia Respublica extremè laborans, vix, aut nullatenus potest a populo sublevari; adeoque pro tributo imponendo ultima necessitas non est expectanda: Præsertim cum totius Communitatis damna in singularem detrimentum Subditorum non possint non redundare, ut benè observat idem Petrucci *loc. cit. n. 10.*

Ad tertium de mutatione monetæ, eisdem fermè doctrinis nuperrimè adductis respondendum est. Cum enim fieri nequeat, nisi stante gravissima & urgentissi-
ma

ma necessitate & sic exigente bono communi, (ad quod ordinatur dominativa & gubernativa potestas,) non est licitum Principi, ex opinione minùs aut æquæ probabili, & dubiâ, monetam variare. Cujus ratio est, quia aliòquin exponeret se periculo iniuste damnificandi Subditos in commerciis, contractibus, cæterisque similibus commutationibus pretio æstimabilibus, quæ pecunia mensurantur, & regulantur, ut ex Philosopho docet Communis Doctor *Opus. 20. de regim. Princ. ad Regem Cyprî directo c. 13.* ubi hæc habet: *Moderatus tamen debet esse Princeps quicumque, vel Rex, siue in mutando, siue in diminuendo pondus, vel metallum; quia hoc cedit in detrimentum populi, cum sit rerum mensura, ut supra dictum est.* Ergo augmentum, vel diminutio monetæ non potest licite fieri, nisi adsit certa, & evidens Reipublicæ utilitas; quæ damnum particularium Subditorum compenset. Quando enim augetur numisma, utilitas est solum pro Principe, & quibusdam aliis, qui pecuniis abundant: Quando verò minuitur, tota Communitas læditur in substantia suæ monetæ. Quapropter semper præ oculis habendum est, ut hujusmodi, quamvis justæ, mutationes semper fiant minori, quo fieri potest, Populi, ac præcipuè Pauperum præjudicio. Quæ-nam autem sint causæ urgentes mutandi monetam, non est hujus loci assignare.

Omnia jam recensita, tutâ conscientiâ, & secundum justitiæ, ac rectæ rationis ordinem præstabunt Reges, ac Principes, si (ut salubriter monent Jo. a S. Th. ap. Petrucci, & Hacquetius ap. Vuigandæ locis citatis) præter propriam diligentiam in cognoscenda, & sectanda veritate de licetitate suarum actionum ad populorum

gu-

gubernium, sibi eligant in Confessarios Viros valde doctos, & pios, nec-non habeant Consiliarios sapientes, & timoratos, ab omni avaritiâ, ac adulationis labe immunes, quibus omnem libertatem relinquant veritatem corde sincero edicendi, ad eumque finem ipsis præcisè non insinuent propriam inclinationem &c. Et certè non rarò Principibus hanc evenire puto calamitatem, quam sibi accidisse dicebat Elisabeth Lusitanæ Regina, videlicet, se nunquam consuluisse aliquem Theologum, Juris-peritum, ac Medicum, qui juxta suum desiderium ei non respondisset.

Legant etiam Domini temporales prælaudatum D. Thomæ opusculum *De regimine Principum*, in quatuor libros partitum. Aliud insuper ejusdem Sancti D. Opusculum, cui titulus, *De eruditione Principum*: In quibus Christianæ politiæ regulæ ad populos laudabiliter regendos traduntur. Meditentur denique, ac paveant, quod a Spiritu-Sancto iniquis Regibus annuntiatur *Sap. 6.V. 3. & seqq.* his verbis: *Præbete aures vos, qui continetis multitudines, & placetis vobis in turbis nationum: Quoniam data est a Domino potestas vobis, & virtus ab Altissimo, qui interrogabit opera vestra, & cogitationes scrutabitur; quoniam cum essetis ministri illius, non rectè judicastis, nec custodistis legem justitiæ, neque secundum voluntatem Dei ambulastis. Horrendè, & citò apparebit vobis; quorum judicium durissimum his, qui præsumunt, fiet. Exiguo enim conceditur misericordia; potentes autem potenter tormenta patientur. Non enim subtrahet personam cujusquam Deus, nec verebitur magnitudinem cujusquam; quoniam pusillum, & magnum ipse fecit, & aqualiter cura est illi de omnibus; Fortioribus autem fortior inflat cruciatio. Ad vos ergo, Re-*

ges, sunt hi sermones mei, ut discatis sapientiam, & non excidatis.

XVI. Quæres tertio, an Advocatus possit causam patrocinari in favorem illius, pro quo stant minora motiva, & rationes, ac minus probabilia jura.

Licet ex huc usque resolutis manifestè inferatur responsio ad hoc Quæsitum, cum universaliter probaverim, nemini licere in praxi amplecti opinionem minus probabilem, in conflictu, & relictâ oppositâ probabiliori: Nihilominus quia Vuigandt, *Tribun. Confessar. tract. 2. exam. 3. n. 35.* ab hac regula communi videtur excipere Advocatum, quod utique approbare nequeo, nec mihi apparet consonum probabilioristice Doctrinæ, idcirco

Respondeo, quod si Advocatus post præviā, & sufficientem diligentiam in perpendendis rationibus sui Clientis clarè cognoscit, eas esse minus probabiles [ac præcipuè si notabiliter] quam sint rationes, & motiva partis adversæ, nec spes effulgeat, quod in causæ discussione apparere possint probabiliora, vel saltem æquè probabilia motiva ex parte, quam tuendam assumit, nullo modo potest licitè causam patrocinari: Secus verò si non ita clarè constet major probabilitas ex parte adversa, & adsit spes, ut per studium, & meritum causæ elucidationem constare possint solidiora fundamenta ex parte, quam tuetur. Ita ferè, quo-ad omnia Resolutionis membra, sustinet Petrucci, *Lucer. mor. c. 7. §. 1. n. 44. & seq.*

Dixi post præviā, & sufficientem diligentiam: Quia nequit Advocatus absque ulla causæ præcisa ponderatione, eam in judicio Fori suo patrocinio sistere; alias expo-

poneretur manifesto periculo causam iniuste defendendi, adeoque laedendi iustitiam, & expensis indebitè gravandi utramque partem. Debet ergo ante quamcumque judicalem actionem, merita causæ aliquo modo penetrare. Hoc veluti supposito;

Prima pars responsionis probatur; Quia aliàs Advocatus cooperaretur iniustæ actioni, & se exponeret probabiliori periculo expensis damnificandi tam suum Clientem, quam partem adversam, habentem potiora merita, & jura; ac proinde utrique iniuriam faceret: Ergo non potest licitè &c. Quocirca, sicuti contra iustitiam delinqueret, & ad restitutionem teneretur Judex in ferenda sententia contra eum, pro quo starent meliora jura, & fortiores, ac probabiliores rationes; Ita pariter Advocatus in defendenda causa, secundum ejus rationes minus probabiles in conflictu, & ab ipso cognitæ ut tales,

Secunda pars etiam probatur: Quia illa probabilitas in favorem causæ, quæ Advocato patrocinanda exhibetur, non ita clarè cognita ut minor in conflictu, una cum proxima spe, quod validiora motiva, & probabiliores constabunt rationes pro Cliente, est sufficiens fundamentum, ac rationabile motivum, ut Advocatus possit causæ defensionem assumere æquè ac Advocatus alterius partis; ad hoc enim instituta sunt Tribunalia, ut obscura per discussionem, & Fori examen dilucidentur; Ergo in hoc casu licitè potest Advocatus &c.

Quod si inter actionem clarè videat majorem probabilitatem in favorem partis Adversæ, debet a patrocinio causæ se subtrahere. Tunc enim est moraliter certus de illius iniustitia ex parte sui Clientis, quem proinde tene-

tur admonere, ut ab actione desistat, vel aliquam curet compositionem *sine adversarii damno*, ut ait D. Th. 2.2. q. 71. a. 3. ad 2. Ubi, & per totam quæst. plura de Advocato possunt videri.

Obiicies primò ex *Vuigande*. Advocatus in tuenda causa gerit vicem Actoris: Sed Actor habet Jus in foro externo exponendi suas rationes probabiles: Ergo licitè potest hoc facere per suum Advocatum; *Potest enim quis per alium, quod potest facere per se ipsum*, ut habet Juris reg. 86. in 6.

Respondeo, nec Actorem posse litem promovere ex motivis, & juribus sibi manifestè notis ut minus probabilibus in conflictu, & absque spe ut supra. Ratio est eadem ac de Advocato,

Obiicies secundo ex eodem. Causa, quæ a principio videbatur minus probabilis, in decursu litis sæpe fit probabilior, adinventis novis Scripturis, testibus, aut aliquâ adversæ partis confessione, vel visis, & ponderatis aliis Juris Capitulis: Ergo licet eam defendere.

Respondeo, ex hoc argumento solum roborari secundam partem nostræ responsionis.

XVII. Quæres quartò: An Subditus in dubiis opinionum teneatur Superiori obedire.

Respondetur primò, quod Subditus dubius de facultate, seu auctoritate Superioris, videlicet, an illam amiserit, vel an extendatur ad rem præceptam, quamvis licitam, tenetur obedire. Et ratio est primò: Quia nemo potest jurisdictione, quam possidet, privari, nisi juridicè, ac per Sententiam Judicis: Ergo etiamsi dubitetur, an Superior auctoritate polleat ad præcipiendum, vel an res præcepta, & licita intra limites jurisdictionis con-

contineatur, tenetur Subditus [*per se* loquendo, & non solum *per accidens*, idest ratione scandali, notabilis damni &c. & etiam si post adhibitam diligentiam adhuc dubius remaneat) suo Superiori obtemperare. Secundò: Subditus in tali dubio renuens obedire, exponit se periculo defraudandi suum Superiorem obsequio fortè illi debito; Si verò obtemperet, nulli fit iniuria, nec alicui damnum inferitur: Ergo id quod prius. Ita Mercurus *ubi sup. a. 18.* & alii.

Nec obstat primò ex Vasquesio ap. eundem Mercurum, quod nemo censeatur, nec sit Subditus, nisi Superior verè sit Prælatus, cum hæc duo sint correlativa; adeoque neminem teneri alteri obtemperare, nisi certus sit, quod alter supra se auctoritatem Superioris ad præcipiendum habeat.

Non, inquam, obstat. Siquidem in recensito dubio Subditus cogitur obedire, non ex motivo suæ certæ subiectionis, sed ad evitandum periculum defraudandi proximum in re, quæ fortè illi debetur, ut nuperrimè dictum est.

Nec obstat secundo ex Pasqualigo *Decis. 219. n. 2.* quod sicuti nemo tenetur alteri debitum solvere, nisi sit certum: Ita nec Subditus debitum obedientiæ alteri præstare, nisi certò constet de sua erga illum subiectione, adeoque nisi certa sit Superioris jurisdictio.

Nam ideo primum, quia nulla datur præsumptio, quod quis aliquid alteri debeat, nisi debitum sit liquidum. At e contra in secundo; quia semper præsumitur, quod Subditus verè sit Subditus, adeoque teneatur alteri obedire, cum adhuc stante præfato dubio, præsumatur in Superiore auctoritas præcipiendi: Quapropter

pter est dispar ratio .

Respondetur secundò ad Quæsitum, quod Subditus positivè dubitans de honestate rei præceptæ, si post factam diligentiam, etiam per Viros doctos, adhuc dubium ejus perseveret, debet illud deponere, ac humiliter obedire . Si autem cum tali dubio certò cognoscat etiam Prælatus suum dubitare de re, quam præcipit, non debet, nec potest obtemperare .

Ratio primæ partis est : Quia in dubio positivo [in negativo enim, quando videlicet non constant motiva, quæ licitam ostendant materiam præceptam, certum est, debere Subditum obedire, cum ad ipsum non spectet examinare causam præcepti, aliòquin maxima daretur confusio in populorum regimine) debet Subditus hoc judicium practicum efformare, quod Superior, aliàs probus, ac sufficienter doctus, ut supponimus, & insuper, ac præcipuè, Dei, cujus vices gerit, patrocínio fultus, non-nisi honesta præcipiat, & ea, quæ ipse certa existimaverit, ac proinde Authoritas sui Prælati est sufficiens motivum ad hoc, ut possit prudenter conscientiam deponere, illamque juxta præceptum efformare : Nisi manifestè ratio illiciti appareat . Et si fortè errare contingat, error ipsi non imputabitur ad culpam, ut manifestè habetur ex D. Aug. relato in Decretis 23. q. 1. Cap. *Quid culpatur* .

Idem dico, propter eandem rationem, quando Subditus non solum est dubius, verum etiam probabilius judicat, materiam præcepti esse illicitam . Nam etsi tunc nequeat in sensu composito, & retinendo suam conscientiam, obedientiam præstare, [quia Deo magis obedire oportet, quam hominibus (potest nihilominus, ac de-

debet iudicium suum prudenter modo dicto deponere, nullatenus dubitando de honestate præcepti, & positivè se conformando Superioris iudicio.

Ratio secundæ partis est: Quia in dubiis opinionum debet unusquisque tutiorem partem eligere, seu illam, quæ periculo vacat legem violandi: Ergo sicuti Prælati non potest licitè præcipere, quod non tutum iudicat, ita nec Subditus potest ei obedientem se præbere in iis actionibus, de quarum licetitate certò cognoscit Prælatum suum dubitare; aliàs sola probabilitas unius opinionis esset motivum sufficiens ad deponendum dubium practicum, quod habetur ex probabilitate opinionis oppositæ; quod tamen est falsum, ut constat ex supradictis. Videri possunt de materia huius Quæstionis DD. ac præcipuè Beatus Umbertus de Romanis, Quintus Magister Generalis Ordinis *lib. 5. de Err. Religios. Petrucci, ubi sup. n. 31. & seqq. Vuigandt, lo. cit. n. 34. & alii.*

XVIII. Quæres quintò, quænam Sententia necessariò eligenda sit in Sacramentorum administratione.

Respon. Circa eorum essentialia, nempe materiam & formam, non esse licitum [extra casum necessitatis] sequi opinionem probabilem, scilicet incertam, ac dubiam, relicta tutiore, idest certà, ac tutà. Oppositum huius responsionis damnatum fuit ab Inn. XI. in prima ex 65. propositionibus ab ipso proscriptis, quæ sic dicebat: *Non est illicitum in Sacramentis conferendis sequi opinionem probabilem de valore Sacramenti relicta tutiore &c.* Et ratio est: Tum ob reverentiam sacramentis debitam, & ad evitandum periculum nullitatis eorum, quod adesset, certis incerta præferendo. Tum etiam subinde, ne
Sa-

Sacramentum susceptrus probabiliter privatur fructu ipsius, ac damnum suæ salutis, aut saltem spiritualis profectus incurrat. Tum denique, quia Sacramentorum valor debet in his rebus fundari, quæ sunt a Christo institutæ, & juxta communem Ecclesiæ usum, non autem in probabili hominum opinione: Peccaret igitur gravissimè, ac sacrilegè, qui in Sacramentis conficiendis uteretur materiâ, vel formâ dubiâ, omisâ tutiore, utpote faciens contra Sacramentorum Institutorem, ejusque intentionem, nempe, ut Sacramenta fiant per appositionem materiæ, ac formæ certæ ab ipso determinatæ.

Hinc non licet in Sacrificio Missæ vinum consecrare cum illis tantummodo verbis: *Hic est calix Sanguinis mei*, vel *Hic est Sanguis meus*: Quia etsi, speculativè loquendo, probabilior immo, & vera censeatur a pluribus Theologis, præsertim Recentioribus, [quibus ego subscribo,] sententia, quæ affirmat, solum prædicta verba esse de essentia formæ; Quia tamen non est certa, sed dubia, cum opposita propugnetur a multis etiam Thomistis, [quia discipuli D. Th. inter se dissentiant in intelligentiâ Textus ejusdem S. D.] & Ecclesiæ usus est, ut subsequentiâ etiam verba, nempe, *novi, & æterni Testamenti &c.* in consecratione calicis eodem modo proferantur, proinde non est licitum, formâ tutiori relictâ, oppositam Sententiam in praxi eligere, tametsi probabiliolem, sed non tutam.

Addo, nec etiam licere in Sacramentis conficiendis sequi opinionem probabilissimam, & certam de ipsorum valore, si ea non sit juxta praxim, & consuetudinem Ecclesiæ. Nam in re tanti momenti nemo potest, absque lethali culpa, Ecclesiasticas Leges, & usus pro suo

suo libito declinare . Unde licet ad conficiendam Eucharistiam sit ex se materia sufficiens, & apta panis siligineus, ut expressè tradit communis Doctor 3. p. q. 74. a. 3. ad 2. Nihilominus non licet eo in consecratione uti, propter rationem adductam .

Dixi in responsione; *extra casum necessitatis* . Nam gravissimâ, & extremâ instante necessitate, ac ubi salus animæ periclitaretur, non esset illicitum adhibere materiam probabilem, aut dubiam, nulla alia tutiore existente . Ita communiter Authores docent, & *praxis Ecclesie testatur*, ait Vuigandt, *tract. 2. exam. 3. n. 26*. Et patet in moribundo, qui potest conditionatè absolvi, si præbeat signa dubia doloris, & Confessionis . Et ratio est : Tum quia non est contra reverentiam Sacramentis debitam, animæ periclitanti subvenire dubiè per appositionem materię incertæ, nullâ certiori, seu certâ existente, in casu quo, nisi id fieret, aliquis æternum fortè periret . Tum etiam, quia ex duobus malis minus est eligendum : Si igitur ex una parte dubitetur de invaliditate Sacramenti propter materiam dubiam, & ex altera salus animæ periclitetur, nisi continuò illi subveniatur omni possibili modo, eligendum est ut minus malum, Sacramentum ministrare : Quia tunc ipsum Sacramentum veluti cedit juri suo, & quodammodò permittit postponi ejus validitatem animarum saluti, propter quam a Deo institutum est .

Verum tamen est, etiam in dicto casu necessitatis, stante materia dubia, Sacramentum esse administrandum sub conditione, E. G. his verbis : *Si es capax, ego absolvo te in nomine Patris, & Filii, & Spiritus-Sancti ; Amen* . Quod etiam faciendum est, quanvis materia

juxta sententiam probabiliorē esset apta ad conficiendum Sacramentum . Unde licet probabilior sit opinio affirmans, aquam salis esse materiam Baptismi : Nihilominus, cum non sit omnino certa, sed propter conflictum alterius opinionis oppositæ minus probabilis, possit esse falsa, idcirco Sacerdos ipsam eligens, posset moraliter suspicari de invaliditate Sacramenti ; adeoque sicuti extra casum necessitatis non posset tali materia uti, ita ob reverentiam Sacramento debitam, nequit eam necessitate urgente, adhibere, nisi appositā conditione .
Mercurus par. 2. a. 3.

XIX. Dixi ulterius, circa Sacramentorum essentialia, nempe materiam, & formam . Nam si agatur de Jurisdictione, [quæ aliàs necessariò requiritur in administratione Sacramenti Pœnitentiæ, non desunt, qui asserant, posse Sacerdotem, ad absolvendum in gravi necessitate uti jurisdictione solum probabili, idest, quam probabiliter putat se habere, licet re-vera non habeat . Ita Petrucci *Luc. mor. c. 7. §. 1. n. 63.* Vuigandt *lo. prox. citando & tract. 13. exam. 1. n. 91.* ubi adducit Gonet, & alios . Et ratio ipsorum est : Quia eatenus non licet [excepto casu extremæ necessitatis) in Sacramentis conferendis sequi opinionem probabilem circa materiam, & formam, quatenus tunc Minister exponitur periculo nullitatis Sacramenti : Cum enim materia, & forma dependeant ab institutione Christi, non autem ab Ecclesia, ejusve consensu, non potest per eam suppleri ipsarum defectus . Cæterum Jurisdictio ab Ecclesia dependet, ab eaque suppletur, ac tribuitur Sacerdoti in casu gravis necessitatis, quo illam existimat probabiliter se habere .

Ad hoc tamen ut Sententia ista firma, & vera esse possit.

possit, & Sacerdos in gravi necessitate absolvere valeat, exigitur, ut probabilitas, quam habet de sua Jurisdictione, non sit oppugnata per aliam probabilitatem oppositam majoris, vel æqualis roboris (ut colligo ex *Vuigandt ubi ante*, ac ex *Petrucci d. S. 1. n. 63.* & pat. ex dictis]: Aliàs in eo casu judicandum erit, ac si Pœnitens, in tali gravi necessitate Confessionis constitutus, nullum haberet Confessarium; juxta doctrinam Mercori, a me approbandam in *Tractatu de Pœnitentia*. Et ratio est: Quia mera probabilitas non dat jurisdictionem: Nulla enim lex, nullumque fundamentum adest aliter asserendi, ut advertunt idem Mercor., & Pisani *Ged. glad. prop. 1. n. 12.* ubi adducit etiam Ludovicum Minutulo. Et cætenus, gravi urgente necessitate, Sacerdos probabilius, ac certò moraliter putans jurisdictionem habere, licèt revera ipsam non habeat, validè absolvit, quatenus Ecclesia censetur, eam tunc supplere, ac tribuere, ut gravi subveniat Pœnitentis necessitati; existente aliàs in Sacerdote bona fide, ac invincibili ignorantia de reali carentia jurisdictionis: Ergo si Sacerdos non sit in bona fide, sed dubitet de sua jurisdictione, idest si habeat de illa probabilitatem ab alia opposita (& præcipuè majoris roboris] oppugnatam, non videtur, in sola gravi necessitate Pœnitentis, ab Ecclesia jurisdictionem recipere.

Sed adversus hanc limitationem, & disparitatem in ejus probatione allatam, sic insurgo. Nam videtur gravis adduci; quod sic ostendo. Si opinionum probabilitas non dat jurisdictionem, nil refert, quod sit major, vel minor probabilitas, scilicet oppugnata, vel non; neutra enim jurisdictionem dabit Sacerdoti, cum utraque probabilitatis limites non excedat. Et similiter si

Ecclesia in gravi Confessionis necessitate non dat jurisdictionem Sacerdoti dubitanti de illa, & habenti probabilitatem in conflictu alterius oppositæ, nec dabit talem jurisdictionem, etiamsi Sacerdos probabilius putet eam habere, si a parte rei eam non habet: Vel si dat in uno casu, etiam dabit in alio, cum in utroque adsit gravis Confessionis necessitas, cujus intuitu asseritur suppleri, & conferri ab Ecclesia jurisdictionem: Ergo præfata limitatio, ejusque probatio gratis, & absque fundamento adducuntur.

Si respondeas ex quorundam doctrina, [inter quos Petrucci, & Vuigandt *nn. præalleg.*] non sufficere solam probabilitatem Sacerdotis ad hoc ut ei, gravi urgente necessitate, ab Ecclesia tribuatur jurisdictio, sed insuper requiri titulum coloratum, seu putativum Confessarii, aut Parochi, a legitimo Superiore collatum, & simul errorem communem populi; tunc enim præsupponitur, illi Sacerdoti Ecclesiam conferre jurisdictionem, ut ferè communiter asserunt DD. ex l. *Barbarius ff. de Officio Prætoris*, ubi habetur, facta per Judicem non legitimum tenere, simul concurrentibus titulo, & errore communi.

Contra est. Nam quando stant simul titulus coloratus, & error communis, aut plerumque putantium (erroneè tamen) titulum esse legitimum, Ecclesia supplet, & confert jurisdictionem [non quidem habitua-lem, sed actua-lem, & ad singulos actus] nedum Sacerdoti habenti de illa probabilitatem ab alia æquali, vel majori non oppugnatam, (etsi a parte rei talis Sacerdos jurisdictione sit privatus,) verùm etiam illi, qui, nulla existente Confessionis necessitate, certò scit, se juris-

di.

ditionem non habere; quamvis hoc a populo non cognoscat, quia invincibiliter putat, adhuc subsistere titulum Beneficii, aut Confessarii. Et hanc jurisdictionem idem præsumitur ab Ecclesia in hoc eventu conferri, ut animarum saluti provideat, & invincibilis ignorantia nemini officiat; etsi graviter peccet Sacerdos, qui nullitatis suæ jurisdictionis conscius, Sacramentum Pœnitentie ministrat. Ergo si quis, gravi urgente necessitate Confessionis, potest absolvere cum suæ jurisdictionis opinione probabili, ab alia opposita æquè probabili non oppugnata, non erit necesse ut adsit error communis, ac titulus: Aliòquin nullum esset discrimen inter absolventem cum scientia nullitatis suæ jurisdictionis, & absolventem cum probabili eiusdem jurisdictionis opinione, sine alterius æqualis, vel maioris conflictu, quod tamen non videtur dicendum.

Has difficultates procul-dubio non evitat prædicta sententia. Nihilominus admissa responsione ad objectionem factâ,

Ad replicam contra illam, dico, inter eum, qui cum titulo colorato & comuni errore, sciens carere a parte rei necessaria iurisdictione, Pœnitentem absolvit, & eum, qui cum eiusdem titulo & errore, ac etiam cum suæ jurisdictionis probabilitate sine conflictu alterius, absolutionem impedit, hoc adesse discrimen: Quod primus ex his sacrilegè delinquit, secus vero alter; tametsi uterque valide absolvat, ut communiter docent Auctores. Cæterum, quod absque putativo titulo & comuni errore sufficiat sola probabilitas, etiam non oppugnata &c. nullum omnino datur sufficiens fundamentum ad præsumendum, quod Ecclesia vere juris-

di

dictionem suppleat in eo, qui cum sola dicta probabilitate Sacramentum ministrat, si a parte rei jurisdictionem non habet; quia probabilitas inefficax est ad dandam eam jurisdictionem, ut vidimus. Ultra quod, est impossibile quempiam habere posse de sua jurisdictione ad absolvendum probabilitatem absque morali formidine de opposito, quin saltem gaudeat titulo colorato Confessarii, ut consideranti patet. Sed non sufficere solum titulum absque communi errore, certum videtur ex iam dictis. Quod si quis affirmet, satis esse cum probabilitate ac titulo, errorem solius Pœnitentis, videat ipse quâ ratione possit hoc solidè probare; Mihi siquidem nil certi usque modò apparet.

Hinc non subistit quod docet Cardenas *Cris.Theol. p. 4. dissert. 2. c. 6. a. 6.* ubi cum aliquibus Probabilitatis asserit, absque communi errore Ecclesiam supplere jurisdictionem, quotiescunque Confessarius utitur opinione verè probabili de sua jurisdictione. Nec Textus illi, quos allegat idem Cardenas *ib. n. 161.* ullum ipsi suffragium præstant. Cum enim in eis solum sermo sit de consuetudine, non verò de probabilitate, & consuetudo in his, quæ ad legem humanam pertinent, quomodocunque fuerit ab initio introducta, si temporis decursu a Principe supremo expressè, vel saltem tacitè approbetur, vim legis habeat, tunc superexcedit limites ejuscumque probabilitatis, & fit æquivalenter lex certa. Sola autem Confessarii probabilitas unde-nam legis vigorem assumpsit? Forfan-ne ex ipsa consuetudine, ac praxi absolvendi, in vi jurisdictionis probabiliter præsumptæ, quam consuetudinem esse universalem in Ecclesia, & omnium Fidelium, testantur Suarez,

rez, Lugo, Arriaga, Diana, et Bonacina? (ita ap. eundem Cardenam *nn.* 165. 166. *et seqq.*) At quam falsum assumptum! Dicant, eam consuetudinem esse apud Confessarios, & DD. Probabilitas, & forsan verum dicent. Verum Probabilitatum coetus, non universalem Ecclesiam, sed minimam eius partem constituunt, ut ex antedictis §. 2. notissimum est.

XX. Collige secundo ex dictis non esse licitum, respectu ejusdem intellectus, sequi opinionem probabilem faventem libertati, quando tuta non est, concurrente actualiter, ac relicta sua contradictoriè opposita minus probabili, sed tuta, & stante pro præcepto.

Nimis durum aliquibus forsam videbitur hoc confessarium: At inconcussum est et infallibile, supposita veritate doctrinæ supra traditæ. Siquidem hoc evincunt ferè omnes Authoritates in favorem Probabilioritatis adductæ. Unde qui eam defendunt, nequeunt corollarium istud, tanquam ipsius necessarium consequens, non sustinere. Videantur de hoc specialiter Antonius Charlas *cap.* 21. *ac tribus seqq.* & Mercorus *Bas. Theol. mor. par.* 2. *a.* 7. & *p.* 3. *a.* 6.

Adhæret certissimè S. Thomas, qui, ut vidimus, ad prudenter, licitè, ac tutè operandum, requirit quod absit non solum dubium rigorosè sumptum, sed etiam quolibet moralis formido de opposito: Aliàs operatio non erit absque periculo Legem perrumpendi. Quis autem non videat, quod in sequela opinionis probabilioris faventis libertati, & habentis in sui conflictu contradictoriam minus probabilem stantem pro lege, quæ adhuc probabilis remaneat, adest moralis formido transgrediendi Legem, etsi probabilius sit, Legem violandam non

non esse?

Quocirca Adrianus VI. Summus Pontifex, postquam ex Authoritate D. Thomæ quodl. 8. a. 13. ostendit, nomine dubitationis Sanctum Doctorem sumere in hac materia quamlibet hæitationem, aut fluctuationem, impediens firmiter uni parti adherere, & non dubium propriè, seu rigorosè dictum consistens in æquilibrio, adeoque de mente ejusdem Sancti Doctoris, non esse licitum sequi opinionem etsi probabiliorem, quotiescumque remaneat de opposita formido aliqua, (ex motivo aliquo gravi, seu probabili orta, & non ex solo scrupulo,) an Lex naturalis, vel Divina violanda sit, ita concludit: *Manifestè videtur, quod juxta B. Thomæ Sententiam, quamvis magis credat, vel existimet, partem, quam sequitur, esse veram; Si nihilominus propter contrariam opinionem aliqua dubitatione moveatur, non licet ei propter discrimen hoc operari, supposito etiam, quod nullum ibi sit discrimen ex parte rei, sed veritas.* Et postea subdit: *Confirmo hoc: Ponamus exempli gratia: Medicus magis æstimat patienti suo vinum mortem inferre non posse, de quo tamen propter aliorum contrariam opinionem, dubitat: Nihilominus ut experiatur, concedit Ægro vinum, & interficit. Nullus dubitat, apud districtum Judicem hunc reum teneri; & non alia de causa, quam, quod Ægrum periculo mortis exposuit: Et si enim mors secuta non fuisset, & ipse nihilominus aequè reus fuisset: Ergo non licet agere partem dubiam, quæ MAGIS ÆSTIMATUR VERA. Quod si hoc periculum minus verisimile reprobamus in Medico quoad mortem corporis, longè magis repudiandum est consimile periculum mortis animæ. Quod si alicui videatur, Medicum non deliquisse; & tamen talis Medici manibus nollet suam sani-*

ta-

tasem committere, nihil aliud videtur, quam probare circa alium, quod damnaveris erga se ipsum &c. Cum in probabilibus dubiis qualibet pars sit verisimilis, sicut & probabilis; LICET ALTERA PARS SIT PROBABILIOR, ET VERISIMILIOR, &c. Hzc, & alia plura videas ap. prælaudatum Charlas, præsertim cap. 24.

Quod autem D. Thomas congruè, & rationabiliter utatur nomine dubitationis pro qualibet morali formidine, seu pro defectu assensus stabilis, ac certi, ex eò constat, quod dubium rigorosè sumptum, & prout importat suspensionem assensus ex æquilibrio motivorum rarissimè contingit, ut experientia docet, & est veluti casus Metaphysicus. Unde quando a Sacris Canonibus formatur illa regula: *In dubiis tutior pars est eligenda*, sermo agitur de dubiis, quæ ut plurimum contingunt: Nam leges sunt de his, quæ frequenter, & ut in pluribus accidunt, quibus consulere volunt, nec considerant quæ rarè contingunt, ut colligitur ex Digestis lib. 1. tit. 3. de Legibus l. 3. 4. 5. & 6. nec-non ex Phil. l. 5. ethic. c. 10. ubi ait: *Lex id accipit, quod fit plerumque*. Quapropter ille verè dicitur dubius, qui moraliter hæsitat de una parte contradictionis, etsi alteri magis adhæreat.

Hinc effulget præcipua ratio in S. 3. abundè discussa. Pro qua supponimus, quod opinio minus probabilis, adhuc stante probabilioris excessu, remaneat verè probabilis, ejusque motiva adhuc sint gravia, & urgentia, etsi minus quam opposita: Si enim excessus probabilioris esset valde notabilis, tunc ejus opposita non esset amplius probabilis, quia comparativum supponit positivum, & per consequens non essemus in casu, de quo nunc loquimur. Hoc supposito sic ratiocinari oportet.

Eligens in præfenti casu partem probabiliorem, & habens de opposita minus probabili actualem formidinem moralem propter illius motiva adhuc **o**rgentia, & gravia, est hic & nunc, saltem aliququaliter, & sufficienter, dubius moraliter de honestate, & licititate suæ operationis: Quia cognoscit, & prudenter judicat, se in eo, quod agit, probabiliter, esto minùs, a Lege recedere: Ergo si hoc non obstante, liberè, & absque ulla necessitate, vult operari, periculo contra Legem agendi se exponit: Ergo peccat. Siquidem ex instinctu naturæ, ac dictamine conscientiæ, nedum ex Divino Præcepto, [ut ex supradictis liquet,) tenemur omne id cavere, in quo cognoscimus, & prudenter judicamus, adesse periculum Legem transgrediendi. Quapropter ad hujusmodi periculum evitandum, necessum est, parti minùs probabili, sed tutiori, idest simpliciter, ac unicè tutæ adhærere, probabiliori relictâ, quæ tuta non est.

Dices: Nos usque modò sustinuiamus, & probavimus, in concursu opinionum non esse ab intellectu eligibilem minùs probabilem, relictâ probabiliori: Cur ergo in præfenti oppositum edocemus?

Sed hoc nihil est. Nam idèd per totum fermè hunc Tractatum docuimus, probabiliorem in conflictu semper eligendam esse, ac juxta illam conscientiam effor-
mandam, itaut aliter non possit prudenter fieri, quia ex una parte, ut probabilior est, habet fortiora motiva, inclinantia intellectum in ejus assensum, adeoque in dissensum suæ contradictoriæ minus probabilis, & ex altera, cum sit conformior Legi, ac tuta, est immuns ab omni periculo Legem transgrediendi: Neutrum autem habet opinio minùs probabilis favens libertati, concurren-

rente sua contradictoria probabiliore, stante pro Przcepto. Cæterum in quæstione hujus Confectarii, estò pars probabilior in conflictu minus probabilis habeat urgentiora motiva, quæ probant eam esse veriorē, seu verosimiliorem, (qua ratione denominatur probabilior); Nihilominus, quia tuta non est, ex hoc, quod non excludit omnem moralem formidinem operandi contra Legem, bene verò tuta est ejus contradictoria minùs probabilis favens Legi, & a qua, seu a cujus motivis eadem pars probabilior redditur dubia, & incerta, proinde liberè operaturus non potest actu operari eligendo partem probabiliorem, nisi velit se periculo exponere contra Legem agendi, sed debet ab operatione abstinere, ut sit omnino certus, se Legem servaturum; non in quantum adhæret opinioni sibi certæ quò ad veritatem, (nam nec probabilior, nec minùs probabilis est hoc modo omnino certa, sed incerta,) sed quia eam partem eligit, in qua, non obstante ipsius incertitudine ob contrarietatem oppositæ probabilioris, nullum adest periculum faciendi contra Legem. Exemplum sit de Venatore, qui probabilius putat id, quod in Sylva movetur, non esse hominem, sed tamen etiam probabiliter, licet minùs, existimat esse hominem. In hoc siquidem eventu non potest Sclopum evacuare, aliòquin se exponeret periculo occidendi hominem, ac transgrediendi quintum Decalogi Przceptum, & per consequens mortaliter peccabit. Idem ergo prorsus, propter eandem rationem ad evitandum scilicet periculum faciendi contra Legem, servandum est in dubio juris, (ut vidimus cum Adriano VI.) & quandocumque in conflictu opinionum, una, quæ consona est legi, minùs probabilis est, sed tuta, al-

tera verò, quæ libertatem fovet, est probabilior, sed non immunis a periculo transgrediendi Legis Præceptum: quamvis utraque sit incerta, quoad sui veritatem, etiam respectu ipsius operantis, ut dictum est. Vide clarissimum exemplum in materia juris, & opinionum, infra in hoc num. Vers. *fit exemplum*.

Dices iterum: Juxta superius adducta §. §. 3. & 4. quilibet excessus opinionis probabilioris supra minus probabilem, istam reddit in conflictu improbabilem, quatenus suo pondere eam deicit a sua probabilitate, quam secundum se, ac absolutè habebat: Ergo opinio minus probabilis stans pro Lege, concurrente probabiliori favente libertati, non potest retinere sua motiva actu urgentia, & gravia, itaut relinquunt eam in concursu, & exercitè adhuc probabilem: Ergo bene poterit quis in tali casu opinioni magis probabili tanquam tutæ adhærere, tametsi propriæ libertati consentaneæ, parvipendendo opinionem minus probabilem, licet in favorem Legis, & magis tutam.

Respondeo, verum esse, quod quilibet excessus opinionis probabilioris, *stantis pro lege*, [ut supra expressè, ac signanter docui,] reddit oppositam opinionem, faventem libertati, actu improbabilem in ordine ad praxim, non verò quilibet excessus opinionis probabilioris, quæ stat pro eadem libertate, potest reddere prædicto modo improbabilem eam, quæ militat pro lege. Ratio diversitatis, ac disparitatis est: Quia [ut egregiè notat Mercor. *Bas. Theol. mor. par. 3. a. 6.*] regula eligendi opiniones in praxi non est earum præcisa probabilitas major vel minor, utcumque accepta, sed probabilitas cum exclusionem periculi, & omnis moralis formidinis

nis Legem transgrediendi, & peccandi. Et quia quando opinio itans pro libertate, parum excedit in probabilitate suam oppositam faventem Præcepto, non est totaliter immunis a periculo peccandi, nec excludit omnem moralem formidinem Legem transgrediendi, quamvis magis accedat ad veritatem, & certitudinem quam sua opposita, hinc est, non posse esse rectam operandi regulam, nec in praxi eligibilem ut sufficienter probabilem in exercitio, idest probabilitate ad operationem necessariam, & quæ debet semper, & omnino excludere prudentem, ac moralem formidinem Legem frangendi, importare iudicium firmum, & non vacillans de licetitate, ac honestate operationis.

Sit exemplum. Everardus versatur inter duas opiniones de venatione in die festo exercenda: Quarum una, quam aliquantulum probabiliorem iudicat, asserit esse licitum venari tali die; altera verò, quam putat in illius conflictu minus probabilem, affirmat non esse licitam venationem. Utraque sibi est subiectivè quod ad veritatem incerta (quidquid sit de his opinionibus secundum se, vel respectu aliorum): Nihilominus quia prima opinio non obstante majori accessu ad veritatem & certitudinem, non est sibi omnino & sufficienter tuta, cum habeat moralem formidinem de licetitate suæ operationis propter conflictum secundæ opinionis, minus quidem probabilis, & minus certæ, imò aliquantulum potius falsæ quam veræ, sed tamen simpliciter & omnino tutæ, idcirco nequit illam amplecti & istam reiicere, sed debet a venatione abstinere, non quia secunda opinio sit sibi moraliter certa quo ad veritatem, nam de ipsa talem certitudinem non habet; sed quatenus

eam

eam cognoscit unice tutam; alias se exponeret periculo contra legem agendi, & consequenter peccabit.

Quando verò opinio stans pro libertate, ita est probabilior, ut sit vel unice probabilis in concursu, vel saltem valde ac notabiliter probabilior suâ oppositâ stante pro lege, tunc ita fit moraliter certa, ut omnem prorsus excludat moralem, & prudentem formidinem, ac periculum legem transgrediendi, adeoque sit simpliciter, idest sufficienter tuta, estd minus suâ contradictoriè oppositâ, & proinde licitè ac tuto eligibilis evadit. E. G. Aliqui ex antiquis asseriebant, post commissum peccatum lethale statim esse confessionem faciendam sub præcepto: Divus autem Thomas, quem sequuntur communiter Auctores, docet non adesse talem obligationem. Prima opinio procul-dubidè est magis tuta, quia stat pro lege, & est totaliter immunis a periculo peccandi, etiam solum materialiter. Secunda verò est minus tuta, cum faveat libertati: Quia tamen est valde, ac notabiliter probabilior alterâ, itaut in illius conflictu sit unice probabilis, ac vero-similis, & certa moraliter, cum motiva, & rationes suæ oppositæ ferè nihil urgeant in concursu, idcirco est simpliciter tuta, estd minus, sua contradictoria in favorem legis.

Ex quibus habetur quod etsi opinio in conflictu solum aliquantulum & parùm minus probabilis suâ opposita aliquantulum probabiliori, sive stans pro lege, sive favens libertati, non retineat propria motiva actu urgentia ad flectendum intellectum in sui assensum, ex ea parte, quâ *præcisè* accedunt ad veritatem, cum prout sic potiùs a veritate aliquantulum declinent magis quàm motiva opinionis oppositæ, & intellectus

ne-

nequeat de alterutra tunc opinari, non minus, aut ferè ac si esset constitutus in æquilibrio & in dubio rigorosè sumpto, iuxta superius resoluta S. 3. *nu.* 3. *et* 4. Ex ea tamen parte, quâ motiva & rationes opinionis aliquantulum minùs probabilis, stantis pro Præcepto, habent probabilitatem *alem*, scilicet cum exclusione cujuscumque prudentialis timoris, ne fortè sit malum & peccatum iuxta illam operari, [quam probabilitatem nuper dixi necessariam esse ad licitè operandum; & quam non habet opinio parùm minùs probabilis libertatem fovens, concurrente probabiliori stante pro lege,] dicuntur adhuc in conflictu urgere operaturum, non quidem ut assentiantur illi opinioni tanquam certæ quò ad veritatem, sed ut illam, tanquam unicè tutam, in operando amplectatur.

XXI. Collige tertid, quomodò intelligenda sit damnatio illius propositionis die 7. Decembris 1690. ab Alex. VIII. inter 31. tertio loco proscriptæ: *Non licet sequi opinionem vel inter probabiles probabilissimam*. Cum enim quandoque non possimus omnimodam & infallibilem rei certitudinem habere, sat est, si debitâ humano modo adhibitâ diligentia ad consequendam veritatem, id operemur, quòd prudenter ac probabiliter, & à fortiori *probabilissimè* putamus honestum, ac nullatenus dissonum a lege. Tunc enim habemus illam possibilem certitudinem, quæ est sufficiens ad prudenter flectendum intellectum nostrum in assensum, ita ut simus moraliter tuti, ne lex violanda sit. Et quàmvis cognoscamus, quòd, absolutè loquendo, res aliter esse potest [alioquin non opinionem haberemus, sed scientiam et evidentiam], quia tamen ita esse gravissima argu-

gumenta convincunt, nec ullum obstat grave motivum in oppositum, idcirco possumus firmiter obiecto cognito adherere, et non-nisi ex imprudentia trepidare ubi non est timor. Hoc autem non verificatur, si in conflictu ejus, quod opinamur, extet opinio æquè vel magis probabilis in favorem legis, ut ex supradictis innotescit. Unde ex condemnatione præadductæ propositionis nequeunt adversarii ullum in sui favorem sperare, nèdum decantare patrocinium.

Insuper dico, præfatum Decretum: condemnativum intelligi etiam de opinione *probabilissima* in conflictu, & favente libertati; quando videlicet, ita valde superexcedit in probabilitate opinionem oppositam stantem pro lege, ut hæc, respectu illius, remaneat exigue ac tenuiter vero-similis, adeoque in concursu improbabilis. Tunc enim tametsi operaturus non habeat evidentiam de honestate suæ operationis, [alias scientiam, & non opinionem haberet,] nec omnino certo cognoscat actionem suam non esse contra legem, sed reflexè videat, quod motiva & rationes, valde notabiliter præponderantes pro parte probabiliori libertatis consentaneâ, & cui adhæret, absolute possint esse falsa, & falsam reddere suam opinionem, adeoque habeat formidinem logicam, se tenentem ex parte discursus intellectualis, & quæ essentialiter connectitur cum quolibet assensu opinativo ut contradistincto ab assensu scientifico, & Fidei Divinæ [quæ formido opponitur certitudini logicæ seu metaphysicæ, secundum quam implicat rem aliter esse]: Quia tamen, citra passionem et culpam, seu post diligentem veritatis inquisitionem, iudicio firmo & non vacillante, idest excludente omnem moralem for-
mi-

midinem, prudenter judicat, actionem suam esse licitam, cum habeat de propria opinione, in conflictu valde probabiliori, certitudinem moralem, [secundum quam, attentis circumstantiis, & communiter accidentibus, res aliter esse non potest, quamvis absolutè, ac simpliciter loquendo, possit,] quæ reddit conscientiam suam quietam, & immunem ab omni anxietate, an actio sit mala, quia ex parte opposita nil in concursu relevans occurrit, potens ipsum prudenter movere ad formidandum, vel ad suspendendum judicium circa licititatem suæ operationis, idcirco tutò, ac licitè procedit in sequela opinionis *probabilissima*, nempe, valde, ac notabiliter probabilioris suæ contradictoriè oppositæ tutiori, ac stante pro lege. Hæc autem doctrina non militat pro qualibet opinione, utcumque, ac parum probabiliori, in conflictu alterius adhuc exercitè probabilis in favorem Præcepti, & multò minùs pro opinione minùs, aut solùm æquè probabili, concurrente oppositæ stante pro Lege, ut liquet ex dictis.

XXII. Collige quartò, quomodo respondendum sit illi, quæsito, an scilicet, Confessarius possit absolvere Pœnitentem, qui juxta opinionem, quam cognoscit comparative minùs probabilem, faventem libertati, existimat aliquam actionem non esse mortaliter peccaminosam, puta inire aliquem contractum, quem ipse Confessarius doctus, ac prudens, juxta probabiliorē Sententiam oppositam, quam sustinet, ac stantem pro lege, judicat mortaliter illicitum, & usurarium.

Respondetur enim non teneri, nec posse quemcumque Confessarium prudentem, & doctum, absolvere Pœnitentem, etiam auditâ ipsius Confessione, juxta

P p

illius

illius opinionem minus probabilem, illi notam ut talem, & quam ipse Confessarius juxta probabiliorem Sententiam oppositam, quam sustinet, judicat de facto minus probabilem, imo falsam. Non adduco Authores in favorem hujus responsionis, quia penè innumeros habet, utpote orta ex illa, quæ asserit, non esse licitum sequi opinionem minus probabilem, & faventem libertati, in conflictu suæ contradictoriæ probabilioris, stantis pro Lege. Unde recolenda sunt, quæ docui per totum §. secundum.

Pro intelligentia responsionis.

Notandum primò, signanter me dixisse *quemcumque Confessarium* non teneri, nec posse &c. ad innuendum cum aliquibus ex Thomistis, frustra insudare quosdam Doctores, distinguentes inter Confessarium proprium, & non proprium, seu inter Ordinarium, & Delegatum, & affirmantes de primo, negantes verò de secundo. Frustra, inquam: Siquidem inter unum, & alium nulla datur differentia, seu disparitas quoad absolutionem justè impendendam, aut denegandam, sed solum quantum ad obligationem audiendi, vel non Pœnitentium Confessiones.

Notandum secundò, sermonem fieri de Confessario docto, & prudente. Nam si Pœnitens esset Confessario doctior, & prudentior, & ipsi ostenderet motiva, & rationes suæ opinionis, quam ipse Confessarius minus probabilem existimat, esse fortiores, ac validiores, & eas ut verè tales Confessarius perciperet, posset, & deberet hic opinionem suam relinquere, & alteri adherere, cum sibi veri-similior, ac probabilior appareret, adeoque secundum eam [quæ tunc sua esset] absolvere

Pœ-

Pœnitentem. Ita sentiunt Mercurus 3.p.4. 29. Vuigandti. *tract.* 2. *exam.* 3. *nn.* 30. ac 31. & sentire debent omnes DD. etiam Probabilioristæ, in sensu a nobis explanato.

Notandum tertio, responsionem datam currere, *etiam audita Pœnitentis Confessione*, ad excludendam quorundam opinionem dicentium, quod etsi ante inceptam Confessionem possit Confessarius Delegatus non audire, & per consequens non absolvere Pœnitentem, minus probabili opinioni adhærentem, nihilominus peractâ, seu inceptâ ipsius Confessione, quilibet Confessarius adstringitur ad absolutionem impendendam, propter rationem inferius adducendam. His ergo prænotatis.

Possset probari resolutio, immo remanet probata ex supradictis, in quibus dilucidatum est, nemini licere opinioni minus probabili adhærere, oppositâ probabiliori relictâ, adeoque nec posse, & a fortiori non teneri Confessarium absolvere Pœnitentem juxta illius opinionem minus probabilem contra propriam probabilitatem. Nihilominus, specialiter sic

Probatur. Confessarius est Judex, Medicus, & Doctor respectu Pœnitentis: Ergo sicuti Judex non fert sententiam juxta sensum Rei, nec Medicus pharmacum præbet infirmo secundum ejus placitum, nec Doctor consilium conformiter ad inclinationem litigantis, sed quilibet ex his, si rectè vult suo muneri satisfacere, non-nisi juxta merita causæ, ac respectivè infirmitatis exigentiam operatur; ita pariter Confessarius non debet, nec potest, juxta opinionem minus probabilem faventem libertati, & placito Pœnitentis, absolutionem conferre, se illi conformando contra propriam con-

scientiam, seu relictâ propriâ opinione, cognita ut probabiliori, & stante pro Præcepto.

Confirmatur. Judex in ferenda Sententia non potest sequi opinionem minùs probabilem, oppositâ relictâ probabiliori, ac tutiori, ut in primo Confessario probatum est. Idem diximus de Medico in curandis infirmis. Et idem asserendum est de Doctore in dandis consiliis. Tum, quia ex imprudenti, ac pravo consilio plura oriuntur detrimenta, & in eo, qui consulitur, & in his, contra quos consilium exercetur. Tum etiam, quia consulens quod minus judicat probabile, magis contra, quam pro veritate consulit; quod rectæ rationi contrarium est. Quocirca a Gallicano Clero, seu Concilio totius nationis Gallicæ, reprobata fuerunt sequentes propositiones:

Licet Consultori consilium dare secundum eam opinionem, qua ipsi minùs probabilis, minusque tata videatur.

Si quis sibi vult consuli secundum eam opinionem, qua sit faventissima, peccat, qui non secundum eam consulit.

Potest etiam ad libitum consulere, modò secundum unam, modò secundum aliam sententiam, dummodo caveat, ne incurrat levitatis notam. Si ergo Confessarius est Judex conscientie Pœnitentis, & Sacramentalis absolutio te habet ad instar actus judicialis, quo ab ipso Confessario velut a Judice, sententia pronunciatur, ut loquitur Concil. Trident. sess. 14. cap. 6. Si est Medicus spiritualis animæ, juxtâ illud D. Greg. Nazianz. [ap. Natal. ubi sup. reg. 29.) *Divina animarum medicina nos Ministri, & adiutores sumus, quicumque aliis præsidemus:* Si est Doctor ad æternæ salutis monita, & consilia fidelibus præbenda, debet omnino in his omnibus probabiliori, ac semper tu-

tutiori parti adhzrere, juxta modum superius discussum. Alioquin inferendum esset, majori cautela, studio, ac diligentia temporalia, & peritura hujus Sæculi tractanda fore, quam spiritualia, & in æternum permanfura; quo nihil absurdius a Viro Christiano dici potest.

Respondebis cum recentioribus Probabilistis, disparitatem esse inter Judicem, & Confessarium, quod Judex in foro externo, non ferens sententiam in favorem illius partis, quæ habet potiora jura, damnificat, vel saltem exponit se periculo illam damnificandi. Idem pariformiter asseritur de Medico, ac Doctore propter eandem rationem. Hoc autem non evenit, si quis in foro conscientie sequatur opinionem minùs probabilem de honestate alicujus actionis, cum nullum inde damnum sequatur, nisi ad summum materialis transgressio legis, quæ peccatum formale non est.

Sed contra. Nam hæc responsio, & disparitas, quæ a suis Authoribus tanti æstimatur, nil valet. Tum, quia si ex damno, quoddam alteri infertur esset peccatum commensurandum, sequeretur, quod ex Divinæ, ac naturalis Legis formali transgressione, nullum in Deum peccatum committeretur, cum nullum in se Deus detrimentum ex hominum sceleribus patiatur: Si enim *peccaveris* [ait Job 35. V. 6.] *quid ei nocebis?* & si *multiplicata fuerint iniquitates tuæ, quid facies contra eum?* Ex mala voluntatis dispositione, ac rerum natura, non ex damno consecuto, peccatum est ponderandum. Tum etiam, quia peccans mortaliter, quantum in eo est, de facto Deum damnificat, quia ipsum destruit, in quantum ab ipso tollit rationem ultimi finis, eumque in cre-

creatura constituit : Et eapropter si Deus foret in se destruibilis, per peccatum lethale destrueretur . Tum denique, quia, ut superius probatum fuit, eligens opinionem minus probabilem, concurrente, ac relicta probabiliori, peccat, & quidem formaliter, quia voluntariè, ac sine ulla urgente necessitate exponit se probabili, imò probabiliori periculo legem violandi, adeoque peccat formaliter Confessarius non modò absolvens Pœnitentem contra propriam opinionem probabiliozem, verùm etiam quia cooperatur damno spiritali ejusdem Pœnitentis, scilicet peccato, cum & ipse Penitens, ob eandem rationem, formaliter peccet, adhærendo minus probabili opinioni, oppositâ rejectâ, quam novit probabiliozem . Num erit a peccato inexcusabilis qui damnum temporale in bonis naturæ, vel fortunæ proximo suo infert, vel inferendi periculo voluntariè se exponit, excusabilis autem, si damnum ipsi, vel etiam sibi infert spirituale ? Præterea, num magis cavendum est periculum ne hominibus, quàm ne Deo displiceamus, ejusque Legem violemus ?

Solent Adversarii nobis obiicere, primò, quod Sacramentum Pœnitentiæ institutum est ad absolvendum, non ad condemnandum ; & idcirco a Confessario favendum Pœnitenti, ac illius favorabiliiori opinioni, etsi minus probabili, adhærendum . Secundò, quod Confessarius debet in foro Sacramentali credere Pœnitenti tam contra se, quam pro se dicenti, cum ipse sit Reus, Accusator, ac Testis, & proinde admittendam esse illius opinionem, & juxta illam absolvendum .

At hæc non urgent . Non primum : Tum quia Pœnitentiæ Sacramentum utique institutum est ad absol-

fol.

solvendum, sed tamen per modum recti iudicii, & ad ferendam sententiam, non secundum opinionem Rei; quam Judex minus probabilem, imò improbabilem, & falsam cognoscit, sed secundum propriam ipsius Indicis opinionem probabiliorē. Ultra quod, iudicium Sacramentale est ad absolvendum Reum legitime se accusantem, & rectè dispositum: Talis autem non est ille Pœnitens, qui admonitus de suo errore in sequela opinionis minus probabilis, adhuc vult eam sequi, nec acquiescit monitis Confessarii, ejusque opinioni magis probabili, cum aliàs ad hoc teneatur, tanquam Reus, qui tenetur parere justæ sententiæ a Judice prolatae. Unde, cum ille Pœnitens in hoc casu sit indispositus ad absolutionem Sacramentalem obtinendam, non potest a Confessario absolvi. Tum etiam, quia opinio Confessarii est favorabilior Pœnitenti, cum ejus saluti provideat, ipsumque a peccato, & a periculo Legem probabilius violandi tueatur; quod certè non præstat opinio minus probabilis ipsius Pœnitentis, ut pluries in antea actis perspectum dedimus.

Nec etiam urget secundum. Siquidem Confessarius debet credere Pœnitenti quantum ad ea, quæ ad illum spectant ut Pœnitens est, videlicet in quæstione facti, nimirum, an peccatum commiserit, nec-ne; an cum plena voluntatis deliberatione, vel non; an cum ista, vel illa circumstantia, & hujusmodi: Non verò quantum ad ea, quæ ad ipsum Pœnitentem, ut talem, non pertinent, idest in quæstione juris, an scilicet aliquid sit peccatum, vel non; mortale, aut veniale; an sit obstrictus restitutionis lege, vel non &c. In his enim tenetur Pœnitens credere Confessario docto, cum ad ip-

ipsum, tanquam ad Judicem, Doctorem, ac Medicum talium cognitio pertineat; alioquin frustra hic sub mortali teneretur ista omnia, & alia quamplurima scire.

XXIII. Addo, nec posse Confessarium absolvere Pœnitentem, qui de duabus opinionibus æquè probabilibus vult illam amplecti, in qua est periculum violandæ Legis, nisi sit paratus corrigi, ac tutam sui Confessarii opinionem sectari. Hoc remanet probatum ex dictis, ac præsertim in primo, ac secundo Confessario hujus §.

XXIV. Ex his infertur, quàm futilè asserant recentiores Probabilistæ, peccare mortaliter quemcumque Confessarium, nolentem absolvere Pœnitentem, in opinione minus probabili perseverantem, etiamsi talis opinio ab ipso Confessario improbabilis, & falsa cognoscatur; propter iniuriam (inquiunt) quam in re gravi facit Pœnitenti, obligando ipsum ad iterandam Confessionem apud alium Confessarium; nisi Confessio esset vel de solis venialibus, aut Pœnitenti non esset onerosum Confessionem suam alteri Sacerdoti repetere.

Futilè, inquam: Siquidem non modò non peccat in hoc eventu Confessarius absolutionem denegans, verum etiam mortaliter delinqueret si absolveret, ut solidè probatum est: Et certè ridiculum est, plus esse cavendum, ne lædatur chymericum, & inane jus hominis, quod fingitur habere in sequela opinionis minus probabilis, ejus libertati faventis, quam ne offendatur verum jus Dei, ac naturæ, in posthabenda probabiliori opinione, stante pro lege, contra id, quod ipsa lex præcipit, nempe, quod nihil fiat, in quo sit periculum eam probabilius, aut etiam tantummodo probabiliter vio-

violandi.

Insuper, ex Adversariorum principiis eos in hac materia sic falsitatis arguo: Qui probabiliter operatur, prudenter (inquiunt) ac licite operatur: Sed est opinio saltem probabilis, quod Confessarius non teneatur absolvere Pœnitentem contra propriam opinionem probabiliorē, cum ita doceant omnes Probabilioristæ (qui etiam addunt, hanc eorum opinionem esse probabiliorē, imò veram Sententiam, ut in re est, & in antecedentis manifestè liquet): Ergo Confessarius in casu adducto non absolvens Pœnitentem, prudenter, ac licite operatur; adeoque non peccat. Quid ad hoc respondere possunt? Sed adhuc

XXV. Remanet difficultas, an Confessarius possit saltem dissimulare, ac permittere, ut Pœnitens, qui habet bonā fide, & ex ignorantia invincibili secutus est aliquam opinionem, verè minus probabilem, aut etiam falsam, in posterum permaneat in ipsa, præsertim si prævideat, non profuturam admonitionem, sed Pœnitentem adhuc permansurum, sed malā fide, in propria opinione.

Dixi *bona fide*: Nam si Confessarius cognoscat, Pœnitentem mala fide, idest scienter sequi opinionem minus probabilem, cognitam ut talem, aut etiam ex errore vincibili, non potest dissimulare, ac absolutionem impendere, [ut constat ex responsione ad ultimum quæsitum,) sed tenetur illum admonere de probabiliori, aut verā sententiā eligendā, quamvis nullus tunc speretur admonitionis fructus. Et ratio est. Quia aliàs Confessarius faceret contra proprium officium, absolvendo indignum, ipsumque in via perditionis relin-

Q q

quen-

quando . Ultra quod , Pœnitens admonitus , forſan poſſet in futurum emendari .

Eodem modo ſe gerere debet Confefſarius , quando ipſe Pœnitens eſt dubius , vel habet moralem formidinem de ſua opinione . Quia cum reperiatur in mala fide , ejuſque conſcientia laſa ſit , non poteſt eum Confefſarius in tali ſtatu abſolvere , ſed admonere tenetur de vera , aut proaabiliiori Sententia , ſive de ipſa interrogetur a Pœnitente , ſive non . Et eo magis cum taciturnitatem Confefſarii poſſet Pœnitens in ſui favorem interpretari , veluti proprii erroris approbativam .

Item , non eſſet abſolvendus Pœnitens , tametſi ex admonitione Confefſarii non emendandus de ſuo errore , etiam invincibili , quando adefſet aliquod damnum , vel tertii , vel & præcipuè totius Communitatis , puta ſcandalum &c. Nam bona , vel mala fides alicujus non debet alteri præjudicium inferre , & bonum commune præferendum eſt bono privato , præſertim quando malum privatum ex propria malitia evenit , ut eſſet in præſenti . His ergo præhabitis , & præciſa mala fide , & alterius damno .

Ad difficultatem [quæ rariffimè accidere poteſt , ſi juxta qualitatem perſonæ neceſſaria adhibeatur diligentia ad inveniendam veritatem ,]

Reſpondeo , quod ſi Pœnitens , bona fide , & invincibiliter ſecutus eſt aliquam opinionem in ſe verè probabilem , eſtò minus , quam tamen ipſe probabilior , immo verior , ſeu abſolutè veram exiſtimabat , & Confefſarius cognoſcat ſe aliquem fructum ex admonitione poſſe ſperare , videlicèt , quod Pœnitens re profundius conſideratâ , & bene perpenſis motivis ab ipſo ad-

adducendis, propriam relinquet opinionem, & oppositæ sententiæ ipsius Confessarii adhærebit, tenetur proculdubio ipsum de probabiliore admonere. Ratio est: Quia aliàs Confessarius non satisfaceret Doctoris officio, quod gerit, non instruendo Pœnitentem bene dispositum ad doctrinam suscipiendam, sed ipsum in ignorantia malo relinquendo, & a virtutis via, a parte rei, aberrantem. Ita specialiter Petrucci *Lucer. mor. cap. 7. S. 1. m. 68.* & colligitur ex Mercoro, *p. 2. ad. 14. § 15.* ac supponitur a Vuigandt, *tract. 2. ex. 3. n. 32.*

Si autem Confessarius animadvertat, quod per suam admonitionem Pœnitens non variabit propriam opinionem, quam aliàs ipse Pœnitens existimat, & admonitus adhuc existimabit probabiliorem, adhuc tenetur illum admonere, nec potest eum in sua opinione relinquere, & absolutionem impendere. Et ratio est: Quia cum ignorantia eorum, quæ ad salutem animæ spectant, sit maximum malum, videtur quod Confessarius, qui in Tribunali Pœnitentiæ Medicum, & Doctorem agit, teneatur ex officio malum illud remove-
re, vel saltem ad illud removendum omnem operam navare.

Neque dicas, quod nullus speratur admonitionis, vel instructionis fructus, & aliunde Pœnitens excusatur a peccato propter bonam fidem, in qua versatur.

Etenim rogo, quis Confessarium certiores fecit, quod ex admonitione, ac instructione Pœnitentis fructus nullus sperari debeat? Quis hoc ei revelavit? Unde hoc colligit?

Respondebis, quod ex dispositione haud dubia, in qua Pœnitentem cernit.

Sed contra . Nam per instructionem , & admonitionem Confessarii non-ne fieri potest , ut hanc dispositionem deponat , & aliam induat ? Potest profectò illam deponere : Imo , quod eam deponet , sperare omnino debet Confessarius , (sicque casus redditur veluti metaphisicus) maxime si Pœnitens ille humilis sit , si a Deo gratiam devotè imploret : Nam si sit homo in sensu suo pertinaciter abundans , si Divinæ gratiæ auxilium implorare negligens , jam non est amplius in bona fide , non est inculpabiliter ignorans , proindeque sine absolutione est remittendus .

A fortiori , si Confessarius satis probabiliter cognoscat , quod Pœnitens adhærens opinioni minus probabili , quam ex errore , ac ignorantia invincibili ut probabiliorem existimat , si ab ipso Confessario admonetur de opinione verè probabiliori , adhuc tamen in sua opinione persistet , etsi magis edoctus illam ut sibi probabiliorem noverit , tunc non potest Confessarius dissimulare , ipsumque in tali dispositione relinquere , ac absolutionem concedere , sed tenetur eum de probabiliori opinione admonere , licet non emendandum , & non emendatum a Sacramento reiicere . Ratio est : Quia alias Confessarius absolveret indignum , ac indispositum ad absolutionem recipiendam . Etenim in hoc casu Pœnitens taliter adhæret , ac vult illud obiectum , ut in eo ponat ultimum finem quantum ad intrinsecam sui dispositionem . Et licet ad hoc non advertat , vel reflectat , re-vera tamen ita est , & sic illud amat , ut nullo modo ipsum ordinet , nec etiam habitualiter , ad Deum tanquam ultimum finem . Cujus evidens signum est , quod in casu , quo cognosceret esse Divinæ Legi contrarium , adhuc ,

adhuc, eodem affectu invariato, illud vellet cum gravi offensa Dei: Quod non esset, si ut ultimum finem non diligeret, sed saltem habitualiter ad Deum ordinaret. Quapropter docent Theologi, quod peccatum veniale non avertit hominem a Deo ut ultimo fine, quia Charitas tale prædominium retinet, ut homo habitualiter Deum ut ultimum finem respiciat, in quantum, scilicet, est dispositus, ut potius affectum illum detestaretur, quam Deum lethaliter offendere. Et è contra, quando quis rem aliquam taliter disordinatè diligit, ut potius quam eam odisse, grave in Deum peccatum committeret, etiam si ad illud non reflectat, dicitur esse in statu peccati mortalis; & illud, quod ex genere suo esset veniale peccatum, fit mortale ex parte agentis, in quantum modo explicato finis ultimus in ipso collocatur; ut habetur ex D. Th. 1. 2. q. 88. a. 2. & 4. in c. Hinc

Reiicienda est doctrina eorum, qui asserunt, posse Confessarium dissimulare, ac absolvere Pœnitentem, qui ex ignorantia invincibili contraxit Matrimonium nullum propter impedimentum dirimens, si ex admonitione, nulla, etiam in futurum, speretur utilitas, sed Pœnitens permanebit potius in diuturno concubinato, quam Fœminam relinquere. Siquidem tunc Pœnitens ita est affectus erga illam Fœminam, ut eam diligit tanquam ultimum finem: Quia est dispositus [tamen si hoc non cognoscat] potius graviter Deum offendere, quam ab ea elongari; adeoque est in statu peccati mortalis, & per consequens non potest Confessarius dissimulare, sed tenetur eum admonere, quamvis prævideat ipsum non emendandum; alioquin absolveret indignum, & absolutionis incapacem.

Un-

Unde Vuigandt sibi-met ipsi contrarius videtur, cum in hac parte admittat, Pœnitentem posse absolvi, licet Confessarius prævideat quod *certe* manebit in *diuturno concubinato*, ut expresse fatetur *tract. 16. exam. 5. q. 8. n. 62. in fin. resp. 3.* Negat autem posse absolvi eum, quem Confessarius prævidet non emendandum circa sequelam opinionis minus probabilis, etiamsi de probabiliiori, quam tamen hic & nunc invincibiliter ignorat, admonetur; *ed quia* (inquit,) *Confessor nequit absolvere aliquem, nisi judicet eum dignum, ac rite dispositum ad absolutionem: Sed hoc Confessor non potest judicare de homine illo, utpote de quo præsumitur, quod non velit intelligere ut bene agat: Ergo &c.* Ita loquitur *tr. 2. exam. 3. q. 10. n. 32.* Quis autem non videat, hanc solidam rationem etiam valere in præallegato casu de Matrimonio?

Tunc solum potest, ac debet Confessarius dissimulare, ac absolvere Pœnitentem, qui bona fide, ac ignorantia invincibili contraxit Matrimonium invalidum, quando prævidet, & cognoscit dispositum, quantum est ex parte sui, ad corrigendum errorem omni possibili modo, sed timetur scandalum ex separatione, vel aliud quod malum ex parte alterius Coniugis, qui forsitan nolit amplius consentire, vel permaneret in concubinato. Et ratio est: Quia Pœnitens est in bona fide, cum invincibiliter ignoret impedimentum, & solum materialiter peccet; Et insuper est bene dispositus, quia si admoneretur, totum id præstaret, quod posset ad errorem emendandum: Ergo non debet a Confessario in mala fide, aut saltem dubietate, seu perplexitate inutiliter constitui, quando scandalum prævidetur, vel ex parte al-

alterius Coniugis aliquod malum, ut dictum est.

Hinc patet falsitas illius doctrinæ, quam P. Segneri senior tradit in Opusculo illo, Italico, seu vulgari idiomate composito, cui titulus, *Il Confessore istruito*; ubi cap. 7. hæc habet: *Se v' accorgete* (Confessarium alloquitur,) *che il Penitente ammonito del suo male* [de quo supponitur habere ignorantiam, seu inadvertentiam,) *non è per adoperarvi presentemente il rimedio, che si conviene, riserbate le vostre parole ad altro tempo più comodo.*

Patet, inquam, falsitas. Nam huiusmodi Poenitens est indispositus ad absolutionem obtinendam, & est in statu peccati mortalis, ut constat ex dictis. Unde debet necessariò admoneri: Et si quidem resipuerit, absolvendus erit; Sin autem, dimittendus.

PRAXIS, & MONITA PRO COOFESSARIO.

S U M M A R I U M.

1. **E** Sacris litteris, & PP. expenduntur moderna probabilitatis, ejusque Fautorum, ac Sectatorum in populum Christianum detrimenta.

2. Sandetur Confessariis a Probabilismi doctrina, & praxi recessus.

3. Duo præ aliis ab eisdem evitanda proponuntur, videlicet, consilium præbere secundum opinionem, quam falsam ipsi existimant, ac absolvere Penitentes contra propriam probabiliorē, & veram opinionem, se illorum opinioni opposita, quam minus probabilem putant, imò falsam, conformando.

4. An Confessariorum constantia in tuenda Christiana disciplina norma, & veritate, a salutis via, & fructuosa

Sa.

Sacramentorum frequentia populos avertat : Vel potius nimia ipſorum conniventia, & laxitas in ſui muneris exercitio, effrnatam peccandi aſſuetudinem, & graviora vitia forveat.

5. *Enumerantur quadam volumina in re morali legenda.*

I. **C**uncta huc-ufque firmata, non obſcurè innuunt, Quid in praxi a Confellario tenendum. Attamen pro doctrinx complemento, non-nulla hic Divina & Patrum monita ſuperaddenda.

Caveat ergo Sacerdos ad audiendas Confelliones deputatus, ne ſibi humanarum, ac blandientium opinionum ſectatori, congruè poſſint aptari verba, per Ezechielem *cap. 13.* contra quosdam Pleudo-prophetas a Domino prolata: *Va Prophetis inſipientibus, qui ſequuntur Spiritum ſuum, & nihil vident. Quafi vulpes in deſerto, Propheta tui Iſrael erant. Non aſcendiſtis ex adverſo, nec oppoſuiſtis murum pro domo Iſrael, ut ſtareſis in pralio in die Domini. Vident vana, & divinant mendacium, dicentes: Ait Dominus: Cum Dominus non miſerit eos; & perſeveraverunt confirmare ſermonem. Numquid non viſionem caſſam vidiſtis, & divinationem mendacem locuti eſtis? Et dicitis, ait Dominus: Cum ego non ſim locutus. Propterea hac dicit Dominus Deus; Quia locuti eſtis vana, & vidiſtis mendacium, ideo ecce ego ad vos, dicit Dominus Deus: Et erit manus mea ſuper Prophetas, qui vident vana, & divinant mendacium. In conſilio populi mei non erunt, & in ſcriptura Domus Iſrael non ſcribentur; nec in terram Iſrael ingredientur; Et ſcietis, quia ego Dominus Deus. Eo quod deceperint populum meum, dicentes pax, &*
non

non est pax: Et ipse adificabat parietem, illi autem linebant eum luto absque paleis. Hi Pseudo-prophetæ sunt Pseudo-Theologi, ac laxiores conscientiarum Moderatores, (inquit Natalis, de peccatis c. 4. reg. 15.) qui parietem liniunt absque paleis, idest populum fidelem, qui Dei *adificatio est*, munire, ac a peccato tutum reddere suis opinionibus audent. Vel, *linire parietem est, peccata aliorum palpando excusare* [ut in eum Ezechielis locum notat Eminentiss. Ugo]; quia Confessarii Probabilitæ favent hominum cupiditatibus, ac sensuum illecebris, esto solo luto, & absque paleis, nempe suis, & suorum Authorum placitis, sine ullo Divinæ Scripturæ, Sanctorum Patrum, Conciliorum, Pontificum, Canonum, & solidæ rationis fulcimento. Quid igitur eveniet? *Dic ad eos, qui liniunt absque temperatura*, (subdit idem Propheta,) *quod casurus sit paries; & tunc dicetur istis temerè ædificantibus: Ubi est litura, quam liniistis? Et complebo indignationem meam in pariete, & in his, qui liniunt eum absque temperamento; dicamque vobis: Non est paries, & non sunt, qui liniunt eum.* Damnabitur populus, Probabilistarum secutus figmenta, quia non in totum excusabitur propter ignorantiam vincibilem eorum, quæ debebat, potuit, & noluit, vel saltem scire neglexit: Sed etiam æternaliter punietur Confessarius, & Casuum Doctor, qui Christi-fideles, aut Pœnitentes suos, apparentibus, & fictis Probabilissimi deceperit documentis. *Cadet peccator, qui consulitur ab hujusmodi Opinatoribus; & Liniatores, qui sunt ipsi opinantes, cum suis opiniunculis destruentur.* Ita concludit Mag. Gravina in suo Cherub. Parad. l. 4 cap. 4.

Heu tempora! *magis declinamus ad ea, quæ sunt*

R r

opi-

opinabilia, quam ad veritatem, inquit D. Clem. Alex. lib. 7. Stromatum. Et ut D. Hieron. De duobus filiis, ait: *Nugas tenemus, & fonte veritatis omisso, opinionum rivulos sectamur.* Venerabiles Sanctorum PP. & Majorum nostrorum doctrinas non pauci non sequuntur, nonnulli reiiciunt, quidam impugnant. Non defuit, qui affirmaret: *Qua circa fidem emergunt difficultates, & Veteribus haurienda; doctrina morum a recentioribus sumenda.* Haud dissimiliter è Probabilistis alter: *In materia morum majoris faciendæ sunt Juniorum opiniones, quam Veterum, majoris virventium hominum consultationes, quam defunctorum.* (Auctorum nomina reticeo, ne videar eorum confusionem potius, quam Veritatem promovere.] Ita etiam alius his verbis: *Quarunt casus temporum Doctores temporum. Bellus erit Doctor ille Criticus, si ex Augustini doctrina dissolvere possit emergentes nodos circa Simoniam, Irregularitates, Interdicta, omnesque Contractus ex Gregorii Nisseni, & Nazianzeni placitis componere.* Et conformiter ad hæc extat cujusdam dictum: *In dirimendis controversiis, circa agenda enatis, potior habetur ratio Doctorum recentiorum, qui presentium temporum, morumque conditiones perspectas habent.* Quid insipientius dici, quid horribilius audiri potest? Num SS. Patres, Spiritus Sancti organa, & Ecclesiæ Doctores morum regulas ignorarunt, aut eas nobis non tradidere? Absit: Non ita sentiunt, non ita Concilia, & Pontifices loquuntur. Ut rectam, rogiamque Divina justitia viam sine erroris offensa teneamus, Sanctorum PP. Decreta, velut inextincta quadam, semperque lucentes faces, sequenda sunt, ait Concilium Constantinopolitanum IV. can. 1. Gelasius etiam L. epist. V. ad Honorium Dalmatiæ Episcopum. *Ubi est,*
in-

inquit, quod scriptum est: "Terminos Patrum tuorum non transgredieris: & Interroga Patres tuos, & annuntiabunt tibi; & seniores tuos, & dicent tibi? Quid ergo tendimus ultra definita majorum, aut cur nobis non sufficit, si quid ignorantes discere cupiamus, qualiter ab Orthodoxis PP. & Senioribus singula quaque, vel VI-
TANDA praecepta sunt, vel aptanda Catholica veritati; cur non his probantur esse decreta? Numquid, aut sapientiores illis sumus, aut poterimus firma stabilitate consistere; si ea, quae ab illis constituta sunt, subruamus? Num hodie, temporum varietate, Lex æterna, & natura immutata est, ut id quod antea peccatum erat, peccatum amplius non sit, & vitium in virtutem, virtusque in vitium transformata, ut jam Conscientiarum Directores esse nequaent Sancti Patres, ac affirmari valeat, *Doctrina morum a Recentioribus sumenda*, & *quarunt casus temporum*, *Doctores temporum*? Numquid per ferè sexdecim Ecclesiæ Sæcula Simonia absque remedio fuit, Irregularitas incognita, & Contractus absque directione? Numquid apud Græcos, & Latinos Patres Indica vox *Interdictum*? Legatur Margarita Decreti, *V. Irregularitas*, & clarissimè innotescet, quam abundè de Irregularitate scripserint antiqui Patres. Legatur Decretum Gratiani 1. q. 1. nec-non 14. q. 3. 4. 5. 6. & alibi, an ex Patribus haberi possint dubiorum solutiones circa Simoniam, Usuram, Contractus, & hujusmodi. Legantur D. Thomas, D. Bonaventura, D. Antoninus, alique multi; & notum fiet, an ex SS. PP. prædicta omnia, & alia plura docuerint, quin ad recentiorum Cusvistarum opus sit recurrere documenta, saltem quantum ad principia proximè regulativa omnium Casuum, qui in præfatis

materiis accidere possunt. Humiliter ergo colat ex Modernis unusquisque, tanquam discipulus, Magistrorum Patrum auctoritates his Ugonis Victorini sensibus: *Quis sum ego, ut effundam Spiritum coram Patribus meis, & Senioribus Israel? Docere Magistros, arguere Seniores, imperare Majoribus superbi spiritus est, & de se ipso præsumentis*. Lib. 1. 3. Misc. cap. 2. Quamobrem idem Ugo lib. 2. Did. cap. 14. hæc habet: *Hoc tumoris vitium hinc quibusdam accidit, quod ut cum sibi aliquid esse visi fuerint, alios, quos non noverunt, tales nec esse, nec potuisse fieri putant. Hinc etiam ebullit, quod Nugigeruli nunc quidam, nescio unde gloriantes, Priores Patres simplicitatis arguunt, & secum natam, secum morituram sapientiam credunt*.

Hinc meritò a plerisque Gallicanis Episcopis, & Accademiis, Parisiensi præsertim, & Lovaniensi reprobatae fuerunt infra-scriptæ propositiones.

Doctrina Fidei a Veteribus, doctrina morum magis a Junioribus petenda.

Puto, omnia esse hodie melius examinata; & hanc ob rem in omni materia, & præcipuè in morali, Juniores quam Antiquiores lego, & sequor.

Non ergo opinio improbanda, eò quod ab Antiquioribus non fuerit tradita.

De Sententia DD. antiquorum verum sciri non poterit, nisi ipse Thomas, aut Augustinus, aut alii exciterentur a mortuis. Præstat igitur adire vivos, quam recurrere ad mortuos, qui nequeunt mentem suam explicare.

Hac obiectio, Opinio nova videtur, Doctrinam urgere nequit: Nam tota moralis Theologia nova est.

Liceat ex solo rationis lumine dijudicare, quando quis privatus possit pro tuenda vita, vel bonis, vel honore, aliquem

quem occidere . Apud Natal. ubi sup. reg. 18.

II. Tu igitur, o Sacerdos, cum tot inspexeris Casuum Liberculos, & Probabilitaturn Volumina, *non sequeris* hujusmodi Scriptorum turbam ad faciendum malum, nec in judicio Sacramentalis Pœnitentix plurimorum acquiesces sententia, ut a vero devies . Exod. 23. 2. *Cum videris multos non solum hac facere, [nempe quam-plura crimina ab Augustino commemorata lib. de cath. rud. c. 3.] sed etiam defendere, atque suadere, tene te ad Legem Dei, & non sequaris pravaricatores ejus: Non enim secundum illorum sensum, sed secundum illius veritatem judicaberis .* Recentiorum inventa sensus libertati consentanea, & Pontificum, Conciliorum, Patrumque documentis adversantia torvis oculis intueri, ac intimis præcordiis infectare . Mentis tua non excidat, quod scripsit Sixtus III. Epist. 2. *Nihil ultra liceat novitati, quia nihil adiaci convenit vetustati .* Et Celest. 1. Epist. 1. cap. 1. *Definat infestare novitas vetustatem .* Tibi consonet ad tantæ novitatis attingendam originem, quod in Epitom. Canon. Prælim. ad Lect. habet Eminentiss. Card. Brancatus his verbis: *Cogitanti mihi, seriòque indaganti [candide Lector] unde-nam, haud multis ab hinc annis, tanta circa morales doctrinas, nec-non & judicia, in Christianum Orbem irrepperis laxitas, effransque in privato quolibet opinandi, & ad utrumque saltitandi libido, fœliciter occurrit, id inde sumpsisse exordium, quod Spiritus-Sancti Eccli. 8. contempto Magisterio, narrationes Patrum nostrorum prætereuntes, propria innixi prudentia, nostris nimium indulgeamus affectibus, nec amplius ad amissim lapidem, juxta Philosophi præceptum, sed ad lapidem amissim aptare contendamus: Non, inquam, Legi voluntatem subicimus, sed Legem ipsam*

jam ad voluntatem trahere non formidamus. Eoque proinde res pervenit, ut in permultis, (ne omnia, ut par esset complectar,) quid loquendum, quidve fugiendum, obgarrulitatem opinantium, penitus ignoretur; talique insuper probabilitatis involucrio cohonestentur singula, ut nullum jam supersit agibile, in cujus gratiam bivium protinus non sit paratum certissimum; & qua perpetuò huc-usque pugnancia predicata fuere contradictoria, concordi connubio, veri, honestique paritate, Opinatorum beneficio gaudeant coivisse. Dolui quidem, & ingemui, nec dolere desinam, donec medeatur ex alto visitans Dominus. Et post pauca, subdit: Novas vitando Doctrinas, hæreses vitabis: ista enim, ut legitima soboles novitatum, parentes perenniter eas agnovere.

Ad justam Divinæ ultionis iram, in Christianum populum hanc puto evenire calamitatem, ut de non paucis Doctoribus, & Confessariis dici possit: *Propheta tui viderunt tibi falsa, & stulta, nec aperiebant iniquitatem tuam, ut te ad Pœnitentiam provocarent. Viderunt autem tibi assumptiones falsas, & ejjectiones.* Thren. 2. 14. Olim dictum fuit, *Quis decipiet Achab?* 3. Reg. 22. V. 20. & spiritus nequam respondit: *Ego decipiam illum; & ero Spiritus mendax in ore omnium Prophetarum ejus.* Ib. V. 22. Ita & nunc in Ecclesia ad impiorum punitionem permittit Deus, ut sit *sicut populus, sic Sacerdos.* Osee 4. 9. Ad suarum tutelam cupiditatum, ex Fidelibus permulti quæruni laxæ Doctrinæ Confessarios; *Loquimini nobis placentia* (inquiunt cum eis, quos redarguit Isaias cap. 50. V. 10.) *videte nobis errores, idest finite nos errare, ut explicat ibi Eminentiss. Ugo.* At quam abundè in suam exaudiuntur perditionem! *Propheta profeta-*

sabant mendacium, & Sacerdotes applaudebant manibus suis; & populus meus dilexit talia. Jer. 5. 31. Hoc totum de deplorabili animarum pernicie verificatur ex nimia Confessariorum conniventium, & crimina palpantium, opinandi libertate.

III. Duo præ aliis monstruosa, omnibusque Confessariis detestanda sunt quorundam Probabilitatum placita. Primum est: *Consultum aliquem, aliqua de re, posse respondere secundum opinionem probabilem, quam ipse falsam judicat.* Verum

Ne tam contraria recta rationi via perdat animas, (ita monet Confessarios suæ Diœcesis Illustriſs. Archiepiscopus Rhotomagensis in Epist. Pastoralis anno 1697. editâ) *attentius, quaſo, cogitate consuli vos tanquam sinceros, & veraces Magistros, qui debent docere viam Dei in veritate; consulentibus nihil aliud respondere vos oportere, quam quod præceperit Deus, (ex num. 22. 20.) repositurum hunc a vobis in die furoris sui rationem animarum, quas, falsarum opinionum blandimentis veluti sopitas, in errorem induxeritis; denique non posse indignius a vobis violari ministerium, munusque sanctissimum, quod geritis, quam serviliter blandiendo cupiditatibus hominum carnalium &c.* Quis hanc non horreat doctrinam, posse, videlicet, Sacerdotem suo Pœnitenti id consulere, quod potius credit falsum, & a Lege devium, quam verum, & Legi conforme, potius eum ad Tartara, quam ad Cœlos ducere, ne ipsi aliquam temporalem corporis molestiam inferat, vera, & tuta ipsi suadendo, ad eaque, tametsi sensualitati adversa, obligando?

Alterum assertum est, absolvendum esse Pœnitentem juxta illius opinionem, quorundam Doctorem aucto-

thoritate fulcitam, quam tamen Confessarius falsam existimat. Sed

Ne a vobis temerè concedatur tam irrita, & falsa pax, perniciofa dantibus, & accipientibus nihil profutura (ex D. Cypr. subdit idem præstantissimus Præsul): Memineritis vos in Tribunali Confessionis gerere vices ipsius Christi, atque adeò neminem a vobis solvendum, nisi quem solum ab eo in cælis arbitrari fas est..... Falsis hisce regulis constanter a vobis opponatur illud insigne Summi Pontificis Felicis III. effatum, quod in regimine animarum vestris oculis semper observari præseus cupimus:" Quod se decipit, qui fallit, nihilque per nostram facilitatem tribunalis excelsi judicio derogari, cui illa sunt rata, quæ pia, quæ vera, quæ justa sunt.

Optimè quoque D. Bonaventura (ap. Genettum *to. 4. tr. 7. c. 10. q. 5. erga finem*) ita exclamat: *O inauditum philosophandi genus! Judex sententiam ferre debet ad arbitrium Rei, & Reus Judicis judicio obtemperare non tenetur.* Quid possunt ad hæc obicere Probabilistæ?

IV. Hoc forsàn, quod ni Confessarii studeant Pœnitentibus indulgere, & juxtà benignas Modernorum opiniones eorum conscientias dirigere, ac absolutionem impendere, Templorum, & Pœnitentiæ Tribunalium frequentiam omittendam, ac solis Pauperibus, non autem divitibus Sacramenta ministranda. Igitur aut Confessarii officium esse dimittendum, aut probabilitatis doctrinam in praxim deducendam.

At hisce pusillorum terriculamentis minimè moveatur intrepidus Christi Minister. Siquidem falsum est, sanioris doctrinæ regulis in hoc Scrutinio traditis, & Evangelicæ disciplinæ conformibus, Chistifideles, pro-

proprie salutis sollicitos, a Sacramentis elongandos. Quinimò experientia demonstrat, quamplurimos etiam ex Nobilibus utriusque Sexus, etiam ex Magnatibus, ex Principibus, viam salutis ingredi, & maximæ perfectionis iter arripere, non sine aliorum imitatione, ex quo fidum, pium, ac doctum, sibi de Cælo datum, conscientiæ moderatorem invenere, tuta, & vera, non probabilia, & laxa suadentem, & qui homines, in vitiis penè demersos, ad Legis observantiam, ad virtutem excitaret, erigeret, traheret, veluti compelleret. Et num antequam nova erumperet Probabilitatum falsa, & fallens benignitas, solitaria jacebant, ac araneorum telis circumquaque obducta, Sacramentalis Pœnitentiæ Tribunalia? Num vacua Pœnitentibus, Christi que adoratoribus Tempia? Imo quia tunc a Concionatoribus, & Confessariis terror impiorum cordibus incutiebatur, non molliens pruritus excitabatur, idcirco uberrimus divini verbi, & Sacramentorum fructus apparebat in conversione Peccatorum, odii extinctione, vanitatum contemptu, iniuste ablatorum restitutione, ac rigorosissimæ sensuum mortificationis exercitio. Et hoc ideo, quia *lex Domini immaculata* (non probabilitas, non Confessariorum conniventia, dicam blandimenta,) *convertens animas*. (Ps. 18. 8.) E contra, hoc tempore, tantâ Sacramentorum frequentia, nullam experimur in populis a vitiis emendationem, nullam a detestabili promiscui sexus conversatione fugam, nullam in educanda prole curam, nullam a carnalium voluptatum cœno depurationem. Qui in sordibus est, fordescit adhuc; qui furabatur, etiam rapit; augentur pompæ usque ad excessum; non solvuntur debita; fastus crescit; minuuntur

tur eleemosinæ; Scandalosa Fœminarum immodestia in pectoris, uberum, & brachiorum nuditate, è cœlo fulmina trahit: Dei Tempia, vestium luxu, oculorum petulantia, cachinnis, & nugis, omnique dissolutionis genere impunè profanantur; Juvenes, ac Puellæ, ad plures annos, carnales amores protrahunt, in eisque computrescunt &c.

Quid ergo agitis, o Sacramentorum Ministri? Itane dormitis, ne vel tantisper inspiciatis tot malorum colluviem, Fidelium animas turpiter fœdantem? *Quid enim Ecclesiam Domini hodie perdit, nisi Confessorum, & Pastorum blandiens adulatio, delinicens, demulcensque assensatio?* Ita vos terret D. Thomas de Villanova. (in ferm. fer. 6. post Dom. 4. Quadrag.] At væ vobis, si de illorum numero estis, de quibus Purpuratus Bellarminus [conc. 8. §. 2.] scribit, his verbis: *Illi se Ministros, & Dispensatores non agnoscunt, qui quasi non essent Domino rationem reddituri, summa facilitate omnibus manus imponunt, & tam contritos, quam non contritos absolvunt; isti sua imperitia, & superbia corrumpunt populos, & eis vera penitentia viam præcludunt; nec enim esset hodie tanta facilitas peccandi, si non esset tanta facilitas absolvendi. Sed væ vobis, cum Dominus rationem ponet cum Servis suis! Illi, ambitione, vel pecuniarum cupiditate, vel utraque stimulante, Viris divitibus, & nobilibus, nec solum Viris, sed etiam Fœminis, (quod nefas est, & horrendum) turpiter adulantur. . . . Pudet profectò hac referre; Sed quid agemus, cum multos non pudeat ista facere, & se ipsos, & eos, quibus serviunt, in gehennam perducere?*

Sacerdos igitur ad excipiendas Confessiones deputatus, compescat peccata, non blandiatur peccantibus:

Quæ

Qui enim vitiis nutriendis parcit, ne contristet peccantium voluntatem, tam non est misericors, quam qui non vult cultrum rupere puero, ne audiat plorantem, & non times, ne vulneratum doleat, vel extinctum. Aug. ad Lothar. relat. 23. q. 5. can. *Qui vitiis.* Talis ex Probabilistis quilibet, opiniones demulcentes, contra rationis dictamen; Deique præcepta, inimicâ benignitate suscipiens, & ad praxim deducens, ut meritò inter eos cooptari debeat, contra quos acriter invehit Isaias, dicens: *Curabant contritionem filia populi mei cum ignominia, dicentes: pax, & non erat pax.* Cap. 6. 14. Procul a nobis hæc nota; sed imperterritâ animi fortitudine, aperlantur peccantium vulnera, & secuntur, non liniuntur; *Vociferetur, & clames licet, & conqueratur ager impatiens per dolorem; gratias aget postmodum, cum senserit sanitatem: Emergit enim novum genus cladis, & quasi parum persecutionis procella sævierit, accessit ad cumulum, sub scientia titulo, malum fallens, & blanda perniciēs (nempe moderna probabilitas) contra Evangelii vigorem, contra Domini, ac Dei Legem, temeritate quorundam, laxatur incautis communicatio Non concedit pacem facilitas ista, sed tollit. Nec communicationem tribuit, sed impedit ad salutem.* D. Cypr. lib. de lapsis.

V. Ut autem Confessarius sanam valeat in moralibus suscipere Theologicam doctrinam ad sui aliorumque profectum, summopere juvat, imò necessarius omnino est optimorum in tali materia Voluminum delectus. Multis Casuistarum Libris Orbis universus exuberat: At utinam eorum plurimi nunquam prodiissent in lucem! Ut veras, & inconcussas decantant ipsorum Authores, quas edunt Resolutiones, & Asserta (futilibus aliàs, &

apparentibus tantum ratiunculis innixa] ; & tamen falsa sunt, etsi fraudolenter Lectorum imperitiorum animos decipiant . Eapropter optimum duxi quorundam insignium Scriptorum opera in morali facultate indicare , ut ea, vel saltem eorum aliqua possint Confessarii sibi comparare ad suum munus dignè, ac salubriter exercendum .

SYNTAXIS AUTHORUM.

PRæ primis laudandæ sunt *Prima Secunda*, & *Secunda Secunda* Summæ Theologicæ Communis Doctoris D. Thomæ Aquinatis, quæ de primariis moralitatis principiis, de Vitiis, & Virtutibus omnibus, de Jure, ac Justitia, de Legibus, de Statibus, aliisque plurimis in universali, & in particulari eximie tractant . Item ejusdem Summæ *Tertia pars cum supplemento*, ubi Angelicus Præceptor clarissimè promit de Sacramentis Doctrinam .

DOMINICUS SOTO Ordinis Prædicatorum, Vir eruditionis sublimis, in Salmanticensi Accademia primarius Professor, Caroli V. Imperatoris quondam a Sacris Confessionibus in *quartum librum Sententiarum* præclarissima edidit Commentaria duobus Tomis comprehensa, Sacramentorum materiam abundè pertractantia ; nec-non libros decem de *Justitia*, & *Jure*, in quibus solidè complexus est, quidquid non-nulli alii postea in hac materia scripsere . Hic Doctor in Tridentina Synodo contra Hæreticos ita publicis disputationibus invaluit, ut a Patribus ejusdem Concilii illustri hoc Stemmata insignitus fuerit, videlicet, Flammâ ex duobus complexis manibus egrediente cum hac Epigraphe : FIDES, QUÆ PER CHARITATEM OPERATUR .

MAR-

MARTINUS VUIGANDT Ord. Præd. in Vienneſi Univerſitate Doct̃or, integrum Opus morale compoſuit, cui titulus : TRIBUNAL CONFESSARIO-
RUM, brevi Stylo cunctos moraliſ Theologiæ Tractatus exponens . In ſecunda editione Veneta Typis Pezzanæ ſuis locis appoſitis, quæ Author in prima, Appendicis ſubſidio, immutaverat, vel addiderat .

ALBERTUS DE ALBERTIS Societatis Jeſu, quoddam evulgavit Volumen inſcriptum : *Paradoxa moralia de Ornatu Mulierum* : In quo de immoderato Fœminarum ornatu in genere, ac de pectoris nuditate in ſpecie, de proxima occaſione peccandi, de Scandalo &c. luculenter, ac validis diſſerit argumentis . Opus verè aureum, & omni laude dignum .

FRANCISCUS GHETIUS Ord. Præd. S. Theol. Mag. ex Operibus Angelici Doct̃oris alphabeticè collegit, & præclariffimis Commentariis illuſtravit omnes Theologiæ moraliſ Tractatus, in quatuor Tomos diſtributos hoc titulo : *Theſaurus anima* .

SYLVESTER DE PRIERIO Ord. Præd. Sacri Palatii Apoſtolici Magiſter, (primus, qui contra Lutherum ſcripſit,) Summam Theologiæ moraliſ compoſuit duobus Tomis diſtributam, quæ propter Juris Canonici peritiam, & eruditionis affluentiam, meritò *Summa Summarum* nuncupata eſt .

NATALIS ALEXANDRE Ord. Præd. Pariſienſis Facultatis Doct̃or, Theologiam Dogmaticam, & Moralem edidit : Opus Clericis, Theologiſ, Parochiſ, & Confefſariis, quinimò & Concionatoribus perutile .

FRANCISCUS GENETTUS Epicoſopus Viſionenſis, ſeptem Tomis, præcipuas totius materiæ moraliſ dif-

difficultates clarâ Methodo exposuit, easque variis Sanctorum Patrum doctrinis, Pontificum, Conciliorum etiam Provincialium, ac Synodorum Italix Decretis illustravit.

JOANNES BAPTISTA GONET Ord. Præd. in Academia Burdigalensi Antecessor, totam Theologiam in suo magno *Clypeo* Thomistico, (& compendiosè in *Manuali*) nitidè, ac nervosè agitatum collegit. Ubi in re morali nedum abundè agit de Sacramentis, verùm etiam de principiis moralitatis, de Præceptis, de Peccatis, de Virtutibus &c. itaut in his nil ampliùs desiderandum videatur, saltem quò ad principalia.

THYRSUS GONZALEZ Soc. Jesu Præpositus Generalis, Volumen egregium luci donavit, De recto usu opinionis probabilis.

JOANNES BAPTISTA MAYOL Ord. Præd. præclarus Theologus, scripsit de Præceptis Decalogi, necnon libros de Just. & Jur. in quibus præcipuas morum materias solidissimè pertractat.

PETRUS DE SOTO Ord. Præd. de quo Joannes de la Cruz in præf. Direct. ita effatur: *F. Petrus Soto Vir acutissimo ingenio, & vite sanctitate conspicuus, postquam relicta Curia Caroli V. Caesaris, cui a Sacris Confessionibus per aliquot annos fuerat, ad humilem Patrum suorum vitam reversus, Hæreticorum furentium impetus in Anglia, & Germania prælectionibus, disputationibus validissimè fregisset, eorumque Antesignanos in mendacio exultantes Dilinga in Germania, & in Anglia Oxomensis Academia repressisset, multosque reddidisset, Sacram Divi Thomæ Theologiam cum uberrimo Catholicorum fructu publicè ibidem interpretatus, tandem ad OEcumenicum Concilium*
Tri-

*Tridentinum a Pio IV. missus, in publica Patrum Congregatione Doctores hareticos a Duce Urvittembergensi ad Concilium missis (quorum precipuus Hæresiarca ille Brentius] ita gloriose confutavit, ut non solum consulendo, verum etiam sententiam ferendo, summa illius Sanctissimi Confessus approbatione, admiratione, & acclamatione, omnium consensu, Theologorum [sui temporis) Princeps judicatus sit &c. Hic ergo præstantissimus Doctor, inter alia ingenii sui monumenta, Tractatum nobis reliquit De institutione Sacerdotum, qui sub Episcopis animarum curam gerunt, ab omnibus Confassariis, aliisque personis Ecclesiasticis summopere æstimandum. Qui quam præclarus sit, coniecere quisque potest ex verbis Eminentissimi Card. Othonis Episcopi Augustani, suæ Diocesis Capitulis, Decanis, Plebanis, Curatis &c. encyclicè sic scribentis: *Damus igitur vobis doctissimi, simul & pientissimi, & nunquam satis laudati hujus Viri, de Institutione Sacerdotum librum, omnibus, qui curam animarum suscipiunt non solum utilem, sed etiam necessarium..... Ideoque Professoribus Schola nostra, (scilicet Clericorum] inungimus, ut hunc librum Discipulis perpetuo quodam ordine a principio usque ad finem legant, & finitum rursus legere incipiant, atque hujusmodi lectionem ad eundem modum singulis annis continuent.... Ita enim a nobis certò constitutum est, & Examinatoribus mandatum, ut non alios ad Sacros Ordines suscipiendos admittant, quam quos prædicto modo instructos esse deprehenderint.**

JULIUS MERCORI Ord. Præd. Sancti Officii Mantuz Inquisitor Generalis, *Basim Theologia moralis* fundavit, ita firmam, & solidam, ut super eam fabricaverint ferè omnes alii, qui circa opinionum delectum auda-

biliter postea insudarunt .

PETRUS MARTYR PETRUCCI Ord. Præd. *Lancernam* *moralem* accendit , ut omnibus exquirentibus Veritatem generalia totius moralis doctrinæ præcepta dilucidè patefaceret .

CHRISTOPHORUS A S. JOSEPH Ord. Carmelit. Discalceat. Procurator Generalis in Curia Romana pro Congregatione Hispaniarum , eximium Opus *de regulis morum* Typis dedit , videlicet de prima , & secunda regula morali , de conscientia recta , erronea , & probabili .

In percurrendis præfatis Voluminibus facillimè Lector dignoscet , quænam alia inquirenda sint , ac perutiliter evolvenda .

FINIS .



ERRATA

CORRIGE

Pag. 7.	lin. 15.	probationum	probativum
8.	15.	opinionem	opinione
9.	22.	conscientia erronea	conscientia erronea
10.	5.	tibi	sibi
11.	19.	<i>excusetur</i>	<i>excusatur</i>
12.	21.	avertenda	advertenda
13.	15.	periculo exponere	periculo se exponere
17.	2.	Tutistæ	Juristæ
20.	10.	remanet	remaneat
ibid.	19.	adimpletionem	adimplentionem
21.	17.	reprobanda	reprobata
36.	4.	<i>quin</i>	<i>quia</i>
38.	9.	abortuæ	obortuæ
41.	28.	Canlus	Camus
50.	17.		VIII.
62.	5.	quilibrium	æquilibrium
ibid.	25.	sit	fit
69.	1.	moventur	movetur
73.	3.	<i>licitum in</i>	<i>licitum pingere in</i>
ibid.	4.	formaliter	formaliter
74.	17.	licitate	licititate
83.	8.	Apostolicam	Apostolicam
95.	18.	probabiles.	probabile
103.	22.	frustra	frustra
104.	6.	Probabilistarum	Probabilioristarum
107.	22.	sedecim	sexdecim
123.	26.	frustraretur	frustraretur
125.	11.	esse	esset
ibid.	24.	ostendi	ostendit
128.	31.	licitate	licititate
133.	6.	potuisset	potuisset
136.	7.	propriissima	propriissima
140.	4.	Adversarios	Adversarios
148.	18.	peccat	peccet
160.	20.	pro pro	pro
175.	8.	peralogisticè	paralogisticè

ERRATA

CORRIGE

187.	18.	indicando	judicando
189.	25.	gloriosorem	gloriosiorem
194.	1.	firmativam	affirmativam
195.	1.	tibi	sibi
208.	4.	affectum	effectum
ibid.	25.	alterutram	alterutrum
212.	11.	fundamento	fundamento
213.	21.	quo Doctor	quo modo Doctor
214.	17.	Corradum, Summenhart	Corradum Summenhart
217.	3.	operandi?	operandi.
220.	12.	Ut, inquam, Peguleus respondeat, ita scribit.	Ut, inquam, Peguleus respondeat, ita scribit.
ibid.	31.	probabit	probavit
221.	19.	volens	nolens
225.	22.	exclusionem	exclusionem
237.	23.	plaudat	plaudat
239.	12.	sic antiquus	sic antiquus
248.	5.	obligat	obligabat
ibid.	30.	adstringatur ad	adstringatur, ad
254.	9.	Ad textum	Ad tertium
255.	27.	transgressionis	transgressionis
ibid.	29.	impleverit omnes	impleverit, omnes
256.	23.	esse non motivum	esse motivum
259.	6.	proximu	proximus
263.	5.	dominium	dominum
ibid.	6.	dominium	dominum
265.	16.	conducitur	conducatur
271.	15.	Ledesma	Ledesma
273.	25.	quorum	quoniam
275.	29.	probabilitatem	probabilitatem
280.	1.	privatur	privetur
282.	15.	Pœnitentiæ, non	Pœnitentiæ,] non
288.	7.	æquilibrio	æquilibrio
291.	6.	Nihilominus	Nihilominus

ERRATA

CORRIGE

292.	1.	Sed no	Sed non
294.	23.	minus, sua	minus sua
311.	15.	COOFESSARIO	CONFESSARIO
312.	2.	<i>laxiear</i>	<i>laxitas</i>
315.	15.	nequaent	nequeant
325.	18.	Thologiæ	Theologiæ
326.	23.	postquamurelista	postquam relista
327.	11.	Confossariis	Confessariis


TYPOGRAPHUS LECTORI :

EO infœlix videtur esse Typographorum industria, ut opus quantolibet studio elaboratum, a mendis tamen prorsus immune publica luce donare non possint; Idque potissimum fieri solet, cum ex Amanuensis incuria vitiatum exemplar, inscio Authore, imprimendum suscipiunt. Quæ quidem omnia cum mihi contigerint, ubi in hoc a me edito Opere errores irrepsisse non paucos inveneris, hoc potius meo malo fato, quam negligentia attribuas, etiam atque etiam rogo.

1. The first part of the book is devoted to a general survey of the history of the subject.	1
2. The second part is devoted to a detailed examination of the various theories of the subject.	10
3. The third part is devoted to a critical examination of the various theories of the subject.	20
4. The fourth part is devoted to a critical examination of the various theories of the subject.	30
5. The fifth part is devoted to a critical examination of the various theories of the subject.	40
6. The sixth part is devoted to a critical examination of the various theories of the subject.	50
7. The seventh part is devoted to a critical examination of the various theories of the subject.	60
8. The eighth part is devoted to a critical examination of the various theories of the subject.	70
9. The ninth part is devoted to a critical examination of the various theories of the subject.	80
10. The tenth part is devoted to a critical examination of the various theories of the subject.	90

THE HISTORY OF THE SUBJECT

The first part of the book is devoted to a general survey of the history of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The second part of the book is devoted to a detailed examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The third part of the book is devoted to a critical examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The fourth part of the book is devoted to a critical examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The fifth part of the book is devoted to a critical examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The sixth part of the book is devoted to a critical examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The seventh part of the book is devoted to a critical examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The eighth part of the book is devoted to a critical examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The ninth part of the book is devoted to a critical examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order. The tenth part of the book is devoted to a critical examination of the various theories of the subject. It begins with a brief history of the subject from its earliest origins to the present day. It then proceeds to a more detailed examination of the various theories of the subject, which are presented in a chronological order.



1



005677468

Digitized by Google

